

~~Doppio~~

~~14. 15. D. 15~~

Girolamo (P.) da Firenze. Conto

8-19-1575
e-19.



54112
C. J
S. D D
O. 6
N. 21.



8-49-e-19

HOMO DVBIVS
SIVE
DE BAPTISMO
ABORTIVORVM.

8-49-c-17



8-49-3-17

R. P. HIERONYMI
FLORENTINII
LVCENSIS,
CONGREGATIONIS MATRIS DEI,
CLERICI REGVLARIS
DE HOMINIBVS DVBIIS
BAPTIZANDIS.
PIA PROTHESIS.

Olim sub Lugdunensi prælo anno 1658. edita; à nullo prius
asserta, vnica tunc disputatione, nunc tribus
superadditis consistens.

Quarum tertia argumento desumpto à noua constitutione
ALEXANDRI Papæ VII. de Immaculata Deiparæ Concep-
tione S. INDICIS Congregatione mandante, ab ipso Authore
correcta, & nonnullis insignium Academicarum censuris, necnon
pluribus Doctissimorum virorum laudibus exornata.

Pærochis, Medicis, omnibusque in praxi utilis & necessaria
PROPONITVR.



LVGDVNI.
Ex Officina **ANISSONIANA.**

M. D. C. LXXV.

1871-1872

1873-1874

1875-1876

1877-1878

1879-1880

1881-1882

11



CHRISTINÆ ALEXANDRÆ

SVECORVM REGINÆ

Sapientissimæ , Religiosissimæ , Augustæ, & apud Apostolicam sedem gloriosissimæ.

Hieronimus Florentinius
Congregationis Matris Dei
Cler. Regul.

H. D. O.



CONSPIRANT adeo foelici augurio , quæ me mouent , vt Regio Majestatis tuæ Patrocinio , hunc meum de Baptismo Abortiuorum Librum commendem , vt non solum me sponte volentem, sed propensum, sed avidû sed ambitiosum & præcupidum faciant. Etenim nemo melius *pusillum* hunc Abortiuorum *gregem*, cui complacuit *Diuino Patri dare Cælorum Regnum* per Batpisma

Baptisma sub conditione collatum , suscipere potest
protegendum,quam piissima tua Majestas,quæ ter-
renis Sceptro,& Corona neglectis,maluit inter Ca-
tholicos,maximo totius Reipublicæ Christianæ exē-
plo recenferi,quam in naturales subditos Regiam
potestatem exercere,& in terris regnare.

Magnus ille Alexander , cum plurimos orbes,
præter hunc quem sibi , nec iam totum subjugaue-
rat, inveniri audiuiſſet, doluit & lachrymatus est.
Ego vero tuæ regię Majestati gratulor , dum no-
vum animarum orbem in abortivis, huc vsque de-
litescentem , sed iam detectum, & facili cura guber-
nandum deſſendendumque offero : quæ forte fuit
cauſa , cur San. Mem. Alexander Papa VII. dum te
ſacro Chriſmate confirmaret, Alexandræ nomen,
& omnen, Chriſtinæ nomini addiderit , ſanè præ-
ſcius , quod aliquando veteris illius Alexandri vo-
ta eſſes pro orbe Chriſtiano ſœlicius conſequutura.


Accipe igitur , & ſereno vultu hoc opus intueri,
quod Regiæ tuæ gloriſſimæ Majestati venera-
bundus exhibeo ; & quæ tua ſumma eſt humanitas,
religio , & benignitas in invictam maiestatis tuæ
clientelam, velis eſſe collatum.Memini olim regium
Prophetam , *Reginam* Catholicam deſcripſiſſe *aſ-
ſiſtentem à dextris* Chriſti Domini circumdatam va-
rietate, ſiue ut alij cum D. Hieronymo legunt *in
ſcutulatis*. Utinam ergo ſœlici auſpicio te gloriſſi-

mam

mam Reginam quæ non iam à sinistris, sed à dextris
Ecclesiæ Catholicæ partibus in orbe nimirum Ro-
mano , apud Apostolicam sedem gloriosissima as-
sistis, scutulatis vestimentis indutam , & inceden-
tem nanciscar: sunt enim tua studia sublimia, doctis-
sima, actus Regij, zelo fidei , charitatis , & Religio-
nis insignes veluti tot scuta , in quibus , vt cum
Apostolo loquar , *igneæ communis hostis tela* con-
tra penè innumeras animas earumque salutem ia-
ctata, fore spero , vt extinguantur. Interim Deum
Optimum Maximum enixè precor , vt in annos
plurimos eosque lætos, & saluberrimos maiestatem
tuam seruet *incolumem*, ad maius divinæ gloriæ in-
crementum, Christianæ Reipublicæ profectum, nec
non vniuersi orbis gaudium , & exemplum. Vale,
Lucæ 3. idus Septemb. 1673.



AVCTO



AVCTORIS DE ORDINE Superiorum declaratio.

HANC ego sententiam, de Baptismo Abortiuorum, tota hac Disputatione comprehensam, & præsertim Sectione vndecima expressam ab Eminentissimis Patribus Sacræ Indicis Congregationis iussus explicare, libens, volensque grauissimo prudentissimoque doctissimorum Principum iudicio, & imperio, pareo.

Et in primis assero, me nihil in præsentî materia definiendo dicere, sed vti rem probabilem, & per modum problematis proponere. Deinde aduerto me neminem, quoad praxim attinet, sub mortali obligare, sed tantum rationes speculativas id suadentes exponere, ac in suspenso relinquere, sicuti, nec inducere novum aliquem ritum in Ecclesiam: cum id ad Sacram Rituum Congregationem, Summumque Pontificem spectet. Ita sentio, ita scripsi & ita me scribere, & sentire protestor, vt æquum est humilem, ac devotum S. Romanæ Ecclesiæ filium, qualem me esse, & fuisse hactenus, futurum in posterum, Sancte profiteor;

FRANCIS

FRANCISCUS GVINIGIVS
Congregationis Clericorum Regularium
Matris Dei Rector Generalis.



V M opus cui titulus Pia Prothesis, *De Mini-
strando baptismo humanis sceleribus abortivis* P.
HIERONIMI FLORENTINII, duo ex Pa-
tribus nostræ Congregationis quibus id com-
misimus, recognoverint ac in lucem edi posse probave-
rint; & cum de Ordine S. Indicis Congregationis, vs-
que de anno 1664. nobis à Reverendissimo P. Secretario,
tunc temporis intimato, fuerit ab eodem Auctore decla-
rata, seu correctâ, 'vt in principio hujus operis di-
citur; facultatem concedimus, vt typis mandetur, si ijs
ad quos spectat, placuerit, in quorum fidem præsentem
propria manu subscripsimus & sigillo nostro munivi-
mus. Romæ die 19. Augusti 1673.

FRANCISCUS GVINIGIVS Re-
ctor Generalis manu propria.

Loco † sigilli.

**

HVMANISSI



HUMANISSIMO LECTORI

suo Hieronymus Florentinius. S.

HABES Amice Lector in hac quarta editione præter Primam, Secundam etiam, Tertiam, & Quartam Disputationem de Baptismo Abortivorum. Et ne, me nimis facilem credas, & avidum evulgandi quicquid in mentem venerit, huiusmodi additionis causam sincere accipe. Nihil prorsus de hoc argumento amplius meditabar, nullam omnino appendicem primæ disputationis vel mente conceperam: quando ex improvviso ad S. Indicis Congregationem Primam Disputationem Lugduni editam, delatam fuisse cognovi. Delata igitur triplici, ut moris est, examine à tribus Consultoribus, fuit de mandato Eminentiſſimorum PP. Propositio discussa; & licet ex relationibus factis, inventa fuisset probabilis, placuit nihilominus DD. meis, mihi per secretarium imponere, ut eam ad clariorem veritatis à me intenta doctrinam, magis declararem: quod statim obediens feci, & assistente & approbante eodem secretario declarationem composui & ut vides illam in fronte libri proposui, & Luca typis Hyacinthi Pacij, in lucem edidi: ideo à prædicta S. Congregatione paulò post emanavit sub die decima Aprilis 1666. Decretum tenoris sequentis.

Disputatio de Ministrando Baptismo humanis fœtibus Abortivorum à P. Hieronymo Florentinio &c. non permittitur nisi correctæ juxta ultimam impressionem Lucæ ex Typographia Hyacinthi Pacij.

Postea vero cum aliqua argumenta contra meam Propositionem fuissent à nonnullis excogitata, & quedammetiam accepiſſem per litteras, ab amicis à me rogatis, ut ea mihi proponerent et studio, quo magis veritas innotesceret; & præterea, cum ex Alexandri Papæ VII. Constitutione de Immaculata Deiparæ Conceptione argumentum desumptum, & pro confirmatione eiusdem propositionis, non contemnendum iam præcogitasset, alias tres disputationes

Lectori


disputationes prima addidi & quidem secundam in qua principa-
liora in contrarium argumenta continentur à Superioribus Roma-
ne curiæ examinari, approbari & typis Romanis imprimi pro-
curavi.

Accipe igitur studiosè Lector istud, qualecunque auctarium &
unico intuitu in subiecto indice censorum nomina lege: quod si il-
lorum subscriptiones quibus meam Prothesim admittere, & probare
voluerunt; imo si quorundam Opuscula perlegere non gravaberis,
videbis ne dum illam silenter & obviis ulnis exceptam, sed hanc
philosophicam veritatem, Quod nimirum humanus fœtus primis die-
bus vivat, Animarationali, tanquam probabilem receptam & con-
firmatam; ita ut nihil illi deesse videatur, quominus inter propo-
siciones tam intrinsece ut dicunt quam extrinsece probabiles, de-
beat recenseri. Vale, & si quid in toto opere erroris occurrat be-
nignus excusa: si quid vero, ad Animarum salutem iuvandam
opportunum inveneris utere; & redemptionis Animarum sanctissi-
mum opus agredere, adiuva; perface: quod si meliora repereris, ut
spero, precor ut afferas. Quidquid enim meis inventis addideris,
ne amplius Abortiuorum Animala periclitantes perdantur erit ipsis
salutiferum, Deo gratum & mihi etiam iucundissimum. Vale.





INDE X CENSVRARVM.

 Censura Vniuersitatis Viennensis Theolog.	I
Vniuersitatis Viennensis Medicorum.	II
Vniuersitatis Pragensis Theologorum.	III
Vniuersitatis Pragensis Medicorum.	IV
Vniuersitatis Sorbonensis Theologorum.	V
Vniuersitatis Remensis Rectoris.	VI
D. Episcopi Caramuelis Ep. 1.	VII
D. Episcopi Crespij censura per Epistolam.	VIII
Eiusdem D. Episcopi Caramuelis Ep. 2.	IX
P. M. Michaelis de Alcantara.	X
D. Stephani de Zvvixschlag Uicarij Generalis Episcopi Viennensis.	XI
P. Bernardi Geyer Thologi Soc. Jesu.	XII
P. Michaëlis Heintz Theologi Soc. Jesu.	XIII
P. Maximiliani Reichemberger Theologi Soc. Jesu.	XIV
P. M. Raymundi Pinsger Theologi Ord. Prædic.	XV
P. M. Christophori Spies Theologi Ord. Prædic.	XVI
P. M. Vincentij Geiter Theologi Ord. Prædic.	XVII
P. M. Jacobi Philippi Polini Theologi Ord. Prædic.	XVIII
P. Alberti de Albertis Theol. Soc. Jesu.	XIX
P. Antonij Casilij Theologi Soc. Jesu.	XX
P. Michaëlis Bassani Theologi Soc. Jesu.	XXI
P. Nicolai Martinez Theologi Soc. Jesu.	XXII
P. Joannis Tribault Theologi Soc. Jesu.	XXIII
D. Jo. Baptistæ Solerij Medici Januensis.	XXIV
Vniuersitatis salmanticensis Theolog.	} XXV
P. Joannis Barbiani Theologi Soc. Jesu.	
P. Richardi Lyncei Theologi Soc. Jesu.	
P. M. Antonij de San. Pedro Theologi in Collegio Salmantino	
D. Bernardi.	XXVI
P. M. Farniscisci de Roys Theologi in eodem Coll.	XXVII
P. M. Petri de Oviedo Theol. in eodem Coll.	XXVIII
P. M. Mich.	

P.M. Michaelis de Fuentes Theol. in eod. Coll.	XXIX
P.M. Ildephonſi Herbas Theol. in eodem Colleg.	XXX
P.M. Mauri Semocoi Theol. Ord. S. Benedicti.	XXXI
P.M. Placidi de Puga Theol. eiusdem Ordin.	XXXII
P. M. Antonij de Caſtillo. Ord. eiusdem	XXXIII
P. M. Joſephi Gomez Theol. eiusdem Ord.	XXXIV
P.M. Philippi Uahamonde Theol. eiusdem Ord.	XXXV
Collegij Salmantini B. Mariæ de Mercede Redemptionis Cap- tivorum.	
P.M. Jo. Bapr. de candanedo.	} Theologo- rum in di- ſto Colle- gio Salman- tino.
P. M. Didaci Uillavicinero	
P. M. Joſeph Gonzalez	
P.M. Ferdinandi de Caravajal	
P.M. Ildephonſi Gundifaſvi	
P. M. Joſephi Bravo Theologi in Collegio Præmonſtratenſi Salmantino.	XXXVI XXXVII
D. Petri Carvoſo Theologi Salmantini.	XXXVIII
D. Ludovici Cittadella Prioris SS. Joannis, & Reparatæ Civita- tis Lucen.	XXXIX





C E N S V R Æ,

Quas pro Baptismo Abortivorum favorabiles publicari voluerunt Vniversales Academiae, & Primarij Doctores, tum Theologi, tum Medici, qui primam tantum Disputationem olim impressam perlegerunt.

*Censura Illustrissimorum Patrum Præclarissimæ Facultatis
Theologicæ in Vniversitate Viennensi.*

I.

DISPUTATIONEM de ministrando sub conditione (prout sectione xj. explicatur) Baptismo humanis scæ-
tibus Abortivorum, ab adm. Rev. P. Hieronymo Florentinio Congreg. MATRIS DEI Clerico Regulari conscriptam, ad Auctoris instantiam facultatis nostræ Theologicæ sub Vniuersitate Viennensi Censuram, & (si videretur) approbationem desiderantis, complurium, & gravium S. Theologiæ Doctorum & Professorum iudicio submisimus. Jj omnes præmisso accurato examine, pari suffragio, ac consensu censuerunt, nihil in eo opusculo, vel à S. Ecclesiæ mente, vel à sacrorum Canonum Decretis, vel à morum regula alienum esse: flagrantē insuper zelum doctissimi viri pro salute plurimorū caullaudarunt præstanti eruditione conspicuum, & solidis Theologiæ subnixum momentis. Deinde in solemnii Doctorum nostrorum Congregatione, visis Censuris singulorum, post maturam deliberationem decretum fuit, vt communi nomine Inclytæ facultatis nostræ libellus iste, mole sua exiguus, at magnus amplissima vtilitate, maximo animarum bono comprobaretur, quo citius ad felices conatus Auctoris, publico Theologorum accedente Testimonio innumero pusillorum Populo, in regione umbræ mortis periclitanti
radius

Theologorum

radius æternæ lucis affulgeret. Hoc est, quod ex officio, præsentibus exhibemus, & consueto facultatis sigillo, ac manu propria testatum vniuersis volumus. Viennæ Austriæ, ex Congregatione facultatis Theologicæ. Die 18. Febr. Anno salutis 1663.

Loco † Sigilli.

Laurentius Aidinger SS. Theol.
Doct. Can. Vien. & c. p. temp.
Facultatis Theologicæ Decanus

*Censura Excellenss. DD. Praclarissimæ facultatis Medicæ in
Vniuersitate Viennensi.*

II.

EXhibita est nobis Disputatio Rever. Domini Patris Heronymi Florentinij, Congregationis Matris Dei Clerici Regularis de Baptismo humanis foetibus administrando legendæ, & censendæ. Huius opinio penitus nova, per quatuor nostri Collegij Doctores accuratè relicta, & multis argumentis in utramque partem discussa, tandem scrupulis, & obiectionibus omnibus remotis, vnanimi omnium nostrum consensu, etiam ex Divino charitatis præcepto meruit applausum, & approbationem; utpote quæ ad maiorem Dei gloriam, & præmatūrè nascentium pusillorum salutem æternam, non minus pio quam laudabili zelo Parochos, Parentes, & Obstetrices excitat ad zelum salutis, ut nihil possit addere doctrina peritorum; sed secuturis mansura temporibus de faciendis erudiet posteritatem. Nam etsi nullum detur tempus determinatum, in quo de inexistencia animæ rationalis non possit dubitari: attamen cum Doctissimo Thoma Fieno, Pemplio, & aliis Catholicis Medicis, apud Farinacium citatis, probabili assertione statuimus, facta spermaticæ materiæ fermentatione, seu genituræ transmutatione, post paucas horas, vel paucos dies Embryoni animam rationalem infundi. Unde Morales Theologi concludere possunt, Foetus ex uteri materni latebris immatu-

Censura.

rè prodeuntes dubia , aut saltem probabili vita præditos ex charitate posse sub conditione per Baptismum Christi meritis participes fieri, & Lympo ereptos Cælo adscribi: indubitata vero vitæ signa edentes ex iustitia absolutè esse baptizandos, vt multiplicatis intercessorum suffragiis , omnium saluatorem, pro nobis deprecantur. Ita Collegij Medici in generali studio Viennensi Collegiati quadraginta Doctores censemus. In quorum fidem præsentis Domini Decani nostri subscriptione, Collegiique sigillo volumus communire. Dat. Viennæ Austria, pridie Nativitatis Dominicæ , Anno ejusdem supra mille sexcentos, sexagesimo secundo.

Joan. Gulielmus Mannagetta p.r.
Collegij Medic. Decanus, &c.

Loco † Sigilli.

Censura Illustriss. Patrum Antiquiss. facultatis Theologicae Universitatis Carolo-Ferdinandæ Pragensis.

III.

Librum hunc ab admodum Rev. P. Hieronymo Florentino Clerico Regulari Congregationis MATRIS DEI typis editum cum approbatione Illustriss. ac Reverendiss. D. Joannis Caramuelis Episcopi Campaniensis, & Reverendiss. Patris Fr. Michaelis de Alcantara Ordinis Beatiss. Virginis de Mercede Redemptionis captivorum Generalis dignissimi, diligenter perlegimus; & licet post tantorum Virorum approbationes, omnis alia iure meritò censeri deberet otiosa; nihilominus, vt Auctoris voluntati obsecundemus, dicimus in primis, nihil in eo omninò contineri, quod vel leuiter Catholicæ doctrinæ videatur opponi. Secundo Opiniones omnes circa foetus animationem, & diligenter conquisitas, & eruditè propositas, & ingeniosè examinatas, & prudenter ad intentum operis inductas.

Qua

Theologorum

Qua propter librum hunc qui lucem semel aspexit, dignissimum esse, qui eandem sæpius aspiciat. In conclusione autem sect. II. ex opinionibus illis variis illata, aliquam putamus subesse difficultatem; cum enim, & dubia sit prolis intra triduum aut etiam citius, animæ rationalis informatio, itaut excepta quorundam Auctoritate, nullum aliud à ratione positivum fundamentum ei patrocinari videatur, quàm quod ejus falsitas & contrario efficaciter nequeat ostendi, & ex impedimento secundarum, quibus obvolutus fœtus eiicitur, grave secundum oriatur dubium de Baptismi capacitate: & (quod maximè apud nos urget) tertium, ex perseverantia animæ, in tam exigua, & tenera materia qualis ponitur, in parvitate unius hordeacci grani, quæ non nisi, veluci levissima scintilla ignis, quæ sola relicta quasi instantaneè extinguitur, debeat judicari. Etenim vel ex uteri alteratione ob quam foras eiicitur, vel ex injuriis agentium externorum, quibus expositus talis fœtus, non potest facile credi resistendo sufficiens, non putamus tunc, de animæ rationalis in eo perseverantia, ullam esse posse probabilitatem, sed tot, & tam gravia ex variis capitibus de capacitate Baptismi dubia, certam in contrarium ostendere incapacitatem, ut propterea gravis à nobis judicetur imposita sub mortali hujusmodi tam exiguum fœtum baptizandi, etiam sub conditione, necessitas. Quæ tamen admitti probabiliter poterit, si fœtus in majori aliqua quantitate, puta ovi columbini, eiiciatur, cum in eo tertium, & ferè maximum periculum de extinctione subitanea probabiliter cessare videatur. Hoc est Facultatis nostræ Judicium, quod libentissimè aliorum Censuræ submittimus.

Datum Pragæ 3. Martij. Anno Domini 1663.

Loco ♦ Sigilli

Rodericus de Arriaga Soc. I E S V
Sacerdos S. Theol. Doct. ejusdem
Pragensis Vniuersitatis Decanus,
nec non Præfectus Generalis studiorum in Collegio Clementino ejusdem Societatis.

Hujus
difficul-
tatis so-
lutione
vide in-
fra

Censura

Censura Excellentiss. DD. Antiquiss. Facultatis Medicæ Vniversitatis Carolo-Ferdinandæ Pragensis.

IV.

Libellum R.P. Hieronymi Florentinij Congregat. MATRIS DEI Clerici Regularis de Ministrando Baptismo humanis foetibus abortivorum Facultas Medicea Pragensis accuratè reviseum, non solum ex eo, quod salutem animarum in foetibus abortivis delitescantium sollicitè, & magno zelo procurare satagat, eosdemque Baptizari posse, aut etiam deberi solidè demonstrat; sed etiam ob multam eruditionem, quam continet Studio-sis Medicinæ perutilem, majori Luce, quo à pluribus legatur, dignum judicat. Pragæ 1. Februar. Anno 1663.

Jo. Marcus Marci à Croland, &c.
Medicinæ Professor prim. & p.t. Decanus

CENSURA ILLVSTRISSIMORVM PP.

Theologorum Celeberrimæ Universitatis Parisiensis
Sorbonensis à tribus fidelissimis Testibus, &
Assertoribus per Epistolam subscripta.

Adm. R. ac Eruditiss. P. Hieronymo Florentinio Congregat.

MATRIS DEI Religioso.

*Stephanus le Bulenger, Ioannes Hamel, Ioannes Du Moulin,
Theologi Parisienses.*

V.

Librum, cui titulus est, *Diffutatio de Ministrando Baptismo Humanis foetibus Abortivorum*, non sine magna voluptate legimus, Vir religiosissime, nec non in eam, quam in decima præsertim, & undecima sectionibus proponis, explicasque, Thesim, *Fœtus humanos quocumque tempore venerint in lucem à die conceptionis sub conditione saltem baptizandos esse*, diligenter inquisivimus, illam in publicis exercitationibus Sorbonicis, &
quidem

Theologorum.

quidem comprobantibus Dignissimo Sacrae Facultatis Syndico ac tanquam veram propugnari curavimus. Illam expensis accuratè, quibus nititur, scripturae, Patrum, rationisq. momentis, indubitata plurimarum Animarum promovendae salutis, & prohibendis (quae in procurando Abortu perpetrant perditissimae illae mulieres, falsa quadam servandi honoris specie, & damnata à S. Basilio formati, & informis fœtus subtilitate delusae) homicidiiis perutilem, quin etiam Sacramento Baptismatis, cujus finis hominum Sanctitas, & salus, commodam esse censuimus. Datum Parisiis anno Domini millesimo, sexcentesimo, sexagesimo tertio, die vero septima Mensis Decembris.

Stephanus Le Boulenger.
Joannes Du Moulin.
Joannes Hamel.

*Censura Illustris. DD. T. Mercier. D. Theologi, & Antiqui Rectoris
Inelytae Universitatis Remensis.*

V I.

Quamvis nihil obscurius materia, quam hic Liber Disputationis de Ministrando Baptismo humanis fœtibus Abortivorum à R. P. Hieronymo Florentinio Congregat. M A T R I S D E I Clerico Regulari compositus tractat, attamen ita clarè, & nitidè dubium illud Author exposuit, quodque autoritatibus tam scripturae, quam Sanctorum Patrum, & Physicorum ratiociniis stabilivit, ut veritatis potius nomen sibi vendicaverit, quam dubij; scilicet ministrandum esse humanis fœtibus abortivorum Baptisma sub conditione. Quamobrem ut in lucem prodeat censi, & judicavi, cum nihil contineat contrarium Fidei Catholicae, Apostolicae, & Romanae; immò ipsum multum devol-

* * * 2

ventibus

Censura

luentibus fructum allaturum; quippe qui pugnat adversus eos nuperrimè docentes, sed statim damnatos, posse gravidam, innuptam sibi (ut salvetur honor) tuta conscientia abortum procurare; pessimè addentes fætum humanum non animari Anima rationali, nisi post (elapso tempore maturo) ex utero ejectionem, ideoque secundum eorum sententiam non baptizandum, nec homicidam matrem scævientem in prolem, puniendam à Prætorè, quod est impium. Datum Parisiis die 29. Mensis Martij Anni reparationis humanæ Naturæ millesimi, sexcentessimi, sexagesimi quarti.

T. MERCIER DOCTOR THEOLOGVS

Illustrissimi, & Reverendissimi D.D. Joannis Caramuel, Campaniensium, & Satrianensium Episcopi, Sacræ Cæsareæ Majestatis Consiliarij, &c.

Ad Adm. Reverendum, & Eruditissimum D. Patrem Hieronymum Florentinum Auctorem hujus Libri.

EPISTOLA PRO CENSURA

VII.

Ingenuam illam disputationem tuam *de Baptismate humanis Infantibus abortivis ministrando* quam magna rationum, necnon Patrum Doctorumque juniorum autoritatum efficacia firmasti, libentissimè legi, & ex cimmeriis tenebris tantam te lucem, & claritatem eruere potuisse demiror. Multa in isto erudito Syntagmate, quæ hodie rara, cras, aut perendie erunt communia, suo enim pondere stat veritas, suo splendore se prodit; & semel visa, esse non poterit viris doctis invisæ. Sane Pygmæus, & Gigas nomina sunt in Categoria quantitatis opposita, at ipsa in hoc libro coincidunt; si enim considerem molem est parvus; si fructum, magnus; nam omnes in eo litteræ in majorem Dei gloriam, & proximorum miseria extrema laborantium salutem æternam

Theologorum.

æternam collimant. Hanc oro ob rem Florentini doctissime, ut tandem aliquando festines, & in lucem emittas ista folia, quæ plenâ pretiosi seminis fructum uberrimum sunt redditura. Hæc est sententia mea: hoc est meum de hoc libello iudicium. Et quidem tamen si viris doctis ita pauca dixisse, aut verius insinuasse, sufficeret, quia tamen istud opus ad doctos, & indoctos perveniet, utriusque me debitorem fateor, & rationem, qua subsistit meum iudicium subjungo.

Magni hominis (& *Μακροσκόπου* nomine mundum intelligo) conditio, & syntaxis est mira. In eo sol oritur, prius ad crepusculinam lineam, quam ad Horizontalem accedit, & ipse occidens, ultra Horizontem præterlapsus, magno ruit adhuc tempore, antequam iterum superet crepusculinam. Si Horizontalem pingi jubeas in pagina, una, & eadem erit omnium Geographorum, & Astronomorum opinio: si autem crepusculinam, quot capita, tot sententias invenies. Uoluerunt plurimi inter lineam Horizontalem, crepusculinamque graduum 15^m, interesse divortium; & hanc sententiam me docuerunt Compluti, dum ibi Philosophiæ vacarem. Submittit illam Tycho Braheus ad gradum 16.^o; & audentiores alij, quorum in *Commentariis suis super Sphæram Ioannis de Sacro Bosco*, Clavius meminit, ponunt 17.^o; Ptolemæus 18. statuerat. Christophorus Rothmanus in *Epistola quadam ad Tychonem* 24. & quod mireris alij etiam 30. Vnde meritò P. Navius, cum tam dissentientes illustrium hominum opiniones subaudit, exclamat, non posse dari certam aliquam crepuscula metiendi regulam, cui consonat Joannes Alstedius *Encyclopediæ tom. 2. libro 17. parte tertia capite. 3. paragrapho quarto pag. 452. & libro 19. parte. 1. capite. 3. §. 9. pag. 596.*

Hæc notitia præventus ad parvum mundum (& *Microcosmi* nomine, hominem intelligere debeo) converto oculos, & Divini Platonis sententiam, quæ inter utrumque hominem, inter utrumque mundum (parvum, magnum) summam analogiam, & concordiam instituit, esse veram invenio. Vita est Sol Microcosmi? quia, sicut in mundo Æthereo, Sol est omnium cælestium motuum ratio: etiam illa ortui, & occasui est

Censura

obnoxia : nempe visibili , & crepusculino. Oritur Homo oculorum iudicio, cum nascitur ; occidit eorundem oculorum sententia , cum desertus à sensibus nullum vitalem actum elicit, qui possit humanitus percipi. Iste est visibilis diei Humani Finitor, hic Horizon : & quidem diem merito voco totam durationem humanam ut consonem illi , qui dixit. *Tota vita dies unus.*

An ne tunc primum homo vivere incipit , cum vivere à nobis videtur tan tunc ultimo vivere desinit, cum videtur vitam cum morte commutasse ? Non puto. Ante ortum Humanus Sol auroram (hoc est lucem, & claritatem dubiam) habet: post occasum crepusculum : nam in homine prius desinit operari quam esse. Hinc ortæ leges in Republica, tam Ecclesiastica, quam seculari, ne corpora efferantur statim : aliqui enim sunt egressi ex sarcophago, & aliqui sepulcri adhuc vivi. Possem multos nominatim producere, sed quia frequens, & scita res est, sufficit Philomatum Poëtam ingeniosum audiri: numero enim LXIV. de quopiam , qui discipulorum errore mortuus creditus , vivus terram subiit, sic cecinit.

*Mente procul stantem sua vecors turba magistrum
Viventem sepelit, quem periisse putat.
Errantum sanas Doctor luit: & rude vulgus
Iam male, sic moriens, edocuisse dolet.*

Ergo sicut sunt leges, quæ jubent ne desivisse putemus hominem, quem sensu destitutum videmus, quousque succurrat tempus ratio-ve, quæ illum esse mortuum evidenter ostendat ; esse deberent etiam, ne nondum incepisse infantem vivere existimemus, tamen si sensuum in illo nulla inveniamus tyrociniâ quousque vel nunquam cum habuisse vitam, vel jam perdidisse rationem, & indubitata persuadeat.

Sed quò ponemus crepusculinæ vitæ terminos ? quis definire audebit , quanto ante ortum tempore , quanto post occasum vita infra sensibilis Horizontis terminos delitescat ?
Multæ

Theologorum.

Multæ profecto sunt sententiæ de Solis materialis crepusculo: at multo plures de vitæ Humanæ initio fineque. Agens de vitæ Humanæ aurora in Theologiæ fundamentalis meæ num. 1622. extremas sententias connexui: has etiam, & intermedias omnes. Tu à sect. 2. ad 10. prudentissimè statuis *punctum*, aut *instans illud temporis*, quo *rationalis anima à Deo creatur*, & *corpori Embryonis infunditur*, incertum, & valde dubium esse: quod ipsum sacræ Scripturæ auctoritate *parte prima*, Patrum testimoniis *secunda*, & rationibus *tertia*, confirmas.

Hinc converto ad occasum oculos, & alterum contemplanor crepusculum. Ejusdem libri mei fundamento LXVI. num. 1881. hanc conclusionem statuo, *Nec est evidens tunc mori hominem cum ultimo sensu privatur*: vel verbis tuis assertionem accommodans *punctum*, aut *instans illud temporis*, quo *rationalis anima separatur à corpore*, incertum, & valde dubium est.

Hinc oriuntur duæ connexæ quæstiones, altera de Baptismo, altera de Pœnitentia, utrum videlicet omnis foetus abortivus possit, aut debeat baptizari? utrum omnis homo, qui ita sensibus est destitutus, ut videatur jam mortuus, si aliunde non obftet, absolvi possit? (Consulto dixi *si aliunde non obftet*; nolo enim quæstionem, quæ inquit, an qui nec est confessus, nec vlllo signo sensibili confessarium vocavit, absolvi possit? hæc enim novam addit difficultatem & à me uberior edisseritur à n. 1848. ad num. 1878.) utramque breviter dilucidabo, & ut priorem expediam eruditius, & clarius, posteriorem prætermittam, quam *ibid. n. 1878.* ad sequentes conclusiones reduco,

Prima. *Anima separata à corpore non potest à peccatis absolvi.* Secunda. *Impossibilis est casus, in quo dubitetur utrum homo adultus sit vivus, vel mortuus.* Tertia: *Si esset possibile ejusmodi dubium, & de facto daretur, deberet homo habens dubiam vitam absolvi.* Quarta. *Si fuisset homo mortuus, & miraculo dubio ad vitam dubiam revocatus, deberet censei non vivus.* Quinta. *Casus est possibilis, in quo aliquis probabiliter dicatur*

Censura

dicatur mortuus. Sexta. Homo probabiliter vivus (si aliunde non obsit dispositionis defectus) absolvi potest, imo & debet. Septima. Homo minus probabiliter vivus, absolvi potest, debetque. Sed à quo ? Ex iustitia à suo Parocho: ex charitate vero à quocumque simplici Sacerdote, & hinc novum dubium suboritur, scilicet. An quando Hominem posse, aut debere absolvi dicimus, de absoluta, an vero de conditionata, absolutione disseramus ? Respondeo. Hominem certo vivum, quantum ex hoc capite absolvi debere absolute: probabiliter vivum absolute, vel conditionate: at vero dubio vivum tantummodo conditionate. Hæc de vitæ humanæ crepusculo, quod sensibilem occusum sequitur: transeo ad aliud crepusculum, & vitæ humanæ auroram, & initium contemplan, & has conclusiones subjungo..

Prima: Non creantur animæ rationales, antequam corporibus humanis infundantur. Quid si prius crearentur, & postea demum infunderentur? Illæ antequam unirentur corporibus non possent baptizari: cum quia pure spirituales sunt, & aqua lavari ideo non possunt: tum quia Sacramentum Baptismi pro Hominibus est institutum, & animæ nondum unitæ corporibus non essent homines. Secunda: Possibilis est casus in quo dubitetur, an fœtus animatus sit ? Tertia: Fœtus habens dubiam vitam potest, & debet baptizari. Quarta si esset à natura certum tempus ad fœtum animationem constitutum, Embryo, qui miraculo dubio ad vitam dubiam perveniret, prudenter censeretur nondum vivus: & cur? quia esset pro lege à natura constituta possessio. Quinta. Casus est possibilis, in quo fœtus probabiliter dicatur vivus. Sexta: Sanè fœtus probabiliter vivus baptizari potest, debetque. Septima: Imo etiam minus probabiliter vivus etiam potest, & debet. Sed à quo ? Ex iustitia ab ordinario Parocho: & ex charitate à quocumque. Et quo modo quæso baptizabitur, absolute, an solummodo conditionate ? Fœtus si certò vivat, absolute, si vita probabiliter animetur, absolute, aut conditionate; si vero dubia tantum conditionate.

Si scire velit aliquis, unde hæc potestas, aut etiam obligatio exoritur?

Theologorum.

exoriatur? Ad officium, si de Parocho; ad charitatis legem si de cæteris agamus, recurro: tenetur enim homo sub peccato mortali juvare proximum constitutum in æternæ damnationis periculo. At foetus animatus, qui meo errore judicatur aut nondum animatus, aut mortuus; & æger vivus, qui meo errore jam obiisse putatur, sunt in æternæ damnationis periculo, salvi erunt, si congrua Sacramenta recipiant, aut aliàs in æternum peribunt. Ergo crudelis sū, & sanguinis Divini reus, si nolim abluere alterum & alterum à peccatis absolvere. Quamobrem, Si in dubio Sacramenta administro conditionatè, infero nulli injuriam, etiam in casu, quo careât anima illa corpora de quorum vita dubitatur. Cæterum si illa anima prædita sunt, & tamen Sacramenta negentur, ob opinionem meam in æternum damnantur. Ergo ne, hanc illis irrevocabilem injuriam inferam, tutiorem viam ingredior, faveo periclitantibus, & eis quo possum modo Sacramenta administro.

Hanc tu resolutionem, quoad abortivos foetus statuis, & eruditè exponis *sect. 10.* postea *sect. 12. 13. & 14.* objectiones nonnullas proponens, & fortissime diluens.

Vale igitur Pater eruditissime, bellum infer Lymbo (aut etiam forte Inferno, de statu enim infantum, qui caruerunt, aquæ Sacramentalis beneficio, nihil hucusque definivit Ecclesia) & quia cum non potes expoliare animabus, quas eo invexere ignorantiae scrupulosæ, præjudicia, ob quæ multis infantibus, qui erant re vera vivi, cum tamen viderentur mortui, fuit Baptisma negatum, grandi ore potius concionare, quam disputare; ne Obstetrices, & qui Embryonibus aborientibus adsunt, pergant desipere, hoc est, ne Christi meritis efficaciam invident, infantibus dubia, aut probabili prædita vita, viam ad gratiam, & gloriam occupantes. Vale iterum, ut doctissimis libris exornes Theologiam. nostro ævo sublimium ingeniorum concursu ad magnam perfectionem promotam. Romæ pridie Kalendaris Octobris M.DC.LVII.



Censura

Censura.

*Censura per Epistolam Excellentiss. D. D. Ludovici Crespij Episcopi
Placentini, & ad SS. D. N. ALEX. PP. VII.
Oratoris pro Ecclesijs Hispaniarum, & Ca-
tholico Rege Philippo IV.*

VIII.

Molto Rever. Presbitere Osservandiss.

IL Presbitere Hippolito Marracci farà testimonio à V.P. della mia impossibilità di rispondere alla sua gratissima Lettera; poiche parecchi giorni mi hà veduto travagliato dalli dolori di fianco, edì podagra. Adesso trovandomi sollevato di essi rispondo ringratian dola in primo luogo del favore che mi fa, parendoli che sia di qualche stima il mio giuditio del suo Libro; E volendo che jo ne cavi da N.Sig. il suo giuditio in quanto alla pratica. Quanto à me jo non dubiterei certo, de che si potesse ministrare il Battesimo *sub conditione*, e la prima volta, che tenga Audienza del Papa, farò l'vfficio opportuno per cavare il più sicuro parere. E per fine le bacio le mani. Di Roma li 18. Giugno del. 1661.

Di V.P.

Sér. Affectionatiss.

Ludovico Vesc. di Placenza.

Censura

*Censura iterum scripta per secundam Epistolam ad Authorem ab
Illustriss. DD. Ioanne Caramuel, Episcopo
Campan. &c.*

IX.

Adm. Rev. P. Hieronymo Florentinio Congregationis MATRIS
DEI Clerico Regulari. D. & A mico meo Observantiss.

ERit valdè difficile, ut opinor, universitatum Salmanticensis Lovaniensis, Parisiensis, &c. extorquere Censuras: nam Politica ratione ducuntur, cui omnes Scholasticæ cedunt. Salmanticensis ante viginti annos à me in Causa Cornelij Jansenij consultata, respondit, non esse moris, ut per modum corporis responderet, nisi à Sum. Pontifice, aut à Rege rogata; sed tamen iussit, ut singuli dicerent privatim, quid sentirent: quod ipsum plerique fecerunt. Lovaniensis in Belgio, Salmanticensis Vniversitatis Soror est: undè non miror, si lege simili suam auctoritatem manteneat. Sorbona Vniversitatum Galliæ Princeps, crebro consultata à Regibus, tacebit consultata à privatis. Ergo proderit has Vniversitates tanquam scientiarum Numina venerari, sufficiet enim Nobis, si per Doctores suos respondere dignentur.

Jam scis, mi Florentini, causam, ob quam tacent celeberrimæ Vniversitates: Non igitur Salmanticensis, ob illas, quas tibi rescribunt. Uidelicet (1) hoc, quod tuus libellus suadet, esse novum in Ecclesia Catholica: (2) esse contra D. Thomam: (3) non esse probabile embryonem, qui primis à conceptione diebus vix granum hordeaceum excedit, informari anima rationali. Ergo proderit, si de singulis his objectionibus breviter discutramus. Agens igitur.

De prima dico, te optimè probavisse, Ecclesiam, si lege sanciret omnes foetus abortivos esse sub conditione baptizandos, non esse dicendum novum præceptum ferre, sed antiquum ex-

Censura

sendere, aut verius explicare. Hujusque oppositum illa non iussit, præceptum enim Divinum à Baptismo reposuit, iussitque infantes anima rationali præditos ablui; quinam autem essent illa anima rationali præditi, iudicio prudentum reliquit. Unde quia hodie major lux iudicio prudentum affulsit, ex natura rei illud præceptum extenditur, & non esset novitatis, aut inconstantiae arguenda Ecclesia, si hanc ipsam veteris præcepti extensionem, quæ re vera jam datur ad omnium instructionem, dari de facto declararetur.

Et quid, si per impossibile antiqui Pontifices sibi à sui temporis Philosophis, & Medicis suaderi permisissent, fœtus ante diem 40. vel 80. rationali anima non informari, & huic stando persuasioni illos ante prædictum 40. vel 80 diem baptizari inhibuissent? an non hodie veritate detecta non deberet ALEXANDER VII. Sanctissimus Dominus Noster jubere absolute contrarium? Non est cur à me responsionem expectes, jam enim olim *Epist.* 180. respondit Mellissus Bernardus. *Hec solet habere præcipuum Apostolica Sedes, inquit ille, ut non pigeat revocare, quod à se forte deprehenderit fraude elicitum* Ergo in casu nostro Veteres Pontifices prudenter iussissent ante diem 40. vel 80. abortivos, fœtus non esse baptizandos, quia Philosophorum, & Medicorum sententiæ, tunc temporis indubitæ, assentiri debuissent: & tamen hodie Sanctissimum Dominum Nostrum, ubi deprehenderit, iussionem illam Philosophorum fraude, aut errore fuisse elicitam, non pigeret eandem revocare.

Confirmat hanc doctrinam Eugenij IV. Constitutio, quæ incipit. *Regularem vitam*. in qua nos juvat hæc periodus. *Cum plerumque contingat importunitate potentium, & negotiorum multitudine suppressione veritatis Sum. Pontifices fatigatos, aut circumventos, ea concedere, quibus aliàs nullatenus annuerent, &c.* Ergo si Eugenius prudentissimè revocavit gratias, quas suppressione veritatis Sum. Pontifices Prædecessores sui circumventi concesserant: etiam revocasset præcepta, si qua illa suppressione veritatis circumventi imposuissent.

Confirmat

Theologorum.

Confirmat hanc doctrinam adhuc clarius Julij II. Constitutio, quæ incipit, *Religionem vestram*, & expeditur 30. Januarij 1508. Nam cum quidam Sylvius ab eodem Julio postulasset, & impetrasset, aliquas Ecclesias, & domos, quæ erant Patrum Augustinianorum, veritate detecta, integerrimus Pontifex gratiam prudentissimè, & justissimè revocavit, Sylvio perpetuum silentium imposuit, declaravitque suæ intentionis, & primi propositi semper fuisse, conservare singulis sua Iura, nec unquam voluisse privare Ordinem S. Augustini illis Ecclesiis, si illius erant: sed accensere Ordini, ad quem pertinerent revera: adeoque impetrationes illarum, qualitercumque factas (etiamsi motu proprio) non tenere, ut fote præter mentem, & voluntatem suam expeditas. Julius igitur Pontifex, si à Philosophis deceptus, & circumventus Baptismo foetus abortivos privasset, ubi errorem percepisset, perceptum revocasset, & declarasset. *Suæ intentionis, & primi propositi, semper fuisse conservare singulis sua Iura; nec unquam Baptismate voluisse privare abortivos, si viverent: adeoque iussiones illas, si qua infantes vivos baptizari inbiberent, qualitercumque factas (etiamsi motu proprio) non tenere, ut fote præter mentem, & voluntatem suam expeditas.*

Ecce non dantur Ecclesiastica leges de non baptizandis abortivis; interim, si darentur, fuissent justissimæ, quandiù ut certum à Philosophis, & Medicis supponeretur, illos anima rationali carere: cæterum veritate detecta prudentissimè, & sanctissimè revocarentur, & contraria lege sublata, Jure suo frui abortivi foetus permitterentur. Nec juvat dicere; non esse certum illos Anima rationali informari; Nam infans, qui probabiliter est vivus, baptizari debet sub mortali: & opinionem Fieni quis audebit improbabilem dicere, si præter Viennensis, & Pragensis Universitatum Censuras, etiam Avenionensis, quæ Pontificia est, approbatione, & judicio honoratur. Vide Danielis Sennerti Epitomen à Claudio Bonetio exaratam.

A secunda Objectione facili negotio me expedio Primo enim ajo, nosse sententiam tuam in Schola D. Thomæ defendi; illo videlicet modo, quem proponis; Nam illa Animarum successio, si

* * * *

datur

datur, brevissimo tempore completur: vel etiam alio modo dicendo, has tres Animas, quæ succedere sibi dicuntur, non distingui intrinsecè, & entitativè, sed extrinsecè, & quo ad effectus; Infunditur enim spiritualis Anima, quæ sub initium, qua vegetativa, & postea organa convenientia nata, quæ sensitiva, & tandem qua rationalis operatur. Hanc viam iniit P. Poncius Minorita: hanc alij, ut D. Thomam eum Scoto concilient *Aio secundo*, non esse necessarium, ut Constitutiones Pontificiæ ad doctrinam D. Thomæ elimentur. Hoc clarissimè ostendo: quoniam, si agamus de Immaculatæ Uirginis conceptione, opinionem minus piam habuisse D. Thomam certum, & indubitatum esse affirmant Patres Dominicani: & tamen multi Summi Pontifices ediderunt Bullas, quæ faverent opinioni contrariæ. Non posse Sedem Apostolicam in voto dispensare solemniter, est Angelici Doctoris, & omnium Thomistarum sententia: & tamen pluries Summi Pontifices in illo dispensarunt. Solius esse Episcopi Ordines majores conferre tenent cum D. Thoma communiter PP. Dominicani: Et tamen Abbas Cisterciensis, & quatuor Coabbates Hypodiaconatum, & etiam Diaconatum conferunt, ex particulari privilegio. Quid plura? Nota res est, nec debet ulterius probari. Sanè æmulis, vel invitis omnia Angelici Doctoris asserta, vel certa, vel probabilia sunt. Hoc non tollit multa posse præter, aut etiam contra probabiliter asseri. Et ut in particulari loquamur, istam consequentiam. *Hoc est contra Sanctum Thomam: Ergo est impossibile*. Nemo doctus admittet: multa enim Scotistica Schola pronunciat, quæ opponuntur Thomistarum doctrinæ, & tamen probabilia sunt. Accedit, te prudenter Propositionem simplicem à Modali distinguere, & si enim ultro demus Propositionem hanc, *Embryo tertia ad summum die informatur anima rationali*, opponi doctrinæ Divi Thomæ, negabimus eidem doctrinæ opponi hanc, *Probabile est Embryonem tertia ad summum die anima rationali informari*. Nullibi enim Sanctus Thomas dixit sententiam hanc, quam post Ficium passim amplectuntur Doctores, esse probabilem.

Theologorum.

Ad Tertiam objectionem dico, responsionem illam tuam esse solidam: Nam si dicamus Animam esse organici corporis conformatricem, nullo modo intelligi poterit Embryonem figuram humanam affectare, & anima humana carere.

Hic igitur iterum consideratis ad controversiam principalem vnico Syllogismo respondeo.

Infans, qui probabiliter vivit (qui probabiliter Anima rationali informatur) debet saltem sub conditione baptizari. Nota illud debet.

At embryonem tertia ad summum die informari Anima rationali est probabile.

Ergo baptizari debebit, si per abortum emittatur.

Uale Uir doctissime, & Deo, cujus causam agimus, me in tuis Sacrificijs commenda. Neapoli 23. Novembris 1663.

Tuæ doctissimæ, & Eruditissimæ
Dominationis humillimus Servus

Caramuel, &c.

Censura Reverendissimi Patris Magistri Fratris Michaelis de Alcantara Vicarij Generalis Italiae, & Sicilia, & Procuratoris Generalis totius Ordinis B. Mariae de Mercede Redemptionis Captivorum, Sanctæ Inquisitionis in Hispania qualificatoris, & Sacrae Congregationis Indicis in Vrbe Consultoris.

X.

DE mandato Reverendissimi P. Francisci Guinifij Religiosissimæ Congregationis Clericorum Regularium Maris Dei Rectoris Generalis, Præsulis quidem eximij, & mihi quamplurimis

Censura

plurimis titulis summa observantia colendissimi, sedulo, ac attente perlegi Disputationem istam de ministrando Baptismo humanis foetibus abortivorum Auctore R.P. Hieronymo Florentinio ejusdem Congregationis Alumno, & non modo nihil in ea offendi, quod Ecclesiae Sanctionibus, aut bonis moribus, vel leviter repugnet, verum etiam, & illius Auctorem solidae eruditionis virum, ac superiori laude dignissimum censeo, ut qui in re morali, in qua Doctores, uti Hercules in suis columnis Gaditanis non plus ultra videbantur inscripsisse, plus ultra aggredi, uti Columbus in novi occidui orbis inquisitione, ac ad inventionem, & conatus sit, & feliciter adeptus fuerit. Feliciter inquam imo & felicissime; perspicue enim apparet novam resolutionem suam non tam topica ratiocinatione probare, quam Theologica demonstratione convincere, dum eam legitima consequentia infert ex quodam principio certo ex Praecepto Charitatis desumpto, ac ad fidem pertinente, & ex varietate opinionum circa animationem humani foetus, quarum licet nulla transeat probabilitatis metas, omnes tamen, cum quaelibet sit assensus cum formidine alterius partis, evidenter concludunt, quod quamvis incertum sit determinatum tempus, talis animationis, in quocumque tamen post conceptionem, seu receptionem seminis, ea potest contingere. Quapropter judico, praedictam resolutionem uti probatissimam omnino in praxi sequendam esse, excipiendamque fore cum magna omnium, Theologorum congratulatione, si typis detur, ut lucem videat simulque det lucem. Et haec mea mens, cui lubens me subscribo sub meliori semper. Romae in hoc Conventu S. Adriani Sacri Ordinis Beatæ Mariæ de Mercede Redemptionis Captivorum die 1. Novembris 1657.

Fr. Michaël de Alcantara.

Censura

Theologorum.

Censura Reverendiss. D. D. Vicarij Generalis Illustriss.
D. D. Episcopi Viennensis.

*Stephanus de Zwixschlag Sanct. Theolog. D. Præpositus Viennensis,
& antiquissimæ Universitatis ibidem Cancellarius, S. C. M.
Consiliarius, & Illustriss. ac Reverendiss. Prin-
cipis Episcopi Viennensis, Officialis,
& Vicarius Generalis.*

XI.

Disputationem de abortivis, & immaturis Fœtibus huma-
nis conditionatè baptizandis, Authore R. P. D. Hiero-
nymo Florentinio Congregationis MATRIS DEI Cle-
rico Regulari conscriptam, magna mea consolatione legi,
& censeo planè dignissimam esse, quæ in toto Orbe Chri-
stiano evulgetur, & typis sepius mandetur, quatenus, non tam
animarum curæ Præfecti, quàm etiam omnes alij, qui partu-
rientibus, aut abortum patientibus adsunt, hanc salutiferam
doctrinam sequantur, & in plurium animarum salutem
exerceant, caveantque studiosissimè, ne hujusmodi fœtus hu-
manus sine Baptismate subito quasi non esset animatus anima
rationali de utero translatus ad tumulum, vita temporanea si-
mul & æterna privetur. Ita censeo infrascriptus **Uienne** Die
22. Decembris 1662.

Loco ♦ Sigilli.

Stephanus de ZWixschlag. Vicar-
Gener. Illustriss. Episcopi Viennen..

Censura

Censura

*Censura Reverendiß. P. Bernardi Geyer Societat. IESV
D. Theologi.*

XII.

EXimius hic libellus, & summè utilis Orbi Christiano, dignissimus est, qui sæpius recudatur, ut tam salutaris ejus Doctrina de administrando Baptismate abortivis, toti mundo securè, quinimò (ut efficacius loquar, cum eruditissimo libelli Auctore sect. III.) etiam necessariò practicanda, per novas editiones amplius innotescat. Viennæ Austriæ 28. August. 1662. Ita censeo.

Bernardus Geyer è
Societate IESV.

*Censura Reverendiß. P. Michaelis Heintz Societat. IESV
D. Theologi.*

XIII.

Disputatio de Ministrando sub conditione (prope sect. xj. explicatur.) Baptismo Humanis fortibus Abortivorum, ab Adm. Reverendo. D. P. Hieronymo Florentinio Congregationis MATRIS DEI Clerico Regulari, vix dum quadriennio ab hinc primùm in publicum emissà, brevi suo Authorianimos conciliavit, laudesque Sapientum. Id merito quidem suo: præterquam enim, quòd nihil vel à S. Ecclesiæ mente, vel à morum regula alienum continet; flagrantem pro plurimorum salute zelum Doctissimi Viri abundè prodit, præstanti eruditione conspicuum, & solidis Theologiæ subnixum momentis. Ut omninò nihil obstat: quin
libellus

Theologorum.

libellus iste , mole sua exiguus , ac amplissima vtilitate verè magnus, maximo animarum bono , secundis, & sæpius iteratis typis vulgetur. Neque vero ab eximio eius Authore desiderari quicquam possit : nisi, vt (postquam conatu felicitis ingenij, publico Theologorum testimonio, effecit ; vt Pusillorum populo in regione umbræ mortis periclitanti radius æternæ lucis affulgeret) porro nunquam desinat , erudito, quo vitur , ac sapiente calamo suæ , & alienæ salutis avidos, atque omnem sibi Theologiam demereri. Ita censui, Viennæ Austriæ Die 28. Augusti 1662.

Michaël Helntz è
Societate JESV.

*Censura Rever. P. Maximiliani Reichenberger Societ. IESV D.
Theologi. ejusdemque in universitate Pragensi Pro-
fessoris ordinarij, & facultatis Philoso-
phicæ pro tempore Decani.*

XIV.

LEgi accuratè , & expendi Disputationem de Ministrando baptismo humanis fœtibus abortivorum , editam à Rev. P. Hieronymo Florentinio Congregationis MATRIS DEI, Clerico Regulari, & censeo sententiam asserentem, fœtus abortivorum, quocumque tempore reiectos, sub conditione baptizari posse, & debere, esse tum ex principiis intrinsecis, tum propter gravium, & pericissimorum Medicorum auctoritatem, valdè probabilem. In hujus rei fidem propria manu subscripsi Pragæ in collegio S. Clementis Societ. JESV die 3. Janu. Anno 1663.

Maximilianus Reichenberger è
Societ. IESV SS. Theol. Doctor.

Censura

Censura.

Censura Reverendiſſ. Raymundi Pinſger Ordin. Prædicat. S. Theologiae Doct̃or. Generalis Studiij Viennens. Regentiſſi, & Convent. p. s. Vice-Prioris.

X V.

Libellum hunc ab Admodum Reverendo Domino Patre Hieronymo Florentinio Clerico Regulari, non minùs vtiliter, quam ingenioſè elucubratum, perlegi; qui cùm de-adminiſtrando humanis fœtibus Abortivorum Baptiſmate, tractet, ejuſdemque neceſſitatem, & obligationem ponderoſis rationibus, & argumentis perſuadeat, tanquam fœtus quidam intellectualis, ex fœcundiſſimo, ac ſubtiliſſimo Authoris ingenio quaſi ſemine conceptus, jamjamque progenitus, per omnia ſanæ Doctrinæ conformis, adeòque non abortivus, aut immaturus, digniſſimus eſt, vt per novas editiones, iterum iterumque renaſcatur, quo ſic uberrimis benevoli Lectoris ſuffultus alimentis, ad immortalem eiujſdem Authoris gloriam multarumque animarum vtilitatem, & ſalutem magis magiſque excreſcat. Ita cenſeo, Uiennc Aultriæ 1. Septembris, 1662.

Fr. Raym. & c. Pinſger Ord. Præd.

Cenſura Reverendiſſim. P. Chriſtophori Spies Ordin. Prædicat. S. Theologiae Doct̃or.

X V I.

CUm Diſputatio hæc eruditiffima, de Miniſtrando Baptiſmo humanis fœtibus Abortivorum conſcripta, nil Fidei, aut bonis moribus contrarium contineat, quin potius plurimum proximorum

Theologorum.

proximorum salutē consulat, dum Author in ea infantium, super ipsos tueri non valentium, zelosum agens Advocatum, fortunamque Abortivorum partes, de Ministrando eisdem Baptismo, piē, & ingeniosē defendens plures Parvulos ad Dominum Parvulorum amatorem conatur deducere, opus hoc prælo dari, & publici juris fieri posse censeo.

Fr. Christophorus Spies, Ord. Prædic.
SS. Theologiæ Doctor.

*Censura R. P. Vincentij Geitter. Ord. Præd.
S. Theolog. Doct.*

XVII.

Libellus hic à me infra scripto relictus, non supra aream, sed supra solidissimam tum Auctoritatum, tum rationum petram fundatus subsistit. Proinde velut Civitas supra montem posita, abscondi non potest, sed potius dignus est, ut secundo prælo lucem non tam aspiciat, quàm aliis præluceat; velut lucerna accensa super candelabrum posita; quod maximè præstat erga humanos Abortivorum foetus, æternis alioquin tenebris obnoxios, quos eximia instructione, & directione circa administrandum iisdem Baptismi sub conditione Sacramentum illuminat, & reducit ad lucem inaccessibilem, ut luceat eis cum Sanctis Dei lux æterna, & qui erraverāt ab utero, dirigit in viā justitiæ, & veritatis: qui mox sederēt in regione umbræ mortis, præservat ad vitam, promovendo parvulos venire ad eum, qui est via, veritas, & vita ut sint Cives Sanctorum, & domestici Dei, qui fuerant vi peccati originalis patria extorres; prodeat ergo voto meo libellus hic in lucem communem, qui pro communi multorum pusillorum perpetua utilitate salubriter est conscriptus. Ita Censeo

P. F. Vincentius Geitter
Ord. Prædicatorum SS. Theol. Doctor.

*Censura R.P. Jacobi Philippi Polini Magistri, Regen. & Lector.
publ. in Conv. S. Dominici Bononia.*

XVIII.

TAm multiplex, diffusaque Scolaſticorum eſt complexio, ut admodum ſemper collaudaverim illud ad Ephel. 3. *Multiformis*. textus Syriaci verſionem. *Sapientia Dei differentiis plena*. Reticeo plures humorum varietates, quibus DD. conſtant: hanc dumtaxat meo inſtituto non abſonam, obſervo. Quosdam enim capulari dogmatum vetuſtati expertus ſum affixos, ut probro dent, quidquid novitatis umbram augurari conſpexerint, morſibus placita recentiora corrodescentes, & comminuentes. Alios recentiorum aſſerta ambabus ulnis vice verſa amplexantes, & principia, tametſi pretioſo veritatis unguento delibuta, non alio ab eiſdem depulſa prætextu, niſi quia ex ſenili Parentum fonte perenni fluxu deſluerunt. Quamvis autem novitatis aliquid redolentia, niſi vetuſtiſſimis Angelici Doctōris innitantur principiis, mihi non multum arrideant, (hac namque ratione pronunciatum Chriſti illibatum cuſtoditur, qui de Patre familias ediſferens, De Theſauro ſuo nova, & vetera deducens, vetuſtatem haud propulſans, nec novitati interdicens, utramque tamen amicabili nexu conjungit) noviſſima tamen collimantes, Conſtantinopolitanæ Synodi ſententia proteſtos, nempe *Beatus qui prædicat verbum inauditum*, prorſus non illaudo. Præſertim ſi ea, qua par eſt reverentia, veritatisque indagandæ cauſa pandantur; nec non ſpiritu non illaqueandi, ſed Animas ſalvandi dirigantur: quæ cum ſumma induſtria, mira claritate, diſputandi methodo, pulcherrimo ſtylo, propria eruditione, in hoc perinſigni Libello de Baptiſmare ſœtibus abortivis conferendo à Doctiſſimo Presby. Hieronimo Florentinio Congregationis MATRIS DEI Clerico Regulari, elaborato apprimè illuceſcant: Ego inſcriptus Sacræ Theologiæ Magiſter, ac in celeberrima Univerſitate Bononiænſi Theologicæ

Theologorum.

gica Cathedræ S. Thomæ Moderator, nec non studij Generalis S. Dominici Regens (qui jussus, sedula pro viribus diligentia, non impari voluptate, hoc præclarum Opusculum iustravi) fateor nihil in eo reperisse Fidei Catholicæ Regulis dissonum, Christianæ vitæ moribus nihil contrarium: Quinimo auctori non modicum ornamentum allaturum, omnibusque studiosis plausibilem futurum censeo. Si quidem in arduis, vel altissimis voluisse; seu attentasse, commendabile judicatur; hinc conatus, studium, vigilantia, pulsatio ad supernaturalem gratiam, virtutis non esse naturalis sancitur in Concilio Arausicano *can. 6.* Magisque concupiscimus scire modicum de rebus honorabilibus, & altissimis, quamvis topicè, ac probabiliter dumtaxat, quam multum certoque de minus Nobilibus, si credimus Philosopho *libro 11. de animalibus* apud D. Thom. *libro primo de Anima lect. 1.* Quid, quod in Theologica navigatione, quæ difficultates, quæ pericula superanda sint, qui leget, intelliget: Nos enim sub aquis tam vehementibus non gemere tantum (quod, & magnis viris, ipsisque etiam Gigantibus evenire, Scriptura testatur) sed & opprimi, ac penè mergi non diffitemur, cum à spiritu procellæ exaltati fluctus ascendant usque ad Cælos, & descendant vsque ad Abyssos, ut in tanto disputationum fragore, & illidentium undarum mole, omnis sapientia nostra (si tamen nostra) plenè devorata sit. Quid nì petere in tam luctuosa tempestate portum, dirigendo puppim, movendo clavum, expediendo vela, dignum commendatione non prædicabitur? Laudetur ergo, pluribus celebretur titulis, conatus, studium, siderium, vigilantiaque præfati eximij viri. Datum Bononiæ in Conventu S. Dominici die 1. Julij 1663.

F. Jacobus Philippus Polinus.

Censura

Censura R. P. Alberti de Albertis Soc. IESV S. Theol. Doct. in Collegio Romano.

XIX.

LEgi jampridem idem quoque pereruditum eiusdem Adm. Reu. Patris Hieronymi Florentinij Opusculum de Ministrando Baptismo, &c. testorque ingenuè, mihi illius sententiam legitimè probabilem visam esse, ea propter, quoniam apud cunctos Doctores extra controversiam est, toties sub conditione administrandum esse baptismum, quoties sub dubio negativo rationabili, vel sub opinione probabili est, an validè fuerit collatus vel omninò prætermisus. Vnde infero conferendum quoque esse sub conditione, quotiescumque sub dubio negativo rationabili, vel sub opinione probabili est, an fœtus sit rationali anima informatus; nec ne? Quandoquidem in utroque casu idem periculum damnationis æternæ imminet, ut consideranti perspectum est, facilèque evinci posset, si hic locus esset. Porro omnia, quæ valdè erudite Author ibidem disceptavit, ex doctissimis Medicis, & Philosophis, & Theologis, vel opinionem probabilem, vel saltem dubium negativum rationabile, necessariò gignunt: an ille fœtus initio sit Anima rationali informatus Neque vllum hætenus argumentum audiui, quod physicè, vel moraliter demonstret non esse in principio prædicto modo eum animatum, sed certè prorsus sine prudenti formidine constare de opposito. Quare libenter subscribo supra expositæ doctrinæ, etiam quantum ad reliquas conclusiones, Salvo meliori Iudicio, &c.

Albertus de Albertis è Soc. IESV
5. Julij 1663.

*Censura R. P. Antonij Casilij Soc. IESV olim in Collegio Romano
S. Theologiae, & Philosophiae Lectoris, & pro
tempore Studiorum Praefecti.*

XX.

LEgi disputationem de Ministrando Baptismo humanis foetibus abortivorum Adm. Rev. Patris Hieronymi Florentinij Congreg. MATRIS DEI Clerici Regularis, in eaque laudavi ingenium, Pietatem, prudentiam, doctrinam, & eruditionem, ex qua sequentes mihi videntur satis probabiliter elici posse conclusiones.

Prima, in quocumque dubio rationabili etiam negativo, quod foetus sit animatus, potest, imo ex charitate debet baptizari. Conclusionem optimè probat Author, & elicitur ex principiis moralibus evidentibus.

Secunda, Supposita incertitudine animationis foetus, & probabilitate, quod statim primo animetur Anima rationali: Probabile est, posse baptizari foetum quocumque tempore habet aliquod etiam dubium signum viventis, quamvis non appareat sensibilibiter organizatio accidentalis membrorum, &c. quia adhuc potest esse homo substantialiter cum Anima, quæ contraxit peccatum originale, & à qua formatur organizatio accidentalis membrorum, &c.

Primam, & secundam partem erudicè probat Author, ex quibus satis probabiliter deducitur conclusio.

Ex his

Infertur, viros doctos data opportunitate, debere ex Charitate hanc doctrinam propalare, præcipuè Parochis, ut illam suis Parochianis insinuent, præsertim Obstetricibus, & Medicis: Verum magna opus est prudentia, & suavitate, hisce initiis propter Pusillos, ne exciteretur in illis turbatio, quæ solet parere novitas; quamvis hæc non sit novitas, sed antiqua veritas, noviter tamen deducta, sicut quotidie fieri solet; Paulatim enim usu mollescit:

†

sicut

Censura

sicut factum est in multis, ut Author eruditè ostendit in conferenda absolutione moribundis, &c.

Nec obstat, quod Ecclesia huc vsque hanc veritatem non docuerit fideles; Nam sicut sacrum tectumque est, ipsam non posse docere falsum, ita indubitatum est non teneri docere omnes veritates, præsertim, quando tradita sunt talia principia, ex quibus alia veritates deduci possent expressius, ut paulatim fieri videmus. Ita judico Salvo, &c. 6. Julij 1663.

Antonius Casilius Societatis JESV.

Censura R. P. Michaelis Bassani Soc. IESV, Doctor. Theologi, & librorum in Italia imprimendorum Censoris.

X X I.

Disputatio de Ministrando Baptismo humanis foetibus abortivorum Auctore Admodum Rever. P. Hieronymo Florentinio Congregat. MATRIS DEI Clerico Regulari, licet quæstionem contineat à Theologis tam Scholasticis, quàm moralibus non agitatam, eam tamen singulari eruditione sacra, & profana, ita sapienter contextam, tantoque authoritatis, & rationum pondere communicam proponit, ac dissolvit, ut si qua inter opiniones, de re morali valde dubia, & obscura supremum probabilitatis gradum attigit, hanc, de ministrando Baptismo humanis foetibus abortivis, opinionem auctoris sui solertia, & ingenio, illum feciliter attigisse non dubitem
Ita judico ego

Michaël Bassanus Soc. JESV.

Censura

*Censura R. P. Nicolai Martinez Sec. IESV D. Theol. in Collegi-
Romano p. t. S. Theol. Primarij Lectoris.*

XXII.

Vldi eruditam Disputationem doctissimi Uiri Hieronymi Florentinij Congreg. MATRIS DEI Clerici Regularis, de Ministrando Baptismo-Humanis foetibus abortivorum: & reperi plenam eruditionis, & Theologicæ Doctrinæ, adeo ut argumentum sibi propositum omnino impleat. Circa resolutionem Authoris judico, illum modestissime agere, dum contentus rem in utramque partem problematicè examinasse, tandem concludit, se in illam magis inclinare, quæ Baptismum infantibus immaturè editis, concedit. In quam eandem Conclusionem ego libenter eo.

Primo, quia quoties prudentibus fundamentis dubitatur, an vivat nec ne, hujusmodi Infans baptizandus est; nec modo potest, sed & debet baptizari ab iis, ad quos spectat. At certum est, hujusmodi foetus imperfectos non vivere incertum esse; & de illis, an vivant dubitari cum prudentibus fundamentis posse Ergo & baptizari debent, & possunt. Major est omnino certa in re morali, & si illa non admittatur, ut certa, corruere necesse est innumeras conclusiones, quæ quasi certa dogmata in praxi Ecclesiæ communi recepta sunt. Minor verò evidenter ostenditur ex iis omnibus, quæ in hoc tractatu aureo disputantur à pr. sect. usque ad 11.

Secundo, quia quoties concurrunt duo Præcepta impossibilia, hic, & nunc, quod minus est, cedit majori; & majori obtemperandum est; remittente interim minore suam vim obligandi. At hic concurrunt duo præcepta, alterum Charitatis erga Deum, & Proximum, in materia spiritualissima, in qua agitur de summa rerum, hoc est de salute æterna Animæ: Alterum de reverentia servanda Sacramentis. Illud primum majus est, & strictius obligat, quam hoc secundum, ut patet tum à priori,

† 2 quia

Censura

quia illud præceptum pertinet ad Charitatem Dei, & Proximi quæ præcudubio est major virtus, quàm religio : Turn à posteriori, quia in similibus casibus ejusdem Concursus sive occurus præceptorum, semper charitati obtemperamus, subveniendò Proximo periclitanti spiritualiter, & præceptum religionis, ut hic & nunc non obligans, omittimus; sic moribundo sensibus destituto, de quo dubitatur, an sit dispositus, absolutionem sub conditione impendimus, Infantem morti proximum cum adest solum aqua, de qua dubitatur, an sit naturalis, baptizamus, &c. Ergo hujusmodi fœtus imperfecti etiam baptizandi sunt sub conditione.

Nec obstat consuetudo contraria. In primis, quia in hac re praxis est anceps, & varia, secundum opinionem Medicorum, & Obstetricum. Nec potest probari in Vniversa Ecclesia viguisse, aut etiam nunc vigere praxim vniformem omninò contrariam. Secundo, & maxime quia Pastor universalis, sicut nec quicumque alter legislator descendit ad casus particulares specificè, & in individuo, qui propter circumstantias infinities combinabiles, sunt infiniti; sufficientissimè saluatur Providentia Sanctæ Matris Ecclesiæ circa salutem horum parvulorum minorum, si dicatur sub principiis, legibus, & regulis generalibus de Baptismo parvulis Ministrando, etiam hos, de quibus est sermo, fuisse comprehensos. Ita sentio, & judico, salvo semper Doctorum, & præcipue Superiorum meorum Judicio, cui me, & resolutionem hanc submitto, dum subscribo. Romæ in Collegio Romano Societatis JESV die 21. Julij 1663.

Nicolaus Martinez

in Coll. Rom. S. Theol. Lect. &c.

Censur

Theologorum.

*Censura Reverendissimi Patris Ioannis Trybault Societatis. I E S V
Doct. Theologiæ & olim Sacra Theologiæ Le-
ctoris Lovanij.*

XXIII.

Exhibita mihi fuit hæc propositio. *Fetus Abortivi quo-
cumque tempore edantur in lucem etiam primis diebus cum
dubium sit, illos vivere Anima rationali, Baptizandi sunt sub
conditione.* Et expansis rationibus, quas pro ea affert Reve-
rendissimus Petrus Hieronymus Florentinius Congregationis
MATRIS DEI Clericus Regularis; Censeo, propositio-
nem probabilem, & practicè sequendam: modo foetus illi
humanam speciem præferant, & non planè constet esse
mortuos.

Datum Antuerpiæ 8. Martij 1664.

Joannes Tribault Societatis
I E S V S Sacræ Theologiæ
Lovaniij quondam Professor.

*Censura Excellentissimi Dom. Dom. Ioannis Baptiste Solerij
Medici Lanuens.*

XXIV.

Opinionem de incertitudine temporis, quo Anima ratio-
nalis foetui in utero Matris existenti, infunditur, ab
Adm. Reverendo Hieronymo Florentinio, Cōgregat. MATRIS
DEI, Clerico Regulari, in suo doctissimo opusculo de Mi-
nistrando Baptismo humanis foetibus abortivorum assertam,
probabilissimam esse omnino censeo; vt varietas doctissimo-

† 3 rum

Censura

rum virorum in hoc tempore decernendo manifestè ostendit : quod soli Deo cognitum esse , certè credo ; Probabilior tamen in tanta incertitudine existimo sententiam opinantium, Animam rationalem primis diebus à concepto foetu, infundi ; quia sive fiat delineatio , & formatio immediate à Deo ; sive ab Intelligentia , sive ab Anima vegetante , ut doctissimis viris placuit , cum otiosa non sit facultas ; & omnia membra simul , & eodem tempore formentur , credibile est statim , ac primis diebus ad eam formationem devenire , in qua Anima rationalis decenter infundi possit ; Hanc formationem in provocato abortu die septima observavit Hippocrates , qui ex sententia Macrobij nimis tamen audacis , nec falli , nec fallere potuerit.

Nec obstat , quod in abortivis foetibus hæc non observetur quotidie : quia multa concurrere possunt ad has obtebrandas delineationes ; præterquam quod natura tanta subtilitate sua perficit opera , quæ possint potius intellectu , quam sensu percipi omnino. Acarus habet motum progressivum , & per consequens pedes , crura , nervos , spinam , & caput , aut quid illis respondens ; & totum animal ope etiam Microscopij vix intueri quis potest ; Stat igitur verum , incertum , & valde dubium esse tempus , quo Anima rationalis à Deo creatur , & corpori infunditur , & probabilior em esse sententiam , quæ hoc primis diebus fieri asseverat , Et ita ego sentio salvo , &c.

Ioan. Baptista Solerius
Medicus Januensis .

Illustr.

Illustrissim. & Reverendissim. Patres, vincti numero S. Theologiae Professores, Doctores, & Magistri, in celeberrima, & Dignissima Universitate Salmanticensi, visa mea prima Disputatione, De Baptismo Abortivorum edita Ludugni anno 1658. & lecto etiam folio, eadem de re, Luca impresso anno superiori 1663. non solum approbarunt etiam ex professo, meam Prothesim de Baptismate humanis fœtibus quocumque tempore ab utero Matris fundantur, ministrando: Sed imò, tanto studio, & animi propensione periclitantes Animulas juvandi, hujusmodi veritatem amplexi sunt, ut Illustrissim. D. D. Laurentius Cenamius, nunc pro nostra Excellentiss. Rep. Lucensi apud Philippum IV. Orator digniss. datis ad me litteris sub die 8. Octobris hujus presentis Anni 1664. scripserit, Reverendissim. Salmanticenses Theologos ad omnes Hispaniarum Episcopos, significasse per Epistolas, meam prædictam Propositionem, esse usu recipiendam, & sequendam in praxi.

Sequuntur Censuræ Illustrissimorum, & Reverendissimorum Patrum Salmanticensium, quarum prima est, imo Opusculum Reverendissimi Patris Ioannis Barbiani Societatis I E S V, in quo doctissime, breviter, & dilucidè perstringit, omnia, quæ ego tribus sequentibus Disputationibus, & præsertim
Tertia

Censura

Tertia jam impressa, fuscæ, & sparsim asserveram; Veritas, enim vna est, & vbique, omnibusque illam amantibus, se prodit cognoscendam.

XXV.



Idem, & accurate perlustravi libellum Rev. Adm. P. Hieronimi Florentinij Congregat. MATRIS DEI Clerici Regularis Lugduni editum, cui titulus est, *De administrando Baptismate Humanis fœtibus abortivorum*, eximiè jam laudatum, & comprobatum ab Illustriss. Domino Caramuele. Uidi etiam, & duo ejusdem authoris folia seorsim typis mandata, in quibus novâ luce donatur propositio illa: *Fœtus abortivi quicumque tempore edantur in lucem, etiam primis diebus, cum dubium sit illos vivere anima rationali, Baptizandi sunt sub conditione*. Existimo autem prædictam propositionem, quæ est totius doctrinæ summa in libello contentæ, non solum esse probabilem, & ab omni prorsus censura, siue Theologica, siue Philosophica immunem, sed veram etiam, & in praxi ab omnibus observandam; dignumque esse authoris studium, quod totus litteratorum Orbis cum laude, ac plausu excipiat; cuique de asserta, vel asserenda forsân tot animarum in abortivis fœtibus delitescentium salute, Catholici omnes gratulentur. Ecce enim duo tantum continet illa propositio. Primum est, posito quod prudenter dubitetur, an sit anima rationalis in humano fœtu à primis etiam diebus, cum conformari jam incipit, si eum aboriri contingat, posse ac debere sub conditione Baptizari; ac de hoc quidem dubitari minime potest. Alterum est, incertum nobis esse absolute, atque omninò dubium, quo temporis puncto humanus fœtus anima rationali vivere incipiat, ac sententiam esse, vel positive, vel saltem negative probabilem, quæ docet animam rationalem mox à principio concepti fœtus infundi, nec expectandum esse quoadusque omnibus organis humanæ proli convenientibus corpusculum

Theologorum.

corpusculum illud distinctum perfectumque sit. Et quo ad hanc etiam partem spectat, plane in ea sum sententia, ut quod anima rationalis sit primis diebus in foetu, videatur posse prudenter dubitari, Id enim & ex autoritate scripturæ, ac SS. PP. & ex tot relatis Philosophorum sententijs, rationibusque ab Authore diligenter adductis, efficaciter comprobatur. Quo circa, quamvis nihil Omnino desiderandum nobis reliquerit Authoris industria, adnotare hic tamen breviter placuit, quæ novissime scripsit Petrus Gassendus Sacræ Theologiæ Doctor, ac Philosophiæ quidem peritissimus, qui solus hac de re latuisse videtur authorem libelli, forte quia Italiam ex Gallia nondum transcendit.

Hic igitur tom.2. sect.2. Physicæ, membro posteriori lib.4. capite quarto sic habet: *Quandoquidem vero dubium superest, de tempore quo rationalis anima in corpus infunditur, statendum est sane rem esse obscuram, nihilque de ea definiri posse, quo ad usque sacra fides, qua creati, & infundi docet quo tempore id fiat definierit. Quippe cum res pendeat ex Dei arbitrio, nemo, mortalium scire id possit, nisi cui forte Deus revelet, aut quis sit, qui gloriari possit esse se Deo à consiliis. Tunc postquam proposuit, & ex principijs Sacræ Fidei rejecit Stoicorum sententiam, quia assererebat animam rationalem non prius, quam à partu seu nativitate, homini advenire, subiungitur: Longe esse planius videretur, ut putaremus infusionem fieri ab ipsa usque conceptione, seu à quo usque tempore, semina eo pacto excepta, commixtaque in utero sunt, ut confirmationis actio inchetur quippe propter illum tenorem, quem jam inculcavimus (scilicet quo foetus ita paulatim formatur, ut ab obscuris quibusdam rudimentis, ad maiorem semper maioremque distinctionem insensibiliter procedatur) nullum referitur commodius momentum, cum assumpto quolibet alio, incredibile fiat, cur non tantisper antea dispositio idonea fuerit, aut cur tunc adeo fuerit idonea, ut non tantisper amplius expectari debuerit. Nam quod credunt quidem Aristoteli agnoscanti in*
† † fatu

Censura

fætu ex semine usque vegetalem animam, decentique temporis progressu sensilem recipi, qua animal fiat, ac postremo accedere extrinsecus mentem, qua evadat homo; Ecce, si requiratur, cur non ab initio, sentiens quæque anima sit? Respondent, quia tunc non sunt adhuc organa ad sentiendum apta; & si instetur, cur tum est etiam sentiens, rationalis quoque non sit. Respondeant oportet, quia non sunt tunc quæque organa ad ratiocinandum idonea. At verò admittuntne fætu in utero ratiocinari, ex quo rationalis adest anima, quod jam sint inservientia ratiocinationi organa idonea? Nam perspicuum est homines ratiocinari non posse nisi longè à nativitate, &c. Quare organorum dispositio videtur quidem necessaria, ut operari anima, non ita ut inesse possit; adeo proinde ut cum anima fætui infundatur intra uterum, dum illi tamen nullus esse rationis usus conceditur, nihil esse videatur magis consentaneum, quam ut ab initio usque infundatur. Hæc Gassendus. Ex quibus & si cætera decissent, constare satis videtur, quam prudenter dubitari possit de infusionis animæ rationalis ab ipso usque humani fœtus exordio. Nec obesse quidquam potest, quod immediatè Gassendus subjungit. Verumtamen aliqua sunt, quæ id fieri ratum minimè patiuntur. Nam primo sunt aliquæ leges tam canonicæ quam Civiles, quæ præcurationem abortus, aut alias occisionem fœtus in utero pro homicidio non habent, nec puniunt, nisi ille fuerit formatus animamque acceperit. Deinde praxis non est Ecclesiæ, ut fœtus qui sunt informes baptizentur, etiam sub illa conditione, si animatus quidem est, &c. Nihil, inquam, obesse hoc potest; Nolumus enim ratum esse quod anima rationalis sit primis diebus in fætu, sed solum, quod sit probabile, aut de quo saltem dubitari meritò possit; nec argumenta quæ Gassendus insinuat, ab ipso adducuntur, quasi manifestè demonstrent, dari post conceptionem tempus, quo rationalis anima nondum creata sit, ac infusa, sed quia rem probabilem faciunt, & sententiam oppositam, quam velut probabiliorē amplectitur, ratam esse non sinant. Et certè quod

Theologorum.

quod ad primum attinet, ut leges tam Canonicae, quam Civiles procuracionem abortus pro homicidio non habeant, donec ille formatus jam sit, satis est, quod ante formationem foetus non constat illum esse animatum, quamvis dubitari possit, an etiam ab initio animam rationalem acceperit. Nam in dubio an foetus sit animatus, forum externum praesumit pro inanimatione in favorem delinquentis, ut ait Navarrus consil. 46. de homic. Ergo quod procuratio abortus in foro externo, non semper reputetur esse homicidium, nihil obest; quominus prudenter dubitari possit, an foetus ab initio anima rationali vivere incipiat. Quod vero attinet ad praxim de non Baptizando foetu adhuc informi, ea ipsa est quam cavere intendit Auctor libelli, & quam revera probat non esse ipsius Ecclesiae praxim, sed Parochorum, aut obstetricum incertiam, vel incuriam.

Prosequitur deinde Gassendus, & concludit probandam non esse sententiam illam, quae asserit animam in maribus quidem circiter quadragesimum, & in foeminis circiter octogesium diem, infundi, quia articulatio foetus conspicua tantum temporis non expectat; ac praeter memoratum, inquit, factum dierum duodecim, observata est etiam ab Hypocrate delineatio in foetu dierum non amplius septem; idcirco supposita etiam delineationis necessitate ad infusionem animae, videretur animae infusio reduci saltem posse ad septimum diem, neque esse trigesimum aut quadragesimum expectandum. Quamquam idne adhuc tempus congruum sit, Deus solus haecenus novit. Sive igitur organorum distinctio necessaria sit ad introductionem animae rationalis, sive non sit necessaria; dubium tamen esse potest, an foetus abortivus paucis à conceptione diebus vivat anima rationali, cum intra paucos dies à concepto foetu, dari absolute possit corpus organicum, licet ejus dearticulatio communiter in tam exigua quantitate observetur.

Imo exinde suaderi probabiliter potest, advenire animam rationalem statim, ab initio conformationis foetus; quoniam

††

anima

Censura.

anima rationalis non requirit ad actuandum corpus, exquisitam perfectamque ipsius organizationem, ut patet in infantibus, quibus adhuc sunt organa rudia, & confusa, ut proinde rationis usu tandiu careant, donec sint omnino distincta, & elaborata: Ergo sufficere debet organizatio quamvis imperfecta, & obscura; at foetus mox à principio habet aliqua organa, non illa quidem eo modo distincta, quo sunt temporis progressu futura, sed confusa tamen, soluta, ac rudia, cum natura statim à conceptu foetu prima hominis lineamenta ducere incipiat. Ergo dici probabiliter potest mox, à principio animam rationalem infundi, cum etiam sit prorsus consentaneum illam è Dei manibus recens natam, non exigere adhuc nisi corpus nascens, seu organis nascentibus, rudissimis scilicet constans.

Confirmatur primo: quoniam, si certo quodam momento, corporis dearticulatio fieret, ac membra velut erumperent; tunc fortè probabilius, certiusvè esset, animam rationalem simul cum iis advenire; at quia res potius ita fit, ut à rudissimis rudimentis ad maiorem semper, maioremque distinctionem insensibiliter procedatur, ut loquitur Gassendus, probabile jam est ab initio usque animam adesse, quæ actuosa ex se cum sit, non cesset unquam incumbere qualibuscumque functionibus potest.

Confirmatur secundo. Namque in humano foetu, dispositiones, quæ sufficiunt ad animam vegetativam, & sensitivam, sufficiunt etiam ad rationalem; tum quia anima rationalis apta est per se exercere operationes vegetativas, & sensitivas: Tum quia ulterius expectare non potest ad primam sui existentiam, ut materia sit capax discursus: certum enim est, & apud omnes in confesso, imo sæpe insinuatum in scriptura nasci homines, & vivere anima rationali, etiam tunc, cum nulum rationis actum elicere possunt. Atqui dispositiones ad animam vegetativam, ac sensitivam, citissimè adsunt, quando foetus formari jam incipit; Ergo non improbabiler dici potest foetum humanum ab initio usque animatum esse anima rationali

Theologorum.

rationali. Minor prob. Nam, ut expressè advertunt Patres Conimbricenses in libro 2. de anima capite primo quæst. 4. artic. 2. *Fætus confestim post conceptionem nutritur sanguine, quem ei Mater per venam umbilicarem ad id muneri destinatam transmittit, &c.* Deinde aliquot post diebus moveri incipit, et si tenui & obscuro motu; ut in iis qui alor su eiciuntur, observari poterit: si enim pungantur, contrahent se se, quod pertinet ad animam sensitivam. Igitur ab initio fœtus adsunt dispositiones requisitæ ad animam vegetativam, quandoquidem adest anima ipsa, & paulo post sensitiva se prodit. Ergo & ab initio etiam adesse oportet dispositiones ad animam rationalem, atque adeo ipsammet corpori infundi; quando quidem cum primo creatur, & infunditur, non alias quam vel vegetativas, vel sensitivas operationes exercere potest, aut petit. Quare vel hoc argumento constat opus non esse, ut materia fœtus informetur primum sola anima vegetativa; deinde verò sensitiva, ac demum rationali, cum dispositiones quæ sufficiunt ad animam vegetativam, aut sensitivam, sufficiant etiam ad rationalem.

Hinc vero statim suboritur Tertia confirmatio. Quamvis enim propter authoritatem Angelici Præceptoris probabile admodum sit, animam vegetativam, ac sensitivam præcedere rationalem in eadem materia; probabilius tamen, magisque receptum est, solam esse in humano fœtu animam rationalem, quæ prius quidem actiones vegetandi, deinde sentiendi, ac tandem suo tempore intelligendi munera obeat: Quod præterea, quæ author libelli adducit præsertim sect. 3. probari ulterius potest tum ex proximè dictis; tum, quia captum fugit, generationem hominis non nisi alterius animalis morte constare, & quod natura eo solum fine animal illud pariat, ut brevissime pereat; tum denique quia cum dispositiones unius animæ sint subordinatæ, nedum impossibiles, cum dispositionibus alterius animæ, deberet potius in eodem vivente remanere præcedens anima, & sequi pluralitas animarum simul, contra Doctores. Quis enim credat animam vegetativam,

aut sensitivam informare foetum adhuc informē, cum imperfectè solūm, aut obscurè agere possunt, ac demum, cum adeptæ jam sunt materiam exquisitè organicam, in qua operari perfectius possent, procul ab ea expelli? Quippe nulla unquam substantialis forma esse desinit, nisi dispositiones sibi contrariæ in materiam prius introducantur. at vero anima vegetativa, vel sensitiva, quæ rationalem præcederet, tunc potius peritura foret, cum materia jam esset perfectè disposita ad actus sentiendi, & vegetandi; quod plane videtur, absurdum. Dicendum est igitur, ante adventum animæ rationalis, nullam aliam præcedere in foetu vel vegetativam, vel sensitivam; atqui foetus ab initio est absolutè animatus, siquidem continuo per nutritionem augetur, atque intus se se in omnem partem figurat, & format. Ergo ab initio usque vivere incipit anima rationali.

Denique confirmatur: quia quæcumque alia forma, præter animam rationalem, nutritionem, & incrementum foetus, & elaborationem illam organorum peragat; ipsamet sibi suam destructionem moliretur; siquidem postquam sunt jam organa distincta, & elaborata, cum advenire debeat anima rationalis, ipsa operi suo superstes esse non poterit. Ergo forma illa quæ embryonem format, nisi sit anima rationalis, directè operabitur in sui ipsius interitum: at hoc absurdum esse videtur ergo dicendum est, animam rationalem esse, quæ sola ab initio, foetus conformationem aggreditur; æquius, enim est, ut quæ organizatum jam corpus sola possidet, organizationi prius incumbat, & in sui emolumentum laboret; quam ut alia quævis forma nihil sibi profuturo labore defatigaretur, & propriam sibi mortem adsciscat.

Jam quod attinet ad parvitatem humani corpusculi quamvis illud primis diebus hordeacei grani magnitudinem non excedat, ut ex sententia Medicorum docet Auctor libelli, nihil obest quominus in ea quantitate adeo parva existere possit anima rationalis. Nam minimum quantitatis, in qua potest anima rationalis primum infundi, non excedere quantitatem

Theologorum

titatem formicæ , docet ex Aristotele D. Thomas in 3. dist. 3. quæst. 5. art. 2. & Abulensis in cap. 1. Matthæi, parte 1. quæst. 53. Atque id quidem mirabili artificio Divina Sapiencia instituit, ut viventia creata in suis initiis sint adeo parva , & minimum quod fieri possit accipiant à generante , nempe ut cœtera vitaliter , & ab intrinseco obtineant , imitando modum illum quo Deus se habet. Quare homo , qui est inter viventia omnia corporea excellentioris naturæ , eo ipso debet in exigua valde quantitate produci , vt totam ferè magnitudinem suam sibi debeat , ac naturam Divinam , quoad fieri possit , æmuletur. At qui hinc etiam facilè rejicitur , quod communiter dici solet , non decere vt anima rationalis , quæ est forma omnium perfectissima , in rudem , & inpositam materiæ molem ab initio fœtus introducatur , sed in corpus organis aptè , concinneque elaboratum. Hoc inquam facile rejicitur , quia , cum modus habendi perfectionem à se sit proprius Dei , & maxima omnium perfectio , tanto aliquod vivens erit perfectius , magisque ad Deum accedens , quanto magis habet à se perfectionem suam. Jgitur major erit perfectio hominis , si anima rationalis ab initio , fœtus conformationem peragat , ac totam corporis sui concinnitatem , & elegantiam à se ipsa vitaliter obtineat , quam si corpus organis jam suis distinctum , & elaboratum ab alio accipiat. Namque hoc pacto poterit anima corpus agnoscere tanquam aliquid plane suum , hoc est tanquam adæquatè à se ipsa in eam figuram conformatum. Sic invenire aliquam pulcherrimam veritatem proprio ingenio , melius est ac delectabilius , quam illam discere ab alio , & universim , quod modus possidendi aliquid bonum tanquam à se partum , augeat pretium ipsius boni , docuit Aristoteles 1. rethoric. cap. septimo. Non igitur dedecet animam rationalem , vt in rudem , & inpositam materiæ molem prius infundatur , quando ipsa sibi confestim elaborare illam potest , quin alteri formæ debeat organorum omnium , & corporis sui apparatus.

Sed finem hic facio , ne amplius videamur ligna in sylvam adducere .

Censura

adducere, vel lumina in solem; quando in libello Authoris nihil omnino desiderari possit ad stabiliendam suæ propositionis veritatem. Quare iterum censeo, prudentissimè dubitari posse, an fœtus abortivus à primis diebus vivat anima rationali, & consequenter cum sub conditione Baptizari debere etiam, in quantitate grani hordeacei. Salvo, &c. In hoc Regali Collegio Salmanticensi Societatis JESU Decimo octavo Kalend. Jul. anno Domini 1664.

Joannes Barbianus.

Richardus Lynceus.

XXVI.

EXistimo hanc propositionem, *Fœtus abortivi quocumque tempore edantur in lucem, etiam primis diebus, cum dubium sit illos vivere anima rationali, baptizandi sunt sub conditione*, Quæ est scopus totius libelli R. P. Hieronymi Florentinij, probabilem esse, & laudabiliter in praxi observandam; quam solidissimis rationibus Author persuadet, & conformem judicio communi doctrinæ Theologiæ moralis docentis fœtum esse baptizandum sub conditione, quando dubitatur an habeat animam rationalem, ut si haberet caput ferinum, & cætera humana. In præsentia autem prudentissimè dubitatur, an anima rationali informetur fœtus abortivi quocumque tempore, & sub quacumque brevi quantitate in lucem edantur; cum in tot placita sint Doctores divisi, & aliqui doceant septima die anima rationali vivere, alij tertia die, ut refertur sectione septima libelli, & tandem alij in ipso momento conceptionis, vel intra septem horas à retentione seminis in utero, ut constat ex his, quæ congerit Author sect. 8. & 9. Quis autem negabit prudens judicium adesse, ubi est tanta sententiarum diversitas, quarum quælibet non contemnendo

Theologorum.

nendo fundamento suadetur, quarum nulla evidenter falsitatis convincitur.

Confirmatur. Prudenter potest dubitari an foetus abortivi habeant animam nutritivam, quocumque tempore, in quacumque brevi quantitate edantur in lucem; cum ad operationes nutritionis minor quantitas, minorque organizatio, quam ad sentiendum, & intelligendum sint requisita, & quantitas grani hordeacei ad nutritionem videatur sufficiens, sed quando prudenter dubitatur, an foetus abortivus habeat animam nutritivam, & dispositiones sufficientes ad actionem nutritionis tantum prudenter etiam dubitatur an informetur anima rationali, quia est sententia probabilis corpusculum non prius habere animam nutritivam, quam rationalem, sed ubi primum dispositum est ad operationes nutritionis animam rationalem infundi, quæ pro tunc tantum est principium nutritionis, & operationum communium plantis; crescentibus quoque paulatim dispositionibus eadem anima rationalis principium est sensationum; tandemquæ posteriori tempore ad infusionem animæ rationalis organizatio perfecta ad intelligendum exacta producitur; quam sententiam docet, & ut veriores tueretur P. Rodericus de Arriaga disp. I. de Anima, sect. 12. à num. 348. Et eisdem probat rationibus quibus suam confirmat Petrus Gassendus à Sapientissimo P. M. Joanne Barbiano adductus, quo sicut prudenter potest dubitari, an foetus abortivi, quocumque tempore, & sub quacumque brevi quantitate in lucem edantur, habeant animam nutritivam, poterit etiam dubitari prudenter an habeant animam rationalem. Sic sentio, salvo &c. In hoc P. N. Divi Bernardi Salmantino Collegio die 2. Mensis Julij, anno Domini 1664.

Franc Antonius de San Pedro, &c

Censura

XXVII.

Libellum hunc , & Reverendissimorum Patrum censuras perpendi, contra quem nullum cenfeo impugnatores posse prevalere, neque si, teste Regio Uate, qui ex ore infantium , & lactentium perficit laudem, inimicum facile destruit, & ultorem qui linguis nondum formatis non dum lactentium , sed abortivorum adhuc , quasi novus redemptor jure optimo plaudatur, nullius poterit opprobrio subiacere , maxime cum quidquid in eo supponitur totum sit ad minus speculativè probabile, & quidquid infertur, certum, pium, & in praxi securum. Sic sentio in eodem Parentis D. Bernardi Collegio Tertio Non. Julij anno 1664

Mag. Franciscus de Roys , &c.

XXVIII.

Qua cura potui, & diligentia libellum hunc Reverendi admodum Patris Hieronymi Florentinij, *de Ministrando Baptismo humanis foetibus abortivorum* : Cum sua assertione , nempe *Fœtus abortivi , quocumque tempore edantur in lucem , etiam primis diebus, cum dubium sit illos vivere Anima rationali, baptizandi sunt sub conditione*; Et cum supra positis censuris, perlustravi, haudque modica aviditate relegi; legique formosissimos ex Florentinio flores , ex lucubrationibus de abortivis foetibus , partus uberri- mos concinnavi. Nec mirum, quippe ab ortu libelli, quasi Solis ortu, quidam mihi collucere visi sunt radij, novamvè fulsisse lucem, qua abortivis oriatur splendor, qui nescit Occasum. Misera plane esset ignavia, æternitatis aditum occludere parvulis; parvulis, inquam, qui mortalium infelicitate ; adhuc intra materna viscera sunt periclitati. Hæc florida ferta, hæc gariophylla dedit vobis (O infantes) Florentinius, quibus per tempora, intempesto tempore licet nati, Redimiamini, & Redimamini; Si Ibero Uati Edictis Martialis.

Extra

Theologorum.

*Extra fortunam est, quidquid donatur egenti;
Quas dederis solas semper habebis opes.*

At qua doctrina, acumine quanto? Miror in tali Corpusculo, Lib. 5.
Epig. 43, hos Spiritus: Sed experiri fas erit gemmatas tantillo ambitu contineri thecas, quas molybdena sive plumbi ingens quantitas haud æquarit, Quid immoror? Tamen (cum Floro loquor) quia ipsa sibi obstat magnitudo; verumque, diversitas aciem intentionis obrumpit: faciam, quod solent, qui serrarum situs pingunt, in brevi quasi tabella, totam eius imaginem amplectar, non nihi, ut spero, ad admirationem collaturum, si pariter atque in semet, universam magnitudinem ejus ostendero. Ita Apellæam lineam contuebor. Quæ enim claritate, quæ præstantia, proposita difficultate, sectione pri. & per sequentes variis ad quæstionis intelligentiam adnotatis, placitis Vniuersis de animatione humani foetus explosis; propria & certissima sententia, de incertitudine rei; tum ex Scripturis, tum ex ratione, comprobata: tandem assertum expendat sc&. 11. (nimirum quod cum probabile sit, in quacumque quantitate foetui humano inesse rationalem Animam, debet ei semper sub conditione, vel mente concepta, vel verbis expressa, largiri Baptismum) oppositasque machinationes perfacile, scite, erudite, & compe dissolvit? Et merito sic processit, cum omnino pendeat resolutio à tempore, quo Anima rationalis, carnis ergastulum inhabitat primo; taleque dogma figendum, ut parvulis utile, doctis jucundum, & quod imago, undequaque securum. Sic censeo cum Sapientissimis Patribus Magistris hujus nostri Salmantini Musæi, Salvo, &c. In hoc Patris nostri, & Divi Bernardi Collegio die 10. Julij Anni Dominici 1664.

Fr. Petrus de Oviedo,

SEmel probato, & constituto, neque leviter quidem, sed effracaciter omnino, dubium esse, nil certum, imò utrinque probabile, juxta varias sententias Philosophorum, atque Medicorum, de tempore, quo fœtus animetur in utero, vita nimirum rationalis, inferetur planè, quod intendit Doctissimus non minus, quàm pius Pater Hieronymus Florentinus hoc libello pulchro, & erudito, de Ministrando Baptismo Humanis fœtibus abortivorum, nempe secure posse, imò deberi, ex charitate saltem, illis ministrari sub conditione tacita, aut expressa quocumque tempore Baptisma, nè in salute periclitentur, quæ modis omnibus possibilibus procuranda est omnino. Quare subscribo libentissimè, & gratulor sententiæ, ingenio, atque pietati prædicti Patris Florentinij; maximè vero roboratæ tot gravium Magistrorum approbatione, atque consensu. Salva semper, &c. In hoc nostro Collegio Divi Parentis Bernardi Salmanticensi, undecima die Julij, anno salutis Christianæ 1664.

Fr. Michaël de Fuentes, &c.

XXX.

ITa probabilis, pia, & utilis apparet mihi doctrina P. Hieronymi Florentinij, quam in suo libello, De Ministrando Baptismo humanis fœtibus abortivorum, tradit; ut quidquid sit de opposito, in praxi jam tantummodo possem, firmiter adhærere huic fanè proficuo judicio. Sic sentio, Salvo meliori. In hoc Salmantino Parentis D. Bernardi Collegio die 16. Julij Anni Dominici 1664.

Fr. Ildephonsus Herbas, &c.

XXXI.

CUm evidenter non constet de tempore, quo infunditur in Corpus anima rationalis, merito probabiliter dubitari potest de

Theologorum.

de quocumque in lucem edantur abortivi foetus, an scilicet sint animati anima rationali nec ne, etiam primis diebus: consequenterque posse ipsis administrari Sacramentum Baptismi absque aliqua iniuria ipsius sacramenti. Vnde studium, piamque resolutionem R. Adm. P. Hieronymi Florentinij in suo libello aureo de administrando Baptismo humanis foetibus abortivorum, ne dum immunem ab omni proliis censura tam Theologica, quam Philosophica existimo; verum etiam summa laude dignam, summa pietate plenam, in praxique probabilem.

Neque ei obest; imò prodest, quod hucusque sententia ista piissima in tenebris delituerit, neque ei fuerit exorta Theologica disputationis lux; est enim hoc majus Auctoris encomium: dicebat enim Picus Mirandulæ Comes in apologia: *Trofecto ingenerosum est, ait Seneca, sapere solum ex commentario quasi majorum inventa nostræ industriæ viam præcluserint; & quasi in nobis effata vis naturæ nihil ex se parere, quod veritatem, si non demonstret, saltem innuat, vel de longinquo: quod si in agro colonus, in uxore maritus odit sterilitatem, tanto magis infæcundam animam oderit illi, complicita, afficiata Divina mens, quanto inde nobilior, longè proles desideratur: propterea præter communes doctrinas & lurrima quoque per nos inventa, & meditata disputando præposuimus, Salvo meliori &c.* In hoc nostro Collegio Divi Vincentij Salmantini Ordinis Sanctissimi Parentis nostri Benedicti die 6. Aug. Anni Domini 1664.

M. Frater Maurus Semocoi &c.

XXXII.

Ipsa incertitudo de tempore animationis, (quæ satis conspicua ostenditur à R. Adm. P. Hieronymo Florentinio, ex multiplici facultatis Medicæ argumento, ex quo saltem constat apud Artis Medicæ peritissimos, nullum fixum stabiliri momentum

††† 3 animatio

Censura

animationis) simul cum pietate administrationis Baptismatis pro salute æterna necessarij,comprobat mentem quam intendit R. Adm. P. Hieronymus Florentinius, in suo libello Lugduni edito; cui titulus est, *de adminisfrando Baptismate humanis foetibus abortivorum*. Quare, cenſeo nec pietatem nec probabilitatem Theologicam deesse huic Authori in re ista, quam noviter excogitavit; sed ex novitate, quam spero in æternam plurimarum animarum felicitatem excipiendam fore, merito laudandus, cui adgratulor, subscribens RR. PP. Magistrorum præcedenti iudicio etjam. In nostro Benedictinorum, apud Salmanticensis D. Vincentio Collegio Sacro Die 6. Augusti Anno Domini 1664.

M. Fr. Placidus de Puga, &c.

XXXIII.

Opinionem valde probabilem, & ab omni proffus censura siye Theologica, siye Philosophica immunem, existimo asserentem dubium esse tempus, & incertum, quo anima rationalis à Deo creatur, & in corpus infunditur, quam supra laudatus R. Adm. P. Hieronymus Florentinius Congr. MATRIS DEI Clericus Regularis satis efficaciter suadet tum ex sacris literis, tum ex Sanctis Patribus, tum ex ratione, & experimentis. Qua sententia supposita cenſeo ex illa per legitimam consequentiam inferri posse sub conditione tacita, vel expressa tuta conscientia, immo & deberi ministrari baptisma humanis foetibus abortivorum, quod in suo libello Lugduni edito præfatus author intendit, ne tot animæ pereant, & periculo damnationis æternæ exponantur: nec est cur hæc sententia, quæ animarum saluti favet, & præter Christianam pietatem maximam continet probabilitatem, non sequatur in praxi. Ita cenſeo salvo meliori, &c. In hoc nostro Benedictinorum apud Salmanticensis D. Vincentio sacro Collegio die 20. Aug. Anno Domini 1664.

M. Fr. Antonius de Castillo, &c.

Uidi

XXXIV.

VIdi disputationem hanc de Ministrando baptismo humanis foetibus abortivorum à R. Adm. P. Hieronymo Florentino, tam recenter, quam pie in veritatis semita inductam; vere, & luculenter discussam, & non minori, imo maximæ animarum facili pereuntiam subventioni haud difficile incumbentem. Felix inventio, Non siccis ingeniorum phaleratis structuris male foecunda; Sed pietatis stillicidiis, sed salutari rore, sed caritatis flamma, non pinguis campus, sed bibula nubes, quæ pientissimi cordis ardore liquida se se in aridum abortivorum campum irrorantem agit, vt in meliorem frugem, incuria colonorum marcidam, reducat. Gratulator temporius quam Censorem, vel primis labijs egi. Cœpi fateor, Ast, si hacce in difficultate nihil censura dignum, quid agerem? Scio quid agendum: dolere, sic angustiis horarijs premi, quod latiori, ut æquum erat, calamo Authori haud quaquam pro tam ingenti animarum beneficio gratulationem facere possim. Salmanticæ ex nostro Benedictino Collegio D. Vincentio Sacro die 26. Augusti à Christi Nativit. 1664.

M. Fr. Joseph Gomez, &c.

XXXV.

Libellum de Ministrando Baptismo humanis abortivorum foetibus sub conditione; qui noviter in lucem prodiit per R. P. Hieronymum Florentinum ex Cong. MATRIS DEI, dignum quidem iudico, ut ab omnibus in praxi habeatur; Imò potius doleo tot ante acta sæcula non haberi: & sic animarum sine dubio perdita salus tam facili lucraretur medicamine. Sic iudico in nostro Benedictinorum Salmanticensi Collegio B. Vincentio Sacro, die 27. Augusti anno 1664.

M. P. D. Philippus Vahamonde, &c.

Collegium

Collegium Veræ Crucis Regalis Ordinis B. MARIAE de Mercede
Redemptionis Captivorum Salmantinum.

XXXVI.

AVreum opus R.P. Hieronymi Florentinij de administran-
de Baptismate humanis foetibus abortivorum, jam diu
typis exculum avidè volvimus, atque relegimus. Authori gra-
tulamur, quod habitantibus in regione umbræ mortis lucem
afferat, ut lumina videant. In hac ergo disceptatione subtilis-
sima, atque nervosa sic ex Concilijs, sic ex Patribus, Theologicis,
& Philosophicis momentis solida fundamenta jactat, stabilire
thesim; ut nihil in ea non securum occurrat, nil ruinosum im-
mineat, nil addendum, nihilque dolandum obuiet. Absolutissi-
mum censemus opus, & de manu eruditissimi Authoris strenuè
clypearum: nodos solvit cæcos lucusque: exitiali parvulorum
infortunio medetur: nova debellat climata salutaria calamo
perennaturo, pio genio, clarissimo ingenio. Ipsi procul dubio
de innumeris benemerito infantibus nullus non ante eiulatum
primum abjectus è vulva concinens plaudet cum Davidico
Psaltes: *Misericordia tua magna est super me: eruisti animam meam
ex inferno inferiori.* Et à præservatrice novissima idæa plerique
redempti de carcere cæco melos dabunt in choris, cum illo
centesimo vigesimo-tertio cantico graduum: *cum exurgerent
homines in nos, forte viros deglutissent nos. Cum irasceretur furor
eorum in nos forsitan aqua absorbuisset nos. Torrentem pertransiit
anima nostra* (baptismatis exponimus) *forsitan pertransisset ani-
ma nostra aquam intolerabilem. Benedictus Dominus, qui non dedit
nos in captivum dentibus eorum. Anima nostra sicut passer erepta
est de laqueo venantium: laqueus contritus est, & nos liberati su-
mus.* Patcat ergo, quod latuit; nanque dubium prudens & posse,
& debere efformari de rationali animatione foetus abortivi
quantumvis minimi post illius efformationem citra dubium
videtur; serio inspectis, quæ Reverendissimus, ac peritissimus
P.M. Joan. Barbianus congeffit. Ex quibus subducitur quempiam
teneri

Psal. 85.
ver. 13.

Psal. 123.
ver. 3, ad
7.

Theologorum.

teneri ad salutarem aquam sub conditione effundendam supra
fœtum quantumvis rudem incomptum, & lineamentis non ap-
parentibus, ut à morte æterna animam, quam ibi latitare dubitat
prudenter, si possit, eripiat, ut in monstrosis fœtibus per sæpè
cōtingit: satius enim est abortum fœtum cum dubio Sacra-
mento decedere, quàm sine tanto juvamine perire. Subscribimus
ergo, & nos tot Academiae nostræ Doctorum judicio. Subscri-
bimus & illi viro magno nostri Collegij alumno, Sacræ Indicis
Romanæ Congregationis Consultori, R. P. Magistro Fr. Michaëli
de Alcantara Italiæ, & Siciliæ Uicario, & apud Sanctam Sedem
Procuratori Generali, Theologo insigni, & operis hujusce Cen-
sori, atque ex calculo Approbatori. Salmantica in nostro Ue-
ræ Crucis Sacri, Regalis, ac Militaris Ordinis Redemptorum
S. UERBIPARÆ de Mercede Collegio pridie Kalendas Septem-
bris, nostro Sacra Hispaniarum Cardinali Raymund. anno 1664.

M. Fr. Jo: Baptista de Candanedo, &c.

M. Fr. Didacus de Uillavicenero, &c.

M. Fr. Joseph Gonzalez, &c.

M. Fr. Ferdinandus de Carvajal. &c.

M. Fr. Ildelphonsus Gundisaluus del' Alma
Salmantinus, Theologiæ Professor.

XXXVII.

DVM tot Sceleribus, æternæ vitæ aditum sibi præcludunt
Adulti, Opportunus is quoque strenuissimus, misericordiæ
superexaltantis judicium, vindex adest R. P. Hieronymus Flo-
rentinus è MATRIS DEI, misericordiæ opificis, Congrega-
tione Clericus Reg. Consulit quippè humanis fœtibus immatu-
ris, anima rationali adhuc sub Judice: ipsisque impervium (proh
dolor!) hucusque aditum vitæ æternæ patefacit, egregia disputa-
tione de baptismo eisdem ministrando. Scopum collimasse dex-
terrimè, lectio evincet brevissima: nec enim angustia temporis,
ultra tempus, & tempora laboraturis animulis prospiciens; tot
†††† occupa.

Censura.

occupationū mole laborantibus animis, tēporis infert dispendiū
Herclè doctissimæ huic disputationi praxim tutè accessuram
censeo ingenuè. Cupio quoque isthæc diffundi copiosius, ut ex.
Doctiorum manibus (quibus, Homeri invidia, & si intra Darij
deliciosum scriniolum teguntur) evulgata; vel cunctos in baptis-
ma sub conditione conferendum erigant, vel saltem Illustriss.
Præsules in subsidium horum, pereuntium certò, & fortè salvan-
dorum accingant, quatenus subditis possunt injungere praxim
adeo probabilis resolutionis, qua practicata à Paradiso exclu-
sa: propter opinantium (ne dixerim nimis credentium, minus
quam discutientium) varia placita istæ animæ amphibix, forsan
Ecclesiæ concinent, Paradisi Portæ per te nobis apertæ sunt. Sic
Salvo, &c. voveo ex animo qui subscribo, Salmanticæ in nostro
Canonicorum Regularium Præmonstratensium Collegio die 2.
Septembris 1664.

M. Fr. Joseph Bravo, &c
de Uillalobo.

XXXVIII.

CVm satis efficaciter autoritatibus, & rationibus tã Philo-
sophorum, quàm Medicorum probabilitas erga incertitudi-
nem temporis in quo fœtui anima rationalis infunditur stabi-
liatur, abortivis Baptismatis Sacramentum sub conditione im-
pertendum esse (ut luculenter opinatur in suo erudito libello
de Ministrando Baptismo humanis fœtibus abortivorum R. P.
Hieronymus Florentinius) in praxi securè, & sine aliquo neque
contra Philosophiam, neque Theologiam piaculo censeo, liben-
terque doctissimis nostræ Salmanticensis Academiæ Magistris
hac in re subscribo. Salmanticæ die 3. Septembris anno 1664.

Mag. D. Petrus Cardoso
& Ualdes, &c.

De

DE mandato Rev.D.mei Vicarij Generalis,vidi, & accurate perlegitam primam jamdiu Lugdunicis typis excusam,quam alias mox additas disputationes *de Baptismo Abortivis sub conditione ministrando* Adm. R.P.Hieronymi Florentinij Religionis Matris Dei, in praesenti Libello contentas, & quo ad primam, post tot Insignium Accademiarum, & Praestantissimorum tum Theologicae Scientiae,tum Medicae facultatis Professorum, ne dum approbationes, sed Elogia initio operis praemissa, quid ego? Faculam nempè sibi admoveri ad proprij luminis incrementum Sol dedignatur. De reliquis hoc vnum. Accessorium sui principalis naturam sequi, vulgare est effatum. At posteriores hasce, quae priori accesserunt disputationes, Operis pretiositate, & eruditissimi sui Authoris ingenij redolentia illam praëire verius,quam sequi dixerim. Hunc igitur Libellum innumerabili propè Parvulorum numero hactenus clusum,ad aeternam vitam aditum referare gessientem, ut aeternum, & ipse vivat, publica eius facta impressione, in lucem edi cum Catholica Fides non renuat, & Christiana pietas non exigit modò sed vrgeat, imprimendi potestatem faciendam censeo.

Ego Ludovicus Cittadella Prior
Insignis Collegiatæ,& Parrochialis
Ecclesiae SS. Joannis, & Reparatae.



INDICVLVS SECTIONVM

Disputationis primæ.

Sectio I. **P**ROPONITVR status difficultatis & sup-
ponuntur aliqua.

Sect. II. Referuntur varia sententia.

Sect. III. Proponitur quarta, & quinta sententia de tem-
pore quo anima rationalis incipit informare corpus humanum.

IV. Afferuntur varij modi explicandi supradictas sententias
quoad tempus animationis.

V. An ex distinctione juris civilis, & Canonici de fœtu animato
& inanimato bene inferat Gallego humanum fœtum ante men-
sem non esse baptizandum.

VI. Referuntur alij sex modi, quibus statuitur à quibusdam Aucto-
ribus tempus animationis fœtus humani.

VII. Referuntur alij tres modi explicandi tempus animationis
juxta quartam sententiam.

VIII. Recensetur nonus dicendi modus.

IX. Refertur ultimus dicendi modus.

X. Ponitur sententia auctoris.

1 Probatur ex sacris litteris quam sit incertum tempus, quo
fœtus humanus anima rationali vivere incipiat.

2 Afferuntur Patrum testimonia, quibus probatur hujus tem-
poris incertitudo.

3 Ratione probatur incertitudo temporis, quo humanus fœtus anima
rationali primo vivat.

Sect. XI. Resolvitur difficultas ab initio proposita.

XII. Proponitur argumentum principale contra supradictam
sententiam.

XIII. Proponuntur, & referuntur Summi Pontifices, & Concilia
pro solutione prædictorum.

XIV. Solvitur principale argumentum.



I

DE MINISTRANDO
BAPTISMATE

HVMANIS FOETIBVS ABORTIVIS

Disputatio Prima.

PROLOQVVM

SVMMARIVM.

- 1 *Parvuli baptizandi sunt propter originale peccatum, quod vere contrahunt.*
- 2 *Pelagiani id negant, & solum concedunt requiri Baptisma ad Regnum Calorum comparandum.*
- 3 *Wiclef, & alij haeretici negant esse necessarium ad utrumque effectum.*
- 4 *Calvinus, Bullingerus, & Lullardi assererebant parvulos Christianis parentibus genitos sine Baptismo nasci sanctos.*
- 5 *Sancta mater Ecclesia necessarium esse Baptisma parvulis quibuscunque, & praesertim periclitantibus semper docuit.*
- 6 *Opinio quorundam Philosophica potest esse causa periculi quoad parvulos Abortivos.*
- 7 *Quod Anima quorundam Abortivorum damnetur, poena est originalis peccati.*

A

GRAVISSI



GR A V I S S I M A M difficultatem , quam antiquissimam etiam dicerem, cum ab Orbe redempto disputari debuerit, sed à nullo tam ex antiquis, quam ex recentioribus, quos viderim discussam, vel excitatam, imo ab omnibus dissimulatam, & nescio qua fatali conniuentia prætermisam, in examen adduco. Non quidem ut de ea quidquam certi constituam, sed ut quam probabilis sit sententia, quæ animarum saluti fauet, ostendam: & simul etiam, ut sapientioribus magistris, à quibus me didicisse non poenitebit, dubium indicem, & occasionem exhibeam decernendi.

De Baptismate quippe foetibus Abortiuorum, siue ministrando, siue subtrahendo agitur: hoc est, de plurimarum animarum salute, vel æterna damnatione. Et quidem de fide penes Catholicos certum est, ex c. 3. *Iohannis; quod nisi quis renatus fuerit ex aqua, & Spiritu Sancto non potest introire in regnum Dei.* Et sæpius antea à Conciliis, & nouissimè à Sacro Tridentino.

1. *sess. 5. can. 2. & 4.* Decretum est parvulos esse baptizandos & ab originali peccato, quod verè contraxerunt, liberandos; id quod contra Hæreticos statutum meritò fuit: nam Pelagiani
2. dicebant Baptisma non esse necessarium ad peccatum Originis delendum, sed solum ad Regnum Cœlorum comparandum. Wiclef negabat ad utrumque effectum esse necessarium,
3. quem ZWinglius, & Bucerus sequuti sunt. Caluinus docebat
4. parvulos ex Christianis parentibus genitos sine Baptismo esse Sanctos, cui adhæserunt Bullingerus, & quidam Hæretici nuncupati Lullardi, qui statim ac anima rationalis corpori vnitur infundi ei gratiam Spiritus Sancti affirmabant, ut videre est apud *Thomam Waldensem tom. 3. tract. d. c. 53. Bellarm. tom. 2. de Sacram. Baptismi. lib. 1. cap. 4. Valent. tom. 1. controuers. de Baptif. Parvulorum. Iodocum Coccium in Thesauro, tom. 2. lib. 5. art. 6.*

At Sancta Mater Ecclesia semper necessitatem Baptismi ab ipsa Christianitatis origine recognoscens, parvulos esse Baptizandos firmiter docuit, & affirmavit: & quia olim statis quibusdam diebus dumtaxat Paschæ videlicet, & Pentecostes hoc Sacramentum publicè ministrabatur, illud semper enixis verbis

bis declarauit paruulis periclitantibus esse statim tam necessario remedio subueniendum; & quidem tali loquendi modo, vt etiam si noluerit Philosophicam quæstionem de tempore, quo foetus viuere incipiat anima rationali, dirimere: attamen particularibus ministris occasionem dederit satagendi, vt quicumque humani foetus extra vterum maternum viui egrediantur, possint hoc Sacramento à communi culpa liberari.

Cæterum aliqui in Christiano negotio fortasse nimis Philosophorum sententiis addicti, & persuasi, vt humani foetus, qui immaturi prodeunt in lucem prius tempore viuant anima sensitua, quam rationali, etiam si videant illos non integrè, sed ex parte formatos, & aliquem ab intrinseco motum habere propter quem fatentur viuere vita sensus, negligunt tamen baptizare, putantes ipsos anima rationali carere: Id quod veluti sub opinione positum sicuti dubium est, si falsum esset, & re vera anima rationalis adesset, quis non videat per plures animas propter solam Philosophiæ opinionem in æternum damnari?

Quod vero aliqui foetus in vtero matris antequam perfectè conformentur decedant, & animæ inexistentes damnentur poena est originalis peccati, & iudicium, Dei imperscrutabile, vt docent, *D. Augustinus de bon. pers. c. 12. & lib. de natur. & grat. c. 8. in fin. & S. Thomas 2. 2. q. 1. art. 1. ad tertium. D. Prosper. 1. de vocat. gentium c. 13. Bellarm. lib. 2. de grat. c. 3. ad finem, & Suarez 1. tom. in 1. p. lib. 4. c. 3. n. 13.*

At quod Parochi fere omnes, & obstetrices foetus immaturos baptizari non curent, nisi ad certum tempus triginta vel quadraginta dierum peruenerint, quando membra omnia perfectè conformata videntur, est illud, quod apud me totum fa-cessit negotium, & vereor, ne ex nimia quorundam securitate, plurima eaque grauissima damna sequantur animarum. Idcirco valdè vilè, & necessarium duxi præsentem disputationem instituere, & veritatem hucusque latentem, & indiscussam, si non ostendere, indicare saltem, & aliis qui perspicaciori vtuntur microscopio ad huiusmodi animulas, si existant, in foetu discernendas, materiam præbere, & excitamentum.

SECTIO I.

Proponitur status difficultatis, & supponuntur aliqua.

S V M M A R I V M

- 1 *Quando in fœtu immaturè edito apparent humana membra cum motu, absolute esse baptizandum de cent omnes.*
- 2 *Difficultas est, an conditionaliter sit baptizandus fœtus, quando est adeo exiguus, ut grani hordeacei magnitudinem non excedat, & vix apparent vitæ signa.*
- 3 *Intentio conditionalis habet motivum, tum quia non est certa Animæ rationalis existentia, tum quia Verbum, Baptizo, dubium est, an verificetur propter involucrium secundinarum.*
- 4 *Baptismus collatus puero secundum involuto, valet; sed in dubio; & ideo sub conditione collatus, sub conditione est reiterandus.*
- 5 *Alio Miniſtri Sacramentorum debet eſſe prudens.*
- 6 *Miniſter Sacramenti Baptiſmi debet formare iudicium prudens de baptizando hic, & nunc, non tamen debet ſcire Philoſophiam, & Medicinam.*
- 7 *Sed ſaltem Auctoritatibus innixus, debet poſſe iudicare an hic, & nunc fœtus ſit animatus.*
- 8 *Datur in fœtu humano organizatio accidentalis, & quanam ſit?*
- 9 *Organizatio ſubſtantialis quæ ſit?*
- 10 *Utraque organizatio inſert eſſe à cauſa intelligente.*
- 11 *Homo inter animalia ovipara quodammodo reputatur.*
- 12 *Datur Ovum humanæ conceptionis, & quomodo formetur?*
- 13 *Secundina formantur, & intra eas fœtus humanus concluditur.*
- 14 *Humanus fœtus in ovo formatur, ſicut pullus.*
- 15 *Punctum ſaliens eſt primum, quod movetur in fœtu humano motu compoſito ex Syſtole, & Diaſtole.*
- 16 *Mola in utero quid ſit, & quam multos decipiat.*
- 17 *Homunculus unius menſis in ovo conceptionis quam parvus.*

Non

Non est dubium quod formato iam foetu; & apparentibus in eo omnibus humanis membris unà cum motu, quæ sunt vitæ certissima argumenta debeat homunculus ille baptizari: hos enim omnes Catholici admittunt, & absolutè, non conditionaliter baptizant. Præsens difficultas est quando hæc signa non apparent, & certum est conceptionem iam esse inchoatam, & humani opificij prima filamenta deducta; sed dubitatur an anima rationalis adhuc informet corpusculum illud, quod aliquando grani hordeacei, aut minoris phaselli magnitudinem non excedit, ut Anatomicus Gallus *Iannes Riolanus l. 6. Anthropographia, c. 6. ex Varolio* observavit, & tunc maximè procedit difficultas, an saltem sub conditione possit tuta conscientia, & debeat baptizari?

Quia vero conditio, quæ à Ministro Baptismi in huiusmodi casu dubio debet esse saltem mente concepta, potest ex duplici motivo dependere: primò nimirum si foetus vivat anima rationali: secundò ex hypothesi quod ita vivat, an sit capax, ut de illo homine verificentur verba formæ Sacramentalis *Ego te Baptizo*, id est lavo: nam cum foetus huiusmodi secundinis sit involutus, iam non videtur lauari infans cum aqua eius substantiam non attingat, sed involucrium illud secundinarum; duplex hic esset explicanda difficultas.

Prima, an posito dubio, quod in foetu esset anima rationalis ministrandum sit Sacramentum tantæ necessitatis sub conditione si vivat anima rationali? Secunda, an interpositis secundinis ministrandum sit Sacramentum sub alia conditione, si nimirum verificentur verba formæ? in hoc secundo sensu non intendo examinare præsentem difficultatem, cum luculenter ab eruditissimo P. Diana resolvatur pro affirmativa, licere nimirum sub conditione baptizare infantem secundinis involutum ita ille, *p. 5. tract. 3. resol. 4. & 112. & p. 10. tract. 16. res. l. 18.* Quamvis huiusmodi Baptismum postea reiterandum esse sub conditione affirmet cum Diana Eminentissimus d: Lugo in *respons. moral. lib. 1. dub. 1. n. 10.* Sed in primo sensu procedit difficultas, an scilicet sub conditione, quod in foetu sit anima rationalis sit ministrandum Baptismi Sacramentum? Et in hoc

sensu ab Auctoribus (quod valde miror) neque propositam disputationem aggredior.

Pendet difficultatis in hoc sensu propositæ decisio a periculo cui exponitur fœtus amittendi perpetuo salutem animæ , si viveret, vita rationali : & ideo videndæ sunt , & expendendæ diligenter rationes dubitandi, an fœtus tali anima viuathic & nunc, quando casus occurrit, ita vt prudenter iudicare quilibet possit ministrandum esse Sacramentum. Actio enim Ministri Ecclesiæ debet esse prudens, cum sit illius, de quo dicitur, *Matthæi c. 24. n. 43. Fidelis seruus, & prudens, quem constituit Dominus super Familiam suam.* Sed quia ad formandum hoc iudicium practicum non est necesse scire, & scientifice cognoscere omnes rationes Philosophicas, & Medicorum sententias penetrare, quæ de humani fœtus animatione agitantur in scholis, vt patet, cum quilibet possit esse necessarius Baptismi Minister, & teneatur saltem ex charitate in casu contingente formare huiusmodi iudicium, non tamen possit, aut debeat esse Philosophus, vel Medicus, satis esset si in præsentî indicaremUS varias Philosophorum, & Medicorum hac de re sententias, cum Auctoribus quibus tales conclusiones defendi possunt, vt saltem per rationes extrinsecas liceret iudicare rem esse dubiam, & vtrunque rationes probabiles adesse, ad iudicandum fœtum esse animatum, vel non animatum anima rationali: nam posito dubio huiusmodi, locum habebit, vt videbimus, Theologicæ a resolutio. Cæterum ad pleniorẽ doctrinæ explicationem non grauabor etiam rationes aliquas Philosophorum afferre, & explicare, vt solidiori fundamento resolutio danda subsistat.

Et ne frustra laboremus in æquiuoco antequam huiusmodi sententias expendamus, præmittendum est duplicem in humani fœtu dari organizationem, seu præparationem materiæ ad animam recipiendam.

Prima est accidentalis, & est illa, qua materia seminalis, à virtute plastica præparatur, & afficitur diuersis accidentibus proportionatis ad formandas diuersas partes heterogeneas; nam frigidum temperamentum ad formandum cerebrum, calidum

calidum ad cor, siccum ad ossa, humidum ad carnem requiritur, & sic de alijs.

Altera substantialis, quæ consistit in varijs membris, & partibus ad inuicem substantialiter distinctis, vt sunt caro, ossa, venæ, pulmones, brachia, caput, & similia, de quibus Medici, & etiam Theologi: inter quos admittunt hanc distinctionem communiter receptam *Scotus in 3. dist. 2. q. 3. vers. quantum ad secundum. Suarez in metaph. disp. 18. sect. 2. n. 32.* & rursus *l. 1. de An. c. 2. n. 7. 30.* & *31. Hurtadus de Mendoza de Generat. disp. 2. sect. 6. n. 86.* Vtraque organizatio est adeo artificiosa, & mirabilis, vt valde laborent Philosophi in assignanda causa efficiente creata tam ingeniosi opificij. *Scotus de cel. comm. 69.* & seq. dixit *semen agere virtute Diuina*, & *7. metaph. text. 31. virtutem feminis esse Diuinam*, & *artificiosam*, & *intellectualem.* *Galenus in lib. de fet. format.* sentit admirabilem operationem feminis non esse absque aliquo rationis, & intellectus compote.

Vt autem melius humanus fœtus cogitatione concipiatur, & intelligatur quid sit illud, cui ministrandus est Baptismus, sciendum imprimis, quod forte alicui incredibile videbitur, hominem inter ovipara animalia non male connumerari aliquo modo posse; & esse adeo verum, vt etiam ipsi fabularum inuentores, vt in auditorum animis sibi fidem conciliarent, illi quam adinuenerunt fabulosæ commentationi, hanc veritatē pro fundamento supposuerunt. Vnde, Lædam ex Ioue in Cynum conuerso, grauidam, ovum peperisse, ex quo gemini prognati Castor, & Pollux refert *Theatr. vit. hum. to. 4. p. 1. Clearchus in amatorio apud Athenæum l. 2. c. 17.* Helenam ex ovo natam fuisse testatur; imo Selenitidas mulieres ova parere, indeque nascentes homines quinquies decies nobis grandiores approbat *Herodotus Heracleotes*: & refert *Aldrouandus de Histor. monstr. initio.* Sed fabulosis istis omiſſis veniamus ad ea, quæ apud oculatos testes, & expertos Autores sunt certissima, & receptissima, & præsertim apud *Aldrouand. ibid. cap. 1. fol. mihi 48.* Quod mixtis ambobus feminibus, maris scilicet & fœminæ in odem utero, quædam substantia subito producitur, quam Placentam

- 12 Placentam vocant, siue ex eadem genitura, ut communior opinio Medicorum asserit, remanente pro subiecto transmutationis: siue post actum prolificum utero fecundato resolvantur, & euanescent eadem semina, ut per exactissimas observationes in sectionib. Damarum factas, deprehendisse credit *Harueus*: arteriarum osculis in uteri cavitae apertis, paulatim sanguis tunc effluat in illum locum, & ex uteri prolifico calore concresecat, ut sentit, *Nathanael Highmerus in disquisit. anat. corpor. human. l. 1. p. 1. c. 5. vers. Atque sic*. Illico quadam tenui pellicula superinducta, huiusmodi Placenta quasi intra tenuissimum ovi putamen concluditur. Iam post huiusmodi conceptionem munimenta foetus, nimirum duae tunicae producuntur, quarum prima Alianthoides, secunda Amnea; & duarum simul compago Chorion appellatur. *Vesal. l. 5. c. 17*. Deinde tres Ampullae, ut testatur etiam cit. *Riolanus l. 1. Anthropograph. c. 6*. ibidem formantur instar vuarum racemi, in quarum media punctum seu corpusculum generatur, quod vel est Iecur, ut sentit Galenus; vel, ut cum Aristotele philosophantur Aui-cenna, & alij, est cor, aut certe fundamentum totius corporis: & ab hoc puncto, inquit, totius corporis generatio inchoatur. Aliae duae vesiculae nihil praeter aquam continent pellueidam, quae in alimentum convertitur illius corpusculi; & hanc esse primam hominis formationem asserunt artis professores, & ovum conceptionis appellant.
- 14 Addendum etiam, quod ista prima hominis conceptio in utero mulieris eo modo se habet, sicuti Pullificatio, seu pulli ex ovo formatio; id quod docuit *Hippocrates in l. de nat. fuer.* & adheret *Aristoteles l. 7. de Histor. animal. c. 7. & lib. 3. de generat. animal. c. 9*. idemque confirmat *Riolanus* ex practica observatione, & *Iacobus Rueffus in libello de concert. hom. c. 2. 3. 4. 5. 6*. At vero contingit in pullificatione, ut fieri obseruauerunt multi, & praesertim *Phyffes Aldrovandus Ornithologiae l. 14. pag. mibi 127*. *Guillielmus Harueus exercit. 17. de tertia ouis inspect.* quod in principio quartae diei ab incubatione Gallinae apparet punctum quoddam sanguineum saliens, quod iam movetur, ut animal,
- 15 inquit *Aristoteles de Histor. anim. l. 6. c. 3*. & pulsatione rythmica seruat

servat ordinem compositum ex Systole, & Diastole. Ex hoc puncto sanguineæ venæ in ramusculos diffusæ apparent: & ita, prorsus concingit in prima hominis generatione, ut testatur etiam *Hippocrates lib. cit. de natur. puer.* ubi docet se observasse in illo sex dierum foetu à saltatrice Muliere excreto quod detracto ovi putamine apparuit rotundum quoddam corpusculum rubrum, & circa ipsam fibræ venulæ, quæ albæ quidem, sed exterius erant sanguineæ.

Hæc sunt quæ de prima hominis conceptione præcogitanda sunt, ut sciamus distinguere in hoc primo tempore foetum humanum à mola, quam etiam mulieres interdum gestant in utero putantes se esse fecundas cum non sint. Nec mirum quod 16 mulieres errent in gestatione molæ, cum inter molam, & foetum quandiu sunt in utero, tanta sit convenientia, ut innumeros aberrare fecerit Medicos. teste *Nicolao Rocheo de morb. mulier. c. 7.*

Est autem mola, ut *Hippocrates describit lib. 1. de morb. mulier.* frustum vel plura frustula carnis concepta ex abundantia menstrui, & paucitate seminis. Hanc vero molam, quia foetus non est, à nostra consideratione penitus ablegamus, & advertimus hanc non esse, de qua præsens procedit disputatio, quando quærimus, an foetus nondum formatus, sit baptizandus.

De ovo igitur in prima hominis conceptione formato, & de corpusculo, quod intra ipsum ovum genitum apparet disputandum est: quod sane corpusculum est adeo pusillum, ut ex 17 *Botallo l. de miss. sanguin. c. 3. Riolanus loc. cit.* dixerit foetum menstruum vix accedere ad pondus unius drachmæ quamvis integerrimè sit formatus: & de hoc incerto virunculo, quærimus an baptizandus sit, saltem sub conditione.

Neque alicui id videatur incredibile, vel absurdum; nempe hominem adeo pusillum omnibus partibus, ita esse figuratum, ut plures & primarij Medici fateantur in eo animam rationalem existere; nam culices, musciculæ, pediculi, aliæque bestiolæ, ut ope microscopij intueri licet (& ego sæpius vidi) pluribus distinctisque organis, oculis, & pupillis præditæ sunt, quæ tamen sensum effugiunt, nisi ad oculum specillis augeantur: &

B

tamen

ramen integra sunt animalia, & animam in suo gradu perfectam habent.

SECTIO II.

Referuntur variaz sententia.

S V M M A R I V M.

- 1 Embryonem esse animatum anima matris, refellitur.
- 2 Non sunt in humano corpore tres anime distinctae.
- 3 In humano fœtu primò esse animam vegetativam, mox ista corrupta succedere sensitivam, tandem pereunte sensitiva creari animam rationalem docet S. Thomas.
- 4 S. Thomas non determinat tempus, in quo fœtus humanus vivat tantum anima sensitiva.
- 5 Christi corpus fuit in primo instanti perfectè formatum.
- 6 Explicatur S. Augustinus, de perfecta Christi corporis formatione usque ad partum, quando dicit tot diebus fuisse formatum Christi corpus, quot annis Templum Hierosolymitanum fuerat edificatum.
- 7 Jobi c. 10. describitur formatio humani fœtus similis primi hominis creationi.
- 8 Aliqui ex Sanctis Patribus sentire videntur luteam Adam statuatam prius tempore fuisse organizatam, deinde animatam.
- 9 Sed explicantur erronè de accidentali organizatione.
- 10 Angelicum ministerium in creatione Adæ, si forte interfuit, solum fuit ad deferendum, & congregandum lutum in loco creationis.
- 11 Sed dato, quod illa organizatio prævia fuerit substantialis, fuit tanta celeritate facta, ut Angelorum ministerium prævenisse sentiat Suarez.
- 12 Ex cap. 10. Job revera solum inferitur, quod organizatio illa in prioritate nature, non temporis, præcesserit animationem.
- 13 Videtur inutilis organizatio substantialis, quæ tempore præcedat,

cedat, si datur resolutio usque ad materiam primam.

- 14 *Etiam in sententia asserente dari formas partiales in materia precedentes, ex cit. c. 10. Iob, non infertur prius tempore materiam illam fuisse substantialiter organizatam.*
- 15 *Probabile est, quod formatio illa materia, & creatio anima in illa fuerint actiones simul, & in instanti à Deo factæ.*
- 16 *Deus in productione aliorum animalium operatus est in instanti, & non successue, & per partes, ut faciunt Agentia naturalia.*

His præmissis: prima sententia est eorum, qui dixerunt Embryonem esse inanimatum, operationes autem vitæ, quæ in ipso apparent, vel esse ab anima matris, vel à virtute formativa seminis.

Sed hanc refert, & refellit *S. Thom. 1. 2. q. 118. art. 2. ad 2.* quia opera vitæ, qualia sunt sentire, nutriri, & augeri non possunt esse à principio extrinseco, cuiusmodi sunt tam anima matris, quam virtus formativa seminis.

Secunda sententia est aliorum dicentium, tres animas omnino distinctas esse in homine, vegetatiuam, sensitiuam, & rationalem, easque sibi inuicem paulatim succedere, & tamen simul in eodem corpore, quandiu vivit, permanere.

Sed rejiciuntur communiter præsertim à *S. Thoma 1. 2. q. 76. 2. art. 13. & 2. contra gentes c. 50. & 59. Hurtado de generat. disp. 2. sect. 8. n. 104. 105. 106. 107. & de An. disp. 1. sect. 4. num. 24. 25. 26. 27. 28.* quia homo non esset unum compositum substantiale: essent enim in eo tres formæ distinctæ: & unum aggregatum ex pluribus compositis, nimirum arbore, bruto, & homine: tum quia cum anima sensitiua sit formaliter vegetatiua, ut patet in brutis, etiam anima rationalis est formaliter sensitiua, sicut homo est formaliter sensitiuus, non minus, quam alia bruta. Vide *S. Thom. q. unic. de An. art. 11. & 1. 2. q. 76. art. 3. & 4.*

Tertia sententia est illorum, qui moti supradictis rationibus, & aliis quas prosequitur. *S. Thom.* cum suis, dixerunt in homine, seu embryone hominis, esse unam tantum animam; sed hanc à principio dicunt esse solum vegetatiuam, deinde virtute for-

tiua feminis produci animam sensitivam, & illam priorem corrumpi, cum sensitiva sit etiam vegetativa: tandem ab extrinseco venire, ut loquitur *Aristoteles l. 2. de generat. animal. c. 3.* hoc est Deo creante, produci animam rationalem, ita *S. Thomas p. 1. quest. 76. art. 3. ad 3. & q. 118. art. 2. ad 2. & 2. contr. gent. c. 89. vers. Nec est inconueniens*: sequuntur omnes Thomistæ, & alij etiam ut *Cominbr. l. 2. de An. c. 1. q. 4. art. 2.* & plures è schola Medicorum. Et probant, quia materia foetus prius disponitur, ut solet natura ad vitam imperfectam, id est vegetativam, deinde ad perfectam, & tandem ad perfectiorem. Exemplum afferunt amygdalarum, quæ prius habent aqueum humorem, deinde duriorum, cum quo educitur nuclei forma. Hoc fundamento procedunt ij auctores, & quia Medici, & Parochi vident huius sententiæ Antesignanum S. Thomam, facile docent, non debere nos circa hos foetus, in quibus apparent primæ operationes sensitivæ, quales sunt constringi, si acu pungantur, dilatari secundum aliquas partes; si in aquam immegantur, innatare, & moveri in ea tamquam pisciculos; non inquam debere nos esse valde sollicitos, ut illis ministraretur Baptismi Sacramentum, nisi post diem trigessimum vel quadragesimum, quia ante hoc tempus vivunt solum anima sensitiva, ut Sanct. Thomas, loc. cit. & aliqui Medici asserunt, quos infra citabimus.

- 4 Sed re vera licet S. Thomas dicat humanum foetum prius vivere anima sensitiva, quam rationali, nec loc. cit. nec alibi dixit observandos esse illos, vel alios dies ad formandum iudicium de inexistencia animæ rationalis: imo vero, cum in 3. p. q. 3. art. 1. ad 1. responderet ad difficultatem factam ex auctoritate *S. Augustini l. 4. de Trinit. c. 5. & l. 83. quest. suum, q. 56.* hanc Medicorum observationem, nequidem indicat: cum enim posuisset hanc conclusionem, quod corpus Christi fuit perfectè organizatum in illo primo instanti quo materia sanguinis congregata pervenit ad locum conceptionis, & contra se in primo argumento objecisset, quod quadraginta sex diebus fuerat formatum Christi corpus, nam quadraginta sex annis ædificatum fuit Templum Hierosolymitanum, quod ex c. 2. *Ioan.* figurabat Christi

Christi corpus, & quot anni fuerunt in templi adificatione tot dies fuerunt in corporis Dominici perfectione inquit S. Augustinus, respondet S. Thomas, dicerem D. Augustinum verificari non de sola formatione Christi corporis, sed de illius perfectione, & augmento vsque ad Natiuitatem: & expresse S. Augustinus dicit, quod si dies quadraginta sex ducantur in numerum senarium, constabunt dies ducentos septuaginta sex, qui novem menses, & sex dies, comprehendunt à, vigesima quinta die Martij, vsque ad vigesimam quintam Decembris. Hunc solum dierum numerum circa humanum corpus observat S. Thomas ibi; non autem tempus formationis tantum: verum quidem est, quod ibidem S. Augustinus refert, & non refellit dies, quos nonnulli è Schola Medicorum observant circa humanam conceptionem; vt nimirum sex primis diebus foetus habeat similitudinem lactis, sequentibus novem diebus conuertatur in sanguinem, deinde aliis duodecim solidetur, reliquis decem, & octo formetur homunculus, vsque ad perfecta lineamentamembrorum, & tandem perficiatur usque ad natiuitatem. Sed hanc observationem S. Augustinus non affert tanquam suam, vel tanquam alienam, vt approbet; sed solum refert his verbis: *Dicitur autem conceptio humana sic procedere, & perfici, vt primis sex diebus, &c.* & eam adducit ad ornamentum, & eruditionem, non quia esset ad proprium institutum necessaria, cum satis sibi foret multiplicare numerum quadraginta sex per senarium, vt auctoritatem Ex Euangelio petita de adificatione templi, interpretaretur de perfecta Christi corporis formatione usque ad partum: quare neque S. Augustini, neque S. Thomæ, auctoritate potest prædicta dierum observatio confirmari.

Nihilominus hæc sententia S. Thomæ. & quibusdam Medicis adscripta videtur non male probari ex c. 10. Job vers. 10. 11. & 12. vbi describens primo loco S. Job tum primi hominis in Paradiso formationem ex luto, tum omnium deinde in vtero matris generationem dicit: *Memento quæso, quod sicut lutum feceris me, & in pulverem reduces me, nonne sicut lac mulsisti me, & sicut casum me coagulasti in felle, & carnibus vestisti me, ossibus, & nervis compegisti me: vitam, & misericordiam tribuisti mihi &c.*

In quibus verbis præmissa Adæ ex luto formatione, statim quasi ad eius imitationem fiat ipsa naturalis procreatio, dicit ad instar lactis, & casei ex semine viri tanquam ex coagulo, & ex sanguine mulieris tanquam ex lacte materiam generationis in vtero primum concretescere; quæ similitudo ex caseo coagulato desumpta non solum indicatur à Salomone *Sap. 6. 7. vers. 2.* sed eam latè docet *Glossa* in hunc locum *Iobi*, *Aristotel. 2. de gener. animal. c. 4.* *Galenus lib. de semine.* *Plinius lib. 7. c. 16.* *Gellius 1. 3. c. 16.* Sed Medici omnes admittunt. Deinde subdit S. Job partes omnes dissimilares figuratas, & conformatas, pellem, carnes, ossa, nervos, &c. varia membra constituisse, ex quibus tandem integratum corpus organicum, *vitam*, id est animam, & *misericordiam*, id est animæ vitam, sanctitatem à Deo infusam accepisse ut sit homo.

Cum autem hominis generatio describatur cum successione materialis præparationis, ut prius intelligatur corpus organicum esse factum, & instructum suis partibus, deinde animatum; & hoc totum fieri ad imitationem primæ creationis, constat, & probatur prius tempore hominem vivere vita sensitiva, quam rationali, quia præcessit organizatio substantialis. Et videtur esse sententia S. Augustini in lib. quæstionum veter. & nou. testam. quæst. 23. vbi habet: *Contemplemur facturam adæ, in Adam enim exemplum datum, &c. quia primum oportebat domum compaginari, &c. habitatorem induci, &c.* Verum huius libri Auctor, ut infra videbimus non est D. Augustinus, sed aliquis Hæreticus. Idem sentire videtur Auctor libri de spiritu, & anima c. 9. qui tamen licet sub nomine Augustini, est cuiusdam viri docti, ut observavit Bellarminus, consentit etiam D. Hugo *Esterianus tom. 9. Bibliothecæ veterum Patrum lib. de An. regress. c. 4.*

- 8 Quod autem prima Adæ ex luto creatio facta fuerit, ita ut prius tempore non solum figurata fuerit à Deo exterius, sed etiam interius formata, & organizata cum omnium membrorum internarumque partium delineatione, & distinctione docent multi ex Patribus, ut S. Augustinus *1. retract. c. 10. & lib. 13. de ciuit. c. 24.* *Chrysostomus homil. 12. & 13. in Genesim Hilar. in 1 salmum 118.* *Cyprianus epist. 64.* *Diodor. apud Lippoman. in caten. Alu-*
len.

Ien. in c. 2. Genesis. D. Bonauentura in 2. d. 17. n. 3. D. Alcimus cap. 6. Pined. in Job. c. 10. Qui omnes ita de ea loquuntur, vt videantur sentire quod lenior esset pars in carnem conuertenda, durior quæ in ossa, politior quæ in cutem, flexibilior quæ in nervos, & quæ in medullas mollior, & sic ante animationem corpus esset organicum potentia vitam habens, ut ait Aristot. 2. de An. c. 1. & 2. Imo videntur hi Patres indicare, quod ita in prima creatione hominis Deus obseruauit, vt præluderet eiusdem generationi, & minus miraculosè, quam oporteret, formaretur homo, suæque naturæ conformior, cum sine necessitate Deus miracula non faciat.

Sed responderetur, quod licet in argumento assumantur multa tanquam certa, quæ sint valde dubia, & fortasse non vera, non tamen probant hanc sententiam: nam licet concedamus Deum prælusisse in prima hominis creatione eiusdem naturali propagationi; & licet vera esset sententia illorum Patrum, qui dicunt prius formatam esse luteam illam statuam, & deinde animatam; licet etiam demus organizatam fuisse interius, & non tantum figuratam exterius; hæc tamen nec simul sumpta, nec seorsim concludunt intentum.

Et vt ab hoc ultimo incipiam; certum est, quod in luto tota illa diuersitas partium interiorum consistit solum in maiori, vel minori duritie, asperitate, lenitate, & mollicie eiusdem luti, & varia delineatione, & figuratione, ergo in accidentali tantum dispositione.

Deinde concessa illa Patrum sententia tanquam probabili, quod nimirum prius tempore corpus Adami sit à Deo formatum, nihil tamen infertur pro hac tertia sententia, quæ asserit ante trigesimum, vel quadragesimum diem corpus humanum non animari anima rationali; nam ob creatoris infinitam virtutem, & omnipotentiam, & ob perfectissimam creaturæ subiectionem, cum tanta, imo maxima celeritate facta est statuæ illius formatio, & præparatio, ad animam recipiendam, ut *Suarez in l. h. de opere sex dierum lib. 3. c. 1. n. 15.* putet Angelorum ministerium non interfuisse, sed ad summum potuisse solum inferuire ad congregandam materiam, & lutum in illo loco ¹⁰derermi

determinato: at vero nullatenus ad lutum comprimendum, & formandum, sed formationem illam superasse omnem Angelorum virtutem, & velocitatem: quare si Deus voluit, vt hanc formationem imitaretur naturalis in vtero generatio, solum infertur, quod breuissimo tempore præcesserit Animæ rationalis creationem, & infusionem organizationis illa à S. Jobo descripta, ut aliqui ex Auctoribus pro quarta sententia afferendis existimant de facto contingere.

Præterea ex auctoritate, & ex modo, quo S. Job describit propagationem humanam non sequitur, quod prius tempore organizationis præcedat animationem, sed satis est, quod prius natura; vt etiam Pineda aduertit, in ordine ad operationes, quas anima in suo subiecto exercet; quia respectu illarum corpus organicum habet rationem causæ materialis. Imo in sententia S. Thomæ & Thomistarum, qui vt in præsentia aduertit bene
 12 *Auers. q. 45. de corpore animato sect. 2. vers. afferendum*, cum rejiciant in universum omnem formarum pluralitatem in vna materia, & dicant in mutatione substantiali dari resolutionem vsque ad materiam primam non apparet ad quid tempore præcedente adsit in materia primum anima vegetativa, & deinde ista corrumpatur adveniente sensitiva, & eodem modo, adveniente rationali, hæc desinat esse; nam semper anima, & quælibet forma substantialis in hac sententia advenit materiæ nudæ, & resolutæ ab omni forma etiam accidentali.

Dices inferuire ad sigillandam, & determinandam materiam, vt ita determinata naturaliter exigat talem formam.

Sed contra, quia hæc determinatio, præterquam quod, est mera denominatio extrinseca, cum nulla forma sit in materia, quando denominatur, bene, & sufficienter intelligitur facta per talia accidentia absque multiplicatione animæ vegetativæ primum, & deinde sensitivæ; ergo superflua est ista animarum præcessio: ideo refert Viguer. eiusdem familiæ alumnus c. 1. Inst. §. 2. vers. 1. ab Oxoniensi Academia fuisse reprobata.

Quod si, ut alij philosophantur, dentur formæ partiales heterogeneæ, quæ præcedant animam, & cum anima remaneant in materia, vt voluit Scotus in 4. dist. 21. quest. 3. art. 2. cum suis, &
 Medi ci

Medici communiter asserunt apud *Bannes* 1. de generat. c. 4. q. 8. art. 4. quos refellit *Auers.* loc. cit. adhuc responderetur ex hac Iobi descriptione non probari intentum, quia ex modo loquendi ipsius solum habemus, prius enumerari partes heterogeneas corporis, & deinde animæ creationem; at cum non potuerit omnia simul, & vno verbo recensere, idèd vnam formam post aliam necessariò numeravit; id quod etiam in illa satis probabili sententia seruandum fuisset, quæ dicit simul cum anima, & non prius esse in corpore partes heterogeneas, quatenus sunt eius effectus proprii: quam sententiam latè, & efficaciter tuetur *Suar. de An. lib. pr. c. 1. n. 6. 22. 13. & 24. & Auers. loc. cit.* vbi docent, quod iuxta variam accidentium dispositionem iam introductam in materia siue à calore vteri, siue à plastica virtute seminis, siue etiam à solo Deo, vt infra videbimus, vna & eadem anima indiuisibilis diuerso modo se vnit, & communicat diuersis partibus materiæ.

Tandem assumitur etiam in argumento ex Auctoritate S. Iobi desumpto tanquam certum, quod prima humani corporis ex luto facti formatio tempore præcesserit animæ rationalis creationem, quod non est certum; imo in contrarium satis probabiliter sentiunt *Damasceus*, lib. 2. de fide c. 12. *Nyssen* lib. de opif. hom. cap. 28. & 29. *S. Augustinus*, qui licet loco supra citato valde propendeat in illam sententiam, tamen hanc oppositam probabilem putat, & tenet lib. 2. de Genes. contra *Manichæum* c. 8 & ipse *S. Thomas* 1. p. q. 91. art. 2. & sequens. & præsertim art. 4 ad 3. & probabiliorē vocat, & tuetur *Suar. de opere sex dierum* lib. 3. c. 1. num. 13. nimirum subito, & in momento, ac simultanea operatione Adami corpus esse compactum, & in corpore animam à Deo fuillè productam; & probat, tum quia magis consentanea est hæc sententia illis verbis Sacræ Scripturæ: *Faciamus hominem ad imaginem*, &c. *Creauit Deus hominem*, &c. *Et firmavit Deus hominem*, &c. tum quia hac simultanea & instantanea mutatione videtur Deus creasse cætera animantia, tam quoad accidentalem quam quoad substantialem organizationem, cum ea produxerit simplici, & absoluto vocis imperio: & tertio, quia non fecit alias

C

creaturas

creaturas eo modo, quem postea naturalia agentia deberent imitari, licet ex præjacente produxerit materia: ut patet in productione volucrum ex aquis, & aliorum animalium ex terra, sed altiori, & nobiliori modo operatus fuit, utpote ad instar creationis subito, & in instanti, non autem per partes, & successivè, sicuti fit ab agentibus naturalibus; & quidem meritò, ut distingueretur modus operandi Divinus, qui est à virtute independente, & infinita, à modo operandi creaturæ, quæ in esse, & operari dependens est, & limitata; quare non potest dici quod in formatione primi hominis debuerit, aut voluit præcludere naturali hominum propagationi. Ideo hæc tertia sententia non satis efficaciter probatur ex auctoritate Jobi.

SECTIO III.

Proponitur quarta, & quinta sententia de tempore, quo anima rationalis incipit informare corpus humanum.

SUMMARIVM.

- 1 *Embryonem prius vivere vita vegetiva, sentiunt aliqui.*
- 2 *Ioannes Gallego Philippitertij, & quarsi Hispaniarum Regum Medicus reprehendit eos, qui dicunt animam rationalem creati in materia generationis.*
- 3 *In instanti, in quo creatur anima rationalis in materia, dicit idem auctor corrumpi dumtaxat formam Embryonis, quæ ibi tantum præcedebat.*
- 4 *Non placet idem auctor, dum dicit contra sancta Romanæ Ecclesiæ sensum, & reuerentiam animæ rationali debitam facere, qui illam in humida materia ponunt.*
- 5 *Anima rationalis non educitur de potentia materia, sed creatur ex nihilo.*

- 6 *Non precedit tempore suum corpus sed in ipso creatur.*
- 7 *In unoquoque homine est una tantum anima.*
- 8 *Anima rationalis est immortalis, & est vera forma informans corpus, & contrarium dicere, est gravi censura dignum.*
- 9 *Fœtus à principio statim ac est completè accidentaliter organizatus informatur anima rationali sibi à Deo creata.*
- 10 *Explicatur Aristoteles quando dicit hominem prius vivere vitâ plantâ, deinde animalis, & tandem hominis.*
- 11 *Vita apud Aristotelem duplex est, altera substantialis, quæ consistit in actu primo, & altera accidentalis, quæ consistit in operationibus.*
- 12 *Sententia affirmans animam rationalem creari in materia statim, ac perfectâ est accidentalis organizatio est multorum veterum, & recentiorum, & probatur multis.*
- 13 *Hac sententia melius explicat miraculosam Christi conceptionem absque tot miraculorum superflua multiplicatione.*
- 14 *Christi corpus fuisse in primo instanti perfectè organizatum formatum, animatum, & assumptum à verbo Divino certum est ex Conciliis, & Sanctis Patribus, & contrarium est temerarium, & erroneum.*
- 15 *In hac sententia melius explicatur cur non debuerit nasci ante novem menses, & cur non creverit in maiori quantitate.*
- 16 *Afferuntur, & explicantur aliqui Sancti Patres, & interpretes de parvitate Christi corporis in instanti incarnationis.*
- 17 *Assignatur causa efficiens humani fœtus, tam ingeniosè organizati.*
- 18 *Absurdum videtur, quod aliquando corpus humanum sit animatum, & non ab anima rationali.*

Quarta sententia est cuiusdam recentioris existimantis supradictam tertiam sententiam nimis de trahere animæ rationalis dignitati, quatenus illam in fœces seminales, & sanguineam materiam Auctores immergunt. Hic autem dicit fœtum vivere prius vitâ vegetativâ, quam ipse vocat Embryonis: hic est

Joannes Gallego Hispanus, & Philippi tertij, & quarti Medicus, qui anno 1634. edidit tractatus quinque de generatione, vbi præfertim *lib. 1. tract. 1. cap. 19. vers. Quapropter*. temerarium
 2 dicit asserere quod anima rationalis à Deo creetur in solo semine, vel in massa ex semine, & sanguine permixta: Idem repetit *cap. 35. vers. Quam vero*. vbi dicit contra Sanctissimæ Matris Ecclesiæ Romanæ receptam opinionem sentire, qui dicunt in liquido adhuc existente humore, defluque paratissimo, animam pretiosissimam introduci. *Et cap. 33. vers. Nobis tamen*, dicit superfluum esse animam sensitiuam, ad introductionem animæ rationalis, propter rationes iam factas contra tertiam sententiam, & sufficere formam Embryonicam viuentem anima Embryonis.

Probat hanc sententia, quia nulla ratio Physica conuincit, vt inter vegetantem, & rationalem sit forma intermedia sensitiua; imo potius est impedimento; nam ad introductionem rationalis, satis est debita attemperatio, & organizatio corporis. Sed hæc omnia sufficientissimè præstat anima Embryonica actu recipiens influxum, seu directionem ab anima matris, quæ est agens principale vniuocum. Et ita intelligit *Galenum lib. 1. de sem.* loquentem de hoc principio cum ait. *Illud habere factum quatenus, vt planta gubernatur, & solum viuere, ut viuunt*
 3 *planta vsque ad expressam formationem qua apparet in tertio tempore, quando iam distinguuntur hepar, cerebrum, & c.* cum omnibus vehiculis, per quæ fit cõmunicatio, &c. Et *vers. Quapropter*, docet, quod in eodem instanti, in quo absolutum est hoc modo cor, cerebrum, & hepar, creatur in illo corpusculo anima rationalis à Deo, & corrumpitur anima Embryonis, & anima rationalis continuat actiones iam inchoatas nutritionis, augmentationis, exsiccationis, omnium partium separationis, ac perfectæ elaborationis; & propterea dicit *Galenum 1. de sem.* dixisse *plantam hanc, cum sit animal, non amittere quam habebat facultatem, sed alia insuper acquisita animal reddi, &c.*

Cæterum licet quæ Gallego dicit de anima Embryonica, & de introductione animæ rationalis satis probabiliter disputet,
 &



& non male ab omnibus audiantur, illud tamen, quod de anima rationali addit, nempe in irreverentiam hujus nobilissimæ formæ esse excogitatum, & contra Sanctæ Romanæ Ecclesiæ sententiam quod in immundam materiam introducatur, nimis scrupulosè, & immeritò exaggeratur; nam quod substantia spiritalis informet impuram materiam, neque physicè, neque moraliter detrahit illius dignitati, cum ex parte animæ immaterialis & incorporeæ non detur contactus quantitativus, qui solus est conspurcationis periculosus: sicuti re vera, licet totus homo compositus ex anima rationali tamquam ex nobilissima forma dicatur *Iob. cap. 14. n. 4. de immundo conceptus semine*: non tamen propterea detrahitur aliquid formæ præstantissimæ, sed magis declaratur admirabilis Dei sapientia, quod gemmam pretiosissimam absque sui vilitate intra luteum vas collocaverit; sicut radius solis impura tangit, neque tamen contaminatur.

Et ipse Gallego fatetur animam rationalem advenire ad exsiccandas, magisque discernendas partes dissimilares, & membra: ergo si tunc non est periculum, ut in illa humida, mucosa, & non adhuc exsiccata materia foedetur, cur paulo ante tam scrupulose rimet Catholicus auctor? neque Sancta Romana Ecclesia, ut huiusmodi periculum præcaveret, fuit vel minimum sollicita: sed solum declaravit aliqua de fide circa substantiam animæ rationalis. Quæ autem sunt de fide ab Ecclesia determinata circa animam rationalem sunt hæc.

Primò animam rationalem non educi de potentia materiæ, ut cæterorum viventium formæ educuntur, sed ex nihilo à Deo esse creatam, & esse spiritualement. Ita in *Conc. Lateranen. sub Innocentio III. c. Firmiter. de sum. Trinit. & Fide. V. de Mag. in 2. d. 18. S. Thom. 1. p. q. 118. art. 2. Bellarm. tom. 3. de amiss. grati. l. 4. c. 11. vers. Quod vero. Suar. de ani. l. 1. cap. 9. n. 11. & de Ang. lib. 1. cap. 5. num. 7.*

Secundo non esse creatam ante corpus, ut male sensit Origenes: cuius error damnatur à Leone I. Pontific. *epist. 31. & in 1. Conc. Bracar. cap. 7.* sed creari in ipso corpore, ut Leo I. statuit in *epist. ad Torib. & in Conc. ostarvo Const. act. 11.*

Tertio non esse in unoquoque homine nisi unam animam: id quod repetitur in *Conc. octavo Constan. Can. 11.*

Quarto esse immortalem, & à corpore independentem, in alio *Conc. Lateranens. sub Leon. X. sess. 8.* Esse autem in homine veram formam in formantem, licet expressè non sit definitum: est tamen apud Theologos ita certum ut contrarium censura gravi sit dignum, quod docet Suarez *lib. 1. de An. cap. 8. n. 4.* & merito cum in dicto *Concil. Lateranens. sub Leone X. sess. 8.* post quam gravissimis verbis damnatus fuit error contra animæ rationalis immortalitatem, statim dicitur: *cum illa non solum per se, & essentialiter humani corporis forma existat, verum immortalis: &c.*

Hæc sunt quæ Catholici communiter fatentur, & sunt certa; cætera autem Sancta Ecclesia relinquit Theologorum, & Philosophorum considerationi; Itaque hæc sententia Gallegi Ecclesiæ auctoritate non probatur.

Quinta sententia est illorum, qui dicunt fœtum à principio habere virtute seminis accidentalem organizationem; sed statim ac perfecta est, & completa huiusmodi organizatio, ita ut naturaliter exigit materia istam unionem cum forma substantiali, creari ibi à Deo animam rationalem, quæ non statim omnia munera vitæ exerceat, sed ea primum quæ sunt vegetativæ, deinde quæ sensitivæ, & demum suo tempore quæ intellectivæ sunt animæ; & ita intelligunt quod auctores communiter dicunt ex *Aristotele, lib. 2. de generat. animal. c. 3. Hominem prius vivere vita plantæ, deinde animalis, & tandem hominis:* hoc est gradatim procedere in exercitio harum operationum, quia primo tempore apparent operationes vegetativæ, secundo sensitivæ, & postremo rationales.

Et quidem negari non potest, hanc interpretationem esse ad mentem Aristotelis; nam apud ipsum vita, vel vivere, duplici significatione accipitur: primo modo substantialiter, ut idem sit vita, vel vivere ac animam esse unitam corpori, & illud substantia sua informare: secundo modo accidentaliter, ut importet operationes, & actus, qui accidentia sunt, sed magis sensibilia, & nota.

EST

Est autem hæc distinctio ipsius Aristotelis, lib. 1. *Ethic. cap. 7.* ubi loquens de illo animali, quod rationem haber, hoc est de homine, præmittit hanc eandem distinctionem, & asserit vitam accidentalem dici magis propriè; hoc est, ut ego intelligo, magis communiter, cum ait *quandam esse vitam rationem habentis, sed cum hac bifariam dicatur, exponenda est, quæ est actu, & hæc magis propriè dicitur vita.* Et l. 10. *Ethicor. cap. 7.* ait *Vita quædam est operatio.* De priori autem acceptione loquitur, l. 2. *de anim. text. 37.* cum dicit, *Vivere in viventibus est substantiale, &c.* At vero cum loquitur in allegato c. 3. lib. 2. *de gener. anim.* de vita hominis, quod intelligat in secundo sensu constat ex eo, quod dicit in eadem significatione; l. 5. *de gener. anim. c. 1.* *animalia quædam cum dormiunt, vivere vita plantæ, &c.* At manifestum est animalia cum dormiunt vivere vita plantæ, non solum substantiali, sed etiam vita accidentali, seu quoad operationes: & hanc Doctrinam docet etiam *S. Thomas 1. part. q. 118. art. 1. ad 4.* Cum igitur ibi Aristoteles sit intelligendus de vita quoad operationes, non est contra ipsum hæc sententia, quæ dicit humanum foetum, statim ac animatus est, vivere vita rationali, quoad esse substantiale.

Huius sententiæ inter antiquos Philosophos fuit *Philoponus* 12
in *Comment. ad text. 3. & 24. l. 2. de An.* *Albertus Magnus* in *summa de homine quæst. 18.* & plures alij, quos citat *Dandin. lib. 2. de Ani. Comment. 13. digres. 8. p. 3. vers. His duobus scilicet. Mibi 790. 791.* *Hugo de S. Victore tom. 1. lib. 4. Alleg. in Euang. Luca ad ea verba Et exultavit: Beda tom. 1. lib. de mun. const. vers. De certa. D. Gregor. Nissen. de ani. & resurr. & S. Cesarius Dial. 3. in resp. ad 115. interrog.* Est etiam expressa sententia *Hipocratis, Galeni, Avicennæ, & plurimorum Medicorum*, qui hac nostra tempestate hac de re, ex professo scripserunt, quos infra citabimus. Inter recentiores hanc defendunt *Petrus Garc. disp. 38. c. vers. 2. vers. Sed licet, &c. Hurtadus de generat. disp. 2. sect. 8. n. 108. & 109. & P. Theophil. Raynaud. de ortu infant. c. 10. n. 48. P. Gass. tom. 2. sect. 2. phis. cæ membro posteriori l. 4. c. 4. P. Roder. Arriaga Disp. 1. de ani. sec. 12. num. 318. P. Bambian. in censur. supra fol. 27. & alij in manu- scriptis.*

Primo,

Primo, quia nullum inuenitur commodius tempus, absoluta accidentali organizatione, quo dicatur anima rationalis adesse in materia disposita, quam illud, quo inchoatur formatio prima hominis. Ergo tunc adest: Antecedens patet, nam dato quocumque posteriori tempore nulla ratio potest assignari cur non tantisper antea fuerit ibi producta anima rationalis, & quocumque tempore assignato, aliud antea semper peti potest, usque ad illud tempus primæ formationis.

Dicunt Authores contrariæ sententiæ rationem esse, quia non sunt adhuc ibi organa necessaria, ad operationes rationales.

Sed contra quia quousque filius est in vtero matris; imo etiam, & multo tempore post egressum ex vtero non exercet operationes rationales, & tamen creatur anima rationalis in corpore, antequam egrediatur ex utero, & est homo vivens anima rationali, aliquo tempore, quo manet in vtero. Ergo carentia organorum non probat ibi illo primo tempore quo inchoatur formatio non adesse animam rationalem sicut carentia oculorum, aurium, dentium, &c. vel impotentia operationem, non probat, ibi non esse animam sensitivam.

Secundo quia anima rationalis vbi primum est completa accidentalis organizatio, exigitur naturaliter tanquam forma debita illi materiæ. Ergo Deus tanquam naturale agens nisi velit alterare concursum generalem; tenetur illam ibi creare. Ergo adest.

Tertio quia, in humano fetu dispositiones, quæ exigunt naturaliter animam vegetativam, & sensitivam exigunt rationalem; sed huiusmodi dispositiones ad animam vegetativam, & sensitivam adsunt, vbi primum est completa organizatio accidentalis, seu ubi primum incipit formatio, & organizatio substantialis. Ergo tunc primo adest anima rationalis. Major patet, quia tunc illæ dispositiones, non exigunt illas formas nisi prout illæ constituunt hominem: sed hoc non præstant illæ animæ, nisi prout identificantur cum anima rationali. Ergo exigunt simul animam rationalem: & ideo non exigunt organa plantæ quæ

quæ sufficerent ad nutritionem; neque organa bruti, quæ sufficerent ad sentiendum. Sed organa humani corporis. Minor probatur, quia statim fœtus attrahit sanguinem per venam umbilicalem Matris, ut nutriatur, & statim incipit moveri, ut patet in Abortivis, qui si pungantur acu sese contrahunt; & patet in punctosaliente supra sect. 1. n. 13. 14. 15. Vide Disp. 4. sect. 15. num. 18.

Quarto quia si illæ duæ animæ vegetiva, & sensitiva præ-existerent ante animam rationalem, tanquam ab ea distinctæ deberent corrumpi adveniente anima rationali, ne plures formæ simul essent: hoc autem dici non potest, nam nulla forma substantialis corrumpitur in materia, nisi dispositiones propriæ corrumpantur à dispositionibus contrariis formæ impossibilis: sed dispositiones prærequisite ad animam rationalem non sunt illis contrariæ, imo convenientes; quia anima rationalis ipsis indiget ut nutriat, & sentiat. Ergo si illæ ad-sunt à principio formationis, adest etiam anima rationalis, ab illis non distincta.

Quinto quia, si ut Authores contrariæ sententiæ discurrunt deberent præcedere duæ illæ animæ, nutritiva, & sensitiva in communi deberent ei præcedere non solum in homine, sed in Equo, Leone &c. Et tandem animæ vegetativæ anima hinniens & animæ rugiens advenire; probatur sequela; quia idè præcedunt in homine, quia in hoc præcedunt operationes nutritivæ, deinde sensitivæ, & tandem sequitur rationalis: sed in Equo, & Leone pariter præcedunt huiusmodi operationes, ergo deberent etiam in istis præcedere anima vegetativa, & sensitiva in communi; & tandem advenire tertia constitutiva in sua specie Equum, & Leonem in sua: consequens autem nemo philosophorum huc usque concessit, ergo falsum est antecedens.

Sexto quia, inquit Arriaga, illa anima sensitiva præcedens in homine, vel est rationalis, vel irrationalis: si primum habeo intentum: si secundum ergo constituit brutum. Ergo homo prius est bestia, quàm homo. Deinde si est sensitiva non debet esse generica quia genus à parte rei sine specie non datur:

fi est specifica. Ergo ante istam datur alia in genere: probatur dari; ideo enim ante rationalem ponunt sensitivam, quia materia prius per ipsos disponitur ad operationes communes sentiendi quam ad rationales; ergo prius fuit anima sensitiva disponens ad operationes sensitivas in communi; ante quam disponderet ad proprias talis animæ sensitivæ, ergo ante illam fuit alia, & alia, & sic in infinitum.

Septimo quia, cum anima rationalis sit inter omnia animalia imò, & omnia corpora præstantissima forma debet, inter omnia magis accedere ad Deum, & assimilari illi, qui est agens excellentissimum: hæc autem excellentia in operando, est summa independentia, & esse à se: ergo quod anima rationalis ipsa sit agens, & producat sibi membra in corpore incipiens à prima formatione non solum non dedecet ipsam, sed suæ perfectioni est maximè conueniens; quia sic propius accedit ad Dei perfectionem. Ergo est ibi presens, & à principio sibi corpus conformat.

Octavo quia superflua est illa animarum productio, & corruptio, cum per solam animæ rationalis infusionem, omnia factis & bene explicentur.

- 13 Nono, quia in hac sententia facilius intelligitur conceptio corporis Christi, eiusque animatio, neque tot miracula multiplicantur, sicut in superioribus sententijs, quarum exinde sumitur inverisimilitudo, quia absque necessitate coguntur multiplicare miracula. Nam cum corpus Christi in instanti formatum perfectè organizatum, & animatum sit, ut dicitur in *5. & 6. Synodo, & in Conc. Ephes.* nec non in *epist. 11. Leonis*
- 14 *Papæ simul carnem Christi fuisse formatam, & animatam, & assumptam à Verbo*; & hæc omnia in primo instanti, ut docent *D. Basilius, Damascen. & bene Suarez tomo 2. in 3. p. disp. 11. sect. 2.* probat hanc conclusionem esse Theologicam, omnino certam, & contrarium sentire, temerarium, & erroneum: sequitur quod non possint Auctores contrarij rationem reddere, cur non fuerit Christo necessarium exire de utero Matris ante novē menses; cum enim alij infantes in illorum sententia egrediantur ante octavum mensem, qui animantur post 35. vel 40. diem

diem à conceptione; corpus Christi, quod fuit animatum in primo instanti suæ conceptionis, fuisset sub majori quantitate, & mole, quam naturaliter esse posset; supposito, quod in utero Matris steterit spatio nouem mensium, ut uniuersaliter recipit Ecclesia & toto illo tempore creuerit.

Respondent aliqui, naturaliter debuisset quidem nasci ante nouem menses; sed miraculo factum esse, ut spatio nouem mensium ibi fuerit; tum ut occultaretur mysterium; tum ne monstrosa, & præternaturalis natiuitas videretur: Augmentum autem illud cum fuerit factum spatio quadraginta dierum, non videtur fuisse adeo magnum, ut ad sensum appareret; & videretur præternaturale. Ecce igitur quomodo multiplicant miracula sine fundamento, & necessitate, & ideo à *Suarez loco citato* reprehenditur hæc responsio.

Alij dicunt augmentum illius corpusculi fuisse ita temperatum, & paulatim factum, ut non cresceret spatio nouem mensium, nisi quantum alij pueri solent crescere spatio octo mensium. Verum hæc etiam responsio merito displicet *Suarez ibidem*, quia ista retardatio augmenti fuisset perpetuum miraculum non enim fuisset naturalis, sed ex divina supernaturali prouidentia.

Ideo ipse Suarez, & alij recentiores dicunt, quod organizauit quidem Deus corpus Christi in primo instanti; sed quia minima, & maxima infantilis corporis quantitas non consistunt in indiuisibili sed aliquam habent latitudinem; potuit in primo instanti, esse sub minima quantitate possibili ad recipiendam naturaliter formam humanam, & infans spatio nouem mensium potuit naturaliter crescere usque ad maximam quantitatem, quam talis puer intra talē vterum posset iuxta suam complexionem naturaliter habere; & sic potuit compensari excessus quadraginta dierum, quibus aliorum corporum animationem præcessit.

Sed neque hæc responsio placere omnino potest, nam imprimis diuinare videtur; & deinde non vitat omnem multiplicationem miraculi. Inquiri enim, quis novit, aut unde sciri potuit ab illa corporis pusillitate, quæ fuit à principio, tale incre-

mentum paulatim ita fuisse incohatum, & sensim factum, usque ad præfinitum tempus Nativitatis Christi, vt exacte potuerit peruenire Diuinus Infans ad maximam illam quantitatem, quam puer perfectæ complexionis, qualis erat Christus intra talem uterum naturaliter exigebat: & quod potius non satis fuerit illa paruitas sufficienter recompensata per excessum illum quadraginta dierum, quo fuit animatus fœtus ante tempus communis animationis?

Respondent à Deo tantam quantitatem ex purissimis Beatæ Mariæ sanguinibus fuisse determinatam, & congregatam in utero, quanta satis erat ad naturalem paruitatem infantilis corporis, ut postea ex incremento continuo ad illam maximam quantitatem perueniret, quæ naturaliter exigebatur in tali puero nascituro.

Sed contra quia hæc est manifesta diuinatio, ad quam cogit supradicta sententia.

Deinde, cum Beata Virgo propter optimam complexionem, & perfectum calorem nullam haberet, nec in sanguine, qui fuit materia conceptionis, nec in utero imbecillitatem, aut imperfectionem, sed omnia requisita, quæ habent aliæ mulieres perfectæ complexionis, & virtutis, vt omnes admittunt, & notauit *Suarez disp. 10. sect. 2. vers. sed adhuc*. Sequitur quod minima illa materiæ portio, non esset in ea naturaliter exigita, sed potius maior portio illi vtero deberetur, vt posset concipi corpusculum maioris quantitatis, sub qua infans naturaliter exigebat animari in vtero materno optime disposito.

Cum igitur debuerit Deus tanquam naturalis concausa illa sola præstare, quæ præstitisset vir, si beatissima Virgo humana operatione concepisset, sequitur, quod determinatio illa sanguinum fuerit miraculosa; tum quia in aliis conceptibus humanis virilis concursus illam non faciat; tum quia determinatio parvæ quantitatis erat contra naturalem exigentiam talis vteri: superaddit igitur etiam hæc responsio miracula, & diuinare cogitur.

- 16 Sed adhuc in fauorem tertiæ & quartæ sententiæ video hic multiplicari posse, quæ à quibusdam Sanctis Patribus & Sacræ Scripturæ

Scripturæ interpretibus dicuntur de paruitate corporis Christi in puncto Incarnationis ad ostendendum, quam singularis, & supernaturalis fuerit illius Sanctissimi corpusculi organizatio, nam *Petrus Comestor. in Histor. Euang. cap. 2.* dicit quod postquam Sanctissima Virgo protulit illa verba. *Ecce Ancilla Domini*, quibus Angelicæ legationi consensum præbuit statim conceptus est Christus de Virgine plenus homo in anima, & carne: ita tamen quod lineamenta corporis, & membrorum oculis discerni non possent, &c. *Tostatus in Paradoxo primo, cap. 27.* dicit quod fuit parua quantitatis, minus quolibet alio corpore humano, cum perfectam organizationem attigerit, &c. *Dionysius Cartus. in cap. 2. Lucae art. 3.* dicit, quod distinctio membrorum oculis perceptibilis vix fuisset ob corporis paruitatem, &c. *S. Thomas 3. part. q. 33. articulo secundo, ad secundum,* dicit de quantitate huius diuinitissimi corporis, quod non erat tam parua, ut in ea non posset ratio humani corporis conseruari; cum in tali quantitate quorundam paruorum hominum corpora animentur, &c. & *S. Bernardinus Senensis tom. 1. serm. fer. 3. post Decem. 2. quadrag. artic. 2. cap. 7.* dicit quod cum Christus in utero Virginis venit, carnemque assumpsit, tanta breuitate circumamictus est, ut si iam concepit in Virgine positus fuisset super patrum, vel palmarum manus, vix eum humanus oculus percepisset; licet Diuinitus, & anima, & corpore, atque omnibus interioribus, & exterioribus membris, & lineamentis perfecte completus fuisset, ut verificaretur, quod *Isaias 10. versiculo vigesimo. tertio*, & *Apostol. ad Romanos cap. 9. 27.* de Christo testati sunt. Verum abbreviatum faciat Dominus super terram; Ex quibus patet omnes vnanimiter admittere, quod illa corporis Christi pusillitas fuerit supernaturalis, & singularis: Non ergo est communis aliis humanis foetibus.

Sed respondetur facile nullos ex Sanctis Patribus, & Interpretibus dixisse quod fuerit singularis illa Christi corporis organizatio, quoad paruitatem, sed solum quoad causam, unionem, & modum quibus fuit producta, quia scilicet facta fuit virtute Spiritus Sancti, & quoad durationem fuit in instanti, & quoad

unionem, quia in eodem instanti fuit personaliter assumpta à Divino Verbo. Bene verum est, quod omnes cum admiratione, & exaggeratione consideraverunt illam parvitatem, quatenus
 2 sub illa Divina Majestas totam se quodammodo abbreviaverit: quomodo *D. Paulus ad Philipenses cap. 2. num. 7.* admirabatur Divinum Verbum exinanitum in forma serui: & tamen nemo dixit hucusque, huiusmodi exinanitionem, & depressionem fuisse factam infra terminos naturaliter convenientes humanæ naturæ.

Imo *D. Thomas* expresse videtur dicere, quod licet parvitas Christi corporis in puncto Incarnationis fuerit considerabilis, non tamen fuit adeo minima, ut sub ea non posset naturaliter ratio humani corporis conservari, & animari, & in hoc sensu, qui allegoricus est, non literalis, accipienda sunt verba illa *Isaie 10. v. 23.* iuxta translationem *septuaginta Interpretum*, quos sequutus est *D. Paulus ad Romanos. c. 9. 27.* quod nimirum in Incarnatione Divinum Verbum breviter semetipsum, uniendo sibi personaliter animam Christi, & corpusculum ita parvum in instanti factum, sicut solent aliorum hominum corpora postea in tempore organizari. Quare ex huiusmodi locutionibus Sanctorum Patrum, & Interpretum nihil peculiare colligitur pro tertia, & quarta sententia.

17 Decimo principaliter probatur quinta sententia, quia melius solvatur quomodo homo sit vnum substantiale, & bene redditur ratio, & assignatur causa efficiens tam ingeniosi opificij, ipsa nimirum anima rationalis, aut Deus ipse solus iuxta septimum modum infra afferendum.

28 Vn decimo quia ridiculum, & præter rationem videtur, esse humanum corpus sine anima rationali bestiam nasci dicamus, ut ratiocinatur *Hugo de Sancto Victore, loc cit.*

Duodecimo quia sicuti triticum, verbi gratia, ex tritici semine, & alia similia ex similibus seminibus perfecte nascuntur: sic ex humano semine non nisi rationale animal nasci debet; ut argumentatur *Galenus in l. An quid in utero est animal. c. 4. & 5.*

Et confirmatur, quia, statim ac in morte separatur anima rationalis à corpore, desinunt omnes operationes vitales, tam vegetativæ,

getativæ, quam sensitivæ; ergo ipsa sola, se ipsa est omnium principium.

Hæ sunt principales sententiæ, quæ de humani fœtus animatione inveniuntur: sunt autem varij modi, quibus, tum Medici, tum Anatomistæ conjectant tempus illud, quo tunc primum anima rationalis informat materiam: omnes tamen ad aliquam ex dictis sententijs referuntur. Et quia non vno modo se explicant, ut clarius constet, quam dubium sit, & incertum tempus primæ animationis, expedit illos modos seorsim referre.

SECTION IV.

Afferuntur varij modi explicandi supradictas sententias quoad tempus animationis.

SUMMARY.

- 1 *Animationis tempus iuxta diuersas dispositiones, tum subiecti, tum agentis est varium; sed hæc varietas, ut Medici dicunt clauditur spatio quindecim dierum.*
- 2 *Quando fœtus non est perfecte formatus, est tamen animatus.*
- 3 *Sed re vera hoc spatium est excogitatum à Medicis, non tam ad designandum tempus animationis, quam perfectæ formationis.*
- 4 *Spatio primi mensis Medici, & Anatomici fatentur, se non posse observare fœtum humanum propter parvitatem, & teneritudinem.*
- 5 *Quando Medici assignant tempus animationis, non possunt loqui, nisi de perfecta corporis formatione.*
- 6 *Avicenna credit primis septem diebus, fœtum esse spumosum; nona die delineari; decima quinta esse sanguinolentum; vigesima septima carneum; trigesima sexta habere membra distincta; quadragesima, vel ad summum quadragesimatertia die esse integrè formatum.*

- 7 Concluditur diem trigesimam, trigesimam quintam, quadragesimam, & quadragesimam quintam non de animatione, sed de perfecta formatione assignari.
- 8 Ideo non bene inferitur tempus certum animationis esse à trigesima, usque ad quadragesimam diem.
- 9 Puerperia in partu masculi duranti triginta dies; in partu feminae quadraginta.
- 10 Afferunt aliqui, tum ratione, tum auctoritate utriusque Iuris factum humanum non esse baptizandum ante trigesimam diem.
- 11 Sed neque ex puerperijs, neque alio modo id bene probatur.
- 12 Rituale Romanum nulla habita ratione dierum, si vivus est fœtus, monet esse baptizandum.
- 13 Liber questionum veteris, & novi testamenti, non est D. Augustini, sed cuiusdam Hæretici, qui ante illum scribebat.
- 14 Et quisquis sit ille Auctor, merito irridetur à Glossa.

Primus modus assignandi tempus, quo fœtus animatur, est quorundam Medicorum, qui iuxta Doctrinam Galeni lib. de fœt. form. monent non in omnibus fœtibus statuendum esse idem tempus: nam ex diversitate caloris, & maiori dispositione materiæ variatur; & tardius fœminæ, celerius mares & inter mares citius calidiores, & sicciores animantur: sed hanc diversitatem claudî spatio quindecim dierum; ideo animationis terminum primum, dicunt aliquando esse diem trigesimum, vel trigesimum quintum, vel quadragesimum, vel quadragesimum quintum, vel quinquagesimum. Sed ut notavit Levius Lemnius, cap. 11. Gallego tract. 1. lib. 3. de nat. infant. c. 35. vers. cum igitur, & vers. ex quibus. Interdum hoc tempus anticipatur; nam multæ mulieres masculum perdiderunt, ut ipse fateatur ante trigesimum diem, quo tempore deprehensus fuit in articulus fœtus; & ut ipse se explicat, non perfecte formatus, quare huiusmodi termini à Medicis assignati, videntur potius ad designandam perfectam formationem, quam fœtus animationem, id quod etiam notavit Daniel Sennertus l. 1. de partu c. 10. & novissime Riolanus lib. 3. Anthropograp. c. 6. his verbis: *Ceterum quæ de generatione partium corporis humani traduntur*

traduntur à Medicis, Anatomicis, ea in perfectis, & absolutis fœtibus contemplati sunt, & adnotarunt: ut prudenter animadvertit Varolius dicens quod pauci, vel nulli productionem, siue procreationem partium quasit ab eo tempore concreti seminis usque ad mentem integrum observarunt, & descripserunt. At sane huiusmodi episcium nostris oculis impervium, & inaspectabile solo mentis discursu vel ex aliorum animalium satisfactione deprehendi potest. Quis enim adeo crudelis, & inhumanus viventis mulieris alvum incidere, ad huius rei investigationem? in effluxu, siue in abortu artificium structure sepius destruitur, & ob parvitatem fusilli corpusculi, vel spernitur, vel non potest accurate discerni delineatio, etiam si conspectu adhibeas, qua res multiplicare, & augere possunt, &c.

Hæc Riolanus, opportunè advertens, Medicos cum tempus prædictum assignant non loqui de animatione, sed de perfecta corporis formatione: ipsorum enim est ea solum, quæ ad corporis sanitatem spectant observare principaliter, & tanquam proprium obiectum considerare.

Et Avicenna reprehendens eos qui cum Galeno, & Hippocrate terminos fixos ponentes, masculum trigesima, & fœminam quadragesima die formari aiunt, ipse audacior illis, tempora designat. Spatium spumæ inquit sex, aut septem sunt dies; nonum diem, ut plurimum censet esse terminum primæ delineationis; in quintodecimo, genituram esse sanguinolentam; in vigesimo septimo carnem habere effigiem in vigesimo sexto, fœtum habere caput separatum ab humeris, & brachia, & crura à lateribus distincta; adeo ut iudicari possit fœtus formatus quadragesima die, vel ad summum quadragesima tertia.

Constat igitur, quod Medici, quando assignant diem trigessimum, trigessimum quintum, quadragesimum, & quadragesimum quintum, non de animatione, & virâ, sed de perfecta membrorum formatione loquuntur, quâ Gallego substantialem formationem appellat, consequentem ad accidentalem organizationem ab ipso embryonicam appellatam *ilidem vers. Avicenna*. Vbi statim infert, fœtum accipere animam à Deo per

E

creationem,

creationem, cum primum absoluta est formatio accidentalis; & hoc quod vocant instans creationis, *qui sciret, utique, ait, sciret tunc primò factum esse animatum anima rationali*: Sed cum sit incertum, conjiciunt aliqui esse à trigésimo die, vsque ad quadragésimum.

- 9 Probat primo Gallego hunc dicendi modum, quod nimirum ante trigésimum diem fœtus non sit humana forma animatus, *ex Hippocrate lib. de nat. puer.* argumento desumpto ex mulierum parturientium puerperiis: hæc enim post masculi partum durant dies triginta; post partum vero feminae dies quadraginta, & quadraginta duos, quàm longissimè.

Secundo, quia etiam si Ecclesia moneat, vt Ministri Sacramentorum diligenter caveant, quod fœtus non pereant, sine Baptismo; Parochi tamen & obstetrices id non curant ante trigésimam diem.

- 10 Tercio probatur auctoritate desumpta ex D. Augustino, relato paulo ante *ex c. Moyses 32. q. 2.* nam ibi disputans, an ex traduce sint animæ sicut, & corpora; & defendens Catholicam veritatem, quæ docet animas rationales, non ex traduce fieri, sed à Deo creari ex nihilo, ita ratiocinatur. *Si cum semine statim existit anima; vt sentiunt, qui ex traduce faciunt, multa anima quotidie pereunt, cum semen fluxu quodam non proficit natiuitati*; quam sequelam non tam probat, quam supponit, vt certam; Ruunt igitur Catholicæ veritatis præcipua fundamenta, si non existit aliquando corpus sine anima.

Quarto; quia Jura civilia non puniunt, ut homicidam pœna capitali nisi illum, qui causauit abortum animatum, *l. Dinus ff. de extraord. crim. & l. penult. C. ad l. Cornel. de Sicar. & l. si mulierem, ff. eo, & l. Cicero, ff. de pen.* Et Jura Canonica non imponunt pœnam irregularitatis, nisi quando fœtus est animatus; nam *in cap. consulisti 2. quest. 5.* Stephanus V. respondens Episcopo Moguntino dicit homicidam esse, qui conceptum in vtero abortum deleuerit, vbi glossa explicat de abortu formato; iuxta *cap. Moyses 32. q. 2.* vbi ex D. Augustino, pro eodem accipitur abortus formatus, & animatus: imo expresse docet in fœtu non esse animam ante ipsius formationem, *& c. sicuti 32. quest. 2.*

q. 2. desumpto ex Epistola D. Hieronymi ad *Algasiam* dicitur sic-
ti semina paulatim gerantur in utero, & tandiu non reputatur
homo, donec elementa confecta suas imagines, membraque suscipiant.
 Jgitur antequam imaginem, & lineamenta acceperit fœtus, id
 quod non statim in conceptione fit, non erit ille homo; nem-
 pe forma substantiali humana, quæ est anima rationalis, carer.
Et in c. sicuti ex litterarum de homic. Innocentius III. declarat, il-
 lum Monachum, qui abortum causaverat, esse irregularem, si
 conceptus erat *vivificatus*, minimè vero si non erat *vivificatus*.
Et Sixtus V. in sua const. 77 in præfat. desumptis verbis ex D. Au-
gustino l. 1. de nuptiis, & concupiscentia c. 15. relato in c. aliquando
32. q. 2. dixit, abortum procurantes esse in causa, ut proles prius
intereat, quam vivat, & §. 1. distinguit inter fœtum animatum,
& inanimatum, formatum, & informem, pro ut etiam distin-
guat inter animatum, & inanimatum Gregorius XIV. in sua Const.
 8. §. 2. & 3. & Clem. VIII. in decreto super *Casuum reservatione pro*
regularibus.

Sed hæc argumenta non probant efficaciter intentum: ad
 primum enim respondetur, quod purgatio illa mulierum
 non concludit necessario, quod animatio fœtus non possit
 præcedere diem trigessimum; sed solum probat, quod in par-
 tu masculi purgatio sit brevior, & in partu fœminæ longior;
 iuxta maiorem sanguinis copiam. Imo Medici illi, qui cum
 Avicenna admittunt prima vitæ filamenta inchoari nono die,
 non videntur sibi satis cohærere, dum fatentur ante trigesi-
 mum diem, iam adesse in fœtu actiones vitæ, nempe nutriri,
 & distingui membra: negant autem vitæ principium.

Ad secundum, Respondetur esse illud, quod cavere intendi-
 mus, ideo non probat. Et ipse Gallego admittit aliquando,
 intra brevius tempus ordinariæ formationis, fœtum posse es-
 se animatum, & plures mulieres ante trigessimum diem mas-
 culum perdidisse: non igitur consequenter loquitur, dum mo-
 net baptizandum esse Infantem constitutum in periculo mor-
 tis, si sit vivus; & concedit fieri posse, ut vivat ante trigesimū
 & ante hunc diem non esse baptizandum. Imo, quod est val-
 de notandum, Rituale Romanū Pauli V. præcipit, ut si quando

contingat matrem prægnantem mori vivo foetu intra viscera remanente, extractum ab ytero esse baptizandum: non tamen obligat ministrum ad baptizandum post triginta dies tantum, sed tunc quaecunque sit tempus periculi, quod prudenti ministrorum iudicio determinandum reliquit. Quare nostræ intentioni faver Ecclesiæ quatenus mortua matre prægnante, eaque secta, statuit ut sine aliquo respectu ad tempus, baptizetur foetus, si sit vivus.

Ad tertium argumentum pariter facilis est responsio; nam librum illum *Questionum veter. & novi testam.* ex quo desumitur cap. Mythes esse Auctoris Heretici, testatur Bellarminus, & pluribus illum erroribus indignis tanto Doctore, conuincit: præsertim vero non esse librum D. Augustini constat ex q. 44. in qua dicit Auctor ab Excidio Hierosolymitano, vsque ad tempus in quo ipse scribebat, fluxisse annos trecentos septuaginta duos à Natiuitate Christi sed D. Augustinus mortuus est anno Christi 430. ætatis suæ annorum 76. Cum ergo natus sit anno 354. sequitur quod anno 372. quo scriptus est hic liber, esset Augustinus annorum sexdecim: at ipse non potuit cœpisse scribere, pro Christiana fide, nisi post susceptum baptismum quem anno suæ ætatis trigesimo suscepit & fuit annus post Christum natum 384. Et sic anno duodecimo postquam scriptus fuit liber *Questionum veter. & non testament.* Non igitur est veri Augustini hic liber, sed alterius sub eius nomine: & idem sentiunt DD. Louanienses.

Minus probat ratio allata siquidem sequela illa, quam supponit de Animabus quotidiano seminis fluxu pereuncibus, valet contra illos, quos ille Auctor redarguit, qui dicebant animam rationalem fieri ex traduce Non valet autem contra Catholicos, qui dicunt creari ex nihilo in materia, saltem accidentaliter disposita, ut supra *sect. 1.* iam vidimus, quæ quidem natiuitati proficit, cum sit necessarium subiectum; neque consistit in fluxu seminis, licet adhuc substantialiter, organizata. At verò quicumque sit Auctor illius libri, sanè nullius est nominis, & ideo merito irridetur à Glossa; nam volens Auctor ibidem probare quod anima rationalis non potest
precedere

præcedere organizationem seu formationem corporis, ait *Anima certe, quia spiritus est, in sicco, id est rudi, & informi corpore habitare non potest.* Glof. V. *in sicco dicit argumentum esse pro Normannis, & Anglicis, & Polonis, ut possint fortiter bibere, ne anima habites in sicco.*

Ad quartum argumentum responsio non est ita brevis, idco commodius rejicitur in sequentem sectionem.

S E C T I O V.

An ex distinctione Iuris Ciuilis, & Canonici de foetu animato, & inanimato inferat benè Gallego huiusmodi humanum foetum ante mensem non esse baptizandum.

S Y M M A R I U M.

- 1 *Ex iudicio iurisperitorum dubitari potest factum ante trigessimum, vel quadragesimum diem esse animatum.*
- 2 *Refertur sententia eorum, qui dicunt, quod iura non puniunt eorum, qui dant causam abortui, nisi quando infans est iam natus.*
- 3 *Homo non dicitur nisi postquam natus est.*
- 4 *Pœna capi. alii, sed non pœna mortis punitur, qui causauit abortum animatum.*
- 5 *Qui in utero est, pro iam nato habetur, in iis, quæ sunt sibi utilia: non autem in iis, quæ aliis nocent.*
- 6 *Alij dicunt tunc puniri abortum tanquam homicidium, quando factus erat formatus.*
- 7 *Nulla iura Ciuilia puniunt abortum pœna mortis.*
- 8 *Sunt, qui putent factum non esse formatum, nisi post octauum mensem.*
- 9 *Sed hi Auctores præterea plura requirunt, ad effectum, ut deli-*

Etum abortus puniatur pœna mortis; & primò, ut sit vitalis id est non cœlestis.

10 *Secundo: ut sit dolose causatus.*

11 *Tertio: ut sit procuratus à sciente, mulierem esse pregnantem.*

12 *Quarto: ut non sit causatus abortus, ex fine salvandæ mulierem.*

13 *Quinto: ut non ad turpitudinem matris occultandam.*

14 *Sexto: ut mater, quæ sibi abortum causavit, sciret, & adverteret, se esse gravidam.*

15 *Septimò: nec punitur mater, si dicit se peperisse filium mortuum.*

16 *Ipsi iurisperiti monent, salvandam esse baptismo animam fœtus; etiamsi, qui illum delevis, eximatur à pœna.*

17 *Et confessarios debere attendere in absolutione à peccato abortus, an fœtus esset animatus.*

18 *Qui fœtum animatum, vel inanimatum delet, peccat mortaliter.*

19 *Irregularitatis pœna non imponitur abortui, nisi fœtus sit animatus, imò vivificatus.*

20 *Affertur sexus D. Augustini, in quo dicitur, quid sit fœtum esse vivificatum.*

21 *In sententia D. Augustini, dubitari potest, an fœtus, qui non est formatus, sit animatus.*

22 *In eiusdem sententia fœtus vivificatus est, quando exercet operationes sensibiles.*

23 *Fœtus, qui non habet vitam in actu secundo, non potest occidi in ordine ad sanam irregularitatis.*

24 *Laudatur Censura Reverendi s. P. D. Hilarionis Rancata.*

25 *Fœtus dicitur vivificatus non solum quando est animatus; sed præterea quando habet operationes animæ sensitivæ.*

26 *Iura Civilia, & Canonica quando puniant abortum fœtus animati, pro animato intelligunt vivificatum seu animatum in actu secundo; quia ex operationibus sensitivis indicant abortum, esse homicidium.*

27 *Deus ipse huic iudicio se accommodavit Exed. 21. quia humano iudicio rem esse dubiam consideravit, quod in fœtu informiter animato sit anima.*

28 *Ideo Doctores conveniunt, abortum masculi ante quadragesimum, femina*

famina vero ante octogesimum, non esse punibilem tanquam homicidium, quia res est dubia.

- 29 Non ergo datur tempus ante quadragesimum, vel octogesimum diem, in quo certum sit factum non vivere anima rationali.

Existimat Gallego, opinionem suam de non baptizando humano foetu ante trigesimum diem, firmiter esse fundatam, in vulgata distinctione foetus animati, & inanimati: sed ut videamus, quam insufficiens sit hæc ratio; quod nimirum, quia tam Jus Canonicum, quam Civile non puniunt, nisi occisionem foetus animati: ergo omnes faceri debemus dari tempus ante mensem, in quo foetus non sit animatus, & sic non potuit ante mensem baptizari, oportet ut aliquantulum immoremur in recensendis variis Doctorum opinionibus, de hujusmodi poenis, quas utrumque Jus imponit iis, qui causam dant, ut foetus animatus intereat: nam ex diuersitate iudicij, quod Prudentes Jurisperiti formant de hoc delicto, nos etiam inferre poterimus, quam prudenter, dubitare possimus, foetum esse animatum, etiam ante illud tempus, quod Doctores exigunt, ut delictum hujusmodi puniatur poena mortis.

Prima sententia potest esse illorum, qui dicunt numquam 2 jura punire poena mortis eos, qui procurant abortum foetus animati, sed solum quando infantem iam natum occidunt; ita videtur sentire *Alex. in l. quod dicitur n. 3. ff. de liber. & posth.* & ante ipsum *Baldibid Decius cons. 535. n. 3. Fulgos. in l. si mulierem num. 1. ff. ad l. Cornel. de Sicar. & Marfil. ibi num. 5. adhaerent Thesaur. Pedemont. decis. 12. num. 8. & 9. & Menoch. de arbitr. cas. 1357. num. 7.* quia inquit *Menochius*, etiam si foetus sit animatus, non tamen homo esse dicitur. Et in *l. si quis aliquid, §.* 3 *Qui abortivi, ff. ad l. Cornel. de Sicar.* habemus, quod si ex eo mulier, aut homo reuivret, summo supplicio afficiantur. Ac vero *Papinianus l. Falcidia ff. ad leg. Falcidiam. Arist. libr. 2. de generat. Animalium. cap. 11.* & latè *Thesaur. dict. decis. 12. num. 7* homo non dicitur nisi postquam natus est; aut si est homo, est homo tantum in spe, ut dicitur in leg. cum in veteres Codice, de

de fideicommiſſis, ibi, quod nondum natus ſperatur eſſe homo: & cum minus ſit quod eſt in ſpe, quam quod eſt in re, ſeu quod iam habet eſſe productum, *l. minus. ff. de reg. iur.* inferunt huius ſententiæ auctores minori pœna, quam homicidij puniendum eſſe homicidium abortus animati nondum nati. Et ideo *Menochius* poſt *Theſaurum* arbitratur homicidium abortus animati nondum nati puniendum eſſe non pœna mortis, ſed pœna capitali, cuiuſmodi ſunt pœna religionis, exilij perpetui, vel Triremium: juxta *l. ſecundam, & l. Capitalium. ff. de j. ænis.*

Quod ſi objicias *l. ſeptimam, de ſtat. hom.* in qua dicitur quod *qui in utero eſt, pro iam nato habetur.*

Respondent aliud eſſe quod ſit tale, & aliud quod habeatur tali; & quod in illa *l. 7. Paulus Iuriſconſultus* ſe declarans, dicit, quod licet homo nondum natus in iis, quæ ſpectant ad ſuum commodum habeatur pro tali; at in iis, quæ reſpiciunt intereſſe alterius, non habetur pro nato; quare cum puniri homicidium pœna mortis, ſit maximum hominis præiudicium, hinc eſt quod hi Auctores, illum non puniant pœna ultimi ſupplicij, niſi fœtus ſit iam natus: cum igitur in ſententia horum Auctorum fœtus ſit animatus, & tamen qui illum interim non puniatur pœna mortis, conſtat ex tali diſtinctione non deſumi argumentum effcax pro Gallego.

Secunda ſententia eſt eorum qui credunt, non eſſe expectandam infantis nativitate, ut procurans abortum tanquam verus homicida pœna mortis puniatur; ſed attendendum eſſe, an fœtus ſit formatus. Fundamentum huius ſententiæ eſt, quia nullum Jus Ciuile aſſertur, quod ultimo ſupplicio hoc delictum puniat, & primo ex allatis legibus *l. Diuus*: punit matrem, quæ data opera partum abegit, & punit illam, ſola pœna temporalis exilij. *Lex penultima, C. ad l. Cornel. de Sicar.* expreſſis verbi loquitur, non de eo, qui fœtum immaturum abegit, ſed de eo, qui occidit infantem iam natum. At vero *l. ſi mulierem, ff. ad l. Cornel. de Sicar.* punit illum, qui poculo dato non ſolum fœtum ſed matrem etiam occidit: & *l. Cicero, ff. de j. æn.* punit matrem, quæ accepta pecunia, medicamentis fœtum abortiri fecit: quod delictum, cum non ſit vnum, quia vltra homicidium

dium continet, etiam pecuniæ receptionem ad perpetrandum homicidium, & delationem hæreditatis ad secundos hæredes, nihil mirum, quod morte puniatur. Sed re vera non imponit lex ista mortem, sed pœnam capitalem. At vero cum simus, in quo Jura sunt interpretanda, oportet illa emollire potius, quam exasperare, *l. interpretationes, ff. de pœn. & fauet huic explicationi Jus Canonicum quatenus in cap. Moyses 32. quæst. 2. nulla est distinctio de fœtu animato, & inanimato, sed solum de fœtu formato, & informi, quæ verba ex Pseudo-Augustino desumpta, sunt ab eo accepta ex cap. 21. Exed. vbi Deus non punit pœna mortis dantem causam abortui, nisi quando mater cum fœtu moritur.*

Defendunt hanc sententiam *Mench. de arbitr. cas. 357. & 8 Theaur. dist. decis. 12. num. 7. & 8.* sed hic Auctor existimat fœtum non esse formatum regulariter, nisi post octavum mensem; in quo sane decipitur; nam formatio fœtus terminatur, ut vidimus ex sententia Medicorum, multo ante; sed ipse aliam circumstantiam involuit, quam putat necessariam ad effectum ut hujusmodi delictum puniatur pœna mortis nempe ut fœtus sit vitalis; qualis non est fœtus octimestris; & ideo dum ipse Versellis iudicaret, cum duobus Senatoribus ex quinque, qui rotam Vercellensem regebant, à pœna mortis liberavit mulierem quandam jam damnatam, quæ partum quidem formatum abegerat; sed quia partus erat octimestris, & ideo nullo modo vitalis, ut testatur. *Hippocrates lib. de octimestr. partu.* mollior Jurium rigore, obtinuit in revisione sententiæ, ut mulier illa à pœna mortis liberaretur. Ex hac sententia plures modi, ultra jam indicatum, de partu octimestri recedendi à rigore Jurium excogitati sunt ab Auctoribus, quos refert *Farinac. q. 12. n. 138.*

Aliqui enim dicunt, temperandum esse rigorem, etiam si Mulier attingeret nonum mensem: quando percussio non fuit dolosa hoc est animo causandi abortum. *Farinac. n. 152.*

Alij, quando qui causam dedit abortui nesciebat, mulierem esse pregnantem. *Mench. d. cas. 357. numer. 18. Farinac. 12. num. 153.*

- Alij, quando qui abortum causauit, pro muliere salvanda id fecit: nam in isto casu ab omni pœna Iure Ciuili imposita excusaretur. *Marian. Socin. sen. in cas. si aliquis. de Homicid. Menoch. ib. n. 20.* quia, qui vitam vnus perdidit vt alterius vitam tueretur, quando vtriusque vita periclitabatur, non deliquit
- 13 Alij, in Filia, quæ suasionibus impiæ Matris, abortum in se fecit, vt suam turpitudinem occultaret, nullam pœnam agnoscunt: *Decius cons. 135.* sed alij arbitrariam reputant, *Osasc. decis. 60. n. 8. Menoch. n. 22.*
- 14 Alij, quando mulier ipsa abortum inaduertenter sibi causauit nesciens, se esse prægnantem, *Osasc. ibid. Thesaur. decis. 13. n. 3. Menoch. ibid. 23.*
- 15 Et alij demum temperant rigorem pœnæ mortis, quando mulier dicit se peperisse fœtum mortuum, & illum sepulturæ tradidisse, quia sine dolo præsumitur fecisse: *Thesaur. d. decis. 13. n. 7. Menoch. d. cas. 357. num. 24.*
- 16 Patet igitur Jura Ciuilia non statim, ac fœtus est animatus punire illius extinctionem pœna mortis, sed sæpius à pœnis capitalibus, & aliquando etiam ab omni pœna excusare. Et quamvis tam variis excusationibus à pœnis, etiam imponendis vel abstineant, vel remorentur, tamen isti Auctores aduertunt, & præsertim *Thesaur. d. decisione 12. n. 7. & Menoch. d. cas. 357. n. 7.* semper habendam esse rationem animati fœtus propter ministerium Baptismi: quia inquit *Thesaur.* grauissimum est peccatum in foro conscientie propter periculum animæ, fœtum sine Baptismo perire. Et n. 9. Addit Confessarios nihilominus debere in foro conscientie attendere, an fœtus sit animatus, & pœnitentiam congruam imponere delinquenti: non est igitur tutum in conscientia negligere, seu omittere baptisma abortiuorum eo tempore, quo Jura Ciuilia illos qui fœtus interitum causant, aut pœna arbitraria, aut nulla puniunt, & hoc de Jure Ciuili, Sed iam videamus, quid ex eadem distinctione fœtus animati, & inanimati, sequatur inspecto Jure Canonico.

Et primo cum Jus Canonicum attendat, non solum ad imponendas pœnas iis, qui abortum causant, sed etiam ad dignoscendam

secundam culpam huius delicti, declarat tam illum qui abortum delet animatum; quam etiam qui inanimum peccare mortaliter; & licet non sit verè homicida; in conscientia tamen tanquam homicida censetur: vt est expressus textus *in d. si aliquis de homicid.* in quo statuitur, quod qui ex passione potius nem dederit ut impediret generationem, aut conceptum, siue etiam hominis nativitatem, *vt homicida teneatur*, vbi Barbof. idem notat n. 3. cum multis, & ideo Tertull. in Apolog. cap. 3. dicebat, quod *homicidij festinatio est, prohibere nasci: nec refert natam quis eripiat animam, an disturbei nascentem; homo est qui futurus est, nam fructus in semine est &c.* quibus verbis eandem culpam homicidij cognoscit Tertull. in inanimati fœtus, ac in nece animati. Et tenent omnes cum *Conarr. in Clemens. si furiosus de homicid. part. 2. §. 3. n. 1.*

At vero pœnam irregularitatis non imponunt Sacri Canones huic delicto, nisi quando fœtus est talis, vt eius destructio, sit verum homicidium, quod aduertit *Sayrus lib. 7. de cens. c. 1. n. 2. & Barbof. d. n. 3. Et in cap. scut ex litterarum de homicid.* quo, in loco *Innoc. III.* vigilantia verbo vsus est, dum declarans, Monachum illum esse irregularem dicit, *si vivificatus erat conceptus:* pro cuius verbi intelligentia.

Advertendum est ex *D. Augustino* quæst. 180. in Exod. & refertur in cap. quod vero 32. quæst. 2. quia cap. 21. Exod. n. 22. cum Deus decreuerit, quod qui fuit causa, vt mulier prægnans abortiuert, & eiecerit, vt Septuag. Interpretes declarant infantem nondum formatum, pœna arbitraria puniretur: at vero si mortua fuerit ipsa mulier puniretur pœna mortis: dicit *S. Doctor. hic de anima* quæstio solet agitari, utrum quod formatum non est, nec animatum quidem possit intelligi, & ideo non sit homicidium; quia nec exanimatum dici potest si adhuc animam non habebat, &c. & deinde subdit si ergo illud informiter puerperium jam quidem fuerit, sed adhuc quidam modo informiter animatum; quoniam materia de anima quæstio non est præcisitanda indiscussa temeritate sententia, ideo lex noluit ad homicidium pertinere; quia nondum dici potest anima viva in eo corpore, quod sensu caret, si talis est in carne nondum formata, & ideo nondum sensibus prædita,

tamen certum est, ut fatetur Gallego, & omnes Medici, & Anatomistæ consentiunt, quod ante dicta tempora, factus sunt perfectè formati.

- 29 Infero igitur quod supposita communi distinctione fœtus animati, & inanimati; sicut non licet dicere, quod ante hoc tempus fœtus non sit animatus in actu primo, cum res sit dubia, ut etiam melius infra videbimus, eo quod distinctio illa procedat de animatione in actu secundo; sic non licet dicere quod detur tempus ex communi Doctorum, in quo fœtus nullo modo sit animatus, quod intendebat argumentum quarto loco allatum.

Itaque ex hoc primo dicendi modo, solum est certum tempus perfectæ, & absolutæ formationis triginta dierum in mascululo, & quadraginta, vel quadraginta duorum in foemina. Nos autem tempus animationis in actu primo secundum animam rationalem inquirimus.

SECTIO VI.

Referuntur alij sex modi, quibus statuitur à quibusdam Auctoribus tempus animationis fœtus humani.

S V M M A R I V M.

- 1 *Allertus Magnus sentit animam rationalem in fœtu masculo aliquando esse vigesima quinta die à conceptu.*
- 2 *Tythagoræci, quos aliqui medici sequuntur, dicunt fœtum masculum decima-septima, foeminam vero decima-nona die animari.*
- 3 *Thomas Thomay sentit decima quinta die animari.*
- 4 *Astrologi die decima, fœtum humanum asserunt vivere.*
- 5 *Singuli planeta opus humane conceptionis perficiunt; sed sol vivificat.*

- 6 *Alij sunt, qui dicant animā rationalem die septima infundi.*
- 7 *Et asserant hanc esse sententiam Hippocratis in lib. de Carn. expressam; qui sane liber est Hippocratis.*
- 8 *In partibus perfectissimis gestandis requiruntur dies 280. ex sententia Hippocratis.*
- 9 *Beatissima Virgo mater Dei, suum Sanctissimum Filium gesta-
uit dielus 274. in utero; nempe sex diebus minus 280. respectu
temperis in naturali conceptione exigit; quia statim in primo
momento fuit Christi fetus perfecte formatus.*
- 10 *Imo ex hoc, non obscure colligitur factum vivere anima rationali
ante diem septimam.*

Secundus igitur dicendi modus est *Alberti Magni, qui lib. 9. de An. tract. 2. cap. 5. vult masculum aliquando animari die vigesimo quinto à conceptione.*

Tertius modus est *Pythagoricorum apud Censorinum de die natali c. 12. Nicolai Rocchei in lib. Gyneciorum de mtrb. mulier. cap. 2. Ricciard. in comment. Symbol. V. partus num. 2. qui omnes numero senario apud ipsos sacro, diuidunt tempus partus septimestris dierum ducentorum decem, & decimestris, dierum ducentorum septuagintaquatuor, quos fatentibus Medicis, & comprobante experientia, solos vitales agnoscunt, & asserunt in septimestri, die decima septima, in decimestri, die decima nona, foetum esse sanguineum, nutriri, & vegetari, quare cum Anima vegetans dubitetur an distinguatur in humano foetu à rationali, iuxta hunc dicendi modum dubitare quis prudenter poterit, quod factus humanus viuat anima rationali die decima septima, vel decima nona.*

Quartus modus est *Thomæ Thomay Medici Ravennatis in lib. cui titulus. Idea del Giardino del Mondo. cap. 9. qui existimat foetum decima quinta die esse animatum, quatenus dicit, hoc tempore apparere ex dilatatione pulmonum respiracionem.*

Quintus modus est, *Astrologorum ex eodem Nicolao Rocheo c. 21. dicentium, die decima foetum humanum uiuere; fundantur in preposit. 51. ex Centiloquio Ptolemæi; quæ sic habet. Vbi est Luna tempore natiuitatis, illud signum in conceptione ascendebat, & ubi*

Etum abortus puniatur pena mortis; & primò, ut sit vitalis id est non cœlestis.

10 *Secundò: ut sit dolose causatus.*

11 *Tertiò: ut sit procuratus à sciente mulierem esse pregnantem.*

12 *Quartò: ut non sit causatus abortus, ex fine salvandæ mulierem.*

13 *Quintò: ut non ad turpitudinem matris occultandam.*

14 *Sextò: ut mater, quæ sibi abortum causavit, sciret, & adverteret, se esse gravidam.*

15 *Septimò: nec punitur mater, si dicit se peperisse filium mortuum.*

16 *Ipsi iurisperiti monent, salvandam esse baptismo animam factus; etiamsi, qui illum delevis eximatur à pena.*

17 *Es confessarios debere attendere in absolutione à peccato abortus, an factus esset animatus.*

18 *Qui factum animatum, vel inanimatum delet, peccat mortaliter.*

19 *Irregularitatis pena non imponitur abortui, nisi factus sit animatus, imò vivificatus.*

20 *Affertur textus D. Augustini, in quo dicitur, quid sit factum esse vivificatum.*

21 *In sententia D. Augustini, dubitari potest, an factus, qui non est formatus, sit animatus.*

22 *In eiusdem sententia factus vivificatus est, quando exercet operationes sensibiles.*

23 *Fœtus, qui non habet vitam in ætù secundo, non potest occidi in ordine ad penam irregularitatis.*

24 *Laudatur Censura Reverendiss. P. D. Hilarionis Rancata.*

25 *Fœtus dicitur vivificatus non solum quando est animatus; sed præterea quando habet operationes animæ sensitivæ.*

26 *Iura Civilia, & Canonica quando puniunt abortum factus animati, pro animato intelligunt vivificatum, seu animatum in ætù secundo; quia ex operationibus sensitivis indicant abortum, esse homicidium.*

27 *Deus ipse huic iudicio se accommodavit Exod. 21. quia humano iudicio rem esse dubiam consideravit, quod in factum informiter animato sit anima.*

28 *Ideo Doctores conveniunt, abortum masculi ante quadragesimum, feminæ*

fœmina vero ante octogesimum, non esse punibilem tanquam homicidium, quia res est dubia.

- 29 Non ergo datur tempus ante quadragesimum, vel octogesimum diem, in quo certum sit fœtum non vivere anima rationali.

Existimat Gallego, opinionem suam de non baptizando humano fœtu ante trigesimum diem, firmiter esse fundatam, in vulgata distinctione fœtus animari, & inanimari: sed ut videamus, quam insufficiens sit hæc ratio; quod nimirum, quia tam Jus Canonicum, quam Civile non puniunt, nisi occisionem fœtus animati: ergo omnes fateri debemus dari tempus ante mensem, in quo fœtus non sit animatus, & sic non potuit ante mensem baptizari, oportet ut aliquantulum immoremur in recensendis variis Doctorum opinionibus, de hujusmodi pœnis, quas utrumque Jus imponit iis, qui causam dant, ut fœtus animatus intereat: nam ex diuersitate iudicii, quod Prudentes Jurisperiti formant de hoc delicto, nos etiam inferre poterimus, quam prudenter, dubitare possimus, fœtum esse animatum, etiam ante illud tempus, quod Doctores exigunt, ut delictum hujusmodi puniatur pœna mortis.

Prima sententia potest esse illorum, qui dicunt numquam 2 jura punire pœna mortis eos, qui procurant abortum fœtus animari, sed solum quando infantem iam natum occidunt; ita videtur sentire *Alex. in l. quod dicitur n. 3. ff. de liber. & posth. & ante ipsum Baldibid Decius cons. 535. n. 3. Fulgos. in l. si mulierem num. 1. ff. ad l. Cornel. de Sicar. & Marfil. ibi num. 5. adhaerent Thesaur. Pedemont. decis. 12. num. 8. & 9. & Menoch. de arbitr. cas. 1357. num. 7. quia inquit Menochius, etiam si fœtus sit animatus, non tamen homo esse dicitur. Et in l. si quis aliquid, §. 3 *Qui abortivi, ff. ad l. Cornel. de Sicar.* habemus, quod si ex eo mulier, aut homo reuivret summo supplicio afficiantur. At vero Tassimianus l. Falcidia ff. ad leg. Falcidiam. Arist. libr. 2. de generat. Animalium. cap. 11. & latè Thesaur. dict. decis. 12. num. 7 homo non dicitur nisi postquam natus est; aut si est homo, est homo tantum in spe, ut dicitur in leg. cum in veteres Cadice, de*

de fidei commissis, ibi, quod nondum natus speratur esse homo: & cum minus sit quod est in spe, quam quod est in re, seu quod iam habet esse productum, *l. minus. ff. de reg. iur.* inferunt huius sententiæ auctores minori pœna, quam homicidij puniendum esse homicidium abortus animati nondum nati. Et ideo Menochius post *Theſaurum* arbitrat^{ur} homicidium abortus animati nondum nati puniendum esse non pœna mortis, sed pœna capitali, cuiusmodi sunt pœna religionis, exilij perpetui, vel Trimerium: juxta *l. secundam, & l. Capitalium. ff. de pœnis.*

Quod si obijcias *l. septimam, de stat. hom.* in qua dicitur quod qui in utero est, pro iam nato habetur.

Respondent aliud esse quod sit tale, & aliud quod habeatur tali; & quod in illa *l. 7. Paulus Iurisconsultus* se declarans, dicit, quod licet homo nondum natus in iis, quæ spectant ad suum commodum habeatur pro tali; at in iis, quæ respiciunt interesse alterius, non habetur pro nato; quare cum puniri homicidium pœna mortis, sit maximum hominis præiudicium, hinc est quod hi Auctores, illum non puniant pœna ultimi supplicij, nisi fœtus sit iam natus: cum igitur in sententia horum Auctorum fœtus sit animatus, & tamen qui illum interimit non puniatur pœna mortis, constat ex tali distinctione non desumi argumentum efficax pro Gallego.

Secunda sententia est eorum qui credunt, non esse expectandam infantis natiuitatem, ut procurans abortum tanquam verus homicida pœna mortis puniatur; sed attendendum esse, an fœtus sit formatus. Fundamentum huius sententiæ est, quia nullum Jus Civile affertur, quod ultimo supplicio hoc delictum puniat, & primo ex allatis legibus *l. Diuus*: punit matrem, quæ dara opera partum abegit, & punit illam, sola pœna temporalis exilij. *Lex penultima, C. ad l. Cornel. de Sicar.* expressis verbi loquitur, non de eo, qui fœtum immaturum abegit, sed de eo, qui occidit infantem iam natum. At vero *l. si mulierem, ff. ad l. Cornel. de Sicar.* punit illum, qui poculo dato non solum fœtum sed matrem etiam occidit: & *l. Cicero, ff. de pœn.* punit matrem, quæ accepta pecunia, medicamentis fœtum abortiri fecit: quod delictum, cum non sit vnum, quia ultra homicidium

dium continet, etiam pecuniæ receptionem ad perpetrandum homicidium, & delationem hæreditatis ad secundos hæredes, nihil mirum, quod morte puniatur. Sed re vera non imponit lex ista mortem, sed pœnam capitalem. At vero cum simus, in quo Jura sunt interpretanda, oportet illa emollire potius, quam exasperare, *l. interpretationes, ff. de pœn. & fauet huic explicationi Jus Canonicum quatenus in cap. Moyses 32. quæst. 2. nulla est distinctio de fœtu animato, & inanimato, sed solum de fœtu formato, & informi, quæ verba ex Pseudo-Augustino desumpta, sunt ab eo accepta ex cap. 21. Excd. ubi Deus non punit pœna mortis dantem causam abortui, nisi quando mater cum fœtu moritur.*

Defendunt hanc sententiam *Menech. de arbitr. cas. 357. & 8 Thesaur. dict. decis. 12. num. 7. & 8.* sed hic Auctor existimat fœtum non esse formatum regulariter, nisi post octavum mensem; in quo sane decipitur; nam formatio fœtus terminatur, ut vidimus ex sententia Medicorum, multo ante; sed ipse aliam circumstantiam involuit, quam putat necessariam ad effectum ut hujusmodi delictum puniatur pœna mortis nempe ut fœtus sit vitalis; qualis non est fœtus octimestris; & ideo dum ipse Versellius iudicaret, cum duobus Senatoribus ex quinque, qui rotam Vercellensem regebant, à pœna mortis liberauit mulierem quandam jam damnatam, quæ partum quidem formatum abegerat; sed quia partus erat octimestris, & ideo nullo modo vitalis, ut testatur. *Hippochrates lib. de octimestr. partu.* mollito Jurium rigore, obtinuit in revisione sententiæ, ut mulier illa à pœna mortis liberaretur. Ex hac sententia plures modi, ultra jam indicatum, de partu octimestri recedendi à rigore Jurium excogitati sunt ab Auctoribus, quos refert *Farinac. q. 122. n. 138.*

Aliqui enim dicunt, temperandum esse rigorem, etiamsi Mulier attingeret nonum mensem: quando percussio non fuit dolosa hoc est animo causandi abortum. *Farinac. n. 152.*

Alij, quando qui causam dedit abortui nesciebat, mulierem esse prægnantem. *Menech. d. cas. 357. numer. 18. Farinac. 122. num. 153.*

Alij, quando qui abortum causauit, pro muliere salvanda id fecit: nam in isto casu ab omni pœna Iure Ciuili imposita excusaretur. *Marian. Socin. sen. in cas. si aliquis. de Homicid. Menoch. 1b. n. 20.* quia, qui vitam vnus perdidit vt alterius vitam tueretur, quando vtriusque vita periclitabatur, non deliquit

- 13 Alij, in Filia, quæ suasionibus impiæ Matris, abortum in se fecit, vt suam turpitudinem occularet, nullam pœnam agnoscunt: *Decius cons. 135.* sed alij arbitrariam reputant, *Osasc. decis.*

- 14 60. n. 8. *Menoch. n. 22.*

Alij, quando mulier ipsa abortum inaduerterter sibi causauit nesciens, se esse prægnantem, *Osasc. ibid. Theaur. decis. 13. n. 3. Menoch. ibid. 23.*

- 15 Et alij demum temperant rigorem pœnæ mortis, quando mulier dicit se peperisse fœtum mortuum, & illum sepulturæ tradidisse, quia sine dolo præsumitur fecisse: *Theaur. d. decis. 13. n. 7. Menoch. d. cas. 357. num. 24.*

- 16 Pater igitur Jura Ciuilia non statim, ac fœtus est animatus punire illius extinctionem pœna mortis, sed sapius à pœnis capitalibus, & aliquando etiam ab omni pœna excusare. Et quamvis tam variis excusationibus à pœnis, etiam imponendis vel abstineant, vel remorentur, tamen isti Auctores aduertunt, & præsertim *Theaur. d. decisione 12. n. 7. & Menoch. d. cas. 357. n. 7.* semper habendam esse rationem animati fœtus propter ministerium Baptismi: quia inquit *Theaur.* grauissimum est peccatum in foro conscientiæ propter periculum animæ, fœtum sine Baptismo perire. Et n. 9. Addit Confessarios nihilominus debere in foro conscientiæ attendere, an fœtus sit animatus, & pœnitentiam congruam imponere delinquenti: non est igitur tutum in conscientia negligere, seu omittere baptisma abortiuorum eo tempore, quo Jura Ciuilia illos qui fœtus interitum causant, aut pœna arbitraria, aut nulla puniunt, & hoc de Jure Ciuili, Sed iam videamus, quid ex eadem distinctione fœtus animati, & inanimati, sequatur inspecto Jure Canonico.

Et primo cum Jus Canonicum attendat, non solum ad imponendas pœnas iis, qui abortum causant, sed etiam ad dignoscendam

scendam culpam huius delicti, declarat tam illum qui abortum delet animatum, quam etiam qui inanimatum peccare mortaliter; & licet non sit verè homicida; in conscientia tamen tanquam homicida censetur: ut est expressus textus in *c. si aliquis de homicid.* in quo statuitur, quod qui ex passione potio-¹⁸ nem dederit ut impediret generationem, aut conceptum, siue etiam hominis natiuitatem, *ut homicida teneatur*, ubi Barbof. idem notat n. 3. cum multis, & ideo Tertull. in Apolog. cap. 3. dicebat, quod *homicidij festinatio est, prohibere nasci: nec refert natam quis eripiat animam, an disturbei nascentem; homo est qui futurus est, nam fructus in semine est &c.* quibus verbis eandem culpam homicidij cognoscit Tertull. in inanimati fœtus, ac in nece animati. Et tenent omnes cum *Conarr. in Clement. si furiosus de homicid. part. 2. §. 3. n. 1.*

At vero penam irregularitatis non imponunt Sacri Cano-¹⁹ nes huic delicto, nisi quando fœtus est talis, ut eius destructio, sit verum homicidium, quod aduertit *Sayrus lib. 7. de cens. c. 1. n. 2. & Barbof. d. n. 3. Et in cap. scut ex litterarum de homicid.* quo, in loco *Innoc. III.* vigilanti verbo usus est, dum declarans, Monachum illum esse irregularem dicit, *si vivificatus erat conceptus:* pro cuius verbi intelligentia.

Advertendum est ex D. Augustino quæst. 180. in Exod. & refertur in cap. quod vero 32. quæst. 2. quia cap. 21. Exod. n. 22. cum Deus decreuerit, quod qui fuit causa, ut mulier prægnans abortiuerit, & eiecerit, ut Septuag. Interpretes declarant infantem nondum formatum, pœna arbitraria puniretur: at vero si mortua fuerit ipsa mulier puniretur pœna mortis: dicit S. Doctor. *hic de anima quæstio solet agitari, utrum quod formatum*²⁰ *non est, nec animatum quidem possit intelligi, & ideo non sit homicidium; quia nec exanimatum dici potest. si adhuc animam non habet, &c.* & deinde subdit si ergo illud informe puerperium iam quidem fuerit, sed adhuc quodam modo informiter animatum;²¹ *quoniam magis de anima quæstio non est præcipitanda indiscussa temeritate sententia, ideo lex noluit at homicidium persinere; quia nondum dici potest anima viva in eo corpore, quod sensu caret, si*²² *talis est in carne nondum formata, & ideo nondum sensibus prædita,*

Œc. Quando igitur anima, quæ est vita in actu primo non est in corpore vivens in actu secundo, hoc est, non tribuit illi operationes vitales, & quidem sensitivas, tunc juxta S. Augustini doctrinam in tali corpore, quod, inquit, *sensu caret* viva dici non potest. Non occiditur igitur id, quod non habet hanc vitam in actu secundo, etiam si habeat in se principium vitæ, quod est anima: unde, & animatum in hoc sensu dicitur mori ea morte, quæ opponitur vitæ, quæ est in actu secundo.

²⁴ Hanc ingeniosam interpretationē foetus animati, & vivificati docuit me, & indicavit Reverendissimus D. Hilarion Rancata Ordinis Cisterciensis in Alma Urbe Præses Generalis dum ad instantiam Eminentissimi, & Reuerendissimi D. D. Marci Antonij Cardinalis Franciotti hanc meam primam disputationem legere dignatus est; & coincidit cum illa Doctrina Aristotelis, quam supra *sect. 2. vers. Et quidem, Œc* tradidi, quod homo prius vivat vita plantæ, quoad vitam quæ consistit in operationibus.

Respondeo igitur ex doctrina S. Augustini, foetum dici animatum, esse aliquid minus, quam esse vivificatum: animatus est enim, & dicitur foetus, si habeat animam, seu vitam in actu primo: at vero foetus significat aliquid amplius, nempe actum primum, & secundum, id est animam, & functiones vitæ sensitivæ ab eadem procedentes: quo sensu *Genesis cap. 2. n. 7.* Adam à Deo perfectè delineatus, & humana corporis imagine formatus, post insufflatam animam dicitur *factus in animam viventem*, cui D. Paulus *1. Corinth. cap. 15. n. 45.* assimilat secundum Adam Christum *factum in spiritum vivificantem*; ut vivificans ibi sit idem, ac vivens in actu secundo. Plus est igitur esse vivum, seu vivificatum, quam animatum, juxta D. Augustini doctrinam qui non vocat puerperium vivum, quandiu sensu caret: caret autem quandiu non habet organa sensuum; etiam si animam, quæ est principium sentiendi fortè habeat ante organizationem, sive, ut ipse loquitur, *sit infermiter animatum; quod in presenti est valde notandum.*

²⁶ Ex dictis colligitur facillè, cur iura Civilia, & Canonica non

non puniant nisi eos, qui delent foetus vivificatos; ut opportunè loquitur Innocentius III. cuius intelligentia, ut video fugit alios Canonistas, uno excepto Reverendiss. D. Hilarione, inter omnes oculatissimo interprete. Cum enim communis opinio pro eodem accipiat foetum animatum, & animæ functiones exercentem, nam ex nullo alio signo poterant iudices humani, & legum conditores dignoscere (ita ut homo, cui lex illa Exodi, & omnis alia lex, tam Canonica, quam Civilis est posita, capax esset legalis observantiæ, quod abortiri facere mulierem, & puerperium necare, esset delictum homicidij) nisi ex formatione corporis organici, & vitalium functionum exercitio: ideo, ante talem formationem, ut dicebat D. Hieronymus, *non reputatur homo*, licet fortè sit homo; quia in foetu jam vivat anima in actu primo, quod est dubium nostrum. Quare in re dubia, fauorabilior pars pro delinquente fuit à lege eligenda; & huic dubio etiam Deus ipse voluit se per Moysem accommodare: ideoque nolens rem Philosophicam definire, sequutus est hominum iudicium; homines autem ex eo, quod non vident in foetu formationem, vel operationes sensitivas, quæ sunt indicia certa, quod ille foetus sit homo, existimant rem esse dubiam, & putant probabile, quod ibi sit anima: sed quia hæc probabilitas non excludit dubium, cum non sit assensus certus, ideo stante hac incertitudine humani iudicij, voluit Deus favere reo, ipsam à pœna mortis absolvens, solâque arbitraria pœna puniens: melius est enim reum absolvere, quam innocentem condemnare. 27.

Cum autem juxta sententiam *Aristotelis l. 7. de An. c. 3. & Tlinij l. 7. c. 6.* omnes Canonistæ, & Theologi, imo etiam S. Pœnitentiaria, teste *Naldo in sum. V. Albertus, n. 2. & Diana part. 7. tr. 5. ref 6.* admittat mares integrè formatos, & exercentes operationes sensitivas apparere die quadagesimo à conceptu, foeminas vero die octogesimo, & aliquando die nonagesimo; hinc est quod omnes conveniant in decernendis pœnis contra procurantes abortum, attendendum esse hoc tempus, in quo certum est foetum vivere, cum vivat vita in actu secundo, seu vivificatus sit, ut dicitur *in cit. cap. sicut ex litterarum de homie. &*

tamen certum est, ut fatetur Gallego, & omnes Medici, & Anatomistæ consentiunt, quod ante dicta tempora, fœtus sunt perfectè formati.

- 29 Infero igitur quod supposita communi distinctione fœtus animati, & inanimati; sicut non licet dicere, quod ante hoc tempus fœtus non sit animatus in actu primo, cum res sit dubia, ut etiam melius infra videbimus, eo quod distinctio illa procedat de animatione in actu secundo; sic non licet dicere quod detur tempus ex communi Doctorum, in quo fœtus nullo modo sit animatus, quod intendebat argumentum quarto loco allatum.

Itaque ex hoc primo dicendi modo, solum est certum tempus perfectæ, & absolutæ formationis triginta dierum in masculo, & quadraginta, vel quadraginta duorum in fœmina. Nos autem tempus animationis in actu primo secundum animam rationalem inquirimus.

SECTIO VI.

Referuntur alij sex modi, quibus statuitur à quibusdam Auctoribus tempus animationis fœtus humani.

S V M M A R I V M.

- 1 *Allertus Magnus sentit animam rationalem in fœtu masculino aliquando esse vigesima quinta die à conceptu.*
- 2 *Tyrbagerci, quæ aliqui medici sequuntur, dicunt fœtum masculinum decima-septima, fœminam vero decima-nona die animari.*
- 3 *Thomas Thomay sentit decima quinta die animari.*
- 4 *Astrologi die decima, fœtum humanum asserunt vivere.*
- 5 *Singuli planeta opus humanæ conceptionis perficiunt; sed sol vivificat.*

- 6 *Alij sunt, qui dicant animā rationalem die septima infundi.*
- 7 *Et asserunt hanc esse sententiam Hippocratis in lib. de Carn. expressam; qui sane liber est Hippocratis.*
- 8 *In partibus perfectissimis gestandis requiruntur dies 280. ex sententia Hippocratis.*
- 9 *Beatissima Virgo mater Dei, suum Sanctissimum Filium gestavit diebus 274. in utero; nempe sex diebus minus 280. respectu temporis in naturali conceptione exigit; quia statim in primo momento fuit Christi satus perfecte formatus.*
- 10 *Imo ex hoc, non obscure colligitur factum vivere animā rationali ante diem septimam.*

Secundus igitur dicendi modus est *Alberti Magni, qui lib. 9. de An. tract. 2. cap. 5. vult masculum aliquando animari die vigesimo quinto à conceptione.*

Tertius modus est *Pythagoricorum apud Censorinum de die natali c. 12. Nicolai Rocchei in lib. Gyneciorum de morb. mulier. cap. 2. Ricciardi. in comment. Symbol. V. partus num. 2. qui omnes numero senario apud ipsos sacro, diuidunt tempus partus septimestris dierum ducentorum decem, & decimestris, dierum ducentorum septuaginta quatuor, quos fatentibus Medicis, & comprobante experientia, solos vitales agnoscunt, & asserunt in septimestri, die decima septima, in decimestri, die decima nona, fortum esse sanguineum, nutriti, & vegetari, quare cum Anima vegetans dubitetur an distinguatur in humano foetu à rationali, iuxta hunc dicendi modum dubitare quis prudenter poterit, quod factus humanus viuat anima rationali die decima septima, vel decima nona.*

Quartus modus est *Thomae Thomay Medici Ravennatis in lib. cui titulus. Idea del Giardino del Mondo. cap. 9. qui existimat foetum decima quinta die esse animatum, quatenus dicit, hoc tempore apparere ex dilatatione pulmonum respirationem.*

Quintus modus est, *Astrologorum ex eodem Nicolao Rocheo c. 21. dicentium, die decima foetum humanum uiuere; fundantur in prepos. 51. ex Centiloquio Ptolemæi; quæ sic habet. Vbi est Luna tempore natiuitatis, illud signum in conceptione ascendebat, &*

vbi

ubi fuit in conceptione, illud signum in nativitate ascendet, aut diametraliter, & oppositum. dicunt autem Astrologi, quod tres Planetæ superiores concurrunt ad primam foetus formationem scilicet Saturnus suo frigore, & siccitate cōgregat, & constringit materiam generationis; Iuppiter suo spiritu illam vivificat; & Mars suo calore, & siccitate roborat, & firmat : atque hi tres Planetæ septem primis diebus operantes formant tria præcipua membra, iecur, cor, & cerebrum. Sol deinde sua actione suggerit foetui materiā nutritionis, & augmentationis membrorum, ut iam recipere valeat, id quod in triduo perficit. Veneri quintam actionem adscribunt formandi membra, quam spatio complet di. rum novem, sextam actionem Mercurio tribuunt, qui assistit membrorum discretioni, & separationi, & formationi etiam instrumentorū, quæ ad vocem, & sensus exercendos sunt necessaria; & hæc omnia expedit diebus duodecim: septimam deinde actionem attribuunt Lunæ, quæ cum sic humidus Planeta toto deinde tempore, foetum expolit, & perficit. Itaque iuxta Astrologos die decima influente sole vitam hoc tempore factus vivit.

Sextus modus est *Ferdinandi Mena in comment. de septimestr. part. Petri Garzæ, Carrey, & Trosseri Martiani in notat. ad lib. Hippocr. de Carn. vers. 216. & Nathanaelis High. mori in corp. hum. disquis. Anat. l. 1. c. 5. vers. atque seq. &c.* qui dicunt septima die, à concepto semine, animam rationalem infundi. Fundamentum huius sententiæ est in Hippocrate. qui *lib. de carn. sic habet. Hominis statum temporis conservandi septem dierum est; nam septem dies habet omnia quæ corpus habere debet.*

Et hoc dicit se pluries expertum fuisse in Abortivis Scortorum, & concludit : *clarum & ex hoc est, quod hominis in utero conservandi tempus septem dierum est.*

Aliqui dicunt hunc librum de Carn. non esse legitimum sed compositum à Polybio Hippocratis discipulo.

Sed gratis opponunt; quia aliqui ex recentioribus Medicis, ut *Iacobus Schenckius lib. 2. de plastic. sem. facult. fol. mihi 4. Antonius Mirindolus infra citandus, & Mercurialis Censura in Hippocrate. & Galen. in lib. An quod in uter. anim. cap. 3. illum tanquam*

quam librum Hippocratis adducunt & ideo *Ioannes Antonius Vender. lib. de scriptor medicis* inter opera Polybi non recenset. Præterea, vt bene monet *Martianus liber de Carn.* in senectute, liber vero *de Natu. puer.* in iuventute conscribi potuerunt; & ideo nihil mirum, quod in illo libro addat maiorem experientiam, quam in isto in quo dicit conceptionem sexta die fuisse informem; & alioquin hic liber doctrinam Hippocratis continet solidam & receptam.

Deinde quia cuiuscumque Auctoris sit opus, quia adducit experientiam sæpius repetitam, fidem facit, & est admittendus ad practicum iudicium formandum de existentia animæ rationalis in foetu, alioquin nemini credemus historiam referenti; quod si spatio septem dierum, homo ex sententia Hippocratis est formatus. & ex auctoritate Sacræ scripturæ *Exod. 21. 22.* quando homo est formatus datur anima pro anima, iam foetus humanus septima die animatus erit anima rationali.

Probat autem hunc modum dicendi *Martianus*, nam Sanctissima Dei Genitrix etiam si in principio, & in fine miraculosè, virtute Spiritus Sancti conceperit, & parturierit Filium suum sanctissimum; tempore tamen gestationis, menses observavit, sicut aliae matres; nam à die Conceptionis quæ incidit in vigesimam quintam diem Martij, usque ad partum, qui fuit media nocte præcedente vigesimam quintam Decembris, ut communis Ecclesiæ testatur Auctoritas; dies ducenti septuaginta quatuor fuerunt. At certum est ex doctrina Hippocratis, quem præceptorem in hac materia recipiunt omnes; tempus, quo perfectissimi foetus in utero morantur, à conceptione, inquam ad horam partus, esse dierum ducentorum octoginta, vt ipse testatur *in lib. de Septime mli partu vers. 76.* & clarius *in lib. de Carn. vers. 240.*

Cum itaque tempus gestationis vteri communiter sit dierum ducentorum octoginta, & qui ante hoc tempus nascuntur, ob aliquam violentiam euenire docet idem *Hippoc. l. de Nat. puer. vers. 470.* tempus vero quo Christus Dñs in utero sanctiss. Virginis commoratus est, statuatur ab Ecclesia dierum ducentorum septuaginta quatuor; siquidè in momento, vt dictum est,

G

corpus

corpus fuit integrè organizatum ; sequitur horum duorum temporum, nempe dierum ducentorum octoginta , & ducentorum septuaginta quatuor differentiam , in sex diebus consistere , quibus expletis, articulationem conceptus absolui, & rationalem animam infundi, ab Hippocrate statutum est.

Verum quia fieri potest , ut quod Hippocrates in Scortorum conceptibus violenter excussis observavit , etiam antea factis diebus factum esset , & humanam cognitionem latuerit: idèò Martianus concludit, positionem Hippocratis , quod articulationis foetus septima die sit completa, non esse absurdam, sed rationabilem , & fortasse etiam veram, nam inquit indubitata veritas à solo Deo est.

Liceat igitur mihi addere, quod non propterea certissimus hominem, non vivere anima rationali ante septimam diem,
 10 & ideo sunt alij modi dicendi.

S E C T I O VII.

Referuntur alij duo modi explicandi tempus animationis juxta quartam sententiam.

S V M M A R I V M.

- 1 *Ante diem septimum, dicunt aliqui vivere anima rationali humanum fatum.*
- 2 *Et videtur expressa sententia Aristotelis.*
- 3 *Ex admirabili artificio humani corporis infertur solum Deum esse eius causam efficientem.*
- 4 *Et probari videtur ex sacris litteris.*
- 5 *Alij recentiores dicunt tertiam diem à conceptione animam rationalem esse in fatu , & videtur esse sententia Avicennae.*
- 6 *Hi Auctores cum Scoto, Galeno, & alijs dicunt animam ipsam rationalem efficere iam elegantem sui corporis formationem.*
- 7 *Bersabea à Davide cognita non statim , sed post aliquot horas certificata est de conceptu.*

- 8 *Fœtus in sacris litteris ponitur pro fœtu animato.*
- 9 *Cum non videatur distinguenda causa efficiens fœtum à vi formativa membranarum, & aliarum dissimilarium partium, quæ tertia die incipiunt formari, inferitur, animam ibi esse tertia die.*
- 10 *Non potest membranarum formatio esse à solo uterico calore, ut crusta panis à calore clibani.*
- 11 *Membrana autem, quod quinta, vel sexta die sint formata, auctoritate & experientia probatur.*
- 12 *Semini mixtio in utero fit subito: natura enim non est otiosa nec momento temporis.*
- 13 *In prima rerum effusione agens non operatur cum omnibus requisitis, quæ postea quando est in perfectiori statu exigat.*

SEPTIMUS modus dicendi, & explicandi sententiam probabiliorem, quæ dicit in humano fœtu nullam animam præcedere vitam rationalem, est *Antonij Mirindoli Art. Med. par. 1. lib. 4. cap. 8. fol. 118. vers. Quare à Oe.* qui sentit intra septem dies, & ante diem septimum fœtum nutriri, & esse animatum anima rationali; quia tunc vivit cum nutritur; moveri autem circa quadragesimum diem apparet; ergo prius, inquit, vivebat anima vegetante; & coniectat hic auctor fœtum vivere, cum primum vitæ filamenta sunt formata; tunc enim ad conservationem succo alimentari irrorante per vasa umbilicalia nutritur, quæ ut vidimus ex observatione Hippocratis intra septem dies accidunt; at, inquit, *quocunque die vivat, eo ipso Deus animam rationalem per creationem infundit*, ita ille; cui favere videtur *Arist. lib. 7. de Histor. animal cap. 3. vbi ait: Sed si semen intra septimum diem insus permanserit, conceptum iam esse certum est*; Ad hunc septimum dicendi modum pertinet *Fernelius lib. 7. de Homin. procreat* quatenus dicit die septima membra situ, & substantia apparere discreta; & hanc sententiam asseruisse auctores illustres testatur *Ludovicus Bonaciolus Muliebrum lib. 2. cap. 2. fol. mihi 708. & 716.* qui etiam illam sequitur dummodo semen non sit effusum. Explicat seipsum, & defendit suam sententiam *Mirindolus quatenus dist. cap. 3. discussis,*

& exclusis variis sententiis de prolifica hominis forma fatetur se de foetus humani formatione causam ambigere : nam cum summam in huius fabrica, & sapientiam, & potentiam videat, adduci non potest, ut credat, quod quæ in semine est anima vegetalis, foetus ipsa formet ; cum non modo sapiens non sit, sed omni prorsus ratione careat ; & ideo docet hic auctor, Deum solum, vel Angelum ad illius custodiam deputatum, causam esse illius substantialis, & admirandæ organizationis, quatenus applicando actiua passivis perfectam membrorum formationem molitur.

Hic modus dicendi licet sit parum philosophicus non est omnino inverisimilis, nec improbandus quoad efficientiâ soli Dei; nam re vera Sacrae literæ speciali quadam emphasi, & expressione loquuntur, quod humani corporis formatio sit à Deo; & quidem diversò modo, ac alij naturales effectus ab ipso producuntur, siquidem Jobi cap. 10. 8. dicitur: *Manus tuæ Domine fecerunt me, & plasmarunt me totum in circuitu.* Psalm. 118. vers. 73. *Manus tuæ fecerunt me, & plasmarunt me,* & Psalm. 128. vers. 5. & 6. *Tu formasti me, & posuisti super me manum tuam:* & quia opificium est apprimè mirandum subdit: *Mirabilis facta est scientia tua ex me:* ubi Lyran. exponit, ob incircumscriptibilem modum procedendi Divinae bonitatis.

Et ne aliquis putaret hæc dici à Davide de prima Adæ formatione addit: *Non est occultatum es meum à te quod fecisti in occulto.* Psalm. 32. vers. 5. *qui finxit sigillatim corda eorum:* Et Isaia cap. 64. vers. 8. *Et nunc Domine Pater noster es tu, nos vero lutum, & Fictor noster es tu, & opera manuum tuarum omnes nos.* Et Hieremia cap. 1. vers. 5. *Priusquam te formarem in utero novi te:* Et Machabæ. 2. c. 7. illa mater septem filiorum dicebat de illis, quos ipsa conceperat in utero, *Singulorum membra non ego ipsa compegi, sed enim mundi Creator:* Et Lucæ 11. vers. 40. Christus Dominus reprehendens Phariseos, quia solum ad externam corporis speciem attenderent, non autem ad animæ ornatum, eodem modo loquitur de corporis humani, & animæ formatione dicens: *Stulti, nonne qui fecit quid de foris est; etiam id, quod de intus est fecit?* Et passim alibi

sacra

sacra eloquia eodem modo loquuntur de animæ rationalis, & humani corporis à Deo formatione: Et Sancti Patres etiam, præsertim vero auctor *lib. de Eccles. Dogmat. c. 14.* dicit Deum esse nostrorum corporum formatorem, & *Tertullianus.* qui de animæ nostræ substantia non benè sensit *lib. de An. cap. 37.* dicit Angelum esse humani corporis opificem, hoc est, ut Mirindolus interpretatur, Angelum custodem sicuti eiusdem animæ est efficiens ita, & corporis.

Sed licet falsum sit, Angelum Custodem animam rationalem creare, cum iuxta meliores Theologos: creare, sit solius Dei; non est tamen incredibile ex modo loquendi sacræ scripturæ quod sicut Deus propter animæ nostræ nobilitatem, & excellentiam (quod erudite probat P. Theoph. Raynaud, de ortu infan. cap. 10. n. 27. & 28. ita est eius causa, ut excludatur omnis alia naturalis concausa, eodem modo sit nostri corporis Artifex propter stupendi operis elegantiam,

Octavus dicendi modus est *Auicennæ*, qui *lib. 9. de nat. animal. cap. 3.* dicit animam rationalem infundi aliquando tertia die à conceptione, ita refertur ab aliquibus, & præsertim à *Beltochio de casib. referu. p. 2. quæst. 8. num. 66.* Sed ego attentè perlegi *Auicennam*, nec aliquid tale adinueni, solum vidi quod *l. 16. cap. 1.* quia in homine virtus sensitiva, & ratiocinativa sunt idem subiecto, ex hoc infert *Auicenna* quod dum ex materia spermatica; quam ipse dicit butyrosam generatur homo; complentur simul membra pertinentia ad sensum, & ad rationem: non longe igitur abest *Auicenna* ab hoc modo dicendi, sed quidquid sit, hunc modum docet, & probat accuratè *Thomas Fienus* dum *lib. de vi formatrice factus quæst. 8. concl. 11.* dicit tertia die completam esse organizationem accidentalem, & iam deinde mēbra formari, & vitæ filamenta apparere: id quod non malè ex præcitata obseruatione Hippocratis suadetur: at vero *Fienus* substantialis organizationis videns nullam aliam conuenientem causam naturalem assignari posse, cum *Scoto*, *Galen*, & aliis asserit esse ipsam animam rationalem, quæ per creationem ibi à Deo infusa efficit sui corporis substantialem organizationem. Et videtur non alienus ab hac sententia *Aristoteles*

de *An. cap. vitim. in fine* quī dicit ipsam animam efficere sui corporis conseruationem, quia ipsa separata corpus interit, & tabescit. Ergo Ipsa erit formatrix membrorum.

- 7 Et quidem sententia Fieni habet etiam ex sacris literis probabiliter, nam *lib. 2. Regum cap. 11. vers. 5.* refertur Historia Dauidis cum Bersabea adulterantis, qui vt patet ex textu, & notauit *Abulensis q. 11. in* hunc locum, statim ipsam per noctem cognouit, & primo mane, vt factum non innotesceret, remisit in propriam domum, quam historiam referens Spiritus sanctus ait, *dormiuit, cū ea statimque sacrificata esset ab immunditia sua* id est mundata est à fluxu menstruo, quo tunc laborabat, vt *San. Elius*, & alij explicant; *reuersa est in domum suam conceptu fœtu; mittensque nuncia Dauid, & ait concepi, &c.* hoc vltimum verbum *concepi*, etiamsi nihil aliud addatur, intelligi debet de fœtuum quia paulo ante dictum fuit *conceptu fœtu* tum quia non potest significare nisi, vel fœtum, vel materiam, id est semen; ac hoc secundum dici non potest; nam quando sacræ literæ nominant præuiam generationis materiam, illam discretis verbis exprimunt, vt *c. 14. vers. 4. Iobi*, dum de homine dicunt esse *de immunda conceptum semine*, tum quia si mulier voluisset monere solum modo Regem, quod semen conceperat commodius id fecisset per se ipsam, quam per nuncium, & antequam regiam domum egraderetur; tunc enim satis nouerat, se illud retinuisse, neque effluxum passam, sed ignorabat, an genuisset fœtum: ideo cum hoc scire non posset: nisi aliquot horæ laborarentur, expectauit signum certum generationis, Ita explicant *Glos Hugo Cardinalis, & Pineda in Salom. lib. 1. c. 7. n. 5.*

Manet igitur, quod de fœtu intelligatur verbum illud *Concepi*, ideo ex Hebraica radice *Marius de Calasco in concord. Hebra. tom. 1. fol. 1339* transfert, *& concepit mulier, & dixit praguans ego.* At vero quoties Sacræ Literæ vtuntur hoc nomine *fœtus* absolute, & simpliciter prolato, intelligunt de fœtu animato, ideo *Genes. cap. 28. vers. 4.* de Uxore Judæ dicit vulgata: *rumsumque conceptu fœtu.* *Pagninus* transfert, *& concepit, & peperit filium*, & *Genes. cap. 31. vers. 8.* de pecoribus Jacob *vulgata* habet: *Pariebant cines diuersos fœtus; Pagninus* vertit: *Pariebant*

cumnes

omnes pecudes maculis respersas: Et Levit. cap. 22. vers. 28. Sine bos, sine ovis non immolabuntur una die cum factis suis: Pagninus. habet: bovem autem vel pecus ipsum & filium eius immolabitis die una: Septuaginta, Vitulum, & ovem ipsam, & filios non jugulabis in die uno. Chald. bovem, aut ovem non immolatis uno die cum filio, & Iob. c. 21. n. 10. Vacca peperit, & non est privata factu suo. Prou. c. 17. 12. expedit magis vrsa occurrere raptis factibus, quam factuo confidenti sibi in sua stultitia. Cant. c. 4. 2. dentes tui sicut greges tonsarum qua ascenderunt de lavacro omnes gemellis factibus; & non est sterilis inter eas, &c. Hebræ. omnes gemellos factus edentes. Chald. omnes pariebant gemellos. Hierem. c. 31. 2. & confluent ad bona domini, super frumento & vino, & oleo & factu pecorum, & armentorum. Hebr. & super filios pecorum & bovum.

Itaque iuxta Sermonem sacrarum literarum, idem erit *concepto factu*, & *concepto filio*. At vero notandum ex *Abulens. q. 8.* Quod ideo David remisit illam in domum suam, ne vel ad breve tempus visa mulier in Palatio Regis, malam suæ famæ, suspicionem excitaret; ergo intra breve tempus à Conceptione vel præparatione materiæ Anima rationalis est in fœtu.

Hic discursus si quid probat, probat etiam, quod post aliquot horas materiæ generationis animatur vita rationali; ut videbimus in decimo modo.

Probat deinde Fienus suam sententiam, ratione, primo; cum non sint temere, & sine necessitate multiplicanda entia, non est credendum vim formativam membranarum distingui ab illa quæ fœtum efficit; sed vnam, & eandem animam rationalem formare primas membranas, & corporis membra; sed quod format membranas debet tertia die esse in semine, ergo, &c.

Secundo quia membranæ fœtus gratia formantur, iisque semine obducitur, ne sordibus vteri, & sanguine menstruo fœdetur. neve diffusetur, & utero excidat, aut spiritus inexistens exhalet.

Tertio; quia vasa umbilicalia conformantur ab eadem causa, à qua fœtus; ergo & membranæ; debent enim membranæ cum venis umbilicalibus apte coniungi, & vasa umbilicalia ipsis vesti, & ipsas perforatas pertransire: at illa vno, & connexio non potest fieri à conformatrice diuersa.

Minorem probat, quia cum cauſa efficiens ſit prior tempore, vel ſaltem natura cum effectu ſuo, debet, vel antequam membranæ formentur vel ſimul, ac formari incipiunt, eſſe in ſemine, at membranæ formatæ ſunt ad ſummum quinta, vel ſexta die: ergo ad minimum formari incipiunt tertia die: videtur enim ad minimum biduum, aut triduum requiri, priuſquam membranæ ſint perfectæ, cum ſtructuram facis artiſcioſam habeant, & venulas, & arteriolas, per ſubſtantiam ſuam decurrentes, quæ non poſſunt temporis momento formari.

- 10 Quod ſi dicas membranas non fieri à vi vlla formatrice, ſed ſolum à calore vteri, ſicut cruſta panis à calore clibani, & pellicula in lacte à calore ignis.

Reſpondet generationem membranarum, & connexionem cum vaſis vmbilicalibus, adeo eſſe artiſcioſam, vt à calore per ſolam exſiccationem fieri nequeat: præſertim quia ſpecialiter à natura intenditur; quia ſine ea formatus fœtus ex ſemine fieri nequeat: quare non fit ex ſola neceſſitate naturæ.

- 11 Quod vero membranæ quinta, vel ſexta die ſint formatæ; primo probat experientia, & Medicorum obſervatione; nam *Hippocrates*, vt iam diximus *lib de nat. puer.* aſſert *Platrium* quæ genituram ſexto die à conceptione, pellicula obductâ, eiecerat, & *Galenus* 1. *de ſem. cap. 4.* ait Mulieribus ſæpe, poſt tres, aut quatuor dies à conceptione, ſemen membrana circumuolutum excidiſſe, & *Macrobius de ſomno Scipionis lib. 1. c. 6.* & recentiores medici ſuis obſervationibus confirmant.

- Probat quarto, quia ad animæ introductionem; non eſt opus alia actione, quam vt ſemina in vtero virtute, & calore eius
12 miſceantur, fermententur, & actuentur; ad hanc vero mixtionem, & fermentationem, non eſt opus longa temporis mora, natura enim, ne momento quidem temporis, eſt otioſa; ſed mox à concepto ſemine incipit operari, & ſemini, non eſt opus vltiori, & maiori in vtero alteratione, & elaboratione, vt patet ex ſeminibus plantarum, in quibus, quia ſunt vltimæ diſpoſitiones ſæpius antequam terræ mandentur in tabulatis incipiunt ſpontè germinare. Hæc ſunt quæ *Fienus* in ſummam redacta aſſert pro ſua ſententia.

Inſurgit,

Infurgit contra hunc dicendi modum Mirindolus est. cap. 8. vers. Thomas; quia difficile sibi videtur, quod anima in materia non organizata possit, se ipsa immediatè membra delineare, distinguere, & formare, præsertim cum in probabili Philosophorum sententia, substantia non sit immediatè operatiua.

Sed hæc instantia non tollit rationum efficaciam, siquidem in omnibus tam Physicis, quam moralibus, & artificialibus videmus, quod ab initio rerum, non necessàrio seruantur illa omnia, quæ deinde, quando agens est in suo perfecto statu, obseruat. Sic in prima orbis creatione, ante diem quartum, in quo Sol, Luna, ac Stellæ facta sunt à Deo, lucem primam creatam ab initio circumferebant nubes, seu aliud corpus lucidum, iuxta orbis indigentiam: sic in prima hominis creatione, non sunt obseruata tempora naturalis incrementi; sic in absentia Gallinæ cubantis, calore ignis excluduntur pulli; & vermis serici vita ab adscitio calore ex semine excitatur: sic in arte, quæ confici sibi sua instrumenta, non statim vitur instrumentis perfectè elaboratis cum illa non habeat: sic in principio alicuius Religionis approbatæ non est necesse quod primi profitentis vota acceptentur ab aliquo Religioso eiusdem Religionis, cum nullus præexistat; quod tamen est necessarium in secundo, tertio, & alijs, qui profiteri valide volunt, Et multa sunt huius rei exempla, tam in naturalibus, quam in alijs. Itaque sicut singularis est prima animæ rationalis creatio, propter sui excellentiam, ita inconueniens non est, quod propter mirabilem illam organisationem, singulares etiam sint eiusdem animæ primæ operationes, cum modus operandi sequatur modum essendi.

S E C T I O VIII.

- Recensetur nonus dicendi modus.

S V M M A R I V M.

I Popiscus Fortunatus asserit cum alijs citatis à Farina: in

H

ipso

ipso conceptionis momento animam rationalem creati in materia, quia natura non est otiosa.

- 2 Post tres, aut quatuor dies genituram membranis esse inclusam ait Galenus.
- 3 Probatur hic dicendi modus, etiam ex festo Immaculatae Deiſaræ Conceptionis.
- 4 Hec tamen probatio non est efficax.
- 5 Melius probari videtur ex conceptione S. Ioann. Baptista.
- 6 Conceptio S. Ioann. Baptista incidit in diem 24. Septembris.
- 7 Explicatur discrimen inter Christi, & eius præcursoris conceptionem.

VOpiscus Fortunatus Pemptius, Amstelodamensis artis, & Medicinæ Docteur, & in Academia Louaniensi. Primarius lib. 2. de fundament. Medecin. cap. 6. laudat supradictam sententiam Fieni, & addit ipso primo momento conceptionis, animam humanam corpori increari, & huius sententiæ videntur aliqui, quos citat Farinac. q. 122. n. 139,

- 1 Primò, quia natura ne momento quidem est otiosa, sed mox à concepto semine incipit operari, & statim in semine fiunt operationes; & idem Galen. lib. 1. de sem. cap. 4. docet post tres, aut quatuor dies, semen membrana esse inclusum.
- 2 Secundo, quia hic modus Ecclesiæ vniuersali videtur esse conformior, celebrat enim Ecclesia festum Immaculatae Conceptionis Sanctissimæ Virginis Mariæ die 8. Decembris: natiuitatem vero die 8. Septemb. sed si 8. die Decembris in conceptu illo non adfuiſſet anima rationalis, celebraret conceptionē vel inanimatæ, vel cuiusdā brutæ massæ, quod non est dicendū.
- 3 Tertio, quia celebrat Immaculatae Conceptionis festum, quatenus iuxta piā, & communiter receptam sententiam illius anima non fuit, vel in primo momento suæ creationis, & vniōis cum corpore, peccato originali infecta: ergo sup̄ onit in illa die 8. animam illā sanctissimam corpusculū suū informasse.
- 4 Verum ex hac Ecclesiæ festiuitate mihi non videtur satis efficaciter probatus hic nonus dicendi modus; nam bene potuit triduo, aut quadriduo ante octauum Decembris, iuxta modum

dum dicendi à Fieno traditum præcessisse prima seminis conceptio, & deinde completa accidentali organizatione anima eius, die octava Decembris increari, & immaculata, & impoluta uniri, quod Ecclesiæ satis esset, ad immaculatam Conceptionem celebrandam.

Melius fortasse probaretur ex conceptione S. Joannis Baptiste, nam in *Euangelio Lucæ cap. 1.* describitur tempus conceptionis dum dicitur *factum est, ut impleti sunt dies efficy eius. Zachariæ videlicet, atq; in dominum suum Zacharias; post hos autem dies concepit Elizabeth. lect. Arab. habet. grandida facta est: Euthymius in hunc locum cum dicit quod Zacharias post dies expleti ministerij congressus est cum uxore sua, ut filium sibi compararet, iuxta Angeli promissionem. Euthymium sequuntur alij Patres. Post hæc; Angeli testimonio dicentis & hic mensis est sextus illi, quæ vocatur sterilis, computatur tempus sex mensium conceptionis, & cum præcursoris Natiuitas, celebretur die vigesima quarta Junij, hoc est tribus mensibus post diem vigesimam quintam Martij, in qua Angelus ira alloquebatur, sequitur eius conceptionem fuisse die vigesima quarta Septembris, ut testatur etiam S. Ioannes Chrysostomus homil. 11. in Lucam, quem omnes fere Sancti Patres sequuntur, & præsertim Beda. Hugo Cardinalis, Haymon, S. Thomas in cat. & Dionysius Chartus. & aliqua Ecclesiæ Christianorum, ut notauit Cornelius à Lapide celebrant Præcursoris conceptionem, hac die vigesima quarta videre est ex *Martyrologio Vsuardi, & Molani.* At vero ab hoc tempore, vsque ad vigesimam quartam Junij sunt nouem menses vsuales, seu ciuiles; qui à medicis regulariter humano foetui assignantur. ut perfectiori modo edatur in lucem & totidem ad amissum excurrunt ad vigesimam quintam Decembris, qua natus, ad vigesimam quintam Martij qua conceptus est Christus, & sine dubio anima rationali animatus, ut supra vidimus.*

Sed responderi facile posset ex communi Patrum, & Theologorum sententia organizationem Corporis Christi, quia Spiritus sancti virtute infinita facta est, fuisse completam in instanti, & ideo: ut S. Thomas 3 part. q. 33. ubi. in fine, per hoc dicitur ipse Filius Dei conceptus, quod aliter dici non posset, hoc est

eius animam creatam, corpori unitam & in eodem momento totam naturam humanam assumptam à Verbo. Hæc autem miracula non fuerunt in conceptione Præcursoris, sed solum quod mulier senex, & infœcunda opera viri conceperit; quod vero in prima conceptione feminis statim, vel paulo post, conceptus sit filius, non ex Evangelica Historia certum, nisi quis vim faceret in verbis Angeli dicentis, & ipsa concepit filium in senectute sua, & hic mensis est sextus illi; &c. id est à conceptione sicuti S. Thomas l. citat. art. 2. vim facit in verbis Symboli. *Qui conceptus est de Spiritu sancto*: Filius autem hominis in proprietate loquendi, ut S. Thomas modo relatus discurre, non est massa carnis, aut genitura, sed compositum ex corpore & anima rationali.

Cæterum hæc prosequi, & probare non est mei instituti; quia solum varios dicendi modos de tempore animationis recenseo, & omnes in sua probabilitate relinquo; ut ex illis constet, quam varium sit, & incertum hoc tempus animationis.

SECTIO IX.

Refertur ultimus dicendi modus.

SUMMARY.

- 1 Refertur sententia asserens in fine secunda diei, permixtis seminibus, statim adesse animam rationalem, quæ totum opus molitur, & perficit.
- 2 Intra septem horas si semen fuerit ab utero retentum, animam ibi adesse ex Macrobio, Hippocrate, & Tertulliano, Probatur.
- 3 Ex SS. Greg. Nyssen. & Cæsar. prebatur animam simul, & in momento esse cum corpore.
- 4 Semen permixtum in utero statim incipit vivere.
- 5 Inferitur ex ante dictis dubium ad minus esse, quod anima rationalis sit, vel non sit ante 30. dies in fœtu.

DEC

DEcimus, & ultimus dicendi modus est, *Danielis Sennerti Doct̃is & Medicina in Academia Vvitsbergenſi, Trofeſſoris*, qui in *Hypomnematiſ Phyiſcis Hypomnemate 4. cap. 10.* ubi commendaret doctrinam Fieni, dicens tertia die, imo in fine ſecundæ adeſſe animam rationalem, ipſe exiſtimat quam primum in utero ſemina ſunt permixta, id eſt ſpatio ſeptem horarum ab una, & eadem anima rationali incohari, continuari, perfici, & abſolvi totam corporis humani fabricam; ad- dicque contrarium ſentientes in abſurdiſſimas opiniones inci- diſſe.

Probat ſuam ſententiam *Sennertus* tum auctoritate, tum ra-
tione, & primo ex *Macrobio lib. de Somn. Scipion. cap. 6.* qui ait:
Semen quoddam poſt iactum ſui intra ſeptem horas non fuerit in effuſio- nem relapſum, haſſe in vitam pronunciat. Et paulo poſt Cen- ceptum, quem quiſque ultra ſeptem horas ſuſtinuerit, eſſe ad vitam creatum. Idem ſentit *Ludovic. Mercatus lib. 3. de morb. mulier. c. 6.* *Hippocrates, lib. de genitur.* non à ſeptima, ſed ab ea, qua ſemen retentum fuit conceptionis initium computandum docet, dum ait: *Si mulier aliquando partum experta fuerit & advertit quando genitura non exciderit, ſed virtus permanſerit, ſciat qua die conce- perit.* Et *Tertull. l. de An. ait, & in ipſo & ex ipſo ſeri hominem, & i: um eſſe à primordio ſemen.*

Et *S. Gregor. Nyſſenus de An. & reſurrect. ait, poſtiorẽ eſſe*
originem animarum, iſ ſasque recentiores eſſe corporum conſtitutione,
nemo ſana mente prædiſtus in animum induxerit, &c.

Et *S. Caſar. lib. Dialog. dialog. 3. in reſponſione ad 115. interroga- tionem*, loquens de anima noſtra, & corpore dicit neque alte-
rum ab altero generatione prius eſt, ſed vtraque ineffabiliter
propter bonitatem Deus in momento fabricavit: Et paulo poſt,
Longe etiam mihi velim ab illa reſiliis opinione, quod corpore po- ſterior ſit anima, idem ſentit *Beda de mun. conſt. §. de certa.*

Secundo ratione probat, quia imperfectum ſemen planta-
tarum ſtatim animatur, vt patet ex eo, quod ſæpe ſponte ger-
minet, abſque eo quod terræ mandetur; ergo & perfectius ſe-
men, nõ tantum hominis, ſed brutorum, & conformatio mem-
branarum, ſtatim ac conceptum eſt, & fermentatum incipit eo

corrupto, adesse animam: & nulla alia causa est necessaria, quam ipsa anima, qua viuere debet tale animal, ergo adest ipsa non solum tertio die, sed statim, ac membranae incipiunt fieri, nempe à primo conceptionis momento intra septem horas.

- 5 Hæc sunt quæ de prima animæ rationalis existentia dicuntur ab auctoribus; quæ nec euidencia sunt, nec certa, sed tantum probabilia; verum in tanta rerum varietate, illud ad minus videtur esse certum, quod tam dubium est, existere, quam non existere animam rationalem in fœtu, ante illud tempus triginta, vel quadraginta dierum perfectæ formationis à quibusdam præscriptum & ab obstetricibus nimis periculosè obseruatum.

SECTIO X.

Ponitur sententia Auctoris.

SVMMARIVM.

PRIMÆ PARTIS.

- 1 *Modus quo anima rationalis ingreditur corpus ignotus est Christi testimonio cap. 3. Joan.*
- 2 *Infertur ex hoc quod etiam sit incertum tempus.*
- 3 *Ex 10. cap. Job probatur rem esse dubiam, an anima ingreditur corpus, ante, vel post eius conformationem.*
- 4 *Ex Psal. 128. probatur ad litteram, quod cognitio, & scientia de formatione humani corporis, est solius Dei, & hominibus omnino occulta.*
- 5 *Ex cap. 11. n. 1. & 5. Eccles. probatur esse hominibus ignotum tempus, & momentum, quo anima rationalis corpus informare incipit.*
- 6 *Ex cap. 3. n. 1. Job. probatur incertum, & dubium esse tempus, quo humanus fœtus animatur.*
- 7 *Idem patet ex lib. 2. Machab. c. 7. n. 22.*

Vltima

VLtima igitur, & sexta sententia erit, quæ ex supradictis omnibus necessario colligitur, nimirum incertum esse & valde dubium tempus illud præcisè, quo Anima rationalis à Deo creatur, & infunditur in corpus, sed ne prolixitas tædium pariat, dividemus præsentem Sectionem in tres partes; in quarum altera argumenta ex Sacris litteris; in altera ex Sanctis Patribus; & tandem ex rationibus iam adductis, & adducendis nostram sententiam referemus.

P A R S P R I M A.

Probatur ex Sacris Literis, quàm sit incertum tempus quo foetus humanus Anima rationali vivere incipiat.

Primum ex Sacris Literis argumentum petitur *ex c. 3. I an.* ubi cum Nicodemus audiret Christum Dominum dicentem neminem salvari posse, qui ex unda Baptismi non esset renatus, ignorans quomodo qui iam natus est posset iterato renasci, neque huiusmodi spiritualem regenerationem capiens dicebat, quomodo homo cum sit senex regenerari potest, & renasci, cui Dominus respondens eius inscitiam redarguit, dicens, *Spiritus ubi vult spirat, & vocem eius audis, & nescis, unde veniat, aut quo vadat.*

Hæc verba triplicem literalem sensum admittunt, primus est de Vento; secundus de Spiritu sancto; tertius de anima hominis, & hunc approbant *Hugo Card. in c. 11. vers. 5. Salmer. tom. 8. tract. 5. fol. mihi 45. Maldonat. Barrad. & Cornelius à Lapide;* & non improbabilem vocat *Lerinus cap. 11. Eccles. vers. 5.* Itaque juxta hunc sensum reprehendit Christus Nicodemum, quasi dicat ait Lorinus, *Anima, quæ vult, animat corpora, & ex mortuis viva reddit, vult autem non omnia, quæ homines volunt, sed quæ ita sunt affecta, ut animari ab illa possint: & vocem eius audis, quia loquentem hominem, hinnientem equum, rugientem leonem vides,*

Et ipsam quodammodo loquentem animam audis, unde intelligis hominem vivere: nescis tamen unde veniat, aut quo vadat, quia ignoras quomodo Anima corpus ingreditur, quomodo egreditur, aut in quid desinat, quis inquit Eccles. cap. 3. vers. 21. novit si spiritus filiorum Adam ascendat sursum, & spiritus iumentorum descendat deorsum? quid ergo mirum? Nicodeme, quod non intelligas, quomodo fiat spiritualis animæ regeneratio, si naturalem prorsus ignoras?

- 2 Si igitur ex testimonio Christi nescitur modus, quo Anima corpus ingreditur, sequitur quod dubium sit tempus, & incertum, quo incipit homo vivere Anima rationali; nam inter alia, quæ hunc modum concernunt, præcipuum est; an statim ac coagulatum, & concretum est semen; an vero postea, quando accidentalis organizatio est completa, Anima corpus ingreditur; siue potius, an expectet incohata esse substantialem organizationem, saltem quoad formationem illorum trium, cordis nimirum, hepatis, & iecoris; an vero integram membrorum delineationem, & totius corporis completam formationem præstoleretur. Cum ergo hæc omnia spectent admodum, & hic ex testimonio Christi sit nobis incertus, & ab homine ignoretur, sequitur etiam tempus esse dubium, & incertum; nam concretio seminis, organizatio accidentalis, substantia incohata, & completa, habent ex observationibus peritorum sua tempora, ergo intra quod tempus spiritus hominis incipiat vivere in fœtu dubium est.

Secundo Job. c. 10. vers. 10. ut Dei charitatem, & commiserationem erga se tot calamitatibus, & ærumnis affectum conciliet, exactissimè describit divinum opificium, & diligentiam, qua Deus ipse hominem molitus est, ut opus tam admirabile non patiatur oblivione, vel dissimulatione neglectum aboleri, & ad nihilum reduci, dicit enim: *Memento quæso quod sicut lutum feceris me, & in pulverem reduces me: nonne sicut lac mulxisti me, & sicut caseum me coagulasti in pelle, & carnibus vestisti me, & ossibus, & nervis compegisti me; vitam, & misericordiam tribuisti mihi, & visitatio tua custodi vis spiritum meum; licet hæc cales in corde tuo tamen scio, quia uniuersorum memineris, &c.* huiusmodi ope-

ris

ris modum, an nimirum anima primum in materia generationis à Deo creata, & existens sua sibi fabricaverit instrumenta, & ipsum corpus substantialiter organizauerit; an vero prius corpus fuerit elaboratum, & conformatum, & deinde in eo creata anima. S. Job fatetur soli Deo esse notum, dum dicit, *licet hæc cæles in corde tuo*, & omnibus sint abscondita. At vero Deum ipsum hæc omnia recogitare, & omnium meminisse; sed dissimulanter illas ærumnas, & misérias immisisse, quamvis illum impense diligat. Fatetur igitur sanctus vir rem esse hominibus ignotam, & valde dubiam, quod anima ingrediatur corpus ante inchoatam figurationem, vel post ipsam completam,

Tertio quia *Psalm. 128. vers. 6.* dicitur *mirabilis facta est scientia tua ex me, confortata est, & non potero ad eam, &c.* Hic ad literam sermo est de admirandis Dei operibus, in ordine naturæ factis sed præcipuè in hominis generatione naturali: ideo *septuaginta interpretes apud Agellium* vertunt: *hæc tua scientia, per quam omnia, & me inter cetera intimè nesci; adeo mirabilis, atque difficilis est ad cognoscendum, ut ad eam pertingere non possim, &c.* eodem modo interpretatur hunc locum *Nathanæus Orat de Theolog. & S. Basil. Homil. 9 in Hexamer.* hæc scientia, quam Deus habet de hominis creatione, & constitutione est adeo excellens, ut hominis noticiam effugiat, & confortata, id est ut *Græcus interpres* ait, adeo elevata, ut ad illum David se non posse pertingere fateatur.

Et quod ibi sermo sit de naturali hominis generatione, patet ex *vers. 15.* quo dicitur, *Non est occultatum os meum à te, quod fecisti in occulto, & substantia mea in inferioribus terræ, &c.* *Paginus* vertit *Non fuit occultatum corpus meum à te, quando factus fui in occulto, &c.* *S. Augustinus & Arnobius* existimantes melius esse à Grammaticis reprehendi, quam à Christianis non comprehendi legunt, *non est occultatum os meum à te*, *S. Hieronymus non sunt occultata ossa mea*, id est, inquit *Agellius*, *occultum est, & inuestigari non potest, quomodo ex illa fluida, & molli materia ossa existant, & compingantur, &c.* Hæc autem res occulta, atque secreta minimè Deum latuit, quamvis illam in occulto, & abdito loco sit operatus, nempe in ventre

matris, & *Substantia mea*, id est productio mei corpusculi, seu statura mea non te latuit, quamvis ea in inferioribus terræ, id est in ventre matris facta sit.

Ad hunc autem sensum coherenter sequitur *vers. 16. imperfectum meum viderunt oculi tui*, Pagninus legit. *Embryonem meum viderunt oculi tui. Symmachus. Infermem me viderunt oculi tui Helvius. I. ut lucrum meum*, id est sortum secundinis, & ovo conceptionis complicatum distinctè cognoscit solus Deus, & in libro tuorum scribentur: id est, inquit, Cardinalis Bellarminus, quia in libro mentis tuæ omnes homines sunt descripti: *Dies firmabuntur*, id est in dies formabuntur informia corpora, quorum opificium in mollissima, & tenuissima materia est adeo remotum à cognitione, ut nemo inquit, Agellius hominum sit, qui cognoscat huiusmodi abditissimum artificium.

Si ergo huiusmodi operis cognitio est solius Dei, sequitur rem hominibus esse valde dubiam.

Quartò ex *Ecclesiast. cap. 11. vers. 1. usque ad 8.* Spiritus sanctus, ut observat etiam *Cornel. à Lapide* hortatur divites ad largas eleemosynas; & inter alia motiva adducit, quod ipse Deus arcana sua providentia facit, ut divites eleemosynarii nunquam depauperentur; sed potius rebus affluant: opus sanè Divinæ munificentiae admirabile, cuius effectum quotidie videmus, & experimur: tempus autem præcisum, & particulare in quo annui prædiorum fructus, & census, non, inquam, percipiuntur ab homine; sed multiplicati recolliguntur, & negotia omnia diriguntur ad lucrum, & damna, quæ aliis obveniunt, remouentur, ignoramus: huiusmodi opus dicit esse tam secretum, & occultum sicut incognitum est quomodo anima nostra, quæ spiritus est, corpus Infantis ingrediatur, & quomodo ea vilissima materia in diversas effigies, ac lineamenta formetur, & ut loquitur *S. Hieronymus*; *quomodo mollescat in carnib. dure scat in ossib. in venis palpitet, & ligetur in nervis*: verba Spiritus sancti *vers. 5. sunt. Quomodo igitur, quæ sit via spiritus, & quæ ratione compingantur ossa in ventre pregnantis, sic nescis opera Dei, qui fabricator est omnium*, Quo loco nomine spiritus animam intellectualem intelligunt *S. Hieron. Lyrannus, Hugo,*

Hugo, Caietanus, Clarus, Vatablus, & alij & idem Chaldaeus clare tranſtulit: ſicut non poteſt, illi omnino eſſe perſectum, qua-
 tamdem via anima ſpirabilis, & vita capax in corpus infantis infun-
 ditur, & in ſatum qui viſceribus utero gerentis Matris continetur.
 & ignoras plane donec in lucem edatur maſculus ne ſit, an ſami-
 na: ſic nec iudicare poteris opera Domini qua omnia ſumma pru-
 dentia perſecit.

Hunc etiam locum interpretatus Salmer. loc. cit. ait: ſpiritus,
 cui tribuitur vita & iungitur cum compactione oſium in ventre
 ſpiritus humanus ſive animus noſter, eſt, qui creatur, & infunditur
 corpori, ignoratur tamen via eius, quia nemo cerſe ſtatueret valet mo-
 mentum, quo creatur aut infunditur.

Quintò quia *Iob. cap. 3. verſ. 11.* cum ſibi extremum ma-
 lum imprecatus eſſet, dicit: *Quare in vulva mortuus, egreſſus ex*
utero non ſtatim perij, nunc enim dormiens ſilerem, &c. aut ſicut
abortivum abſconditum non ſuſſiterem. Notandum eſt in ſcriptu-
 ra, abortivum nunquam ſumi pro foetu non adhuc animato, ut
 hic putavit *Gloſſa uſurpariſ*; ſed pro foetu qui aliquando fuit ani-
 matus, ideo *Exod. 21. verſ. 22.* de muliere percuſſa à rixante
 viro dicitur, quod ſi abortivum quidem fecit. *Emanuel Sa in Apho-
 riſm. ex Hebræo.* intelligit de viuo foetu, ideo ſeptuaginta, legunt
Et exierit infans eius Pagninus: & egreſſi fuerint nati eius Alij
 apud *Lippomanum: Et egreſſi ſint pueruli: Et Numerorum*
cap. 10. verſ. 12. pro Maria ſorore Moſis à lepra percuſſa rogat
 Aaron ne ſiathæc quaſi mortua aut ſicut abortivum, quod proijcitur
 de vulva Matris ſuæ: vbi notat *Lorinus* duas afferri ſimilitudi-
 nes: alteram cadaueris, & hominis iam mortui, alteram abor-
 tiui, quod egreditur in fruſta de utero Matris à putredine
 conſumptum, & quod *S. Auguſtinus infra referendus in En-
 chir. cap. 88.* dicit non poſſe negari abſque temeritate, quod
 aliquando vixerit. *Et Eccleſia. cap. 6. num. 3.* de Avaro di-
 citur, quod melior illo ſit abortivus. quia avaritiæ peccato
 abortivus non grauat, ſed ut hoc loco etiam oſtendit *Cornel.*
 à *Lapide* ſignificatur foetus iam animatus, & qui deinde
 in utero moritur; vel in ipſo ortu; aut paulo poſt: ita ut eius
 memoria ſtatim pereat. Sicut ergo abortivus, ait *Cornelius*

in vanum recipit animam rationalem, ita Avarus; quia damnatur in Gehenna, & D. Paulus 1. Corinb. cap. 15. n. 9. appellat se ipsum. *Abortivum*, id est ut ait D. Anselmus, quem alij sequuntur, lumine oculorum orbatum, cæcum, & semimortuum, sicuti nascuntur Abortivi: ad differentiam aliorum Apostolorum, qui apertis oculis Christum sunt sequuti. Constat autem, quia semimortuum, & cæcum se appellans vivum sine dubio existimavit. Igitur in sacris literis, abortivus dicitur ille, qui aliquando animatus vixit, & oritur ante tempus. At S. Iob. vocat hunc *abortivum ascenditum* hoc est nemini notum, ut interpretatur Pineda: ergo incertum est, & dubium tempus, quo fœtus animatur in utero.

Sextò, quia sapientissimè Mater illa septem Machabæorum Eilios suos Divino spiritu alloquuta, ut ad Martyrium hortaretur dicebat lib. 2. Machaba. cap. 7. n. 22. *nescio qualiter in utero meo apparuisti, neque enim ego spiritum, & animam denavi vobis, & singulorum membra non ego ipsa contegi: sed enim mundi Creator, qui formavit hominis nativitatem, quique omnium invenit originem &c.* Et alia nonnulla essent ex sacris Literis testimonia, ad idem probandum, quæ brevitati studens omitto.

P A R S S E C U N D A.

Afferuntur Patrum testimonia, quibus probatur huius temporis incertudo.

S V M M A R I V M.

- 1 Sancti Basilij, & Balsamonis, *sententia est, ut siue fœtus sit formatus, siue informis, abortus est verum homicidium, & ideo pena homicidij punitur.*
- 2 S. Augustini testimonio ostenditur hominibus esse ignotum tempus, quo anima rationalis incipit esse in corpore.
- 4 S. Junilij Episcopi Africani, *Auctoritate idem confirmatur.*

S Nec

- 5 *Nec refragatur. Origenis locus ex commentario in Iobum; quamvis non sit illius, sed alterius opus, qui post ipsum scripsit.*
 6 *Sed cuiuscumque sit Auctoris non probat intentum.*
 7 *Auctor libri de Ecclesiast. Dogmat. cap. 14. dum videtur dicere animam creari in corpore, iam formato, non loquitur ex propria sententia, sed utitur argumento ad hominem.*
 8 *Quod anima rationalis fiat ex traduce est propositio damnata à Leone I. Papa.*
 9 *Tempore S. Augustini, non erat hæc propositio damnata, & ipse valde dubitat, & dicit esse de ijs, quæ Deus vult ab hominibus nesciri.*
 10 *Auctor libri quæst. veter. & nou. testam. iam supra à nobis est exclusus sect. 2. num. 7. & sect. 4. num. 13.*
 11 *Auctor libri de spirit. & An. non est S. Augustinus, & quicumque sit non est fide dignus, cum liber ille contineat errores.*

Primo loco considerandus est & merito S. Basilius Casariensis: qui in secundo Canone tanquam nimis scrupulosam reiciens distinctionem inter foetum informem & formatum, & quidem, ut ex Balsamonis Patriarchæ Antiocheni Commentario constat, propter eos, qui ante formationem negant foetum esse animatum, ait, *Quæ de industria foetum corrumpt, & dispenas luat. Formati autem, vel informis subtilitas à nobis non attenditur. Hic non solum, quod nascendum est, vindicatur, sed etiam ipsa, quæ sibi insidias parauit quoniam ut plurimum huiusmodi inceptis, una quoque mulieres intereunt: Ei autem accedit scelus quoque interitus: alia cædes eorum quidem certe, qui hæc audent, existimatione.*

In quem locum Balsamonis commentarium, sic habet Hoc autem dictum est propter eos, qui dicunt, quod quontam semen in matricem deiectum non statim formatur in hominem; sed prius quidem sit sanguis; deinde in carnem humanam concreuit; deinde effingitur, & formatur in membra, & partes; non sit cædes quando abortio facta non fuerit foetus; qui nondum est formatus; &c. ex quibus constat D. Basilij; & Balsamonis sententiam esse ut foetus sit animatus, etiamsi nondum sit formatus: & hoc non tantum in ordine ad culpam,

sed vt abortus verè sit homicidium, & homicidij pœna sit punibilis.

- 2 Secundo *S. Augustini quæst. 80. in Exod.* & refertur in cap. *Quod vero 32. quæst. 2.* & supra, *sect. 5. n. 19.* expenditur; considerans fœtum ab utero matris excussum, quando nondum formatum est, vocat quidem illum informem, sed quodammodo *informiter animatum.* & deinde subdit, *si talis est in carne nondum formata, & ideo nondum sensibus prædita, &c.* quibus verbis constat quidem apud ipsum, quod potentiæ sensitivæ non sunt in carne, quæ nondum habet organa, vel nondum est formata at ipse suspensus manet, & dubius, an fœtus sit animatus ante formationem: & magis clarè in *Ench. c. 85.* dicit, *scrupulosissime quidè inter doctissimos queri potest, ac dissutari, quod utrum ab homine inveniri possit prorsus ignero, quando incipiat homo in utero vivere, &c.* & lib. 4. de orig. Anim. cap. 4. scribens ad quemdam Vincencium Victorem, qui interrogauerat ipsum, vt diceret ex qua substantia implerentur vtres quando inflantur, dicit, *infantiam suam quisque non recellit, & putas hominem, nisi Deo docente posse cognoscere, unde in matris utero vivere cæperit, &c. Tum me docebis, aut quemquam, unde homines animantur, qui nesciebas adhuc vsque, unde vtres, qui inflantur impleantur.*

- 3 Tertio *Autor Dialog. de orig. An.* sub nomine *S. Hieronymi* introducit *S. August.* qui ex illa dierum quadraginta quinque diuisione in Schola Medicorum, vt vidimus, recepta, qua dicitur iuxta versum.

*Sex in lacte dies, ter sunt in sanguine trini,
Bis seni carnem, ter seni membra figurant, &c.*

Videtur asserere, figurari fœtum, vsque ad perfectâ lineamenta, spatio dierum quadraginta quinque, & deinde animari. Sed *Autor Dialogi* occurrit in persona *D. Hieronymi. D. Augustino*, eumque reprehendit, quod voluerit hac periodica notitia determinare tēpus, quo anima rationalis corpus, ingreditur vtiturque *S. Hieronymi* verbis in *Comment. ad cap. 11. Ecclesiastici. vers. 5.* dicentis: *Sicut nescis viam spiritus, & anima ingredientis in paruulum, & ignoras ossium, & venarum verseta-*

tes, in ventre pregnantis, ita Dei opera scire non poteris.

Et Bridefertus Ramesiensis in Glossa super Bedæ Presbyteri de nat. rer. cap. 2. ait. *Beatus Augustinus, & Hieronymus nihil temere de anima asserere conati sunt, sed ingeniosè se ignerasse dixerunt; unde fiat, vel quando ad corpus veniat, utrum tempore conceptionis, an alio quolibet tempore; &c.*

Quarto quia Iunilius Episcopus Africanus tom. 1. Biblioth. veter. patrum lib. 2. de Part. diuin. leg. cap. 13. dixit; de abortiuorum, & 4 statu, & merito causa subtilis dubiusque tractatus est.

Dices aliorum Sanctorum Patrum doctrina est quod corpusculum hominis non animatur, nisi post completam corporis formationem, ut Medici quidam asserunt atque ideo, sicut datur tempus certum, in quo fœtus non est perfecte formatus, nempe triginta, vel quadraginta dierum; ita non manet dubium, ut hæc vltima sententia asserit, tempus animationis.

Et Patres, qui hoc dicunt sunt Origenes, qui comment. in lib. Job. Perionio interprete cap. 10. fol. mihi 531. explicans supradictam Jobi descriptionem de hominis generatione, ait: *Thyſcorum ergo more aptum ordinem ponit, principium quidem appellans seminis effusionem, & eius concretione; deinde partium figurationem cutis, carnis, & partium nervorum formationem, postremo animi à Deo infusionem, &c.*

Respondeo primo Medicos primarios non esse ex illis supra relatis pro tertia sententia, sed pro quinta, quæ docet statim à principio adesse in fœtu animam rationalem.

Secundo respondeo hunc librum, non esse Origenis, sed Auctoris innominati, & ætate posterioris, ut probat Bellarm. in lib. de Scriptor.

Tertio cuiuscunque sit Auctoris liber, jam supra vidimus ex ordine, quem S. Job servavit non inferri tempus illud triginta, vel quadraginta dierum; deinde S. Job non facit vim in ordine partium, imo illum negligit, ut patet, quia primo loco, & antequam nominet carnem, ponit pellem, *Telle*, inquit, & *carnis vestisti me*; & tamen pellis post carnem generatur, ut oculatissimus Anatomista Harucus etiam observavit exercit. 56. fol. 255. sed satis illi fuit diuinæ memoriæ anteponeere more humano opus singulare humanæ generationis, ut ex

recordatione tantæ diligentia, & industria adhibitæ, Deus ad sui commiserationem moyeretur.

Secundo loco opponitur S. Augustinus, lib. de Eccles. Dogmat. c. 4 ubi dicit, *Corpus tantum per coniugij copulam seminatur, Dei vero iudicio coagulari in vulva compingi, atque formari, ac formatio iam corpore, animam creari, & infundi, & cap. 18. idem repetens Anima inquit, humana non carne moritur, quia non cum carne seminetur sed firmato in ventre matris corpore, Dei iudicio creatur, infunditur, &c.*

- 7 Respondeo primo hunc librum non esse S. Augustini, sed Gennadij Episcopi Massiliensis, vt probat Bellarminus, qui septuaginta annis post D. Augustinum vixit, & scripsit.
- 8 Respondeo secundo quod huius libri author, & plures alij qui hoc seculo scripserunt damnant tanquam errorem animam rationalem fieri ex traduce, hoc est seminari cum corpore ab anima genitoris: & quia antequam à Theologis communiter firmaretur catholica veritas contraria, quod anima rationalis à solo Deo creatur ex nihilo, ut probat Bellarm. *contr. to. 3. lib. 4. c. 11.* multi nesciebant intelligere quomodo contraheret homo originale peccatum, si cum corpore à parentibus anima non seminaretur: habebat sententia illa multos fautores, & ipse S. Augustinus licet in *Epist. de origine anime ad Hieron.* credat à solo Deo creari, dubitat tamen, an de fide ita tenendum sit & respondet scripturis, quibus id probatur; & alibi valde dubius est, imo in *lib. de Hæres. cap. 81.* dicit Tertullianum non esse Hæreticum, quia crediderit animam rationalem esse ex traduce, & in *lib. 4. de Origin. An. cap. 4.* suspicatur quæstionem hanc an anima sit ex traduce, vel potius creetur à Deo, esse de iis, quæ Deus in hac vita non vult nos scire: & de quibus Eccl. 3. dictum est, *altiora tene quæsieris.* Et S. Gregor. Papa *lib. 7. in d. 2. in Epist. 53.* quæ est ad Secundinum inclusum, ait. *De origine anime inter sanctos Patres requisitio non parua versata est; sed utrum ipsa ab Adam descenderet, an certe singulis decur, incertum remansit, eamque in hac vita insolubilem fassi sunt esse quæstionem. Gravis enim est quæstio nec valet ab homine comprehendere: quia si de Ada substantia anima cum carne nascitur*

nascitur, cur non etiam cum carne moritur? si vero cum carne non nascitur, cur in ea carne qua de Adam preclata est, obligata peccatis tenetur? sed cum sit incertum hoc, illud incertum non est, quia nisi sacri baptismatis gratia fueris renatus homo omnis anima Originalis peccatis vinculis est obstricta &c. Cum itaque hæc veritas esset apud Catholicos, & Sanctos Patres communiter recepta, ut *cit. leg.* probat Bellarm. Hæretici & alij eo tempore, quo scripsit auctor, ubi de Eccles. Dogmat. conabantur illam impugnare ideo auctor, ut ex eius verbis apparet totus est in profligando huiusmodi errore; quia vero in sententia illa, quæ docet ante formationem foetum non esse animatum, facilius erat ostendere, quod anima non seminatur cum corpore, ideo sequitur sententiam dicentem infundi animam, quando corpus est formatum, sed quia id nulla Scripturæ auctoritate, aut nulla ratione probat, constat *Auctorem lib. de Eccles. Dogm.* & alios plures, non ex propria, sed ex vulgari, & ad intentum magis accommodata sententia, fuisse locutos.

Tertio obiicitur idem S. Augustinus, qui in *lib. quest. veter. & nou. testam. cap. 23.* explicans illa verba ex *c. 2. 1. Exod. Si quis percussit mulierem in utero habentem, & abortiuerit, si formatum fuerit det animam pro anima. si autem informatum fuerit multetur pecunia, &c.* notat. hoc à Deo, ita esse ordinatum, ut probaret non esse animam ante formam. Itaque si iam formato corpori detur, non in conceptu corporis nascitur cum semine derivata, &c. est igitur sententia expressa S. Augustini, quod anima non existat in foetu antequam sit formatus.

Respondeo eodem modo hoc testimonium non probare intentum, quia ut patet ex illis ultimis verbis *Pseudo Aug.* imo Hæreticus, qui ut sup. *sect. 4. n. 13.* vidimus, est Auctor libri, totus est in excludendo illo errore, quod anima rationalis generetur ex traduce. Secundo quia non loquitur de perfecta formatione membrorum, sed de aliqua formatione, quæ inchoatur, ut vidimus, multo ante trigesimum diem. Tertio quia S. Augustini sententia, & interpretatio in illa verba Exodi, ut videbimus *sect. 13.* est valde diuersa.

Quarto tandem arguitur ex eodem D. August. qui in *lib. de*
K *spirit.*

spiritus. & An. cap. 9. ait humanum corpus nec vivere, nec nasci potest sine anima rationali, vegetatur tamen, & mouetur & crescit, & humanam formam in utero recipit, priusquam animam rationalem recipiat.

Respondeo pariter librum de spirit. & An. non esse S. Augustini, vt idem Bellarminus admonuit, & quidem inuenio eadem verba, & sententias apud Hugonem de S. Victore lib. 2. de An. cap. 4. non tamen ausim credere hunc librum esse Hugonis, quia non pauca sunt in operibus Hugonis, quæ ipsius non sunt vt Bellarminus etiam obseruauit, & ex ijs forte est hic secundus liber, quoniam cap. 8. docet animam præexistere ante corpus, & ad ipsum Dei nut u venire, quæ tamen doctrina, immo error Hugonis non est, i deo non magni facienda est Auctoritas huius libri.

Illud postremo lectorem hic monitum esse volo, quod etiam si vnus, vel alter, ex sanctis Patribus afferatur, qui sequi videatur quorundam sententiam, exinde solum licebit inferre illam esse probabilem, quod negare non intendo; quia tamen minus tuta est imo periculosa, vt qui illam sequuntur, animarum multarum damnationis sint causa, existimo non esse illi acquiescendum, vt magis etiam constabit ex dicendis.

P A R S T E R T I A.

Ratione probatur incertitudo temporis quo humanus foetus anima rationali primo viuat.

S V M M A R I V M.

- 1 *A primo tempore, quo conceptus est in utero, nulla rationes occurrunt, quæ intellectum cogant ad assentiendum, vel dissentiendum: quod fetus viuat, aut non viuat anima rationali.*
- 2 *Idem colligitur ex Auctoritate antiquorum medicorum.*
- 3 *Idem confirmatur ex anatomia famosis experimentis, & præcipue ex duobus allatis ab Hippocrate.*
- 4 *Atque etiam ex pluribus obseruatis à Felice Platerio.*

5 *Eadem*

- 5 *Eadem incertitudo ex aliis recentioribus observatis à Varolio, & Riolano, infertur quatenus interdum fœtus menstruus habet maiorem distinctionem membrorum, quam fœtus alius bimestris*
- 6 *Et conuincitur, quia moraliter est impossibile, observare conceptus humani formationem, à primo tempore conceptionis, usque ad finem mensis.*
- 7 *Ostenditur hoc tempus esse non solum speculativè, sed pr. Eticè dubium, & incertum.*

Vidimus tum ex sacris Litteris tum etiam ex auctoritate sanctorum Patrum, & Interpretum incertum esse, & dubium tempus, quo fœtus humanus uita hominis vivere incipiat; iam igitur id ratione probemus, & experimentis.

Et primo ratione; nam ut ex variis dicendi modis in sect. 4. §. 6. 7. 8. & 9. supra relatis iam vidimus, à primo illo tempore, quo mulier genituram retinet, usque ad tempus triginta, vel quadraginta dierum, quo apud omnes communiter certum est fœtum humanum vivere anima rationali, omnia tempora sunt incerta: nam non habemus rationes, quæ euidenter cogant, & necessitent intellectum, ad assentiendum potius vni parti, quam alteri; sed illis consideratis, adhuc relinquitur intellectus ita suspensus, ut possit parti, cui vult adhærere, cum motiuo sufficiente ad eliciendum assensum probabilem, pro utraque parte; & ad minus hoc motiuum semper erit in promptu, quod rationes in contrarium non cogunt ad hunc assensum, quod fœtus humanus ante trigessimum, vel quadragesimum diem anima rationali non viuat; & sic dari potest pro utraque sententia assensus opinatiuus, & probabilis, qui à scientifico, & ab illo qui est Diuinæ Fidei, distinguitur in eo, quod dubius sit.

¶ Secundo, quia sunt Auctores quidem ex schola Medicorum antiquiores, & Primarij, Hipp. Galen. Auic. & plures ex recentioribus, qui dicunt fœtum à principio vivere, & alij qui negent & experientiæ ipsæ, quæ rem esse dubiam ostendant; igitur in praxi prudenter quilibet dubitare potest, an fœtus humanus toto hoc tempore sit anima rationali animatus, vel non.

Et confirmatur ex variis Anatomicorum obseruationibus; quarum Prima est illa quam ex *Hist. lib. de nat. puer.* adducit etiam *Galen. lib. de form. fœt.* & in *lib. de sem.* & nos etiam adduximus; Hippocrates namque describens genituram sex diebus in utero retentam, ait: *Si quis cruci putamen auferat, membranamque intericrem relinquat, quod intus est, liquidum comparat; quod similiter ferè habebat; tamen coloris rubri, & retundum erat quidamque fibræ; venæque crassa alba in membrana inesse cernebantur, sanie crassa, & rula conuolutæ, circa quæ membrana extrinsecus cruenta sanguinolenta quæ quædam varices, vitæque connectebantur; medicæque membrana loco, tenuis quid extabat, quæ mihi umbilicus videtur, quo primo respiraret, membranaque tota semen complexa ex eo circumdataur. Hoc quidem sex dierum fœtalem.*

Et deinde promittit aliud testimonium de animatione fœtus humani, quod est inquit, quatenus quis homo mortalis de hoc negotio scire, & dicere possit. At vero in *lib. de carn.* promissam fidem soluit dicēs, *Abortum septem dierum in aqua iniectum, omnia diligenter inspiciens, habuisse rudimenta partium, & membrorum, nempe lica oculorum, nasum, aures, manus, & earum digitos, corpusque totum.* Hanc ipse obseruationem dicit sibi non semel à fœctis demonstratam fuisse & per se etiam vidisse.

Ex his duabus obseruationibus colligitur incertitudo animationis. primo; quia illud punctum rubrum quod Hippocrati in genitura sex dierum apparebat, Galenus putat fuisse iecur. Auicenna cor arbitrat, recens Gulielm. Haruæus nititur probare esse sanguinem primogenium, quem viuere, & primo animatum esse affirmat, & multis probare contendit exercit. 30. & 31. fol. mihi 189. & 195. contra communem Philosophorum sententiam, qui constanter negant, sanguinem viuere quare si punctum illud sanguis erat dubitari potest, an viveret.

Secundo quia ut *Mercurialis, in adnotat. ad illa verba Hippocratis ex lib. de Carn.* Porro *vita septem dierum est*, animaduertit Hippocratem varium esse, & diuersum à seipso; nam hoc loco; ait, conceptui septem dierum inesse omnia, quæ corpus habere debet; & in *lib. de nat. puer.* asserit in genitura sex

sex dierum nihil eorum, quæ ibi vidisse refert, apparuisse: quæ diuersitas, vt supra sect. 4. vidimus, quibusdam occasionem dedit dubitandi, an *lib. de Carn.* esset Hypocratis; sed quamvis sit reuera eius legitimus partus, tamen diuersitas inter vtramque experientiam negari non potest; quare vt eam tollant aliqui dicunt genituram sex dierum ab Hippocrate visam esse in se immediatè, & sine speculo, quod particulas sensum fugientes, posset sensibilibiter ostendere; at verò alias quas recenset in *lib. de Carn.* obseruasse iniectas in aquam, quæ speculum est, & augere poterat minima illa partium rudimenta, & partes apparentes ostendere. Mercurialis loc. cit. alio modo hanc differentiam conciliat dicens, in fortè sextæ diei nihil vidisse, in aliis autem septem dierum, vestigia tantum deprehendisse membrorum, vel hic res apparentes, ibi tantum res inexistentes, narrasse. Constat igitur rem esse dubiam.

Secunda experientia est *Felici Laterij*, qui in *quæstionibus Medicis, quæst.* 1. testatur se per multos annos plurimos abortus vidisse qui prima septimana ita se habebant. *Exurgit*, inquit, *primum* vis illa procreatrix in semine latens, & recondita, ac insigniores seminis portiones, quæ à trilus parentum principijs defluerunt, in tres quasi bullas spiritibus surgentes discedit, quæ cerebri, cordis, & iecoris sunt rudimenta, in exiguo corpusculo inclusa reliquasque illi adhaerentes, portiones in artus, illique adnata membris ruditer segregat, quæ prima septimana fere perficiuntur, ita ut tum reiecto per abortum Embryone, informis talis massula ex semine veluti concreta rotunda, & convoluta, trilus hisce bullis distincta, appareat; qualem & salvia illa quæ per vim saltu impetuoso abortum sibi conciliarat, obseruasse scribit. Hippocrates. Egoque huiusmodi reiectum glæculi rotundi, & alli instar magnitudine avellane in quadam, quæ quotannis abortitæ, vidi; atque ex Amnio tenui cui innatabat exerui; cum ab invicem deducerem, tres huiusmodi bullas; quarum inferior iecoris rudimentum exprimens; pallidior; non tamen rubra erat, obseruavi; quatuorque portiones pro brachijs, & pedibus formandis, & quod spectatu iucundum duo puncta nigra minutissima, oculis dicata notavi. quæ vii, & in alijs; sic & in generosa quadam, quæ toto fere biennio,

quod mirum, & inaudisum singulis mensibus abortiebat, saepeque ad me huiusmodi abortum, ut quid esset judicarem, trans mittebat similiter sic se habere deprehendi, &c.

Quarta experientia est *Varolij* apud *Riclanum* cap. 6. qui foetus tum viginti dierum vidit in quo homo confusè formatus, caput extra collum referebat. At *Riolanus* ibi in foetu vnius mensis testatur se non vidisse, nisi corpus omnino informe inftar formicæ ex quo tenuissimum rubrum filamentum pro vmbilico protendebatur: at *c. vlt. eiusdem lib. idem Riolanus* duos foetus bimestres testatur vidisse primum plenè formatum, cum omnibus membris: secundum autem non omnia membra perfectè ostendebat: & ibidem dicebat, anno 1608. vidisse se alium foetum vnius mensis, & in eo omnes partes invenisse jam descriptas, & conformatas.

Exhinc cognosce incertitudinem huius facti; nam aliquando foetus vnius mensis est perfectè formatus, interdum verò foetus duorum mensium minime.

6 Et tandem cum ipso *Riolano* in lib. *Adinaduers. ad anat. Laurentij* fol. mihi 671. conclude quod, si verum fateri volumus conceptionis rudimenta, & fetus formatio intra primum mensem nobis ignota est, & nostræ cogitationes sunt coniecturales, quia nemo naturam inspexit operantem. Atque, ut idem Auctor. d. 6. cap. aiebat. pauci, vel nulli productionem siue procreationem, qua fit à tempore concreti seminis usque ad mensem integrum observarunt; nam ob parvitatem pusilli corpusculi, vel spernitur, vel non potest accurate discerni delineatio; &c. ergo tempus primæ animationis est valde dubium.

7 Tandem probatur: nam illa sententia dicitur tum speculatiue, tum practice probabilis, quæ non levi ratione, sed etiam auctoritate fulcitur, ut *Sanchez* in sum. lib. 1. cap. 9. n. 7. & *Diana* part. 4. tract. 4. resol. 30. sed quod tempus animationis in humano foetu sit dubium, monet in primis non semel Spiritus sanctus in factis Literis, confirmant deinde aliqui ex Sanctis Patribus, conuincunt postea plures rationes, consonant postremo Doctores, & tandem patet experientia: ergo quod hoc tempus
fit

fit practice dubium, & non sit novum, & speculativum commentum est opinio plusquam probabilis.

S E C T I O X I .

Resolvitur difficultas ab initio proposita.

S V M M A R I U M .

- 1 *Fætus abortivus quocumque tempore cietus baptizandus est sub conditione.*
- 2 *Tenetur quilibet saltem ex charitate proximi extreme periclitantis salutem adjuvare, etiam cum propriæ vitæ periculo.*
- 3 *Quæ obligatio videtur esse certa de fide.*
- 4 *Admisso dubio practico, de existentia animæ rationalis in fætu urget obligatio ministrandi Baptismum sub conditione; quia, Sacramento non fit iniuria, & sulvenitur proximo in periculo gravissimo.*
- 5 *Moribundus, qui sensibus est destitutus, si saltem confessionem petijt, absolute est absolvendus: conditionate vero, si confessarius dubitet, an sit satis dispositus.*
- 6 *Imo etiam si confessionem non petijt, & nulla dedit signa contritionis, si Christianè vixit, est sub conditione absolvendus, iuxta probabilem multorum sententiam.*
- 7 *Arguitur ex dictis, & ex simili de Baptismo collato in capillis reiterando sub conditione; quod fætus humanus abortivus sub conditione sit baptizandus.*
- 8 *Etiamsi dubium de vita rationali abortus esset negativum, baptizandus est..*
- 9 *Probatur conclusio, etiam ad mentem S. Thomæ.*
- 10 *Imo stante iudicio quorundam contraria sententia, adhuc baptizandus est, quia illud iudicium non est iure, sed est factum.*
- 11 *Ratio est, quia in Sacramentis necessitatis, cuiusmodi est Baptisma, peccatum est sequi opinionem, probabilem; quæ salutis animarum sit periculosa.*

12 ostenditur quod iudicium, de vita humana satis astrictum, habet omnia requisita, ut sit morale practicum.

Respondeo igitur ad quæsitum ab initio factum, quod quando fœtus abortivus, elapso quocunque tempore à conceptione excutitur ab utero matris; si in illo appareant lineamenta fœtus humani propria, propter quæ à mola distinguitur non licet illi negare Baptisinam, sed debet ministrari sub conditione, aut verbis expressa, vel saltem mente concepta. *Si es capax ego te Baptizo. In nomine Patris, & Filij, & Spiritus Sancti.* Intelligendo sub tali conditione, tam vitam rationalem, si illam habeat, quâ ablationem verbis significatâ, ut forma verificetur, si nimirum interpositæ secundinæ nō impediunt.

2 Primo probatur; quia quilibet tenetur saltem ex obligatione charitatis, etiam cum periculo propriæ vitæ corporalis subvenire proximo extreme periclitanti, quoad animæ salutem; quam doctrinam tradunt omnes Theologi, tum scholastici, tum morales, ut videre est apud *Suar. de triplici virtut. Theol. tract. 3. disput. 9. sect. 2. n. 2.* & apud *Bonac. tract. 2. disp. 3. q. 4. punct. 4. n. 2. P. Theophil Raynaud. de ortu infantium c. 6. n. 8. & 9.* & videtur esse certa de fide, nam Joannis Epistola 1. cap. 3. dicitur: **3** *quod nos debemus pro fratribus animas ponere.* Et omnes Doctores afferunt exemplum de paruulo moribundo ante usum rationis; & dicunt, hunc esse baptizandum, etiamsi minister propter tale ministerium mortis periculum subiret: quidquid dicat Sotus, quem redarguit Suarez, ibidem: & quoad infantes Christianorum communissima est doctrina, ut contra Joann. Sanch. defendit d. P. Raynaud. d. c. 6. n. 9. & 10. sed in nostro casu, si in fœtu existat anima rationalis, & non baptizetur infans sub prædicta conditione, periclitatur anima inevitabiliter propter peccatum originale contractum in unione illius cum corpore; ergo quilibet tenetur baptizare.

4 Secundò quotiescunque hic, & nunc non remere, sed cum fundamento formidare potes, quod tua culpa & omissione anima proximi æternam damnationem incurrat, teneris illi subvenire, de opportuno remedio: sed excluso de utero matris

matris abortu potes, ut patet ex dictis, prudenter, & non temere suspicari, quod ibi anima rationalis existat, certissimè damnanda, nisi baptizes; ergo iam teneris dubium morale admittere, & iudicium practicum formare, de administratione Baptismi, & cum huiusmodi remedio, tibi tam facili, illique omnino necessario, subvenire. Et ratio à priori est, quia nulla fit injuria Sacramento si enim conditio de facto non verificetur, verba formæ suo fine non frustrantur, cum non proficiantur nisi cum intentione conditionata: & quidem cum fundamento probabili dubitas, ergo prudenter operaris, dum remedium applicas ad impediendum periculum probabile.

Tertio, quando moribundus absente confessario petit confessionem, & postea sensibus destitutus est, potest, imo debet absolvi à confessario superveniente, cui per alios, ut loquitur *Paul V. in Rituali Romano* desiderium huiusmodi confessionis innotuit: quod si, stante tali testimonio Sacerdos adhuc dubitet, an scilicet infirmus habeat sufficientem dispositionem, tenetur illum sub conditione absolvere: quod *Eminentissimus de Lugo latè docuit de Pœnitent. disp. 17. sect. 5. n. 91. ubi etiam n. 87. asseruerat*, ad idem teneri etiam si Confessarius sit ex illorum auctorum sententia, qui dicunt, non posse absolvi moribundum, qui saltem unum peccatum in specie non dixit; & ratio est, quia ad minus sententia contraria propter auctoritatem, est extrinsece probabilis, ac proinde talis, ut eam possit Sacerdos amplecti tuta conscientia: quoties autem potest absque gravi incommodo subvenire proximo graviter periclitanti circa æternam salutem, ad id tenetur. Ergo.

Imo etiam si moribundus nulla signa contritionis ostenderit, neque desiderium confessionis declaraverit, si Christiane vixerit, & Sacramenta frequentaverit, absolvi posse sub conditione docuerunt antea *Melfes. in Sum. tom. 1. tract. 7. cap. 5. num. 48. Homolon: in exam. Eccles. part. 1. tractat. 7. cap. 58. num. 7. Alex. Ludovisius Archiepiscopus Bononiensis, postea Summus Pontifex Gregorius XV. in memor. Confessariorum cap. 1. num. 16. ubi id in praxi præcepit observari. Petrus Marchant. in Tribun. Sacram. tom. 1. tract. 4. tit. 4. dub. 7. qui*

L

dicit.

licet esset contrariæ sententiæ, periculum expertus in seipso, & ab eo liberatus, deinde illam retractavit: *Lexan. in summ. q. Regulari. tom. 3. v. Confessio n. 11. Aversa de Sacram. Pœnit. q. 10. sect. 18. Pelizzarius in Manual. Regul. tom. 1. tract. 5. c. 3. sect. 1. n. 60. & tom. 2. tr. 8. c. 3. sect. 2. n. 114.* vbi testatur ita practicasse Suarez, Baldellum, & Naldum. *Victorianus Premoli ex Societate Iesu in memor. Clericor. par. 4. c. 1. n. 14. Thom. Tamburin. in methodo expeditæ confessionis lib. 2. c. 10. §. 1. n. 11.* vbi attendens, quod Paulus V. exigit in tali moribundo, quod saltem confessionis desiderium ostenderit, ait: *Satis superque confessionem petijt per mores Christianos tota vita sensibiliter peractos.* *Leander de Sacram. tom. 1. tract. 5. disp. 5 q. 46. & Raynaud de Martyr. part. 2. c. 3. num 7. Illustrissimus, & Reverendissimus Dominus meus D. Ioan. Caramuel. Episcopus Campaniensis, &c.* qui, & si sententiam contrariam laudem, dicit tamen peccaturum mortaliter illum, qui in casu practico deposito proprio dictamine, moribundum, qui omnibus sensibus destitutus est, & nullo externo signo confessionem petijt, non vult absolvere. Cur ergo puerulum omnibus operationibus destitutum, quem tamen vivere, & esse Baptismi capacem, prudenter dubitas, baptizare negabis? Ita in simili casu, de Baptismo in capillis collato, dixit: *Eminentissimus de Lugo in Responf. Moral. lib. 1. dubit. 1. num. 12. de Pœnitentia disp. 7. sect. 13. num. 273.* vbi docet esse obligationem rebaptizandi sub conditione, quoties adest morale dubium in facto de valore primi Baptismi; vt in casu de illo, qui baptizatus fuit in capillis. Et hoc propter inconuenientia, quæ sequerentur si primus baptismus non fuisset validus exponeretur enim periculo æternæ damnationis ille baptizatus in capillis, si baptisma non fuisset validum. Sed quodnam maius inconueniens, quam animas damnari, si sunt in fœtu, & omittatur baptisma propter opiniones contrarias, quæ certitudinem non habent?

Dices esse probabilem opinionem S. Thom. putatam, & quorundam medicorum, quod ante diem trigesimum fœtus non vivat anima rationali; qui ergo se conformaret huic opinioni, prudenter operaretur; ergo non peccaret; ergo non datur talis obligatio.

Respondeo

Respondeo Sanctum Thomam nihil de spatio triginta dierum docere, sed solum, quod foetus humanus vivat à principio anima tantum sensitiva: Quanto autem tempore duret hæc vita, & incipiat anima rationalis esse in foetu, aliorum iudicio relinquit. Medici autem, si rectè expendantur, dicunt foetum ante trigessimum diem regulariter non habere membra perfectè distincta, & formata; aliquando vero etiam propter activitatem agentis, & dispositionem subiecti prius habere illa distincta, ergo etiam si concedamus opiniones illorum esse probabiles, adhuc non adest motuum efficax ad prudenter formandum assensum probabilem, & iudicandum ante trigessimum diem, non adest animam rationalem; quia intellectus adhuc manet dubius an hic, & nunc foetus, qui membranis est involutus, sit ex numero illorum, qui propter maiorem activitatem agentis, ante trigessimum diem sit formatus; & consequenter animatus vita intellectuali: Et etiam potest dubitari, an tempus conceptionis, à quo pender determinatio triginta dierum fuerit exactè observatum; dabitur ergo in isto casu dubium negativum, quod, ut docet: *Eminentissimus de Lugo d. dub. 1. num. 12* tunc est, quando neutri parti possumus assentire; ergo erit obligatio ministrandi Sacramentum; quia in dubio de periculo animæ tenemur adhibere remedium certum.

Tertio probatur etiam ex doctrina Sancti Thomæ in 4. distinct. 6. q. 1. art. 1. ad primum: nam ibi respondens quæsito, an in baptizando natiuitas ex utero sit expectanda, resoluit affirmativè, quia ex D. Dionysio de Eccles. Hier. cap. 4. Baptismus est actio Hierarchica, & ideo per Ministros Ecclesiæ conferendus est, vel per eos, qui in necessitate vicem Ministrorum obrinent; sed puer quandiu est in utero matris existens, subijci non potest operationi Ministrorum, nec est hominibus notus, ideo infert non esse baptizandum, Si ergo S. Doctor ex tot experientijs, & ex iudicio peritorum, & rationum probabilitate, quæ nostris temporibus habentur, suo tempore potuisset sibi persuadere, quod in foetu abortivo, notum hominibus saltem ex probabili opinione esset, quod si puer iam extra matris uterum esset, viveret anima rationali, utique intulisset esse baptizandum.

baptizandum. Et propterea sententia illorum, qui dicunt non posse baptizi infantem intra matris uterum, quia non potest renasci qui non est natus, iam pridem antiquatam esse, & contrariam esse receptam, dummodo ablutio pertingat ad ipsum in secundina involutum, testatur Theoph. Raynaud. *dict. tract. de oru infantium, cap. 6. n. 13.*

Ultimo probatur principaliter nostra sententia, quia etiam si, saltem propter quorundam Medicorum auctoritatem, & fere univērsalem consuetudinem obstetricum, non baptizandi huiusmodi fœtus sub conditione esset probabilis opinio, quod ante trigēsimum diem non teneamur ministrare Baptismum fœtibus abortivis, tamen quia hoc iudicium probabile non nascitur ex aliqua ratione, siue, ut loquitur Sanchez statim citandus non provenit ex jure, sed ex facto, quo nimirum si subiectum, cui applicandum est medium salutis, sit capax, adhuc probabilis sententia illorum non sufficit ad hoc, ut non detur obligatio baptizandi, ergo baptizandus est talis fœtus sub conditione.

Probatur consequentia; quia, quidquid sit de aliis Sacramentis, an in eorum collatione, & susceptione liceat sequi sententiam probabilem: in baptismo tamen, Sacerdotio, & Episcopatu, propter eorum necessitatem, & ad vitandum irreparabile damnum, quod si non ministrentur, consequeretur, debemus quoties fieri potest, certum, & securum medium adhibere, ut post *Scutum, Suarez, Vasquez, & alius dicit Sanchez in lib. 1. cap. 9. n. 32. 33 & 34. & novij. mō Cardinalis de Lugo dict. n. 11.* qui omnes asserunt, tunc in administratione Sacramentorum licere sequi opinionem probabilem, & minus tutam, quando non sit contra præceptum charitatis, & misericordiae respicientis remedium necessarium proximi. At vero quando charitas urget, peccat minister, sequens opinionem probabilem, minus tamen tutam, si proximo moribundo certa via succurrat: at in casu nostro, etiam si minister sequatur opinionem probabilem illorum Medicorum, quia tamen eligit viam minus tutam hoc est omissionem baptismi, & exponit animam illam, si existat in fœtu, certissimo damnationis,

nis,

nis periculo ; peccat ; ergo datur obligatio baptizandi sub conditione.

Dices non dari iudicium morale in presenti , quo aliquis possit prudenter formidare ex sententia Medicorum, sequi Animæ damnationem, sed solum iudicium speculativum, quod non satis est ad innouandum in re tam gravi.

Respondeo, cum iudicium morale, sit illud, quod est iuxta hominum morem, & prudentem consuetudinem, ut *Eminentiss. de Lugo d. num. 12* docet ; atque, ut patet ex sententiis relatis, & variis modis, quibus, quicumque hanc difficultatem examinarunt, illas sententias applicant ad explicandum hoc factum animationis fœtus, cuius non est certum tempus, sed omnes Auctores procedunt ex coniecturis, & sic dubium sit, an anima rationalis statim, post aliquot horas existat in fœtu, an intra septem dies, an istis elapsis, usque ad decimam quintam, vel decimam septimam, decimam nonam, vigesimam quintam, trigessimam, vel ulterius expectet, quid deest, & quid requiritur ad formandum dubium morale in re tam incerta, de qua non omnes Medici eodem modo loquuntur, quam S. Augustinus dicit se nescire, an sciri possit, mater Machabæorum ignorat, Deus ipse indecisam relinquit, & Spiritus Sanctus tamquam inscrutabilem, & soli Deo notam proponit : certe non video, quæ utilitas vel honestas fundatur, ut tam facile remedium omittatur, & tam magno periculo, imo extremæ damnationi infinitæ propemodum abortivorum animæ exponantur, quod etiam si non multa, sed pauca, vel una tantum anima hoc remedio saluaretur, adhuc non esset nostra diligentia inutilis, & frustratorius labor. Si enim ex *D. Gregorio in Psal. 50.* verum est, quod nullum tam gratum est sacrificium, quam zelus animarum, nihil Deo charius ab animarum ministris, nihil illarum saluti utilius operari potest, quam animas, si existant, & Baptismo sint capaces, certo certius saluare, alioquin si renuas baptizare, infallibiliter damandas.

SECTIO XII.

Proponitur Argumentum principale contra supradictam sententiam.

SVMMARIUM.

1. Rationes plures occurrunt, quibus redditur difficile, quod in re tam gravi Ecclesia Catholica huc usque non prouiderit de necessario remedio.

2. Afferuntur cap. maiores de Baptismo, quo videtur probari quod non scribitur

L. 3.

non

non formatis remedium Baptismi non sit institutum.

- 3 *Error est dicere parvulos nondum formatos, & in vtero matrem morientes per ipsorum parentum lachrymas saluari.*
 4 *Pij V. iussu suppressum est Commentarium Caiet. in artic. 2. q. 68. 3. p. S. Thomae.*

A Nonnullis, quorum apud me multum valet auctoritas, opponitur quoniam in re tam graui: non est verisimile, vniuersalem Ecclesiam, quæ Spiritus sancti regimine gubernatur, neque sub eo errare permittitur, tanto tempore desidem fuisse, & non ordinasse remedium adeo necessarium pro animabus abortiuorum, imo tot Sapientissimos, & Doctissimos viros qui semper in Ecclesia Dei præfuerunt nunquam vidisse tam ingens animarum discrimen; & si præviderunt ob solam Philosophorum sententiam stetit, quin parvulorum parentes & Parochos admonuerint, vt abortiuos sub conditione baptizarent.

Confirmatur primo, quia in cap. maiores de baptis. contra Hereticos qui volebant solos adultos esse baptizandos. Innocentius III. dicit: *Ab sit, et vniuersi parvuli pereant, quorum quotidie tanta multitudo moritur, quin & ipsi misericors Deus, qui neminem vult perire, aliquod remedium procurauerit ad salutem.*

Cum ergo Summus Pontifex ex voluntate, qua Deus vult neminem perire, inferat remedium contra originale peccatum, scilicet baptismum esse etiam pro parvulis institutum, & ideo parvulis jam perfecte formatis, statuat Baptismum esse ministrandum; cum de imperfecte formatis non loquatur, sequitur etiam noluisse ad eos hoc remedium pertinere, ergo etiam sub conditione non sunt baptizandi.

Confirmatur secundo, quia rejicitur tamquam error sententia Gersonis *Serm. de B. virg. part. 3. consid. 2. Gabr. in 4. dist. 4. q. 2. dub. 2. & Caietani Com. in art. 2. & 11. 68. q. 3. part. 5. Thomae, qui dicebant parvulos nondum formatos, & in vtero matrum morientes per lachrymas, & preces parentum saluari & ideo Pius V. vt notauit Valer. 10. 4. disp. 6. q. 4. part. 4. præcepit hanc doctrinam expungi, & penitus deleri, ex Comment. Caiet. in ad. art. 1. & 11. vt videre est in impressionibus post ipsum Pium V. & ideo Vega de iustific. lib. 5. cap. 15. acriter reprehendit hos auctores quasi octauum Sacramentum introducere ausi sint in Ecclesia Dei, & Nunnus in 3. part. q. 68. art. 2. diff. 4. concl. 1. manifeste vocat erroneam huiusmodi doctrinam, & temerariam: ergo in re tam graui, in qua viri doctissimi lapsi sunt, non est tam facile innouandum.*

SECTIO XIII.

Proponuntur, & referuntur Summi Pontifices, & Concilia
pro solutione prædictorum.

S V M M A R I V M.

- 1 Siricius Papa mandat omnibus, qui sunt in periculo mortis etiam pueris, quis per atatem loqui non possunt ministrari Baptismum.
- 2 Leo primus, quod omni tempore periclitantibus Baptisma ministretur, decernit.
- 3 Concilium Cartaginense, statuit ut omni tempore puero, qui in utero matris formatus est hoc Sacramentum conferatur.
- 4 Sexta Synodus, iubet ut parvulo egrotanti à nullo presbytero baptisma negetur.
- 5 Concilium Mileuitanum. excommunicat, qui parvulos recentes ab veteris matrum egressos negat baptizandos esse.
- 6 Concilium Parisiense. statuit nullo tempore hoc Sacramentum esse dandum, nisi tempore Paschæ, & Pentecostes; excipit tamen egrotantes.
- 7 Concilium Gerundense parvulos qui infirmi egrediuntur maternum, iterum, eadem die dicis esse baptizandos.
- 8 S. Gregor. Papa statuit, ut si quæ mulier, quæ peperit sit in periculo mortis, eadem die, & hora qua nascitur, id quod genuit, baptizetur ne periculum sit in mora.
- 9 Concilium Matisconense decernit, ut filij qui ex infirmitate, vel imminente periculo urgentur, baptizentur, etiam extra præscripta tempora Paschæ, & Pentecostes.
- 10 Idem præcipiunt Concilium Moguntinum, Vormatiense, & Triburinense.
- 11 Rituale etiam Romanum sub Paulo V. & sacerdotale Samarini, ordinant, quod mortua matre prægnante fœtus caute extrahatur, & si vivus est baptizetur.

VT prædictorum solutio melius, & cum maiori fundamento pateat notanda sunt decreta Summorum Pontificum, & Conciliorum tam Generalium, quam provincialium de hac materia disponentium.

Primo Siricius Papa in Epist. ad Himerium Tarracoen. cap. 2. licet statuatur tempus Baptismi esse diem Paschæ, & Pentecostes tamen Infantibus, quin nec dum loqui possunt, per atatem, vel his, quibus in qualibet

neceſitate opus fuerit ſacri vnda baptiſmatis, omnis volumus cele-
ritate ſuccurri, ne ad noſtrarum perniciem tendat animarum, ſi ne-
gato deſiderantibus fonte ſalutari, exiens vnusquiſque de ſeculo,
& regnum perdet, & vitam, &c.

Leo Primus in Epiſt. ad Epiſcopos Siculos, dicit, quia, eſi ſunt
alia quæque feſta, quibus multa in honorem Dei reuerentia debeat-
ur principalis tamen, & maximi Sacramenti cuſtodienda nobis
eſt myſtica rationis exceptio, non interdicta licentia, qua in baptiſmo
tribuendo quolibet tempore periclitantibus ſubvenitur, &c.

Concilium Carthaginense ex Epiſt. 8. lib. 3. D. Cypriani, & aliorum
ad Fidum Preſbyterũ de Infantibus baptizandis, hæc habet, Quan-
tum vero ad cauſam infantium pertinet, quos dixiſti intra ſecun-
dum, vel tertium diem, quo nati ſunt conſtitutos baptiza-
ri non oportere, & conſiderandam legem eſſe Circumciſionis an-
tiquæ, vt intra octauum diem eum qui natus eſt, baptizan-
dum, & ſanctificandum non putares; longe aliud in Conſilio no-
ſtro omnibus viſum eſt, ſed vniuerſi potius iudicauimus, nulli ho-
minum nato miſericordiam Dei, & Gratiã, denegandam, nam cum
Dominus in Euangelio ſuo dicat. Filius hominis non venit animas
hominum perdere, ſed ſaluare, quantum in nobis eſt, ſi fieri poteſt,
nulla anima perdenda eſt, quid enim ei de eſt, qui ſemel in utero,
Dei manibus formatus eſt, &c.

Sexta Synodus Conſtantiopolitana de Can. Apoſt. c. 2. Si Parvulus
agrotans ad quemlibet Preſbyterum baptiſmi gratia, de cuiuslibet
Parochia allatus fuerit, ei baptiſmi Sacramentum nullo modo dene-
getur. Si quis hoc munus petenti concedere detrectauerit, & ille
Parvulus abſque baptiſmi gratia mortuus fuerit, nouerit ſe ille, qui
eum non baptizauit, pro eius anima rationem redditurum.

Concilium Mileuitanum c. 1. & 2. Item placuit, vt quicumque Par-
vulos recentes ab uteris Matrum baptizandos negat, &c. Anathe-
ma ſit.

Concilium Pariſienſe c. 7. baptizandi ſibi quiſquam paſſim quo-
cumque tempore nullam credat eſſe fiduciam, præter Paſchale feſtum,
& Pentecoſtes venerabile Sacramentum, excepto dumtaxat grauiſſi-
mi languoris incurſu, in quo verendum eſt, ne morbi crescente periculo
ſine remedio ſalutari forſa ſis agrotans excidio preventus abſcedat.

Concilium

Concilium Gerundense cap. 5. De Parvulis, qui nuper è materno utero editi sunt, placuit constitui, ut si infirmi (ut afflicti) fuerint, & lac maternum non appetant, etiam eadem die, qua nati sunt, si oblati fuerint, baptizentur.

S. Gregorius Papa Primus in respons. ad Augustinum Episcopum Cantuar. cap. 10. Baptizari autem, vel enixam mulierem, vel hoc, quod genuerit, si mortis periculo urgetur, vel ipsa hora eadem, qua gignit, vel hoc, quod gignitur, eadem, qua natum est, nullo modo prohibetur; quia sicut sancti mysterij gratia viventibus, atque discernentibus cum magna discretionem providenda est, ita quibus mors imminet, sine ulla dilatione afferenda est; ne dum adhuc tempus ad frabendum Redemptionis mysterium quaritur, interveniente paululum mora inveniri non valent, qui redimatur, &c.

Concilium Matisconense cap. 3. Censemus, ut ex hoc tempore Pasche, & Pentecostes nullus permittatur filios suos baptizare prater illos, quos infirmitas nimia, aut dies extremus compellit.

Concilium Moguntinum cap. 4. & Synodus Moguntina cap. 3. & concilium Vormatiense cap. 1. & Concilium Triburiense cap. 12. idem statuunt.

Imo ex moderno Rituali Romano iussu Pauli V. edito anno 1614. statuitur, quod si mater prægnans mortua fuerit fœtus quàm primum cautè extrahatur, & si vivus est, baptizetur.

Constat igitur summos Pontifices, & Concilia summa diligencia, & sollicitudine semper instituisse, ut quotiescunque parvuli recentè nati, & fœtus viui periclitantur, baptizentur.

Monstrum quod humanam speciem non præse ferat baptizetur sub hac conditione, si tu es homo, ego te Baptizo &c.

S E C T I O X I V .

Solvitur principale argumentum.

S V M M A R I V M .

- 1 *Antiqua Ecclesia consuetudo à tempore Apostolorum inchoata est, ut parvuli baptizentur.*
- 2 *Ecclesia Catholica nunquam fuit negligens circa baptismum Abortiuorum.*
- 3 *Summi Pontifices, & Concilia meritò hunc articulum, de baptismo Abortiuorum noluerunt disputare, cum res infæcto sit valde dubia, sed ministrorum zelo, & prudentiæ commisit.*
- 4 *Imo Deus ipse, ex sententia S. Augustini, noluit veritatem sibi notam declarare propter incertitudinem humani iudicii, cui potius voluit accommodari, ob altissimos suæ providentiæ fines.*
- 5 *Ex quo S. Augustinus rursus dubitat, an in fœtu nondum formato, sit anima rationalis.*
- 6 *Deus vult omnes animas parvulorum salvari; sed voluntate antecedenti.*
- 7 *Hac voluntate Deus non se determinat, ad impediendum ordinem causarum naturalium.*
- 8 *Parvuli abortivi cum respectu aliorum, qui in infantia moriuntur, sint in parvo numero, in Ecclesiæ aliquo Decreto non sunt expressè nominati.*
- 9 *Sed satis sunt comprehensi in generalibus Decretis de baptizandis parvulis vivis.*
10. *Licet matris prægnantis, & iam ad mortem damnata mortem accelerare, ut prolis salutem spirituali provideatur.*
- 11 *Pueros abortivos salvari ex diligentia aliorum opportunè illos baptizari.*

- baptizantium , est generalis Dei providentia , ut docet S. Prosper.* 7
- 12 *Ad industriam Christianæ pietatis pertinere voluit Deus quod parvuli Abortivi aliquando salventur , ut S. Prosper. asseruit.*
- 13 *Non prohibuit Deus tempore Moysæ legis , ut pueri , etiam ante octavum diem circumciderentur : si mortis periculum immineret.*
- 14 *Etiam fœminæ habebant aliud simile remedium.*
- 15 *Tempore legis naturalis ante Moysen aliquod remedium contra originale peccatum erat institutum ; scilicet aliquod sacrificium , vel oblatio sensibilis in generali.*
- 16 *Et horum applicatio pietati , & diligentia aliorum erat commissæ ; licet peculiare preceptum non haberent à Deo : nec ob id parvulorum illorum salus dicitur à Deo neglecta.*
17. *Similiter Ecclesia Catholica non ob id notari debet negligentia : præsertim cum generali precepto , de Baptismo ministrando satis prouideris.*
18. *Quod parentes internis illuminationibus , & inspirationibus moueantur ad id , unde sequitur , quod parvuli baptizentur , est opus Diuinæ Providentiæ.*
19. *Quod utinam sit etiam huius disputationis minimus labor.* 10
20. *Explicat tandem Auctor intentionem suam , quam sapientiarum iudicio , & Sanctæ Romanæ Ecclesiæ auctoritati , & censura humiliter subijcit.*

EX supradictis non erit difficilis positi argumenti solutio ; respondetur enim , quod eodem tempore , quo in Ecclesia Dei decretum fuit contra Hæreticorum sententiam , ex antiqua consuetudine à temporibus Apostolorum inchoata , paruulos esse baptizandos , ut constat ex *Divo Dionysio libro de Eccles. Hierarchia capite septimo vel decimo-secondo parte tertia* & *S. Clem. Romano libro 6. constitut. capite 15.* &

Suar. som. 3. in 3. part. disp. 25. sect. 1. vers. Dico primo: eodem inquam tempore fuisse satis prouisum paruulis abortiuis; nam etiam ipsi, si uiuant anima rationali, comprehenduntur sub dispositionibus Summorum Pontificum, & Conciliorum; & pro ipsis etiam faciunt motiua quæ in præcatis Decretis continentur; tum quia in huiusmodi paruulis, de quibus ibi sermo est, nunquam Ecclesia considerauit tempus Natiuitatis, quot nimirum dies, vel menses haberent à conceptione, sed solum supposito, quod uiui essent, & in periculo mortis constituti, declarauit nullum tempus expectandum, sed esse subito baptizandos; ergo dici non potest; quod tanto tempore Ecclesia Dei negligens fuerit; quod Sancti Spiritus lumine non fuerit circa hunc casum illustrata: & quod Sancti Patres, & Theologi non satis prouiderint.

3. Quod autem Summi Pontifices, & Concilia, quando occasio sese obtulit disputandi, à quo tempore foetus sit absolutè vel sub conditione baptizandus, ab hac quæstione abstinuerint, & sicco pede pertransierint, existimo prudentissimè id fecisse, nam in re tam graui, & quæ ob sui incertitudinem, adhuc sub iudice manet, merito noluerunt definire, sed eam prudentiæ ministrorum, & peritorum iudicio dereliquerunt.

4. Imò quod magis est, Deus ipse, qui omnia nouit, ob eandem rationem, ut *S. Augustinus* notauit, idem voluit obseruare, & rem indecisam omittere, nam *Ex d. cap. 21. num. 22.* Cum Moyse commississet, quod poena pecuniaria ad abitrium puniretur ille, qui mulierem prægnantem fecisset abortiri, si tamen ipsa mulier non fuisset mortua; at verò poena mortis, si mulier culpa ipsius mortua fuisset; interrogat *S. Augustinus*, quare in primo casu non puniat illum poena mortis, cum fieri potuerit, ut foetus, licet non perfectè formatus, uiuus tamen fuerit anima rationali, & sic mortuus sit homo propter illam violentam matris percussione; & quærit cur in isto casu ille, qui caussauit abortum, non sit homicida? & subdens ait. *Hic de anima quæstio solet agitari; utrum quod forma-*

tum non est, nec animatum quidem possit intelligi, &c. & deinde sumpta occasione ex translatione septuaginta Interpretum, quæ sic habet: Si effigatus, vel efformatus sit puer, &c. præmissaque distinctione de foetu informi, & de foetu formato respondet: quod quando foetus est informis, dubium est an sit animatus, & ideò cum hoc non constaret noticia certa, & eo in loco publicaret Deus legē Talionis, noluit pro vita, quæ ad sensum humanum non apparebat, & ideo incerta erat & in existimatione hominum inutilis, certam, & perfectam vitam loco poenæ exigere. Verba Sancti Augustini quæstio. 80. in Exod. sunt. Si ergo illud informe Puerperium iam quidem fuerit, sed adhuc quodammodo informiter animatum, quoniam magna de anima quæstio non est præcipitanda indiscussa temeritate sententiæ, lex noluit ad homicidium pertinere; quia nondum dici potest anima viva in eo corpore, quod sensu caret, si talis est in carne nondum formata, & ideo nondum sensibus prædita, &c.

En igitur, quod iuxta sensum talis Scripturæ dubicans S. Doctor, an in carne nondum formata sit humana vita, dicit: *Si talis est in carne*, ex quo manifestè patet, quod Deus noluit hunc articulum declarare, ob altissimos suæ providentiæ fines vide *Disp. 3. Sect. 19.* Cum ergo nec lex Diuina voluerit magnam de anima quæstionem dirimere, an foetus nimirum nondum formatus, sit viuis anima hominis, nihil mirum, quod etiam Summi Pontifices non determinauerint tempus, in quo Baptisma sit absolutè ministrandum, sed solùm sæpius declarauerint, quod si mortis periculum immincat, nulla mora interpolata, gratia paruulis ministretur.

Ad primam confirmationem respondetur, optimè Summum Pontificem considerare magnam multitudinem paruulorum quotidie morientium in ordine ad voluntatem, quam habet Deus de illorum salute, & ex illa inferre, quod etiam huiusmodi periculo animarum Deus consulit instituendo Sacramentum Baptismi.

Sed est aduertendum cum Theologis in materia de præ-

destinatione, & præsertim in 4. *distin.* 4. & 6. & *Bellarmin. lib. 2. de Grat. cap. 5. ad finem. Vega in in Tridentinum lib. 5. cap. 6. & Suar. 1. tom. in 1. part. numero secundo & lib. 4. cap. 4. num. 16. & Cardin. de Lugo de Sacram. disto 3. num. 25.* quod illa propositio desumpta ex Epist. ad Timoth. cap. 2. *Deus vult omnes homines salvos fieri*, intelligenda est de voluntate inefficaci salutis, quam vocant antecedentem: ex hac autem voluntate non tenetur Deus immutare cursum causarum naturalium, quia iam esset voluntas efficax mediocum; cum igitur circa huiusmodi Parvulos, qui de facto sine propria culpa actuali, vel eorum parentum, carent remedio

7 baptisimi, Deus habeat voluntatem generalem, quantum est de se illos salvandi, nec ex eiusmodi voluntate inefficaci teneatur tollere impedimenta naturalia sequitur, quod instituendo baptismum illis quocunque modo applicabile, siue, ut loquitur *Suarez citat. numero decimo sexto*, diviso utro Matris iure, vel iniuria, siue Matre vivente, & ministerio Angelorum, siue quocunque alio modo eis prodesse posset, sequitur inquam, Deum satis providisse medium salutis sufficiens, etiam si hoc in particulari contingat impediri: nam si verbi gratia, ut loquitur *Sanct. Augustin. libro primo ad Simplicianum*. Mater, vel Pater ab Angelo inspirati, vel à Deo immediate excitati, orationibus, & lacrymis impetrarent, ut huiusmodi filij nascerentur, in tali statu, ut possent baptizari; iam verum esset dicere etiam tunc ante quam nascerentur, quod Sacramentum Baptismi erat a Deo etiam pro ipsis institutum; quare si de facto immaturo tempore, & per abortum egressi sunt ad lucem, quia utri mater in infirmitas, vel ipsius fœtus intemperies, aut quid aliud naturale, ita fuit in causa: solum sequitur quod Deus non immutaverit cursum naturalem causarum secundarum; non autem quod non sit verum, quod Deus sua generali Providentia velit, quantum est de se, hos parvulos baptizari.

8 Quod si Ecclesia non fecit mentionem expressam de istis aborti

abortivis, & informibus, est, quia, ut notavit *D. Cardinal. de Lugo*, citat numer. 26. respectu aliorum parvulorum, qui in Infancia moriuntur sunt in parvo numero; nec propterea sequitur, ad illos non pertinere baptismum; quia cum Ecclesia expresse statuerit, parvulos recenter natos imminente mortis periculo esse baptizandos, satis ostendit & declaravit suam voluntatem circa illos si iudicio prudenti existimantur vivere cum in illa propositione generali illi etiam includantur.

Nec valet illatio, quod Ecclesia nunquam fuit expresse loquuta de foetu abortivo non formato, ergo ad istum baptismum non pertinet: non valet inquam, quia de iis qui respectu aliorum pauci sunt non erat necesse legem particularem concedere, cum facile posset de illis judicari ex interpretatione legis generalis; sicuti non valet, Ecclesia nunquam decrevit, quod si Mater pragnans sit ad mortem damnata, & differendo supplicium usque ad partum, iuxta *leg. pragnantem digest. de fan.* periculum probabile sit, quod puer moriatur, tunc liceat accelerare supplicium Matris, ut vita spiritalis illius foetus salvetur, non valet inquam; ergo non licet accelerare supplicium Matris; nam & si *Paludanus in 4. distinct. 6. quest. 1. vers. c. Tertio contra*, dubius sit, tamen bene. *Suarez 3. tom. m. 3. part. quest. 68. comment. in articul. 11.* dicit id licere absolute, servato tamen Juris, & Justitiæ ordine: nam in isto casu nemini fit injuria, & alioquin bono spiritalis illius pueri providetur, & quod lex illa mandet differri supplicium Matris, est in bonum proles, ergo si bonum, & vita proles periclitatur, cessat lex per Epiicheiam, & ei magis consentaneum est anticipare, quam differre mortem Matris: ergo similiter, licet Ecclesia non præceperit, abortivum informem esse baptizandum sub conditione non valet illatio, ergo non est baptizandus; quia isti sunt casus de minus contingentibus, de quibus lex non disponit in particulari, & in generali, ut vidimus satis disposuit.

Aliam

Aliam similem rationem affert *S. Prosper*, non omittemdam in presenti; ipse enim occurrens obiectioni Hæreticorum dicentium, quod si verum est, quod Deus vult omnes homines saluos fieri; quid est quod multos paruulos permittit sine baptismo decedere, si enim habet hanc voluntatem Deus, cur non disponit sua Prouidentia, vt omnes paruuli antequam moriantur, baptizentur.

- 41 Respondet *D. Prosper lib. 2. de vocat. Gent. cap. 23.* his verbis, *Irreligiōse arbitror credi, quod isti paucorum dierum homines ad illam pertineant gratiæ partem, quæ semper vniuersis est impensa, nationibus; quæ vtiq; si bene viderentur, paruuli etiam ipsi per eosdem inuarentur, &c. sicut enim ex aliena confessione credunt, ita ex aliena infidelitate, aut dissimulatione non credunt, &c.*

Sententia igitur *S. prosperi* est; quod habet quidem Deus voluntatem, vt paruuli, qui sine baptismo moriuntur, saluentur, sed talem habet voluntatem, qualem ipsorum capacitas postulare videtur, & qualem semper habet Deus erga omnes nationes, dandi nimirum auxilia generalia, hoc est auxilia non quidem omni modo possibili, nam hoc pertineret ad voluntatem efficacem, & specialem; sed per ordinarias causas, in quibus satis est, quod existat virtus, per se sufficiens ad illos baptizandos: quia verò paruuli si baptizantur, non nisi ex aliena voluntate, diligentia, & confessione baptizantur, & vt loquitur *D. Prosper*, credunt, & saluantur; contingit sæpius, vt ex aliena infidelitate, dissimulatione, aut negligentia non baptizentur, & adhuc dicitur Deus habere hanc voluntatem, vt saluentur.

- 12 Et cap. 24. sequenti occurrens instantiæ quorundam, qui arroganter, imo blasphemè de Deo dicebant, non esse iustum, quia non omnibus paruulis simili prouidentia consulit. Respondet demonstrans, quam immeritò Diuinitæ Justitiæ succenseant; quia si ita fieri oporteret, vt omnes causæ remouerentur, à quibus mors illorum ante baptismum proueniret, deberet Deus cum omnibus paruulis ita obseruare, vt

om-

omnes baptizarentur ; cum de omnibus sit eadem ratio ; atque ita non esset metuendum ; aut de negligentia illorum , ad quos cura parvulorum spectat ; aut de morte ipsorum , quia non posset impediri Divina Providentia ; sed ad eam tantum perqueret , ut non carerent hoc remedio salutis ; & ita sequeretur. Primo , quod esset inamissibilis salus Infantium. Secundo quod facile à Pelagianis dici posset , Gratiam Dei dari secundum merita ; quia innocentia parvulorum posset attribui. Tercio quod baptismus adoptaret quidem illos in filios , sed originalem culpam non dilueret , ut dicebant Pelagiani supra relati in Proœmio. At huiusmodi errores , & hæreses detestantur omnes Fideles , & qui de divina Providentia catholicè sentiunt , & fatentur occulta quidem , sed iusta Dei discretionem illorum salutem esse effectum Divinae Gratiæ ; aliorum autem damnationem à peccato originali procedere , & ab illorum etiam negligentia , qui in parvulorum salutem tenentur incumbere ; & tandem concludit his verbis S. Prosper : *Vt nec contra donum eleveur superbia , nec contra periculum cesset industria* , &c. Ad industriam igitur pietatis Christianæ pertinere voluit divina Providentia , ut parvuli periclitantes , quam citissime baptizentur.

Et confirmatur quia olim , ante institutionem baptismi , tempore legis Mosaicæ , licet Deus in remedium originalis peccati veluti Sacramentum circumcisionem instituisset eamque nonnisi octavo die applicari mandasset , at non prohibuit , quod etiam ante octavum diem , puer circumcidi posset , si mori ipsum parentes dubitassent , ut notant Theologi , & præsertim. *Suarez tertio tomo , in tertia parte , disputatione vigesima quinta , sectione prima , versiculo alterum argumentum , & Eminentissimus de Lugo dicta disputatione tertia , sectione secunda , numero vigesimo octavo , cum S. Thoma questione septuagesima , articulo quarto , ad. 2.* Et foeminas , quæ circumcidi non poterant , non est credibile caruisse remedio : imo vera , & communis Theologorum sententia docet , ante legem Mosaicam in lege naturæ , fuisse à diuina Prouidentia institutum remedium aliquod contra originale peccatum , sa-

- 15 sacrificium nimirum, vel aliquam sensibilem oblationem à parentibus factam, in fide Christi venturi; licet nihil determinatum esset; ut idem Suarez ostendit *disputatione quinta, sectione prima. versic. secundo dicendum, Nuncius in tertia parte questionis sexagesimæ octavæ, articulo secundo, difficultat. 4. ad secundum, & Cardinal. de Lugo dictæ disputationis tertiæ, sectione secunda. per totum*, at omnem diligentiam, & studium applicandi huiusmodi remedia parvulis ante octavum diem morituris, aliorum pietati, & arbitrio committebat; ideo S. *Augustinus, S. Gregorius, Beda, Hugo de S. Victore*, & alij ita docent: quamvis præceptum, & legem particularem Deus non dederit, imo, ut S. *Augustinus, libro quinto, contra Iulianum capite vigesimo primo*, adnotavit, Scriptura sacra aliqua necessaria causa latere voluit, & tamen nemo lucusque dixit divinam Providentiam, & legem non facis consuluisse, dum parvulis ante diem octavum morituris, speciali modo remedium non providit: Ergo eadem & multo majori ratione dici nequit, quod Ecclesia Catholica huiusmodi abortivis non providerit, quando non tantum generaliter, sed specialiter inculcavit, ut nulla mora interposita, quando mortis periculum imminet parvuli baptizentur quam citissime, ne ut S. Gregorius loc. cit. ait: *Interviente paululum mora inveniri non valeat, qui redimatur, dum adhuc tempus quaeritur ad præbendum Baptismum.*

- 18 Minus obstat tertia confirmatio argumenti, in qua exprobratur nobis doctrina ab omnibus communiter reiecta; nos enim non dicimus preces, & lachrymas parentum infallibiliter saluare infantes abortivos non baptizatos, sed tantum asserimus divinam Providentiam, etiam illis sufficienti remedio consuluisse, quatenus, parentes internis inspirationibus præmoveret, & cogitationibus excitat ad orandum, ut filij in lucem nascerentur antequam moriantur, vel ad aliquod faciendum, quod si fieret, nascerentur, & baptizarentur, ut bene *Eminentissimus de Lugo dictæ disputationis tertiæ, sectione secunda, numero vigesimo sexto*, Et addimus, quod non debemus acquiescere illis Philosophis, & Medicis, qui solam corporis vitam, & sanitatem considerant, sed baptizare debemus abortivos sub conditione

condicione quando vel iuxta regulas Medicorum, vel iuxta signa evidenciam in facto certi non sumus, sed prudenter dubitare possumus, quod huiusmodi foetus vivat anima rationali; nam quod S. *Augustinus in Epist. ad Optatum Milevit. de orig. An. dicebat: Si origo anime lateat, dum tamen redemptio clareat, periculum non est, neque enim in Christum credimus, ut nascantur, quomodocumque nati fuerimus.* Nos paucis mutatis dicimus, si ab origine foetus anima lateat, dum tamen redemptio clareat, periculum non est, neque enim Baptismus est illis necessarius, ut nascantur, sed ut renascantur, si nati aliquo modo fuerint.

Utinam igitur hæc mea quoque sententia, & disputatio¹⁹ sit illius Christianæ pietatis, & industriæ pars, quam Divina providentia elegit, ut per genitores, & alios, quibus huiusmodi parvulorum salus commissa est, salvarentur animæ derelictorum: utinam inquam hic meus, qualiscumque levissimus labor à sapientibus probatus, & approbatus, cedat in Cœlestis regni, & Divinæ gloriæ æternum additamentum.

Hæc sunt quæ in præsentī disputatione de Baptismo Abortivorum, seu de existentia animæ rationalis in foetu quamvis problematice, differuisse volui: mihi tamen rem ipsam non solum valde dubiam, & periculo gravi expositam ostenderunt, sed me totum apprimè persuasum reddiderunt, ut in praxi illam partem tanquam securiorem amplectendam esse crediderim, quæ ad ministrandum baptismi infantibus immature edicis inclinât, & in illorum salutem quam maxime impellit. Et quidem in hoc ultimo meæ disputationis spiritu nisi praxis esset apud DD. omnino nova, & à nemine huc usque quem viderim, indicata, conversus ad animarum Pastores ad ipsorum Abortivorum parentes, ad obstetrices foeminas, & ad quoscumque necessarios Baptismi Ministros audacter declamarem, ut in re tam gravi, tantique ponderis negotio, omni segnitie devicta, seu etiam Philosophica scrupulositate deposita, iam volarent, ut nubes ad aquas Salvatoris supra germina sub terris latentia, diffundendas, iam

Lymbo bellum inferrent, & jam ab hac tenebrarum abyſſo animas præriperent, & quæ in parvo corpusculo vix morantur, in Cœlorum regnum jamjam grandæſcentes transmitterent.

Verùm quia ad Sanctæ Romanæ Eccleſiæ Prælatos, & ad ipſum ſupremum animarum Paſtorem, Sanctiſſimum in terris Chriſti Vicarium, Summum Pontificem ſpectat quid in hac materia à Sacramentorum Miniſtris ſit ex debito exequendum, decernere mihi ſufficiat ſtatū graviffimæ difficultatis indicafſe, & ſapientiſſimis Eccleſiarum moderatoribus, Sacrarum Academiarum Dynaſtis, ſacræ Theologiæ doctiſſimis Magiſtris, omnibusque ſalutis animarum Miniſtris, rem ſicuti mihi viſa eſt, dubiam, & non contemnendam propoſuiſſe, ut ab ipſis diligentius expenſa, periculum frequens animarum in abortivis foetibus deliteſcentium, ſi ita eſt, pro ſui officiij, & charitatis obligatione averti, ſtudeant.

Finis prima Diſputationis.

DE



DE MINISTRANDO
BAPTISMATE


SVB CONDITIONE
 HVMANIS FOETIBVS ABORTIVIS.

Disputatio Secunda.

PRIVS ROMÆ IMPRESSA TYPIS

Michaëlis Herculi 1672. cum licentia superiorum Romana curia, nimirum Illustrissimi et Reverendissimi D. Joannis de Angelis Archiepiscopi urbis Vicesg. et Reverendissimi P. Fr. Hyacinti Libelli sac. Apost. pal. Magistri, nunc denuo Cum variis correctionibus & additionibus prodit.

INDICVLVS SECTIONVM.

- SECTIO I.**  **ECTORI** *Preloquium.*
Confirmatur breviter indicatis argumentis iam allatis in precedente disputatione propositio de Baptismo arborivorum.
- II.** *Præmittuntur aliqua ad solutionem obiectorum conducentia.*
- III.** *Solvitur primum argumentum.*
- IV.** *Solvitur secundum argumentum.*

N ;

Y.

- V. *Solvitur tertium argumentum.*
 VI. *Solvitur quartum argumentum.*
 VII. *Solvitur quintum argumentum.*
 VIII. *Solvitur sextum argumentum.*
 IX. *Solvitur septimum argumentum.*
 X. *Solvitur octavum argumentum.*
 XI. *Solvitur nonum argumentum.*

LECTORI PRÆLOQVIUM.



D formam mihi ab Eminentissimis Sacrae Indici Congregationis Cardinalibus praescriptam, jam anno 1666. tibi, Amice Lector, hanc secundam Disputationem Romae impressam offero, de Abortivorum Baptismo illis foetibus ministrando, in quibus humanae vitae apparent prima lineamenta. Neque quia sub Romano praelo hanc Thesim recudo, me vel minimum à typis Lucensib recedere suspiceris, in quibus illam ad mentem Eminentissimorum illorum Patrum praemissa protestatione in frontispicio libri declaravi; illam enim eandem protestationem omni ex parte hic repetitam esse volo: Sed quia & nunc Romae existo brevi tamen discessurus, & à doctissimis viris, & praecipuis Romanae Curiae Ministris recognitam esse desideravi, ut ita certior essem, nihil à me in hac materia pronunciari quod à mente Superiorum sit alienum. In hac secunda disputatione, eos qui sententiae meae, contrarii sunt redarguere non intendo, unusquisque enim in suo sensu abundat, & pro veritate sentire & veritatem amare profiteor; sed meum studium in praesenti, & mens unica est, meam Propositionem maiori luce illustratam confirmare. Id quod assequi posse facilius credidi, si quaecumque contra me, Appelles post tabulam, imaginatus sum audire. & opponi posse praevide, ego ipse contra meam Propositionem objicerem, & objectis pro

pro mea tenuitate responderem. Sunt autem quæ prævidi sequentia.

I. Quia consuetudo S. Rom. Ecclesiæ est, ut fœtus abortivi recenter nati, & à primis diebùs ab utero excussi nullo modo baptizentur, ergo propositio nullo pacto est admittenda.

II. Quia iuxta communem & hucusque receptissimam sententiam fœtus humanus masculi, non nisi quadragesima die, foemina vero octogesima, vel nonagesima die vivit anima rationali: Ergo fœtus humanus abortivus ante hoc tempus nullo modo est baptizandus.

III. Quia Ecclesia Romana nunquam consuevit baptizare fœtus abortivos, nisi eorum corpuscula sint, & appareant perfecte formata.

IV. Quia baptizare abortivos dubios de quibus nimirum dubitatur an vivant est contra stylum sanctæ Rom. Ecclesiæ.

V. Quia meæ propositionis praxis, aut omnino est impossibilis, aut certe valde difficilis; quoniam in utero mulierum prægnantium, non tantùm veri fœtus humani generantur, sed etiam inutilia quædam germina; siue ut D. Jo. Marcus Medicus Iatrophysicus Pragensis literis ad me datis, de anno 1663. sub die 1. Februar. loquitur, Caruncula, & grumi sanguinis gignuntur, quæ Molæ, proprio vocabulo nuncupantur. Quare sæpe contingere potest, quod à veris fœtibus non dignoscantur, & ita non sine magna sacramenti irreverentia huiusmodi Molæ aut impuri sanguinis excrementa baptizentur.

VI. Quia hæc propositio fundatur in doctrina contraria Aristoteli, & S. Thomæ. Aristoteles enim, quem sequitur S. Thomas locis à me citatis disp. 1. sect. 2. num. 3. docet hominem, priùs vita plantæ, deinde Bruti, tandem propria hominis vita rationali vivere. At vero duæ substantiales mutationes nempe generatio animæ vegetativæ, & post hanc, generatio animæ sensitivæ non nisi spatium 40. vel ad minus 30. dierum requirunt. Ergo fœtus huiusmodi non sunt baptizandi quocunque tempore lapso à conceptione excussi fuerunt ab utero.

VII. Quia iam elapsi sunt 1673. anni ab Incarnatione Domini, & nunquã Ecclesia mandavit huiusmodi homines dubios baptizari

baptizari; Ergò, ne dicamus in re adeò necessaria Sanctam Ecclesiam negligentem fuisse, neque etiam hoc tempore meae propositionis praxis est inducenda.

VIII. Quia hæc propositio, cum ab Auctoribus non fuerit hucusque in eorum libris asserta, nullam habet speciem probabilitatis, ergò non debet inter sententias probabiles recenseri.

IX. Et ultimo. Quia indecens est Ecclesiæ Sacramentum applicari subjecto, adeò impuro, & spermatico humore resperso, sicuti est foetus abortivus ab utero recens excussus.

SECTIO I.

Confirmatur breviter indicatis Argumentis iam allatis in precedente disputatione propositio de Baptismo abortivorum.

SUMMARIUM.

1. *Dubium quod fetus abortivi vivant vitam humanam, est rationabile.*
2. *Quod anima rationalis sit forma informans corpus & in eodem causa efficiens sua membra sententia est magni ponderis.*
3. *Valet illatio: sunt primis diebus in humano fetu prima hominis membra; ergo adest anima rationalis.*
4. *Propositio est non tantum speculative sed etiam practice probabilis.*
5. *Discursus sub n. 3. est directus.*
6. *Probatur hæc propositio ordine retrogrado.*
7. *Fetus 40. dierum absolute baptizandus.*
8. *Fetus 15. dierum aliquando movetur in utero.*
9. *Fetus prime diei, nisi in eo appareant prima vite rudimenta neque sub conditione est baptizandus.*

IO Expe

10 *Experientia Theodori Cherchringj, factus trium vel ad summum quatuor dierum est animatus.*



Ntequam supradictis argumentis satisfaciam, iuvat hic discursum repetere, quo, & mea Propositio de Baptizandis sub conditione foetibus humanis abortivis, in quibus humanae vitae prima lineamenta apparent firmior evadat, & quam rationabile sit, & probabiliter fundatum dubium, cui eadem propositio innicitur, cognoscatur. Siquidem & ratione gravi munitur, & multorum DD. qui illi subscripserunt, ut in Censuris impressis initio meae primae Disputationis apparet, auctoritate fulcitur, & Sanctae Romanae Ecclesiae stylo conformior invenitur.

Rationem gravem appello argumenta & Sententiam Philosophorum, quos citavi in 1. Disput. sect. 3. n. 12. dicentes animam rationalem in humano Corpusculo existere, statim ac completa est accidentalis organizatio, ita ut primum non esse seminis, sive Embionis sit primum esse animae rationalis ibi à Deo creatae, & simul vñionem eius cum corpore ab agente naturali produci ad exigentiam illarum qualitatum, in quibus organizatio accidentalis consistit, & quidem animam rationalem esse ibi non solum tanquam formam informantem, sed tanquam causam efficientem sibi sua membra, & totam substantialem organizationem inchoantem, & perficientem. Explicant, & probant hanc veritatem praecitati Doctores, quorum argumenta non refero, quia loc. citat. plene adduxi, sed suppono; & magni ponderis existimo, quia à tot Auctoribus in materia tam graui recipiuntur & approbantur. Neque enim à Legistis, & Canonistis huiusmodi veritatem, sed à Philosophis debemus accipere philosophicam conclusionem.

Erit igitur in hac sententia vera huiusmodi ratio: apparent pimis diebus in humano corpusculo aliqua prima hominis membra, ergo adest anima rationalis. Sicut vera est hæc: dies est: ergo Sol est Et ideo merito S. Congregatio Indicis

O

mihi

mihi imposuit, vt meam Propositionem de Baptismo sub conditione abortiuus fœtibus conferendo de illis dumtaxat fœtibus intelligerem, in quibus sunt prima vitæ humanæ delineamenta. Huic meæ Propositioni subscripserunt sex Vniuersitates, & totidem supra 30. Doctores, vt videre est in Indice Censurarum in fronte primæ disput. impresso: Ergo Propositio est non solum speculatiue, sed practice probabilis, si quidem non potest sine iniuria denegari probabilitas practica illi veritati, quam plures, & graues DD. tuto praticari posse existimant. Est ergo dubium probabiliter fundatum, quod anima rationalis primis diebus sit in humanis fœtibus abortiuus, in quibus prima humanæ vitæ rudimenta reperiuntur.

5 Hunc discursum directo ordine factum appellare liceat, quia à prima Animæ rationalis inexistencia in homine ad Baptismum illi sub conditione conferendum procedit.

6 Nunc ad alium discursum ordine retrogrado, ad idem probandum me conuerto. Praxis, & stylus Ecclesiæ Romanæ est, quod, qui cauauit abortum animatum, puniatur, vt verus homicida, & cum eo tanquam cum irregulari dispensat Sacra Pœnitentiaria. Regula autem in praxi seruata est, vt fœtus masculus 40. die à congressu maris cum fœmina sit, & supponatur animatus; & die 80. vel 90. fœtus fœmininus; quod si dubium sit, masculus censetur, vt infra sect. quarta probabo. Jgitur si contingat, quod mulier prægnans die 40. fœtum pariat abortiuum qui vndeque membranis sit contectus, & inuolutus, hic profectò statim baptizandus erit, & quidem baptismo; non sub conditione, sed absolutè collato; huius enim vita certa est, & nullatenus dubia. At verò pro diebus præcedentibus vitam esse dubiam sequitur, si fundamentum examinemus, quo Ecclesiæ stylus habet, vt die quadagesima vita sit certa. Nam S. Pœnitentiariæ Tribunal, & Tribunal etiam laicorum in puniendis illis, qui abortum fœtus animati causerunt, fundantur, vt infra dicta sect. 4. dicam, in sententia Aristotelis, siuè in experientia ab eodem adducta, quod mares vt plurimum circa 40. diem mouentur potius dextero latere, fœminæ sinistro circa nonagesimum. Vt Tribunal tam Ecclesiasticum, quam sæculare haberet certum,

&

& determinatum tempus, quo possent supponere delictum tanquam certum, ad effectum illud puniendi, nè innocentem punirent, vt reum, non fuerunt solliciti de tempore quo fœtus in utero incipit moueri; cum hoc sit incognitum, & incertum, sed satis fuit illis habere tempus determinatum, quo certum est moueri; & per consequens fœtum viuere humanam vitam, & reum illum esse verum homicidam: & inuenientes prædictam experientiam ab Aristotele assertam tanquam certam, & maiore fortè diligentia adhibita confirmatam, istud tempus determinarunt in ordine ad puniendum delictum certum: non tamen dixerunt ante quadragesimam diem fœtum in utero non moueri; cum ad illorum institutum non pertineret: Siue ergo vtri vsque Tribunalis ministri acquieuerint soli Aristotelis testimonio, vt fatentur Doctores dicta sect. 4. relati, siue à peritis indagauerint, quod ego ipse feci, & non semel audiui mulieres experiri motum in utero causari à fœtu, non solum quadragesima, sed aliquando etiam quinta decima die, sequitur quòd in fœtu abortiuo 39. 38. 37. dierum, & deinceps retrocedendo sit homo dubius, & de eius vita, iuxta Ecclesiæ praxim, & stylum dubitari cum fundamento possit, & licet quòd magis à tempore vitæ certæ, à die inquam 40. vel 80. recedamus, eò minor sit ex hac parte probabilitas, quia tamen ex alio ordine directo semper occurrunt dies, in quibus adest aliunde maior probabilitas, hæc semper erit maior, & hinc fit, quòd quantum decreuit ex vna parte probabilitas tantum crescit ex alia, atque ideò semper siue recedamus à prima die humanæ conceptionis, siue à 40. die certæ animationis, habemus sufficiens, & prudens fundamentum probabilis opinionis, qua fœtus abortiuus asseritur animatus anima rationali & ideò sub conditione baptizandus est.

Dicit hic aliquis, maximus recessus à 40. die est prima dies conceptionis, siue congressus maris cum fœmina; ergo pro isto tempore nullum fundamentum habemus opinionis probabilis. Respondeo si hoc tempore nulla vitæ humanæ filamenta sint effigiata, ita, vt aperto per sectionem ouo, si tamen fieri potest, siue secundinarum inuolucro, iam concreto, non appareant vitæ

humanæ prima rudimenta, non adest prudens motuum ad coniectandum adesse in fœtu animam rationalem, propterea dixi primis diebus, non prima die fœtum abortiuum esse sub conditione baptizandum, & nunc valde probabiliter existimo tertia vel quarta die esse animatum, quia ex recentissima experientia quam Theodorus Cherchringius medicus Amstelodamensis affert, factam anno superiore 1671. in fœtu tertiæ vel ad summum quartæ diei, constat apparuisse *caput clarè à corporis m. le distinctum* & *in capite inquit quasi per nebulam adnata organorum puncta*, corporis autem reliqui rudis adhuc indigestaque moles, videbatur. Ex hac historia patet quàm veræ sint observationes & historiae ex Hippocrate, Varolio, Platerio, & alijs à me relatæ Disp. 1. Sect. 10. part. 3. n. 3, Vide D. 4. l. 7.

Hoc ego bicipiti discursu libenter vtor, antequam Aduersariorum argumentis occurram, non quidem, vt eos ab vtroque quasi armato latere circumobseffos comprehendam, sed vt vtroque brachio extenso, & obvijs vlnis complectar, ad hunc finem, vt mecum vnanimi consensu in plurimarum animarum salutē promouenda conspirent.

SECTION II.

Præmittuntur aliqua ad solutionem obiectorum conducentia.

S V M M A R I V M.

- 1 *Omnes infantes, in genere loquendo, indigent Baptismo, vs saluentur.*
- 2 *Etiam illi, quorum vita est dubia.*
- 3 *In administratione sacramentorum seruanda sunt quæ sunt de iure Diuino, & de generali ecclesiæ consuetudine.*
- 4 *Quod baptizentur infantes Abortiu animati, est de iure Diuino, & de generali consuetudine Ecclesiæ.*

- 5 Sub nomine infanum, & parvulorum sacra scriptura, Concilia
 Patres, & S. Thomas intelligunt etiam Abortivos non formatos.
 6 Stilus Ecclesie antiquus est, ut Abortivi statim ac vivere inci-
 piunt baptizentur.

Rursus antequam argumentis satisfaciam, duo sunt hic à me
 præmittenda. Vnum, quod est de fide certum, sed non
 aduertitur ab illis qui ita arguunt; nimirum omnes infantes in
 genere loquendo esse baptizandos, & alterum, quod ex primo
 sequitur, non solum, infantes illos, quos certum est vivere
 humanam vitam, esse baptizandos, sed etiam eos, de quibus du-
 bicari prudenter potest, an ita viuant, quos propterea homines
 dubios siue incertos yirunculos in mea Disput. 1. sect. 1. n. 17.
 vocavi, & ita in progressu loquar.

Exordior à primo: & pro fundamento assero, veram, & an-
 tiquam consuetudinem Ecclesie Catholice fuisse, & esse, ut in
 administratione sacramentorum obseruentur ea, quæ sunt de
 iure diuino scripto, vel iuxta vniuersalem traditionem ab Apo-
 stolis derivatam, à Summis Pontificibus à Concilijs, & à SS. Pa-
 tribus commendatam, ut etiam Paulus Quintus dicit in sua
 Constitutione, pro Sacrorum Rituum obseruantia edita anno
 1614. quæ est inter Bullas huius Summi Pontificis Constit. 85.
 & legitur in principio Romani Ritualis impressa.

Et quod Baptizentur Infantes in genere, sub quo continen-
 tur tam illi, qui immaturo partu egrediuntur ab utero, & vo-
 cantur abortivi, quam illi, qui legitimo tempore, nono videli-
 cet, vel decimo mense nascuntur, habemus ex c. 3. 10. in Euang.
 dicente. *Nisi quis renatus fuerit ex aqua, & Spiritu Sancto non po-
 test introire in Regnum Cælorum* &c. quibus verbis non tam im-
 ponitur præceptum Baptismi, quam exponitur necessitas huius
 medij pro omnibus tam certis, quam dubijs. Habemus ex Apo-
 stolica traditione, de qua testatur Beatus Clemens Romanus lib. 6.
constitut. cap. 15. D. Dionysius de Ecclesiast. Hierarch. cap. vlt. §. 11.
Origenes lib. 15. in cap. 6. ad Roman. 8. August. contra Donatistas l. 4.
cap. 23. & 24. & de Gen. ad lit. lib. 10. & 20. Bellarm. tom. 2.
controv. libro primo de Baptism. cap. 8. versicul. secunda cla. is,

Suarez 3. tit. in tertiam partem, Disput. 25. sect. 1. versic. secundo principaliter. Et Vasqu. tom. 2. in tertiam partem. Disp. 154. cap. 1. num. 10. Habemus ex Innocentio Tertio in cap. Maiores de Baptism. sub nomine Infantium, quorum ait, quodidie tanta multitudo moritur. Habemus ex Tridentino sess. 5. num. 4. ubi sub nomine paruulorum, decernit illos esse baptizandos ex Apostolica traditione. Habemus tandem ex SS. Patribus, quos plena manu contra Hæreticos Pelagianos, Albigeneses, Anabaptistas, Caluinum, Lutherum, & alios, congerit Idocus Cœcius tom. 2. l. 5. art. 6. ergo quod baptizentur abortiu animati in genere, & omnes infantes simpliciter loquendo, ius diuinum est, & consuetudo vniuersalis Ecclesiæ Catholicæ.

Quod autem sub nomine Infantium, & paruulorum veniant etiam illi, qui legitimum nascendi tempus antevertunt, probatur.

I. Quia Exodi cap. 21. num. 22. ubi sermo est de abortivo violenter ab utero Matris excusso, quem editio vulgata dicit. *Si abortivum quidem feceris &c.* Septuaginta legunt, *si exierit infans, eius non formatus, &c.* Itaque sacra litera non solum abortivum sed non formatum vocant infantem. Et hanc versionem sequuntur *Origenes homil. 10. in Exod. D. August. ibid. quæst. 80. Cajet. qui ex Hæbreo transfert, si exiit infans eius. Lipomanus. Si egressus infans non fuerit effigatus, Et S. Thom. 2. 2 q. 64. art. 8. ad secundum, hunc abortivum puerum animatum appellat.*

II. Idem probatur, quia *Origenes hom. 14. in Luc. D. Basilus hom. in Psalm. 32. D. Gregorius Magnus lib. 7. epist. 53. Hysichius in Levit. lib. 2. cap. 6. Gelasius Papa tom. 1. Epist. 5. ad Episcopos per Picenum. S. Leo Papa in sermone primo de Nativitate. D. August. lib. 3. de peccator. merit. cap. 6. & D. Hieronymus in cap. 3. Iona. illa verba ex Iobi cap. 14. 4. Quis potest facere mundum de immundo conceptum semine &c.* cum Septuaginta Interpretibus ita legunt, *Nemo mundus à sorde, nec infans, cuius est unius diei vita super terram.* Hi omnes afferunt hunc locum ad probandum, originale peccatum contrahi, statim ac homo incipit in utero vivere. Et hæc est Catholica veritas, & vera de fide doctrina, quod nō in secunda

cunda natiuitate, qua post inchoatam vitam in utero Matris egreditur infans, sed in prima, qua intra vterum primò vivit per animæ rationalis creationem in corpore, contrahitur peccatum originale, vt Tridentinum expresse declaravit *dicta sess. 5. num. 4.* dum dixit *peccatum originale parvulorum in Baptismi regeneratione mundari, quod generatione contraxerunt.* Et tunc dicuntur, & sunt parvuli, & infantes. Ergò iuxta vsitatum sacræ Scripturæ, Summorum Pontificum, Conciliorum, & veterum Patrum loquendi modum, parvuli sunt, & infantes, statim ac in utero generantur, & incipiunt vivere, ergò abortivi omnes si vivi sunt, veniunt sub nomine infantium, & parvulorum, qui iuxta Ecclesiæ antiquum stylum baptizandi sunt ex eo quod necessario Baptismi remedio indigeant.

S E C T I O III.

Solvitur primum Argumentum.

S V M M A R I V M.

- 1 *Quia obligatio certa de iure divino est, ut Abortivi animati baptizentur; putat Vasquez ideo ecclesiam particulare præceptum non fecisse.*
- 2 *Eminentissimus de Lugo existimat causam fuisse, quia Abortivi sunt in parvo numero respective.*
- 3 *Quia Ecclesia non semel præcepit baptizari parvulos qui sunt in extremo periculo vitæ satis est ut volueris etiam de Abortivis intelligi.*
- 4 *Sed Sanctus Gregorius claris verbis loquitur de baptismo Abortivorum etiam unius diei.*
- 5 *Sub genere infantium baptizandorum Ss. Patres comprehendunt etiam Abortivos.*
- 6 *Imo & Concilium Tridentinum ita loquitur, ut etiam de illis possit intelligi.*
- 7 *Parvulos nondum de materno utero egressos, indigere Lap-
tismo*

tismo, ut salventur, doctrina est S. Augustini & universalis Ecclesiae.

8 *Et S. Augustinus licet dubius suo tempore de origine animae, hanc doctrinam firmiter tenet.*

9 *Consuetudo in contrarium asserta corruptela est, abusus popularis & error hominis, extra Ecclesiam constituti.*

Ubi igitur ex tam universali, & communi loquendi modo, satis evidenter constet, quod sub generico nomine infantium, & parvulorum contineantur abortivi, omnesque homunculi, qui immaturo tempore nascuntur, sequitur responsio ad primum, nimirum consuetudinem Ecclesiae esse, ut baptizentur etiam abortivi, quia vera, & expressa mens Ecclesiae est, ut omnes parvuli, & infantes cujuscunque aetatis, quia Baptismo indigent, illo mudentur à communi sorte peccati.

Nec mirari aliquis debet, quod nunquam à Summis Pontificibus, Conciliis, & Patribus de Abortivorum in particulari, sed de Baptismo parvulorum, & infantium in universali, & in genere, mentio facta fuerit.

Nam primo respondet Vasquez in tertiam partem Disp. 150. cap. 2. num. 11. quod ad Ecclesiam non spectat necessitatem hujus Sacramenti per actum legis, & Jurisdictionis imponere, & tempus illud recipiendi determinare, nempe extremum vitae periculum quoad moribundos, & quoad sanos, cum primum fieri potest; nam satis ex iure divino haec necessitas constat, cum Io. c. 3. dicatur, quod *nisi quis renatus fuerit ex aqua & Spiritu Sancto &c.*

Respondet secundo Eminentissimus Cardinalis de Lugo de Sacram. Disp. 3. sect. 2. n. 26. quod cum abortivi, qui ad lucem veniunt, pauci sint, & in parvo numero respectu illorum, qui legitimo tempore nascuntur, sicut antiquo tempore, incipiendo à lege naturae non fuit necessaria specialis mentio de illis, sed satis fuit, quod divina providentia aliquo modo ad illos se extenderit, saltem illuminando Genitores, ut aliquem actum externum fidei, & religionis exercerent, quo pecca-

peccatum originale filiorum tolleretur, vt ibi Theologi consentiunt cum D. Augustino, ita satis fuit in lege noua Euangelica institutum esse Baptisma, pro remedio omnium paruulorum in genere, & Deum illuminare genitores, vt aliquibus inspirationibus se gubernari sinant, in ordine ad aliquod faciendum, quod si facerent, filij peruenirent ad Baptismum, & sine illo non decederent. At verò cum Ecclesia solùm de illis, qui extra vterum nascuntur curam habere regulariter possit, & debeat, satis illi fuit de paruulis in genere imponere ministris, vt omnibus paruulis, & infantibus, qui in extremo periculo versantur, Baptismum cum omni celeritate ministrent.

Tertio. Respondeo, quòd quotiescumque Summi Pontifices, 3 quos ego refero Disp. 1. sect. 13. per totam, nempe Siricius Papa, Leo I. Concilium Carthaginense, sexta synodus, Mileuitanum, & Gerundense Concilium, & S. Gregorius Papa Epist. ad Augustinum Episcopum Cantuariensem, mandant statim baptizari eos paruulos, quorum vita est in extremo periculo, de omnibus quidem, sed de Abortiuis præsertim sunt intelligendi, isti enim sunt, qui cum ita nascantur, vt ad horam circiter, plus minùs, vitam sint habituri; maiori ratione verificantur de illis, quæ dicuntur ab ipsis, & præcipue à S. Gregorio in Epistola citata, vt scilicet baptizentur ipsa eadem hora, qua nascuntur. *Ne, dum adhuc corpus ad præbendum Redemptionis mysterium queritur, interueniente paululum mora inueniri non valeat, qui redimatur, &c.*

Relege mi lector si placet verba S. Gregorij relata Disp. pri. sect. 13 n. 8. & considera modum loquendi; si quidem sanctissimus iste, & doctissimus Pontifex, ut respondeat Episcopo Augustino interroganti aperte distinguit tres casus, in quibus non prohibetur administratio Baptismi extra tempora Paschalis, & Pentecostes: dicit enim *Baptizari autem, vel etiam mulierem, vel hoc quod genuerit, si mortis periculo urgetur; vel ipsa eadem hora quæ gignit vel hoc quod gignitur, eadem qua natum est, nullo modo prohibetur, &c.*

Et primo respondet mulierem prægnantem baptizari nullo modo prohiberi. sed iste casus non pertinet ad rem nostram. secundo dicit filium ab ea genitum si legitimo tempore nasci-

tur & sit in mortis periculo, posse Baptizari; & hic est secundus casus explicatus, illis verbis *vel hoc quod genuerit si mortis periculo urgetur*. Tertio respondet fœtum seu parvulum, ipsa eadem hora generationis actiue qua mater illum gignit non arceri à Baptismo si eadē hora nascatur & egrediatur ab utero; vt alia verba sequentia distincte declarant, *vel ipsa eadē hora qua gignit vel hoc quod gignitur &c.* Et est tertius casus in quo disertis verbis loquitur S. Gregor. de Baptismo parvuli abortiui, qui prima non solum die, sed hora sit animatus, & eadem prima hora nascatur extra vterum docet esse baptizandum; quid clarius dicere poterat?

Hoc ipsum probatur ampliùs, non solum ex modo loquendi Sanctorum Patrum, sed ex ipsorum sententia & discursu, quod nimirum sub genere Infantium etiam Abortiui comprehendantur. Nam S. *Cyprianus Epist. 59. ad Fidum Episcopum de Infantibus baptizandis*, & refertur etiam à S. *Augustino tom. 7. lib. 3. de peccatorum merit. cap. 5. & tom. 10. de verbis Apostoli Sermone 14. rogatus*, an parvulorum baptisma esset ad instar antiquæ circumcisionis differendum vsque ad octauum diem, respondet vna cum voto sexaginta sex Episcoporum, qui erant in illo Concilio congregati, minimè esse differendum; & rationem reddens huius tam vnanimis decreti ait. *In Concilio nostro omnibus visum est, nulli hominum nato Misericordiam Dei, & gratiam denegandam, cum Dominus in Evangelio suo dicat filius hominis non venit animas perdere, sed saluare, &c.* & infra: *Infans recens natus, nihil peccauit, nisi quod secundum Adam carnaliter natus, contagium mortis antiquæ primæ natiuitate contraxit, &c.* Notanda sunt illa verba, *prima Natiuitate contraxit, &c.* vt non solum Infantes legitimo, sed etiam immaturo tempore natos comprehenderet: prima enim natiuitas est generatio in vtero; secunda vero ex vtero Matris gressio.

S. *Augustinus lib. 3. de peccator. merit. cap. 5.* huius à S. Cypriano scriptæ sententiæ memoriam faciēns dicit, quod hæc non fuit noua constitutio, quia fuit iuxta illud, quod ab initio creditum, & intellectum seruauit Ecclesia, &c. & *Serm. 33. de verbis Apostoli*, ait. *Ecce*
vide

video Ecclesiam matrem ipsis verberibus suis testimonium reddentem. Accurrunt Matres cum parvulis filiis, ingerunt Salvatori salvandos: Mater qualibet mulier pietate currens cum parvulo suo dicit, baptizetur, ut salvetur. Et in Epist. 2. quæ est ad D. Hieronymum de Pelagio dicit: Hic profecto, & contra Apostolicam prædicationem venit, & totam condemnat Ecclesiam, ubi propterea cum baptizandis parvulis festinatur, & accurritur, quia sine dubio creditur, aliter eos in Christo vivificari omnino non posse.

Auctor libri de Eccles. Dogmat. c. 34. cuius verba sunt in c. placent, ut quicumque de consecrat. distinct. 4. & sumitur ex Concil. Milevitano, in quo fuerunt S. Augustinus, & Anselmus, qui Romanæ Ecclesiæ legatione in eo Concilioungebantur, imo Concilium Tridentinum Sessione 5. n. 4. transtulit de verbo ad verbum intelligentiam horum verborum D. Pauli ex Cap. 5. ad Rom. Per unū hominem peccatum intravit in mundum, & per peccatum mors, & ita in omnes homines mors pertransiit, in quo omnes peccaverunt, &c. & conjungens veram Apostoli doctrinam cum Ecclesiæ consuetudine dicit, hanc esse regulam Fidei ex traditione Apostolorum, ut per baptismum in parvulis regeneratione mundaetur, quod generatione contraxerunt, &c. ubi diligenter observanda sunt hæc ultima Concilij verba generatione contraxerunt: generatio quippe est in utero, antequam infans emittatur, quod si immaturo tempore emittatur est Abortivus. Constat igitur, quod tam de aliquo Infante Abortivo, quam de alio legitimo tempore nato Concilium Tridentinum docet, & definit disertis verbis, esse regulam Fidei ex traditione Apostolorum, ut quicumque Infantes, qui peccatum in generatione contraxerunt, baptizentur, & baptismi regeneratione mundaentur.

D. Augustinus lib. 6. contra Julianum cap. 5. expressè loquitur, de parvulis nondum de materno corpore egressis, & contra Pelagianum istum concludit, tam ex Apostoli auctoritate, quam ex Ecclesiæ consuetudine illos, ut salventur, indigere baptismo. Hanc eandem Apostoli doctrinam una cum observatione Ecclesiæ, urgent Origenes lib. 5. in cap. 6. ad Romanos. Nazianzenus Orat. in S. Baptisma. S. Ambrosius de Mysterio Tascba c. 5. & contra Pelagianum. D. Hieronymus dialog. 3. cap. 6. & alij SS. Patres passim

hanc Apostolicam doctrinam repetunt, & nunquam illam disjungunt à consuetudine universali Ecclesiæ, quod nimirum parvuli existentes in utero matris indigent Baptismo Christi, ut salventur.

Dices testimonium D. Augustini quoad primam animationem humani fœtus, non esse magni faciendum, nam ipse semper de animæ rationalis origine, quæ suo tempore certa non erat, dubitavit, ac proinde de Abortivorum baptismo, illum non potuisse, tradere doctrinam adeo certam.

Respondeo, & hoc magis probare, omnes infantes etiam Abortivos esse iuxta Ecclesiæ stylum baptizandos: Nam quamvis D. Augustinus esset de prima animæ origine ambiguus; non tamen de veritate Catholica, seu de Apostoli doctrina, unquam dubitavit; quod nimirum in prima nativitate contraheretur peccatum originale, statim ac homo inciperet vivere, undecumque anima proveniret; quod remedium unicum & necessarium esset baptisma, & quod ita Ecclesiæ vniuersalis consuetudo statim baptizandi Infantes interpretaretur, ut constat etiam ex ijs, quæ scripsit de *Gen. ad lis. lib. 10. c. 23.* ibi enim suam de origine animæ intertitudinem indicans; humiliter Deum rogat, ut se dignetur docere quidquid de anima expediret scire, & deinde subdit: *Consuetudo tamen Matris Ecclesiæ in Baptizandis Parvulis nequaquam spernenda est*, neque villo modo superflua deputanda, nec omnino credenda, nisi Apostolica esset traditio

Cum igitur consuetudo Ecclesiæ conformari debeat Apostolicæ traditioni, & hæc, ut vidimus, sit, quod baptizetur quicumque Infantium, & parvulorum nomine comprehenduntur, scilicet tam Abortivi, quàm non Abortivi; omnes enim contrahunt originale peccatum, planè sequitur, non esse attendendam illam consuetudinem, quæ Abortivos excludit à baptismo: quippè quæ non Ecclesiæ consuetudo, sed corruptela, & vt mihi loquar, vetularum obstetricum negligentia, & inscitia dicenda est. Imò verò talis asserta consuetudo non baptizandi Abortivos, si vivant, neque datur de facto, neque possibilis est; esset enim contrà Jus diuinum dicens, quod omnes, qui vivunt, remedio Christi indigent, & Baptismate. Quare cessat primum argumentum

argumentum quod, ut verum fatear, videtur esse, non hominis Catholici, sed extrâ Ecclesiam constituti.

SECTION IV.

Solvitur secundum argumentum.

SUMMARIVM.

- 1 *Quod Ecclesia non soleat baptizare Abortivum masculum ante quadragesimam diem, & feminam ante octogesimam, non est sententia vera, sed ficta.*
- 2 *Distinctio de fetu animato, & inanimato legalis est, & iuridica: sed in jure nullum datur tempus determinatum pro tali distinctione.*
- 3 *Ministri utriusque Tribunalis pro determinatione talis temporis conveniunt, esse attendendam doctrinam Aristotelis.*
- 4 *Fetus in dubio præsumitur masculus.*
- 5 *Iudicium in ordine ad penam eorum qui causant Abortum fetus animati, & in ordine ad Baptismum debet esse diversum.*
- 6 *Et canonistæ monent, non esse sequendam eandem regulam ad effectum baptizandi.*

Arguunt secundo loco, esse quidem antiquam Ecclesiæ consuetudinem, ut baptizentur Infantes etiam Abortivi, non tamen masculi ante quadragesimum, neque feminae ante octogesimum, vel nonagesimum diem à conceptione, quod ut probent, fingunt sibi sententiam quorundam, quos ita sentire asserunt, eamque vocant receptissimam.

Cæterum, ut verum fatear, hic modus arguendi suo se gladio perimit, & meam propositionem egregie probat. Quod ut ostendam, cauendam hic esse magnam æquivocationem, qua laborat argumentum existimo. Nam Iura omnia, tam Canonica, quam Ciuilia, ut pœnas statuunt contrâ eos, qui prægnantes mulieres faciunt abortiri, distinctionem adhibent de fetu

animato, & inanimato, vivificato, & non vivificato: ut videre est in cap. sicus ex litterarum de homic. in constitut. 87. Sixti V. in alia Constitut. 8. Gregor. XIV. & in decreto Clement. VIII. super reservatione casuum pro Regularibus. Sed nullum tempus determinatum hæc jura designant, quo foetus iudicandus sit animatus, vel non animatus. Quare Ministri utriusque Tribunalis Ecclesiastici, & secularis videntes aliquam temporis determinationem esse necessariam in praxi pro executione, & observantia dictarum legum, conveniunt foetum esse iudicandum animatum quoad masculos, si diem quadagesimum attingat, & quoad foeminam, si diem octogesium, vel aliquando nonagesimum. Fundamentum huius determinationis est, ut notavit *Basilius in Florilus* tomo 2. verbo *Abortus* numer. 1. Quia *Aristoteles lib. 7. de Histor. animal. cap. 3.* scripsit, quod *Mares sætus magna ex parte circa quadagesimum diem dextro potius latere moriuntur, femina sinistro circa nonagesimum, &c.* Et quamvis *Gloss. in princip. distinct. 5.* utatur alia ratione; quia nimirum *Leuit. cap. 12.* Mater, quæ masculum pariebat diebus quadraginta, quæ foeminam octoginta diebus, erat immunda; tamen est omnino idem fundamentum, ut inter *Expositores Levitici* notavit *Lorinus ad cap. 12. n. 4.* & quando dubitatur, sitne masculus foetus, vel foemina, præsumi masculum, & sic animatum anima rationali, dixit *Navarrus in Manual. cap. 27. num. 223.* & servat S. Pœnitentiaria, ut notant *Naldus in summa, verbo Abortus, num. 2.* *Diana parte 7. tom. 5. resolut. 6.* & *Marcus Paulus à Leone in Praxi S. Pœnit. fol. mihi 467. vers. factus, & dixi ego D. sput. 1. Sect. 5.*

Hac de causa aliqui recentiores, ut meam propositionem impugnent, dicunt humano foetui, antè diem quadagesimum, tanquam subiecto omnino incapaci, quia inanimato, nullo modo, neque absolute, neque conditionaliter Baptismum esse administrandum.

Verùm, ut magis pateat æquivocatio commissa, distinguendum est iudicium faciendum de eo, qui Abortum ita animatum causat, tanquam de vero homicida puniendo, à iudicio de ministrando Baptismate foetibus Abortivis; cum sint hæc duo iudicia

judicia valde diversa, & de illis diverso modo loquuntur Auctores. Primum enim judicium tendit ad irrogandam poenam; delicto homicidij condignam; & secundum ad afferendum remedium animarum saluti necessarium. Doctores considerantes tempus, quo homo in utero Matris incipit vivere humanam vitam, esse omnino incertum, quia neque Sacrae literae docent, neque naturalis Philosophia vlla evidenti ratione cognoscere potest; hinc est, quod ne Innocentes punirent tanquam Reos, observarunt, Aristotelem loco citato non dixisse quod Mares, vel foemina illo determinato tempore vivere incipiant, sed solum, quod Mares, ut plurimum circa quadragessimum diem moventur potius versus dexteram partem Matris, & foeminae potius versus sinistram circa nonagesimum; Ideo tali tempore ex hac certa operatione inferebant, adesse principium talis motus nempe animam; atque ideo bene *Navarvus in Manuali cap. 27. num. 223. Coriolan. par. 2. de casibus reservat. cas. 6. num. 3. Peyrinus tom. 2. quaest. 3. cap. 2. num. 46. Diana par. 7. tract. 5. resolut. 6. & Bassani loc. cit. ut tutiorem partem sequerentur, in imponenda poena convenerunt, quod tali tempore foetus esset certissime animatus, quia aderat vita in actu secundo, id est motus, ex quo inferebant adesse animam, minimè tamen denegarunt, diebus antecedentibus factum vivere animam rationali.*

Itaque sententia de animatione foetus in ordine ad non ministrandum Abortivis Baptisma, est omnino improbabilis nec potest in hoc discursu fundari, & multo minus, ut supponitur, & creditur communis existimari. Ecce revera, ut *Diffut. 6. à Section. 2. usque ad Section. 9* omni adhibita diligentia in vultu illam non potui apud Auctores; qui typis suis scripta publicarunt; quare neque dici debet receptissima; cum propterea nullum Auctorem inveniatur, nisi in ordine ad puniendum licitum Abortus, quod sane est verissimum; at vero non argui ut, quod antea non possit cum fundamento dubitari foetus animatum, cum adsint sententiae probabiles, quas ego recavi sub illa *Diffut. 1. à Sectione 6. usque ad undecimam.*

Jmo non solum ex Thonlogis, sed ex Canonistis. *Canonist. 5.*

admonet.

admonent, quod confeſſarij, quoad forum Sacramenti, & ut in eo iudicent gravitatem talis peccati, non obſervant prædictam regulam quadraginta, vel nonaginta dierum, ſicut faciunt etiam adminiſtrantes baptiſmum, ne animæ ſine baptiſmo tamen damnentur; ita Menoch. de Arbitr. caſ. 357. num. 7. & Theſauro Pedem. deciſ. 12. num. 1. quia inquit graviſſimum eſt peccatum in foro conſcientiæ animam ſine baptiſmo perire, &c. Et Menochius num. 5. dicit, quod ratione Sacramenti baptiſmi habenda eſt major ratio animæ ſæti, quam deceat illa regula in iudicio forenſi obſervata.

S E C T I O V.

Solvitur tertium Argumentum.

S V M M A R I V M.

- 1 Ex tempore quo regulariter lacerantur ſecundine, inferitur quo tempore appareat perfectæ formatio fœtus.
- 2 Apparitio perfectæ formationis, non poteſt eſſe regula ad baptizandum fœtum abortivum.
- 3 Perfectæ formatio fœtus datur die quadageſima.
- 4 Non eſt, neque poteſt eſſe in Eccleſia catholica conſuetudo expectandi perfectam formationem, ad effectum baptizandi fœtum abortivum.

Impugnant tertio argumento, meam propoſitionem & confirmantes eandem ſententiam addunt, Romanam Eccleſiam non habere conſuetudinem baptizandi fœtus Abortivos, niſi quando eorum corpuscula apparent perfecte formata.

Sed contrà primo: quia non obſtante hoc addicamento ab Eccleſiæ Romanæ conſuetudine deſumpto, non propterea fugiunt argumentum ſupra factum, ex doctrina D. Pauli, & Concilij Tridentini, ſed ſolùm imponunt Eccleſiæ Romanæ huiusmodi conſuetudinem, Si enim Sacramentum Baptiſmi eſt
à Deo

à Deo institutum, ut tollatur macula peccati originalis iam contracti in ipsa conceptione, & hæc perfecta formatio non apparet nisi postquam infans fregit membranas Secundinas, & illis se ipsum expoliavit, sequitur ex hac imaginata consuetudine magnum absurdum, quod scilicet non nisi post nonum mensem inchoatum Infantes sint baptizandi. Siquidem, ut testatur Hippocrates à Medicis communiter receptus *lib. de nat. puer. part. 26.* Secundinas tunc rumpit infans, quando iam adultus egressum sibi parat ab utero; quia nimirum tunc non satis alimenti percipit à matre perveniam umbilicalem, & ideo membranas lacerat, ut egrediatur, & sufficientem ab uberibus recipiat alimoniam: quod Hippocrates regulariter existimat contingere inter nonum, & decimum mensem; ergo impossibile est, ut ante hoc tempus appareat formatio perfecta. Quod si non de illa perfecta formatione, quæ apparet post exutas, & depositas membranas se loqui asserant, sed de alia formatione, quæ prius latet, hæc profectò datur die quadagesima, ut testantur Anatomici, pro quibus unum hic affero *Ioannem Fernelium lib. 7. de homin. proc. 3. cap. 10.* qui ita loquitur. *Ita quidem sæpe observavimus die quadagesima cietum fatum semidigiti, aut, ut ait Aristoteles, Formica maiuscula magnitudine verè ac prorsus conformatum, & cuius partes omnes excepto iecore alba ac spermatica cernebantur caput par erat Auellana & maius, quam pro reliqui corporis ratione, oculi exerti, nasus, auricula, & omnia cuncta cute tenuissima, alba quidem omnia, fibrosa, & seminis amula, nullo sanguinis, aut carnis rubore perfusa, &c.*

Secundò, si die quadagesima fortis est homo, corpore & anima rationali compositus, ut patet, & omnes Doctores communiter admittunt, intra secundinas datur quidem formatio discretæ, & cum distinctione inter singula membra, sed rudis, & imperfecta, nam membra non sunt adhuc carne vestita, sed alba mucosa, & seminis æmula, sequitur, quod non tantum superflua sit maior corpusculi formatio, sed quod de consuetudine Romanæ Ecclesiæ non sit expectanda. Si enim hæc imperfecta, & rudis formatio satis est Iudici criminali, ut iuxta utriusque Tribunalis leges procedat contra illum, qui causavit huiusmodi

Q

Abortum

Abortum, ad pœnas homicidij, & satis est Ecclesiæ Ministro, ut iudicet juxta Consuetudinem Sanctæ Romanæ Ecclesiæ, & S. Pœnitentiariæ, hoc peccatum esse verum homicidium, excommunicationi, irregularitati, & alijs pœnis obnoxium, tam à iure civili, quàm canonico inflictis, ut Sixtus Quintus dixit in sua *Constitut. 87. in Bullar.* quæ incipit *Effrenatam*, &c. vbi §. 1. enixis verbis declarat hoc peccatum esse gravissimum, quia animabus recenter creatis affert æternam damnationem, cum non satis erit Ecclesiæ Ministro, ut collatione Baptismi saluet animam in ultimo & inevitabili damnationis æternæ periculo constitutam?

Tertiò probo hujusmodi assertam consuetudinem in Ecclesia Romana neque esse de facto, neque de possibili: Cum enim
 4 Sancta Dei Ecclesia vivat de spiritu Christi, id est fide, charitate, doctrina Sacramentorum literarum, & Sacramentis Christi ut *D. Paulus prima ad Corin. c. 12. vers. 13.* docet, *in uno spiritu* inquit, *omnes nos in unum corpus baptizati sumus,* &c. & Christus totum quidem hominem salvare venerit, corpus scilicet, & animam, animam quidem principaliter, & propter animam. secundariò corpus, idèd *Luce cap. 9. vers. 56.* dicebat de principali sua intentione. *Filius hominis non venit animas perdere, sed salvare.* hinc est quod vera Dei Ecclesia, qualis est Ecclesia Romana, non potest non principaliter intendere salutem animæ, & secundariò corporis salutem. Itaque quando vita corporis, aut perditæ est, aut in periculo extremo desperata, ad salutem solius animæ omni studio debet incumbere quod solet facere, ut videmus in cura & visitatione illorum infirmorum, qui paulatim tendunt ad interitum; nam Parochis ab Ecclesia præscribitur in Rituali Romano sub Rubric. *de Visitat & Cur. infirmor.* ut quousque spes est, ut infirmus convalescat, visitet frequenter, soletur pijs verbis, & in via salutis spiritalis eum dirigat, & etiam humanis auxilijs, si indigeat, vel de suo Parochus, vel de alieno, ex collectis elemosynis succurrat, & ad Deum pro infirmo oret, ut mentis, & corporis sanitate gaudeat. Verùm si corporalis vitæ spes deficiat, mandat, ut salutem animæ dumtaxat intentus, ultima Sacramenta Ministret, & animæ fatiscenti usque ad ultimum spiritum

tum Sacramentalibus quibusdam ad id ordinatis semper assistat.

Est igitur consuetudo Romanæ Ecclesiæ, neque alia esse potest, quam corporis, & animæ salutem ita curare, ut si tandē Corporis vita desperetur, tunc solum animæ salutem maxime intendat ideo in Constitutione præc. pœnas Iuris Ciuilis, & Canonici, & excommunicationem etiam addendo procurat, eos, qui fœtus animati abortum causare tentant huiusmodi pœnis comminatis à tam immani scelere perpetrando remouere. Quod si, his non obstantibus, contingat per abortum excuti fœtum animatum ab utero matris, tunc quia corpusculi illius spes nulla est, ut supervivat, debet Ecclesia solum animæ salutem intendere, & non expectare maiorem corporis, & membrorum formationem, ut de spiritu Christi viuens, possit cum veritate dicere, quod non intendit animas hominum perdere, sed saluare.

Hac sola ratione permoti plures Episcopi cum D. Cypriano dixerunt in Concilio Provinciali, quod in baptizandis parvulis non erat expectanda dies octava, ut olim tempore circumcisionis. Ergo neque est, neque esse potest in Ecclesia ista asserta consuetudo non baptizandi fœtus animatos, nisi quando appareret esse perfecte formatos.

SECTIO VI.

Solvitur quartum argumentum

S Y M M A R I U M.

- 1 *Stilus Ecclesiæ est ut quocumque tempore abortivi animatio dubia sit baptizetur.*
- 2 *Ecclesia Romana admittit, & approbat conditionalem Baptismi collationem.*
- 3 *Vana est distinctio de huiusmodi baptisimi collatione quod tunc solum licet, quando præcessit baptismus absolute collatus.*
- 4 *Ecclesia solet ministrare sacramenta sub conditione non solum ex*
causa

causa necessaria; sed etiam ex causa honesta.

- 5 *Fœtus quia membranis est involutus si dubium sit quod sit animatus baptizari debet sub conditione.*
- 6 *Ex eo quod Paulus V. mandavit monstrum baptizari sub conditione sequitur esse ritum Ecclesiæ ut baptizetur abortivus de cuius vita dubitatur.*
- 7 *Stilus S. Rom. Ecclesiæ quisnam sit.*
- 8 *Iuxta Ecclesiæ stylum satis septem dierum baptizandus est.*

Replicant alij Iuniores contrà meam propositionem, quia est contrà stylum Sanctæ Romanæ Ecclesiæ; sed gratis, & nullo fundamento contradicunt, quod ità facile ostendo.

Et suppono tanquam certum, quod ex aduerso conceditur, 1 Abortivos, qui diem quadragesimum attingunt, esse animatos, & ideo absolute, & non sub conditione baptizandos; sed Medici aliqui quos ego refero *Diffut. 1. sect. 4. numero primo* & nonnulli alij, qui sentiunt contrà me, fatentur pro majori caloris intensione seminis utriusque, & uteri activitate, animationem fœtus aliquando adeo anticipari, ut nonnunquam ante mensem fœtus fuerit animatus: Tunc sic argumentor: In hac sententia quæ supponitur ad hominem esse iuxta Ecclesiæ stylum, potest cum fundamento dubitari, an hic, & nunc Abortus eiectus ab utero sit animatus, ante diem quadragesimum; quod si sit animatus certum est, & tanquam certum supponi debet quod sit in extremo vitæ periculo; quid tunc à Ministro, ut charitati satisfaciat, præstandum est? an vocabit Medicos; inquiret Anatomicos, ut dijudicent, an fœtus sit animatus an Philosophos, an vita tantum vegetativa, & embryonica vivat? sed periculum est in mora, cum vita si adsit, sit horaria: an absolute baptizabit? Sed obstat communis Theologorum doctrina, quæ docet, non licere, quando vita est dubia; ergo superest, ut baptizentur sub conditione. Hoc argumentum urget semper contra sententiam mihi contrariam quia nunquam contingit in casu pratico diem quadragesimum præcisè

præcisè, & certò esse notum, Ergo stylus Ecclesiæ est, ut Abortivi quocumque tempore nascantur, cum illorum animatio sit dubia, baptizentur. Probo autem directè propositionem meam esse stylo Ecclesiæ conformem.

I. Quia stylus Ecclesiæ est ministrare Sacramenta sub conditione, quando dubitatur de vita, aut de capacitate subiecti. Primum patet ex cap. 1. de Baptis. ibi enim Ecclesia præcipit, eos baptizandos esse sub conditione de quibus dubitatur, an antea fuerint baptizati, & consequenter an sint capaces, ut baptizentur. Secundum probatur ex Rituali Romano sub Paulo V. edito anno 1614. in quo sub Rubrica *de Sacramento Extreme Unctionis* dicitur, quod si Parochus de infirmo in extremis posito dubitet, an vivat, adhuc unctionem prosequatur, sub conditione pronunciando formam. Deinde sub Rubr. *de Sacramento Baptismi, titulo de Baptizandis parvulis vers. nemo, &c.* dicitur, quod si infans adhuc in utero matris clausus, imminente mortis periculo non caput, sed aliud membrum emisserit, in illo baptizetur, & tunc si natus vixerit, erit sub conditione baptizandus, non nisi, quia si validum fuit Baptisma collatum, verbi gratia, in digito, vel in pede, subiectum est incapax, ut iterum baptizetur, & *vers. Infantem, &c.* Idem, & propter eandem rationem statuitur de Infantibus expositis, si nimirum non constet esse baptizatos, baptizandos esse sub conditione.

Neque audiri sine refutatione potest, illa distinctio nuper excogitata; quod Ecclesia admittit, quidem aliquando Baptismi conditionalis collationem, non tamen in omni casu, sed solum quando præcessit ejusdem collatio absoluta, ita tamen, ut possè de Baptismi valore dubiteretur, non autem quando nulla præcessit collatio. Nam hæc distinctio sicuti gratis & sine fundamento excogitur, ita gratis negatur; & facillè redarguitur. Nam si Infans legitimo tempore nascatur, sed ita, ut vix natus incipiat languere ad mortem, & statim dubitari possit, an vivat. Quis adeò inhumanus, & impius, qui non baptizet? Et quis adeò temerarius, ut dubitans de vi absolute, & non potius conditionaliter baptizet? Vana est gicur

Q 3

distinctio

distinctio, & ratio est quia in prædictis casibus à Jure, & Rubrica descriptis datur baptismi sub conditione, non quia præcesserit aliqua baptismi collatio, sed quia posito dubio de vero Baptismi valore non debet remanere anima illa, sine necessario salutis remedio, si primus Baptismus non fuit validus quæ quidem ratio militat in Abortivis, & rationis fundamentum est quia omnia Sacramenta, ut jam vidimus, solet Ecclesia Ministrare sub conditione, non solum ex causâ necessaria, sed etiam honesta, ut notavit *Suar. tom. 3. in 3. part. disp. 13. sect. 13. vers. dico 3.* & c. independenter ab eo, quod antea fuerint, vel non fuerint administrata.

Præterea in eadem Rubrica. *Ritualis Vers. menstrum* ut ego retuli *Disp. 1. sect. 13. n. 10.* proponitur casus de monstro recentè nato, & non antea baptizato, sed in hoc casu mandat Ecclesia, quod si dubium fuerit, an monstrum sit homo, vel brutum, baptizetur sub conditione etiam si antea non præcesserit aliqua Baptismi collatio.

Deinde si Infans egressus partim humanam, & partim brutam speciem præferat, & ideo sub conditione sit baptizandus, cur non dicemus idem de humano foetu, qui præsertim primis diebus est omnino membranis involutus, & certè judicari non potest, an humana, an Embryonica forma sit vivus: id est an solum habeat primæ vitæ filamenta, an vero cum illis adsit etiam anima rationalis, & dubium est utrimque probabile, cum neutra ex sententiis oppositis sit evidens, & pro utraque adsint rationes, & Patroni, certe non apparet disparitas: nam statim ac foetus menstruum humorem attrahit pro alimento, & ex eo percipit incrementum, infert Aristoteles *lib. de spiritu cap. 3.* in eo esse vitam; sed an sit vita à forma Embryonica, an vero ab anima rationali dubitari potest; ergo est paritas. Atque ideo mea propositio est conformis Ecclesiæ stylo,

II. Probo hoc idem directe, quia cum ritus nihil aliud sit, ut Festus, ait quam mos in sacrarum rerum administratione comprobatus nemo rationabiliter potest novitatem eius mihi opponere.

opponere, quia dicam Baptismum esse conditione ministrandum Abortivis, quando non alium morem baptizandi adhiberi volo, præter illum, quem communiter servat Ecclesia Catholica à Romano Rituali præscriptum. Et quis, rogo, unquam dicer, Paulum Quintum in suo Rituali, quia huiusmodi monstrum de quo dubitatur, an sit homo, sub conditione baptizari præcepit, ex eo quòd antea antiqui Rituales non ordinabant, mutasse & innovare voluisse ritum Baptismi, dum ipse, ut in præcitata Constitutione protestatur, totus est, ut receptos, & approbatos Ecclesiæ Catholicæ ritus, & ab ea probatum usum antiquitatis, inviolatè observari constituat. Ergo quia Sanctissimus iste, & vigilantissimus Pontifex dixit, monstrum in quo dubia est hominis vita iuxta antiquum, & approbatum in Ecclesia Catholica ritum esse baptizandum, ea nimirum ratione motus, quia si fortè anima rationali vivat, indiget remedio Christi, ut salvetur: eodem modo liceat mihi dixisse, Abortivos de quibus dubitatur, an vivant, esse sub conditione baptizandos, absque eo quod novum ritum introducere videar cum usitatum tantummodo, & antiquum in Ecclesia velim observari.

III. Quia ille stylus est Sanctæ Romanæ Ecclesiæ, qui concordat cum Apostolica traditione, alioquin non stylus, sed abusus esset in Ecclesia, quæ, ut vidimus, omnes infantes, & parvulos statim morituros omni celeritate baptizat, ut Christi Salvatoris remedio tempestivè liberet à communi culpa, quam ab illis contrahi, antequam membranas abrumpant certissimum est, & certissimum etiam est vivere vita rationali, antequam illas lacerare possint.

IV. Quia ille est Sanctæ Romanæ Ecclesiæ stylus quem Theologi passim colligunt, ex doctrina, quam Ecclesia tradit de administratione Sacramentorum, sed Infantem secundinis inclusum, & ita immature natum, ut periculum sit ne subito moriatur esse sub conditione baptizandum, docent *Vasq Ochogavia Træpositus, Granado, Hurtadus, Cabrera, Moscosus, Leyman, Torre Blanca, Castro Palans, & Cardinalis de Lugo* quos citat, & sequitur *Diana part. 5. tr. 3. ref. 4. & 112 & part. 10. tract. 16. ref. 18.*

V. Probo

V. Probo prædictam propositionem, non solum stylo Ecclesiæ esse conformem, sed contineri inter ritus ab Ecclesiâ jam præscriptos : Nam in Rituali Romano sub *Rubr. de baptizandis parvulis vers. si mater. &c.* nulla adhibita distinctione, an fœtus fuerit in vtero gestatus quadraginta, vel pluribus, aut paucioribus diebus, nulla distinctione de fœtu perfecte formato, vel informi, dicitur indistincte : *Si mater prægnans mortua fuerit, fœtus quamprimum cautè extrahatur, & si vivus est baptizetur.* Ponamus igitur, argumentandi gratia, hanc matrem mortuam gestare in utero fœtum, verbi gratia, septem dierum ex hoc Ecclesiæ rite fœtus iste septem dierum, statim ab utero extrahendus est, & baptizandus, sed supposita sententia probabili, prudenti iudicio existimandus est vivus, nisi per accidens, & ex causa aliquius compressionis, aut contusionis evidenter appareat mortuus. Ergo iuxta Ecclesiæ ritum fœtus septem dierum baptizandus est.

Nulla autem quoad hoc assignari potest differentia inter hunc fœtum ita ab arte extractum, & inter illum de quo procedit propositio, ab utero antè tempus effusum, cum uterque sit Abortivus, idest, ante tempus legitimum ab vtero separatus.

Quod autem possit secto utero matris extrahi fœtus septem dierum testatur Hipocrates, qui *lib. de nativitat. puer.* fatetur se propriis oculis spectasse mulierem violento saltu, ex altiore loco facto, fœtum sex dierum ab utero excussisse, qui in terram cadens insonuit, & ab eo prima membrana, quasi ovi crudi putamine abstracta, vitæ signa, idest umbilicum, venas, & respirationem in eodem, refert, comprehendisse, ergo talis fœtus sensu preceptibilis est, atque ideo extrahi potest.

Quare tantum abest, ut mea propositio sit contra ritus jam ab Ecclesiâ receptos, quod imò inter illos contineatur.

S E C T I O VII.

• Solvitur quintum argumentum.

S V M M A R I V M.

- 1 Ovum conceptionis humane describitur, quoad figuram, & tactum.
- 2 Mola Etymologia, & definitio.
- 3 Mola figura, & causa.
- 4 Mulierem non parere ova subventanea, sicut Gallina sentit Galenus.
- 5 Sed contradicit experientia multorum recentiorum.
- 6 Mola non est figura ovalis: quia deficiente calore non potest ita formari.
- 7 Mola color non subalbus sed interdum viridis vel varius ex viridi & albo, vel etiam subniger.
- 8 Adfertur regula ad discernendam Molam ab ovo; et n. 10.
- 9 Ovum conceptionis continet subjectum morali certitudine & prudenti iudicio, baptizandum.
- 10 Molam dignoscendi ab Ovo, regula est evidens.
- 11 Etiam rudiores mulieres distinguere possunt verum factum à Mola.

NEc difficultatem facit, quod quinto loco objicitur; nimirum non facile discerni posse, primis præsertim diebus, verum factum à mola, nam præter ea quæ *disp. 1. sect. 1.* dixi de ovo conceptionis humane in quo latet humanus foetus jam coagulatus adverte cum *Galeno l. de uteri dissect. c. 1* quod humor in utraque fetus membrana non paucus continetur: aliter ab altero, tam calore, quam copia diversus. Flavus enim in intestinali, albior in Amnio, atque is etiam copiosior cernitur, tunica siquidem hæc, altera est major, quippè quæ totum factum induat. &c. Galeno sub-

R, tum

hum. fabr. lib. 5. cap. 17. & confirmant obstetrices expertæ, quæ si ovale hoc involucrum, seu chörion, digito præmant, dicunt quod cedit, ad contactum, inclinatur, & remoto digito, statim ad orbicularem suam formam replendam assurgit. At vero intima membrana Amnion, licet candida sit omnino, & prorsus alba, exterior tamen Allanthoides, intestini modo externa superficie prorsus membranea exacte lubrica, & levis existit, & ideo loco citato ait, quasi intestinale dixerit. Hæc autem intestinalis, licet venarum ramificatione, seu integumento à Galeno ibidem nomine Chorion dicto, sit intexta: habet nihilominus in quadam sui parte carneam quandam substantiam Lieni persimilem, in qua uteri venæ sese aperientes, illi adgenerantur: figuræ est omnino orbicularis. qualis, inquit Vesalius esset oblongior cera globus, si leniter incauta manus vola haberet, & firmaretur.

Mola vero, à Mola lapidea sic dicta, propter duritiem quam habet, *Galenus lib. 14. de usu part. cap. 7. ait. Est caro quædam otiosa, & informis, &c. lib. 14. de Method. medendi. Est caro informis, &c. Plinius lib. 7. cap. 15. est caro informis, & inanima ferri iclum, & aciem respuens, &c. Avicenna lib. 3. Canon. fan. tract. 2. cap. 18. Est frustum carnis cuius est forma quædam, cuius species non comprehenduntur, &c. & quandoque sunt superfluitates, quæ egrediuntur cum sanguine plurimo, &c. & Paul. Æginet. lib. 3. cap. 69. Mola induratus est humor in utero, &c. Christoph. à Vega lib. 3. de arte medendi sect. 10. c. 14. est obdurata, & informis caro, &c.*

Si autem ad eiusmodi Molæ superficiem respiciamus irregularis esse figuræ, & omnino informis inveniemus, non minus si una tantum sit caro, quam si plura carnis frustula, aut grumi sanguinis appareant ab effusione. Ad causas vero Molæ si oculos conuertamus. Hippocrates lib. 1. de morb. mulier. dicit, *Mola verò conceptus, hæc causa est, cum plurima menstrua insunt, pauculum semen, morbosumque corripiant, conceptusque verus non fit, &c. lib. 3. cum intus menstrua multa coacta, non multam generatam, morbosamque convolvunt, &c. subscribit Aristoteles lib. 4. de generat. animal. cap. 7. ubi afferens causam Molæ dicit: quod cum ex humore concoctu difficili, conceptus consistit, tunc gignitur quod Mola vocatur;*

vocatur, &c. & paulo ante dixerat, quod *Mola* aded obdurefcit, ut vix ferro transfigi poffit, &c. & quod generatur non propter calorem, fed propter caloris debilitatem; natura enim de vita certare videtur, nec poffe perficere, finemque apponere generationi, & lib. 10. de Hiftor. Animal. cap. 9. aded enim, inquit, durum id evadit, ut difcindi fecuri nequeat. Non longe abeft Galenus dum lib. 14. de ufu part. cap. 7. respondens quaefito, quare mulier, quæ ut Diffut. 1. Sect. 1. num. 11. dixi, & mox repetam foetum lium concipit in Ovo sine Viro, ova non pariat, ficut Gallina parit sine mafculo, & responderet ex communi Anatomicorum auctoritate, quia animalia grefibilia (inter quæ procul dubio mulier exiftit) funt volucribus longe humidiora, corpus femininum habent imbecille, quod eo motus progredi non potest, ut formam artificiofam fetus imprimat, &c. & Fernel. lib. 7. cap. 12. Adfcribens debilitati caloris: Molæ procreationem, afferit, quod in illo uteri finu, in quo fermen virile in debita quantitate recipitur, foetus nascitur. At vero in quo minùs neceffaria portione, Mola generatur.

Sed contra hanc hypotefin, quod mulier sine viro, ova subuentanea non gignat, affert experientiam doctus Theodorus Kerkringius in opere infcripto Anthropogenia c. 1. quam ex anathomica fectione fe deprehendiffe teftatur his verbis. Ex ovo producitur homo. Ova autem reperiuntur in tefticulis femininarum, non tantum earum quæ per coniugij ufum facundæ funt, fed etiam Virginum; non fecum ac fit in gallinis: funt autem ova hæc piffi viridis magnitudine. Tam conjugatæ autem quam Virgines hæc Ova fæpiffimè excernunt infensibiliter quidem, quia non advertunt; fed quod mihi ex relatione quarundam conftat sentiunt dum refleclunt. Et hæc Excretio foetiffimum accidit, inftante purgatione menftrua &c. hæc ille. Et ante ipfum eandem hiftoriam de ovibus mulierum tradidit Fallopius, & poft ipfum in diurnis relationibus anni 1672. confirmavit Academia Parifienfis citatis aliis Authoribus. & L. Chriftianus Fridericus: in Opus cui titulus, ovi de ovo §. quadragefimo-secundo & quadragefimo-tertio nec non Regnerus Graaf. in epiftol. de partibus genitalibus mulierum: Supradictam doctrinam, tam quoad Molæ defcriptionem

quam quoad causas illius productiuas sequuntur alij Medici communiter; vt *Harmon. Gynecior. part. pr. cap. 7. Nicol. Rochus de morb. mulier. cap. 7.* vbi cum Plinio sentit, Molam gigni posse etiam si mulier non conceperit ex viro. *Ludovic. Bonaciol. muliebr. lib. 1. c. 5. Andr. Christ. Enchir. Medic. lib. 5. cap. 2. Vega loc. cit. & alij Recentiores.*

Cum igitur ex defectu masculini caloris Mola generetur, siue vt loquitur Aristoteles, eius duritiei, quam habet causa sit cruditas: duo exinde necessario sequuntur. Primum est, quod Mola non possit esse figuræ ovalis, siue orbicularis ex eo quod, 6 vis formatiua calore necessario destituta, nequeat, vt Galenus ait, formam artificiosam foetui imprimere, & finem apponere generationi, ut dicit Aristoteles, sed necessario huiusmodi mola, si in unum, vel plura frustra concresecat, informis sit, scabra; & superficiei omnino irregularis; si vero non concresecat in unam Massam diuersæ fiant carunculæ, ut Hippocrates dicit, & grumi sanguinis.

Alterum, quod inferitur est, quod sit diuersi caloris non subalbi, seu cineritij adinstar intestinorum, quorum calorem 7 veræ conceptionis ouum imitatur, vt iam dixi cum Andrea Vesalio, sed propter inconcoctam menstruorum materiam ex causa insufficientis Elixationis, ut verbis utar Aristotelis, coloris sanguinei, aliquando subnigris, interdum etiâ viridibus, & albis maculis tincta; id quod mihi etiâ petita mulieres affirmant. Hæc certè signa sufficiunt, vt Molas à veris foetibus distinguamus.

Cum itaque Mola, quæ propter cruditatem, seu inconcoctionem, & defectum caloris concrevit, sit inflexibilis ad tactum, & prorsus obdurata, informis, scabra sanguinea, & sub nigris 8 ductibus, & vibicibus, aut etiam versicoloribus variegata; è contrâ vero tota foetus compago ad tactum mollis, ad aspectum levis, intestinorum colori persimilis, & albi, vt cum Platerio adnotaui *Disp. 1. sect. 10. num. 5.* & figuræ sit omnino orbicularis, & ovalis, inter vtramque discrimen est valde sensibile, atque ideo facile discerni, dijudicarique subito possunt.

Siue igitur primis diebus, siue aliis insequentibus intra trigesimum

trigesimum, aut etiam quadagesimum diem discernendum sit, quicquid immaturè ab utero effusum est, sive grani hordeacei, aut minoris phaseli; sive maioris formicæ; aut nucis avellanæ, sive apis, aut grandioris muscæ, sive etiam minimi digiti magnitudinem exæquet, huiusmodi enim metaphoris Auctores recentem fœtum metiuntur, hanc esse regulam statuo; ut quando internus homunculus, ob sui teneitudinem membranas nequivit abrumpere, & se ipsum prodere, si involucrum illud effusum, appareat membrana circumdatum, quæ sit subalbi, seu cineriti; coloris, similis intestinis, figuræ ovalis, & quæ digito tacta mollescat, & cedat, quia peritorum observationes, & documenta, veri fœtus notas esse contestantur, tunc prudenti iudicio pronuntiandum est fœtum esse, non Molam. Et 9 quia hoc prudens iudicium morali cum certitudine coniunctum est, de subiecto sensibili, & digito demonstrabili, atque ideo de subiecto Sacramenti Baptismi capaci, iam constat, quia ex huiusmodi signis cognoscimus fœtum esse talem, ut in eo prima rudimenta vitæ intus existant.

Si verò illud, quod ex utero mulieris abortientis egressum 10 est, sit caro informis, nigris venis, & sanguineis intexta, ad aspectum seabra, ad tactum dura, vel etiam vario colore infecta, procul dubio Molam esse, & frustraneam genituram, non fœtum iudicabimus, & nullatenus baptizari oportet: & multò magis, si ex utero sanguinis grumi, seu carunculæ exierint, Molas esse non fœtus humanos est asserendum, nam etiam huiusmodi frustula carnis, & sanguinis ad Molæ substantiam pertinere, indicavit Hippocrates loc. cit. & Molæ speciem esse, cum Avicenna scripsit Andr. Christ cap. 2. 9.

Ad argumentum igitur dico, quod si supradictam regulam 11 explicent Parochi, eamque doceant mulieres etiam montanas, quas de materia, & forma Baptismi, alioquin oportet esse instructas, licet de istis sine dubio sint magis incapaces, cum sint à natura remotiora, illa verò signa sint omnino naturalia, & sensibilia; sequitur non esse valdè difficile, atque ideo nec in iure impossibile, Molas à fœtibus diiudicare.

Quare ad Excellentissimum Dominum meum dico non en-

das esse omnes mulieres nuptas, & innuptas, jmo & quascunque personas, quæ in casu necessitatis priuatim Baptismum tenentur administrare, & Parochos posse uno verbo absque Medicorum consultatione prædicta signa, & notas ad utrumque foetum, inquam, & molam, nec non ad alia excrementa dignoscenda inculcare, & ut veros foetus sub conditione baptizent, admonere. Illud vero quod additur de sanguineis excrementis, nescio an secundum conscientiam ab aliquibus contra me obijciatur. Si quidem obstetrices, quantumvis rudes, & imperitæ, nisi cæcurire voluerint, optime discernunt menstruum humorem, ab humanis foetibus.

S E C T I O VIII.

Solvitur sextum Argumentum.

S V M M A R I V M.

- 1 *Anima vias vegetativa & sensitiva in sententiâ S. Thomæ corrumpuntur quam citissime.*
- 2 *Et probatur experientia in præsentia allata à S. Doctore, vermiculorum, & ranarum.*
- 3 *Idem sentit Aristoteles dum dicit quod cum cadit semen viri in matricem &c. Creatur anima iussu Dei.*

NEc possum vlllo pacto dissimulare, quòd exprobretur mihi, meæ propositionis fundamentum esse non solum contrà doctrinam S. Thomæ, sed etiam Aristotelis, quatenus hic lib. 2. de generat. Anim. c. 3. dicit, priùs tempore præcedere in humano foetu animam vegetativam, huic deinde succedere sensitivam, cui post multum temporis advenit anima rationalis, forma hominis constitutiva. Nam loquens de humanis foetibus, seu conceptibus in uteris mulierum existentibus dicit. Ergò animatum in ijs habere vegetalem palam est, sensualem etiam, quæ animal est tempore præcedenti recipi, & rationalem,

qua homo certum est: non enim simul, & animal fit, & homo &c.
 Nam facile ostenditur cum hac doctrina, quæ est de embryone, eamque S. Thomas amplectitur pluribus in locis, & præsertim *prima parte quæst. 118. art. 2. ad secundum*, meam propositionem non admodum repugnare. Quod ut ostendam circumscribo hic, interim Philoponi gravissimi interpretis Aristotelis explicationem & aliorum quos adduxi *disp. 1. sect. 3. n. 12.* qui omnes sentiunt, Aristotelem esse intelligendum de operationibus, id est de vita in actu secundo; ut nimirum primo appareant in fætu operationes animæ vegetativæ, & deinde sensitivæ, & demum animæ rationalis, & admissa tanquam probabili S. Thomæ sententia de embryonismo: dico cum eodem Doctore, animas illas vitales, vegetativam scilicet, & sensitivam, utpote generatas non propter se in humano fætu, sed ut sint dispositiones ad rationalem, interire quàm citissime: nam in cit. loc. non alia ratione probat hujusmodi animarum vialium successivam generationem quàm experientia quorundam animalium, quæ ex putri generantur, dicens, *& hoc ad sensum apparet in animalibus ex putrefactione generatis.* At nihil in hoc genere sensibilius, & omnibus magis notum, quàm æstivo tempore super carnes, muscarum contactu, horario temporis spatio vermiculos generari: item ranas guttis pluvialibus vix in terræ pulverem cadentibus, mira celeritate ad multas myriades nasci, & subito gregatim assurgere, & exilire, in quorum animalium generatione, juxta S. Doctoris sententiam, antequam ultima forma, nempe anima sensitiva, in tali specie vermiculorum, vel ranarum educatur de potentia materiæ, debet præcedere primum prævia accidentalis dispositio ad animam vegetativam de potentia materiæ educendam. Secundo ipsius animæ generatio. Tertio prævia dispositio ad animam sensitivam vermis, vel ranæ, & tandem ipsius animæ sensitivæ generatio & tamen videmus quanta festinatione exurgant illico, & exiliant in solo hujusmodi animalcula, statim ac pluviales guttæ terrenum pulverem madefaciunt, ut pene videatur idem esse, ex aqua lutum fieri, & ranas nasci.

Quod

Quod autem hoc voluerit S. Doctor, dum exemplum adduxit animalium, quæ ex putri generantur, patet ex ijs, quæ scripsit *lib. 2. c. 89. contra gen. vers. nec est inconueniens, &c.* ubi respondens obiectioni contrà se factæ, de tam modica duratione duarum animarum in Embryone, ait, *nec est inconueniens si aliquid intermedium generatur, & statim postmodum interruptitur, quia intermedia non habent speciem completam, sed sunt, ut via ad speciem, & ideo non generantur, ut permaneant, sed ut per eas ad ultimum generatum perueniatur, &c.* & post pauca ostendens, quòd de huiusmodi duabus animabus loquebatur ait: *Anima igitur vegetabilis quæ primò inest, cum Embryo uiuit vita plantæ, corrumpitur, & succedit anima perfectior, quæ est nutritiua, & sensitiua simul, & tunc Embryo uiuit vita animalis hac autem corrupta succedit anima rationalis, &c.* Constat igitur S. Thomæ sententiam esse, quòd animæ viales, quàm citissimè, & ut ipse loquitur, *statim* intereant. Nec longe ab hac subita Embryonis corruptione abest Aristoteles quippe qui *lib. 2. de caus. proprietat. element. & planetarum* relatus à S. Thoma *opusc. 28. artic. 5.* dicit, quòd *cum cadit semen viri in matricem mulieris deorquitur in ea decoctione facti, & fit frustum carnis, & creatur in anima inssu Dei, &c.*

- 3 Hic liber Aristotelis hodie non inuenitur inter eius opera, quæ recenset Posseuinus in *Bibliotheca lib. 14. cap. 21.* & fortasse S. Thomas hæc verba transcripsit, ex quibusdam libris Aristotelis, quos ipse nondum in latinum conuersos uidisse testatur *opusc. 16. sect. 1.* Vtitur hac auctoritate Aristotelis S. Thomas in allegato *opusc. 28.* contra Platonem, qui dicebat animas rationales præexistere in quibusdam stellis comparibus, & ex illis in corpora humana descendere.

Cùm igitur ex Aristotelis mente sit, quòd statim ac semen maris in matricem cadens decoctum est, siue ut Medici loquuntur fermentatū, virtute caloris semini foemineo permixtum, fiat frustum carnis, & in eo sufficienter disposito ad humanam formam recipiendam, hæc ibi à Deo creetur, plane sequitur, quòd tam ex mente Aristotelis, quam S. Thomæ sit, quòd in breuissimo tempore fiat Embryo, & formetur humanus conceptus, de quo probabiliter dubitari potest, quòd ab Anima rationali sit informatus.

informatus, Quare nec in sententia horum defendi potest esse expectandum tempus quadraginta dierum, sed statim ac ab utero per Abortum excutitur, & apparet esse humanum conceptum, in quo ut vidimus sunt prima vitæ lineamenta esse sub conditione baptizandum.

S E C T I O IX.

Solvitur septimum Argumentum.

S V M M A R I V M.

- 1 Ecclesia catholica non recusat innovare quando exigit ita utilitas, aut necepsitas fidelium.
- 2 Ideo quorundam hæreticorum Baptisma iterandum esse decrevit anno 325.
- 3 Duas esse in Christo voluntates definiuit anno 649.
- 4 Animas sanctorum separatas à corpore, si purgari non indigeant statim deum videre intuitivè, declaravit anno 1336.
- 5 Iustificationem hominis fieri per gratiæ inherentis infusionem concilium Tridentinum declaravit anno 1546.
- 6 Communionem sub utraque specie laicis interdixit anno 1567.
- 7 Confessario al sentiper litteras confiteri, & ab eo absolvi, quæ erat olim sententia probabilis damnavit Clemens VIII. anno 1602.
- 8 Disputabile olim erat an monstrum esset baptizandum nunc Rituale Romanum ab anno 1614. sub conditione si sit homo statuit esse baptizandum.

Minus obstat, quod septimo loco opponitur, præsertim, quia Ecclesia ipsa in aliis similibus casibus existimavit non esse attendendum, quando alioquin gloria Dei, & animarum salus pro quibus fundata est ipsa Ecclesia, & instituta sunt omnia Sacramenta, postulent esse aliquid denuò statuendū.

Nam licet nihil esse innovandum in Ecclesia dixerit olim S.

Stephanus.

Stephanus primus Papa, *sed quòd traditum est seruandum*, vt refert *S. Cyprianus Epist. 74.* & alioquin supra probauerim in solutione ad primum, Baptisma conferendum Abortiuis non esse novum in Ecclesia, sed à principio Ecclesiæ introductum, & à SS. Patribus contrà Pelagium communiter assertum, tamen, ut vis huius argumenti appareat, quàm sit inefficax & nullius ponderis, præterea quæ *Disput. 1. sect. 14.* dixi addo nunc aliquos ex pluribus casibus, in quibus pater Ecclesiæ utilitate fidelium, vel necessitate suadente, nunquam huiusmodi argumentum attendisse, tam in ijs, quæ de fide credenda sunt, quàm in ijs, quæ opere sunt adimplenda.

Et in primis annò 326. S. Siluester Papa definivit hæreticos Paulinistas, & Cataphryges redeuntes ad Ecclesiæ esse baptizandos, ex eo quod in eorum baptismo vera forma non seruabatur, & tamen erant iam anni trecenti, & amplius, quod huiusmodi decretum de Baptizandis Hæresicis nondum fuerat promulgatum.

II. Martinus Primus in Concilio Lateranensi de anno 649. & Agato Papa in sexta, & iterùm in septima Synodo generali, duas in Christo esse voluntates definiuit, & tamen per annos elapsos sexcentos, nunquam tale decretum fuerat in Ecclesia Dei propositum.

III. Benedictus duodecimus anno 1336. contrà plures Theologos animas Sanctorum post separationem à corpore, si purgatione non indigeant, statim Deum intuitiue videre declarauit, & tamen in Ecclesia per annos 336. supra mille, nunquam fuerat ita definitum.

IV. Anno 1547. *Concilium Tridentinum Sect. 6. de Iustificat. c. 7.* dixit contra hæreticos, iustificationem hominis fieri per infusionem & veram inhaerentiam Diuinæ gratiæ in Anima, quamvis iam essent elapsi anni 547. post mille, ante quos tale decretum non fuerat auditum in Ecclesia Dei.

V. Licet à principio Laici Sanctissimum Eucharistiæ Sacramentum, sub utraque specie reciperent tamen Concilium Constantiense sessio. 13. anno 1414. & deinde quamvis Rex Galliarum, & Imperator contrà instarent,

&c

& Concilium Tridentinum anno 1562. *feff. 21. cap. 2.* decreverunt ut tantum sub specie panis communicarent, & pro lege voluerunt observari, ut sub specie vini imposterum non communicarent laici quamvis per annos 1418. jam elapsos nunquam fuerat illis interdicta communio sub utraque specie.

Deinde disputabant Theologi anno 1602. An liceret per literas confessorio absenti peccata Sacramentaliter confiteri, & ab eodem absente absolutionem consequi? & probabilem olim fuisse partem affirmativam docet Suar. *tom. 4. in 3. p. diffut. 19. sect. 3. n. 1.* Nihilominus Clemens VIII. eodem anno sub die 20. Junij, non obstante quod posset dici iam sunt elapsi ab institutione Sacramenti Confessionis anni plures, quam mille sexcenti, & talis propositio nunquam fuit prohibita illam damnavit. Videatur Dian. *part. 3. tractat. 3. resolut. 7.*

Disputabile Olim erat ante annum 1614. quando post Henr. Gandau. & Sorum scribebat P. Comitulus anno 1609. an monstrum natum ex viro, & muliere cunctis humanis membris instructum, præter caput esset baptizandum utrinque erant rationes dubitabiles; & pro negatiua erat caput ferinum, in quo resident præcipua animæ rationalis organa; & pro parte affirmativa erat humanum pectus, in quo cor est primum, quod vivit. At vero Paulus V. in suo Rituali anno 1614. litem dirimens, mandat sub conditione baptizari. Item si mater prægnans mortua fuerit foetum cautè extrahi, & baptizari: non obstante quod aliqui dicere potuissent; non esse innovandum, cum iam sine huiusmodi ritu Ecclesia stetisset per annos 1614.

Ergo similiter non dedecet baptisma Abortivis sub conditione, quando homunculus est dubius administrari, quia his novissimis temporibus propter accuratas observationes Anatomicorum, & Philosophorum, atque Medicorum sententias prudenter de vitâ illorum dubitari potest, quia ita utilitas, & necessitas postulat. ne innumeræ fere animæ damnentur. Vide infra Disp. 4. sect. 11. n. 9. alios casus.

S E C T I O X.

Solvitur octavum argumentum.

S V M M A R I U M.

- 1 *Argumentum Theologicum explicatur.*
- 2 *Propositio de baptizandis sacris habet majorem probabilitatem quam multa alia, quæ apud Auctores circumferuntur tanquam probabiles.*
- 3 *Ponitur argumentum in forma in quo infertur Propositio tanquam conclusio, ex majore de fide & minore probabili.*
- 4 *Prima & secunda pars majoris est certa de fide.*
- 5 *Minorem esse intrinsece, & extrinsece probabilem ostenditur.*

QUOD vero hæc mea propositio non sit inter probabiles assentientias recensenda, gratis dicitur, & sine aliquo rationis fundamento, quia cum ex duplici capite pendeat propositionis alicujus probabilitas, sive ab auctoritate, & dicitur locus ab extrinseco, sive à ratione, & dicitur ab intrinseco, nihil illi deest, quominus ex utroque habeat, quidquid requiritur: quod ut ostendam, liceat mihi aliquantulum cum Theologis dialecticare. Siquidem omnes Theologi conveniunt illud esse argumentum Theologicum, in quo altera præmissarum est de Fide, & altera lumine naturali evidenter nota: & in hoc debemus omnes convenire, ut oportune advertit *Cardinalis de Lugo de Fide Disput. 20. num. 78. & 86. Coninch. & Castro Palao, & bene explicat Suar. de Fide disp. 19. sect. 2. n. 14.* est enim argumentum Theologicum illud in quo infertur conclusio quæ non est adeo certa, sicuti est propositio de fide, cui tota ratio assentiendi est divinum testimonium; sed conclusio hujusmodi est certâ ea certitudine, quæ post certitudinē Fidei, est immediatè major omni alia certitudine, & talis est sine dubio cōclusio, quæ infertur ex vna de Fi-

de

de & altera delumine naturali nota, propter illud Axioma, quod conclusio sequitur debiliorem partem; & ratio est, quia totum formale motivum assentiendi tali conclusioni, non est solum Divinum testimonium, sed etiam naturalis evidentia, medium certius omni alia certitudine præter Divinum testimonium. Itaque non potest fortasse dici quod mea Propositio in hoc sensu sit Theologica, cum minor, ex qua inferitur, non sit forsitan nisi probabilis. Quod si aliquando esset evidenter probabilis, ut sæpè contingit, quod propositio, quæ hodie est tantum probabilis, cras evadat evidenter probabilis; si nimirum, vel plerique, vel omnes, illam existiment veram, ac proinde eius modalis fiat evidens, iam non dubito, quin conclusio talis argumenti theologici futura sit in omni rigore theologica, tunc enim huic argumento conveniret definitio argumenti theologici, & illi propositioni definitio propositionis evidenter probabilis. Videatur de *Lugo cit. n. 86.*

Igitur negari non potest, quod prædicta Conclusio ex eo, quod inferatur ex una præmissa de fide, & altera probabili, si non habet certitudinem theologicam in illo rigore acceptâ, & immediatè positam infra certitudinem Fidei, non habeat saltem certitudinem immediatè positam, infra theologicam certitudinem; ac proinde maiorem, quam sit certitudo illarum conclusionum, quæ quotidie inferuntur, ex utraque præmissa probabili, quales sunt plures conclusiones Theologiæ moralis, quæ passim occurrunt. Si ergo his non denegatur probabilitas per locum ab intrinseco, neque meæ propositioni est deneganda quæ ex maiori de Fide, & ex minori probabili inferitur, ut patet in sequenti syllogismo.

Omnes Infantes ab utero matris egressi, si dubium sit, quod vivant anima rationali, baptizandi sunt sub conditione; sed Abortivi quocumque tempore veniant ad lucem & in illis sunt prima humanæ vitæ lineamenta, sunt Infantes recentes ab utero matris egressi, & dubium est, quod vivant anima rationali, ergo Abortivi quocumque tempore veniant ad lucem, & in illis sunt prima lineamenta humanæ vitæ sunt baptizandi sub conditione.

Quod maior sit de Fide certa, sic ostendo: diuidatur claritatis ergo in duas partes, quarum prima sit. Omnes Infantes ab utero matris egressi sunt baptizandi: Secunda, si dubium sit quod vivant anima rationali, baptizandi sunt sub conditione. Prima pars est reuelata in Sacra Scriptura *Matth. cap. 28. nam. 19. Euntes ergo, docete omnes gentes baptizantes eos, &c. & Ioan. 3. numero quinto. Nisi quis renatus fuerit ex aqua, & Spiritu Sancto, &c.* nam idem est formaliter, ac dicere omnes homines baptizandi sunt. Verum quia sub hac uniuersali propositione continentur multæ propositiones particulares, scilicet homines adulti, parvuli, & infantes, homines cæci, seu qui humanam vitam certè vivunt, & homines dubij de quorum vita prudenter dubitatur: ideò omnes huiusmodi propositiones directe, & formaliter sunt reuelatæ, eo modo quo communiter Theologi, vt videre est apud *Suar. de Fide disput. 3. sect. 11. num. 5. & Cardinalem de Lugo disput. 1. num. 318. usque ad numerum 330.* docent propositiones singulares esse de Fide, licet solum in generali sint in Sacra Scriptura reuelatæ; quo etiam modo *Conc. Trident. sect. 5. sub num. 4.* contra hæreticos definiuit expresse hanc primam partem maioris.

Quod vero secunda pars propter eandem rationem sit reuelata ex dictis patet: & ideo Sacri Canones & Rituale Rom. loc. sup. cit. hac ead. d. sect. 6. n. 2. 3. 4. declararunt in casu dubio Baptismū sub conditione esse conferendum Ergo maior est de Fide quoad utramq; partem. Minor iam ex allatis rationib. est probabilis. Ergo conclusio quæ sequitur deteriore partem, est partim ex Diuino testimonio, & partim ex lumine naturali, quod reddit minorem probabilem, ergo erit in Theologia intrinsece probabilis, & vera conclusio Theologica.

Quod vero etiam extrinsece, & propter auctoritatem Doctorum sit probabilis, facile suadetur, nam licet ante annum ab Incarnatione Domini 1658. quando sub Editione Lugdunensi, hanc propositionem primo publicavi, à nullo ex Auctoribus qui suas sententias typis ediderunt, aut quos ego viderim, fuerit asserta nihilominus plures deinde amore veritatis, & salutis animarum zelo ducti, illam comprobauerunt, eique sponte

sponte subscripserunt & Magistros quadraginta tres numeratos habeo in Censuris, qui illam ornatissimis verbis illustrarunt, & nouissime R.P. Joan. de Cardenas Societatis Jesu in sua Christi Theologica part. 1. Disput. 14. tom. 1. cap. 3. me citato, & relatis Auctoribus, qui illam defendunt, dicit esse sententiam probabilem doctissimè, & solidissimè probatam à nostro P. Maximiliano Dezza Theologiae Professore & eximio Verbi Dei Prædicatore.

SECTIO VLTIMA.

Solvitur nonum Argumentum.

SUMMARIVM.

- 1 *Mors filij Dei tamquam medium ad finem minus principalem ordinata fuit, ad nostram salutem.*
- 2 *Non hominum salus ad Sacramenta, sed Sacramenta, ad hominum salutem ordinantur.*
- 3 *Nulla est contra sacramentum Baptismi irreverentia, baptizare fetus abortivos.*
- 4 *Deus nihil quod ad salutem hominum conducere, existimavit sibi ignominiosum.*
- 5 *Non ergo indecens est baptizare abortivum mox ab utero ejectum, id quod congruo paradigmatè confirmatur.*

VLtimum argumentum si quid probaret, probaret etiam fetus abortivos Trimestres, Quadrimestres, &c. imò, & Oñimestres, qui exeunt ad lucem immundo sanguine madidi ob reverentiam Sacramenti non esse baptizandos. Quod quam alienum sit à Christiana pietate, & obligatione nemo non vider.

Uerum, ut à priori, & à radice difficultatem convellam, adverto si animarum salutem æqua lance æstimare velimus, & intelligere quanti valeat, vel uniùs animæ pretium, ad justifi-

ficam

simam Crucis stateram appendere debemus, & expendere. Nam licet præcipuus, & ultimus finis, quem Deus habuit, cum Filium suum Unigenitum morti tradidit, Divina gloria fuerit vere tamen finis minus principalis, & secundarius fuit nostrarum Animarum salus, & humani generis redemptio, quia propter nos homines, & propter nostram salutem descendit de Cælo, & ut dicit, *Ioan. cap. 3. 16. sic Deus dilexit mundum, ut Filium suum unigenitum daret, & Apocal. cap. 1. 5. Dilexit nos, & lavit nos à peccatis nostris in sanguine suo*, voluit ergo Deus propter nimiam charitatem suam, qua dilexit ad *Ephes. cap. 2. 4.* tanquam medium ad finem ordinare mortem Unigeniti Filij, & preciosissimum sanguinem ad nostrarum Animarum salutem, non vero è contra Animas nostras tanquam medium ad illius mortem & sanguinem in Cruce effusum honorandum referre. Et ideo non Animæ hominum propter Sacramentorum reverentiam, & honorem creatæ, sed potius Sacramenta propter Animarum salutem fuerunt instituta. Nulla ergo erit irreverentia Sacramenti quando, ita exigente summa, & extrema animarum necessitate administrandum erit, baptizamus re huiusmodi Fœtus abortivos, licet alioquin extra casum talis necessitatis Sacramenta non essent administranda. Hinc est, quod ipse Deus Dei Filius, qui in splendoribus Sanctorum ante Luciferum genitus, in stabulo nasci, & inter animalia collocari, non est dedignatus. Et *Ezechiel cap. 6. Vidi te (inquit) conculcatam in sanguine tuo, & dixi tibi cum esses in sanguine tuo, vive*, & Divus Theodorus Episcopus Ancyranus in Concilio Ephesino hom. de Nativitate Domini, ut Græcorum inficitiam reprehenderet, qui stultitiam existimabant Crucem Christi, dicebat? *Nihil horum, quæ salutaria sunt homini iniuriam Deo facit.* Et rursus hom. in Natalem Salvatoris. *Deum nihil ignominiosum ducit, quod humanam salutem conciliare natum est, &c.*

Non ergo indecens reputare debemus ad salutem Animarum comparandam, quando de earum salute prudenter dubitamus, & periculum est in mora, Sacramentum Baptismi ministrare subiecto probabiliter capaci excrementitio licet humore

humore consperso. Sed ut scrupulosam hanc indecentiã exemplo vulgari pestringam: Fingat animo quisquis contra meam propositionem argumento prædicto opponitur, Infidelem aliquem Turcam, vel Maurum Christiani hominis mancipium, jam factum, sæpius à pio aliquo Cathéchista, & Apostolicæ Sedis Ministro probato, ad Baptismum suscipiendum, rogatum, sed nunquam exoratum. Ecce ex improvviso dum Urbem perambulat Turca labitur in sterquilinum, in quo male seipsum volutans, iterũ, & iterum clamat, ut à viatoribus auxilium consequatur, extrahatur, & ab imminente morte liberetur. Tandem nescio quis ex transeuntibus illum extrahit, sed semivivum, & pene animam exhalatẽ. Statim adest pius ille Cathéchista, & rogat, an tandem baptizari velit, & Animam mox à corpore egressuram salvare, miser iste nutibus, ut potest, & capite annuens baptismum petit, Quis non summat impietatis, ne dicam ignorantia, aut si navis, dementia scrupulosum istum Cathéchistam argueret, si Baptismum negaret, eo quod indecorum, & indecens reputaret homini adeo turpiter stercorato, Baptismi lavacrum ministrare, & ob reverentiam Sacramenti æternæ damnationi perditum illum exponere, quando prudenter dubitare posset illum non esse ita sufficienter dispositum, ut saltem baptismo flaminis salvari posset? Ergo similiter, & multo magis in casu nostro.

Et hæc dixisse sufficiat pro solutione eorũ quæ in contrariũ objecta fuissẽ præmeditatus sum. Quibus addo me prædicta omnia intelligere de illis tantum fortibus, in quibus ita apparent prima humanæ vitæ lineamenta, ut subjectum baptizandum sit omnino sensibile, & homo dubius sub conditione baptizandus, sit sensibiliter talis. Quia ita Reverendissimus Pater Vincentius Fanus Ordinis Prædicatorum Magister, & S. Indicis Congregationis Secretarius, & Eminentiss. Card. sentire me, & scribere præcipiunt. Ideo censeant Viri Docti quorum prudentissimo Judicio, & præsertim Sanctæ Romanæ Ecclesiæ Censuræ omnia subjecta esse volo.

Finis Secunda Disputationis:



DE MINISTRANDO BAPTISMATE

SVB CONDITIONE
HVMANIS FOETIBVS ABORTIVIS,
Disputatio Tertia.

INDICVLVS SECTIONVM

SECTIO I. **P**ROPONITVR in argumento Theologico
precedentis disputationis compendium, seu
principale Authoris consilium, & ostenditur,
quam sit cum argumento ex Immaculata
Conceptione desumptum, conexum.

II. Presentem disputationem in Alexandrina Constitutione fundari.

III. Tempus, quo SS. Virgo fuit in utero S. Annae fuit omnino naturale & iuxta naturae leges ordinatum.

IV. Ad naturalem uteri operationem satis esse tempus dierum 275. ex Hippocratis & Elrina probatur.

Digressio circa textum Hippocratis, quod ante septimam diem vivat humanus fœtus in utero.

V. A quo tempore sint inchoandi menses, quibus fœtus in utero gestantur.

- VI. *Humanum fatum primis diebus vivere, & contrarias sententias velle contra medicorum regulas, vel prohibitas ex Alexandrina Constitutione probatur.*
- VII. *Proponitur argumentum cuiusdam recentioris contra Immaculatam Conceptionem ex die 8. Decembris, desumptum.*
- VIII. *Solvitur sutradictum argumentum, & confirmatur, quod factus humanus vivat primis diebus.*



P R Æ L O Q U I V M.

S V M M A R I V M.

- 1 *Uterus Virginis Domus Divinae Sapientiae.*
- 2 *Scientia naturales Ancilla Divinae Sapientiae.*
- 3 *Corriguntur ab ipsa.*
- 4 *Declaratio Sum. Pontificis de Immaculata Deiparae Conceptione.*
- 5 *Lumen offert dubitationi de prima humani fetus animatione.*



V M Divina Sapientia, ut Sacrae literae testantur, sive Sanctam Catholicam Ecclesiam, sive Beatissimam Uirginis Mariae uterum tanquam Domum, ut SS. Patrum unanimis interpretatio declarat, sibi edificaverit: & ex Angelici praesertim Doctoris sententia 1. p. q. 1. art. 5. compertum sit quod Ancilla, quae pro ministerio subiectas habet, dirigit, & mittit, ut sibi in ministerium salutis ab ea corrigi aliquando, & emendari certum est; ne lumine naturali in quibusdam naturae abditissimis arcanis explorandis minime penetrante, decipiantur, & errent; sed sibi ad veritatem aliquam detegendam ancillentur. Hic est, quod eadem sapientia, quae Sanctae Apostolicae sedi semper adest, & Christi in terris Vicario, cui ut fideles doctrinae pabulo pascantur affulget, iam ab antiquis temporibus plures

T 2

Sum.

Sum. Pontifices illuminauerit, vt Deiparæ Uirginis Immaculatam Conceptionem, si non tanquam articulum fidei hucusque
 4 definierint, certè tanquam opinionem, & sententiam adeo
 piam & certam moraliter proposuerint, ut fere omnes Docto-
 rum Academiæ, omnesque Christiani Orbis Ecclesiæ, illam
 non solum libentissime admiserint, sed fouendam, & sartam
 tectam defendendam ultro susceperint.

5 Uerum quia sæl. record. Alexander Papa VII. in sua, hac de
 re edita nuper Constitutione, nimirum, Divina illa sapientia
 distante, de hac Immaculata Beatissimæ Uirginis Conceptione,
 eiusque festo, ita decernit, esse ab omnibus Christi fidelibus,
 sententia, voce, & scripto sentiendum, ut non modicum,
 exinde lumen scientiis quibusdam naturalibus, Philosophiæ
 scilicet, & medicinæ impartiat; hæ namque de primo tem-
 pore, quo humani fœtus animantur obscure non minus, quam
 dubiè philosophantur; Ideo ego, qui iam de hoc argumento
 primam Disputationem institueram, hanc tertiam superadde-
 re necessarium existimaui, ut quam vera, quam firma, & quam
 probata sit illa sententia, quæ asserit primis diebus in huma-
 nis fœtibus rationalem Animam existere, luculentius appareat.

Legat igitur curiosus quisque sequentes sectiones, in quibus,
 si quid ad rem dictum esse, quod ad Animas Abortivo-
 rum Sacra Baptismatis unda lavandas, & salvandas condu-
 cat,prehenderit, illud mecum Almæ Sapientiæ Matri Ma-
 riæ acceptum referat, de cuius stillicidii Ecclesiæ campum
 germinaturum iam primo fueram auspicatus; si quid vero
 minus benè à me dictum invenerit, mihi adscribat, & tan-
 quam homini involuntariè erranti, pro sua benignitate in-
 dulgeat.

S E C T I O I.

Proponitur in argumento Theologico compendium præcedentis Disputationis ; seu principale Authoris consilium, & ostenditur quàm sit connexum cum argumento ex Immaculata Conceptione desumpto.

S V M M A R I V M.

- 1 *In varios sensus, eosque contrarios interpretata fuit mens Authoris.*
- 2 *Immeritò Traducianus fuit creditus Author.*
- 3 *Anima non est in materia seminis, nisi huius forma corrupta.*
- 4 *Varias Authorum sententias Author confirmavit, non ut omnes probaret, sed ut ex omnibus vitam dubiam Abortivorum inferret.*
- 5 *Proponitur in argumento theologico compendium totius conclusionis.*
- 6 *Parvuli recentes ab utero matris baptizandi sunt.*
- 7 *Propositio conditionalis sub genere propositionis in materia contingente, continetur.*
- 8 *Ritus ab Ecclesia probati non sunt mutandi.*
- 9 *Vel conditionaliter, vel absolute esse ministrandum Baptisma est de fide.*
- 10 *Quia propositio illa conditionalis est formaliter revelata.*
- 11 *Argumentum theologicum ex una de Fide, & ex altera evidenter, evidenter infert.*
- 12 *Minor non est simplex propositio, sed modalis.*
- 13 *Propositio probabilis quomodo sit evidens.*
- 14 *Distinguuntur ista duo; propositio probabilis, & evidenter probabilis.*

Quamvis aliqui non defuerint Viri doctissimi, inter quos
 sane fuit Rheuerendiss. D. T. Mercier Doctor, Theologus,
 & antiquus Rector Vniversitatis Remensis, qui existimaverint,
 vitam Abortivorum in prima Disput. tanquam dubiam primis
 diebus propositam, & explicaram, me ita probasse, ut ipsa pro-
 positio veritatis potius, quam dubij nomen sibi comparauerit:
 attamen plures alij fuerunt, qui minus vere meam hujusmodi
 intentionem interpretantes, in varios sensus, eosque à me alie-
 nos distraxerunt. Aliqui enim crediderunt, me certo certius exi-
 stimasse, primis diebus Animam rationalem esse in fœtu; Alij
 & non indocti, quod sententiarum Pemplij, Menæ, Garziæ,
 Martiani, Fieni, Mirindoli, Sennerti, & aliorum quas recensui,
 me patronum fecerunt, & defensorem: Sed iniuste: cum enim
 ex illis aliqui statim à suscepto semine adesse Animam rationa-
 lem; alij post horas septem; alij in fine secundæ diei; Alij ter-
 tia die; Alij ante septimam; & alij non nisi post septimam, &
 deinceps usque ad trigessimam, & quadragesimam, adesse in
 fœtu Animam rationalem contendant, constat, inter sese, pu-
 gnantes habere sententias, & impossibile mihi fuisse vni adhæ-
 rere, quin alias reprobarem. Imò disertis verbis in fine *sect. 8.*
 dixi me sententias illas nolle probare, sed solum tanquam pro-
 bables referre: Et multò minus illorum errori adhærere po-
 tui, qui censuerunt Animam rationalem traduci cum semine:
 Nihil enim magis abhorruï, quam animam rationalem semina-
 tam, & cum semine tractam asserere, ut constat tam ex iis,
 quæ *sect. 3. d. Disp. 1. à n. 5.* de fide tenenda esse prænotavit; inter
 quæ primum locum habet, animam rationalem non educi de
 potentia materiæ, sed ex nihilo a Deo creari; quam ex iis, quæ
 à *n. 9.* & deinceps, cum communi sententia de eadem veritate
 prosequutus sum, quod pariter tenuerunt Authores qui ante
 me scripserunt; non enim voluerunt Animam esse in semine,
 sed quod semine per dispositionem ad animam rationalem pro-
 xime præparato, ipsum desinat per corruptionem formæ semi-
 nis; & incipiat per creationem Animæ, corpus illud esse anima-
 tum.

tum : Ita ut primum non esse seminis, sit primum esse Animæ rationalis in corpore, quod tunc fœtus humanus proprie nominatur. Et id iuxta communem, & vulgarem sententiam de rerum permanentium defitione, & inceptione apud Averf. tom. 1^{re}. *philosoph. quæst. 30. sect. 2. & alios.*

Illud verò emolumenti, ex tot variis Authorum sententiis referre studui, quod cum singulas recenserem, confirmare illas curaverim ; tum ex aliquibus sacrarum literarum testimoniis, tum ex dictis SS. Patrum, & Philosophiæ rationibus ; non quidem ut illas meas facerem, cum, ut dixi, esset impossibile ; sed quia, cum omnes in anticipatam fœtus humani animationem conspirent, existimavi me magis inferre posse, quod statim ac semen est in vtero receptum, & fermentatum, nullum possit assignari tempus usque ad trigessimam, vel quadragesimam diem, in quo certe possit affirmari, fœtum humanum non esse animatum vita rationali ; ac proinde, omne illud tempus esse dubium, & prudenter tunc dubitari posse in ovo illo, seu tunicarum involucre, esse hominem sub conditione saltem baptizandum.

Quare, ne in posterum amplius lateat, quid ego in *prima dissertatione* senserim, operæ pretium duxi, illius veluti Epitomen ob oculos proponere, & mearum rationum progressum, stylo seueriori, & argumento ad formam scholasticam compresso, exhibere ; ut etiam cunctis pateat, quàm proprie, & quàm vere conclusio illata de baptismo Abortiuorum ad Theologiæ scholam, tanquam vera conclusio theologica pertineat. Argumentum est, non quidem ad mensuram epistolæ, quam post hæc scripta dedit ad me Illustrissimus Caramuel, sed magis extensum, illud tamen idem, ut sequitur.

Parvuli recentes ab utero matris baptizandi sunt ; & si trophæa ile est, quod vivunt Anima rationali baptizandi sunt ; sub conditione.

Sed Abortivus fœtus post aliquot horas, vel statim à conceptu fermentato semine ; quod vivunt Anima rationali, probabile est.

Ergo baptizandi sunt sub conditione.

Maiorem diuido in duas partes : quarum prima est Propositio simplex. *Parvuli recentes ab utero matris baptizandi sunt : Hæc est*

est definita de fide contra Hæreticos in Trident. *sess. 5. sub n. 4.*
 Secundam partem, in qua dicitur, *et si probabile est, quod vivant*
 6 *anima rationali, baptizandi sunt sub conditione*, Probo esse formaliter, in confuso tamen, & implicite contentam sub illis Christi Domini verbis generalibus *Matth. c. 28. Euntes ergo, docete omnes gentes, baptizantes eos, &c.* Nam ut Logica docet, & patet evidenter, sub genere propositionis in materia contingente, qualis est hæc Evangelica propositio: *Omnes gentes baptizande sunt*: continentur duæ propositiones; altera est absoluta; & altera,
 7 conditionalis: Et quod conditionalis sit sub Evangelica illa admonitione. *Baptizantes eos, &c.* patet etiam ex Ecclesiæ praxi, in Rituali Romano Pauli V. in quo sub titulo *De baptizandis parvulis: vers. Nemo &c.* Dicitur, si Infans adhuc in utero matris clausus, membrum aliquod, præter caput emiserit, propter periculum imminens baptizetur, quod si natus vixerit, erit sub conditione baptizandus: Et *vers. si mater, &c.* pariter de infantibus expositis, idem statuitur, ut nimirum sub conditione baptizentur, si re diligenter inuestigata, de eorum baptismo non constet; & similiter *vers. Monstrum, &c.* si dubitetur ex forma exteriori, an monstrum sit homo, præcipitur, ut sub conditione, si est homo, baptizetur, & in Rubrica *De ordine Baptizandi*, dicitur, quod si dubitetur, an infans fuerit baptizatus, baptizetur sub conditione, si non est baptizatus.

Quia verò Ritus Catholicæ Ecclesiæ receptos, approbatos, & in Sacramentorum administratione adhiberi consuetos, nefas est immutare; ut contra Hæreticos statuit Trident. *sess. 7. can. 13.* duo mihi sunt certissima: nimirum, primo, baptismi collationem sub conditione, esse ritum ab Ecclesia approbatum; & secundo per legitimam Ecclesiæ
 9 Catholicæ approbationem contineri sub illis verbis, *Baptizantes eos, &c.* ex quibus habemus institutionem, & usum huius sacramenti.

Admissa igitur huiusmodi legitima interpretatione, quod per illa verba *baptizantes eos*, significetur formaliter, tam absoluta, quam conditionata Baptismi collatio; plane sequitur, etiam secundam partem illius Maioris esse de fide certam, & propter
 Divinum

Diuinum testimonium ab Ecclesia interpretatum, & propositum, esse credendam. Confirmatur, quia propositio particularis specifica, nempe conditionalis, sub illa uniuersali, quod infantes recentes ab utero matris sint baptizandi, est de fide; quia formaliter est revelata: ut cum communi Theologorum docent Suar. ¹⁰ *de fid. disp. 2. sect. 6. n. 6. & disp. 3. sect. 11. n. 5. & Card. de Lugo disp. 3. n. 66. & 69.*

Minor est conclusio probabiliter illata, ex præmissis in scientia Medicinæ assumptis, & probatis, partim ex philosophia, & partim ex diligentissimis Anatomicorum sententiis à me *disp. prima sect. 6. 7. & 8. relatis in 6. 7. 8. & 9.* modo explicandi humanam generationem; & in *sect. 15. disp. 3.* iterum ex auctoritate Aristotelis, Galeni, & rationibus, eadem conclusio confirmatur; & quamvis ista propositio simplex. *Abortiui fetus post aliquot horas, vel statim à conceptu semine vivunt Anima rationali,* non excedat evidentiam probabilem; cum non inferatur demonstrativè, sed tantum ex probabilibus; & hæc evidentia non sufficiat, ut argumentum sit theologicum; ¹¹ ex eo quod omnes conveniunt, ut advertit *Card. de Lugo d. n. 86.* quod illud sit argumentum theologicum, cuius una præmissarum est de fide, altera est naturali lumine evidens, & conclusio evidenter infertur; Attamen quia minor propositio supradicti argumenti non est illa sola propositio simplex, sed altera propositio modalis nihil illi deesse videtur, ut argumen- ¹² tum sit verè theologicum.

Nam ut rectè *Illustriß. D. meus Episcopus Car. amuel* advertit tum in *Theologia fundamentali n. 48 2. tum in secunda cit. ej. sst.* & latè etiam probat *Em. de Lugo de fide disput. 20. sect. 3. num. 86.* aliud est propositionem aliquam esse veram probabiliter, & aliud esse evidenter probabilem. Illa enim est propositio simplex, in qua de aliquo subiecto affirmatur, vel negatur simpliciter aliquod prædicatum; ut ista propositio. *Fetus Abortivus primis diebus est vivus Anima rationali;* Prædicatur enim simpliciter in ea, vita rationalis, de hoc subiecto, *fetus abortivus primis diebus, &c.* At verò si de ista tota propositione assumpta pro subiecto, prædicetur evidentia moralis. idest

V iudicium

iudicium rationis ex autoritate omnium, aut fere omnium iam non est propositio simplex, sed modalis: Prædicatur enim de illa modus, quo iudicatur esse vera nimirum evidentia probabilis; Cum enim evidentia nihil aliud sit, quam visio obiecti, quæ ita determinat intellectum, ut prudenter non possit sine temeritate oppositum iudicare, licet physice possit tale obiectum non esse verum: V. G. Romanam esse, & Imperium Peruanum, est ita evidens, quia omnes admittunt, vel plerique; ut iam non possit prudenter dubitari, quod existant, cum iuxta regulas prudentiæ, incredibile sit omnino, tot homines conspirasse ad falso asserendam illorum existentiam, licet eorumdem hominum physica natura non ostendat, omnes illos non potuisse mentiri: videatur. *Ovid. in leg. controu. 10. punct. 2. n. 10. Card. de Lugo de fide disp. 1. sect. 13. § 4. num. 312.* Ita licet physice ista propositio esset falsa: *Fætus Abortivus primis diebus vivit anima rationali*; Ac quia in ista iam tot Anchores consentiunt, & iudicant probabilem, illamque supponere videntur omnes Universitates, quæ Immaculatam Deiparæ Conceptionem defendunt; iam est evidens illius propositionis probabilitas, & ad argumentum theologicum satis, ut bene *Card. de Lugo n. 86.*

- 13 Et confirmatur, quia ut acutissime suo more *Illustrissimus Caramuel* advertit sub d. num. 482. *Hæc propositio, materia habet actum entitativum*, est probabilis; hanc enim, & probat, & asserit univèrsa Thomistarum schola; quamvis Scotistæ omnes falsam reputent. Sed si ex hac & ex modo fiat una propositio modalis sic. *Materiam primam habere actum entitativum, est probabile*, iam ista modalis erit evidens, ita ut etiam illi, qui simplicem illam propositionem tenent, licet, si velint, possint tenere oppositam, tamen ab hac modali nequeant dissentire: si enim conveniamus assensum probabilem esse illum, qui est cum formidine oppositi, quatenus, non ex evidenti terminorū connexionione determinatur intellectus ad illi assentiendum; sed ex aliqua gravi ratione; præsertim si accedat multorum Doctorum iudicium, & autoritas; constat ex illa simplici propositione, & ex modo, factam esse propositionem

evidentem

evidenter probabilem ; Cui enim convenit definitio , evidens est convenire definitum. Eodem modo , cum hæc propositio. *Abortivi Fatus post aliquas horas , vel statim à concepto semine vivit sunt Anima rationali* , sit tantum probabilis , potest ab aliquibus negari , cum rationes , quibus innititur , non necessario convincant , vel determinent intellectum : Cæterum , qui iam videt , præter rationes , habere etiam tot virorum Doctissimorum censuram , & testimonium , imo in primariis Academiis , ut in Sorbonensi , Uienensi , & aliis , publicè disputatam , inventam , & judicatam fuisse Sacrarum literarum Autoritati , & rationum momentis innixam , & tanquam veram , & utilem proclamatam ; quis prudenter dubitare potest , quin sit probabilis , & quis illius probabilitatem sine temeritate negabit ?

Jam ergo huic modali. *Abortivos fatus post aliquas horas , vel statim à concepto semine vivere anima rationalis , est probabilis* , Convenit evidenter , & ex definitione assensus probabilis , tale prædicatum probabilitatis : hanc autem evidentiam sive moralem , sive probabilem appelles , parum refert ; est enim quæstio de nomine , cum certum sit , in hac modali propositione probabilitatem esse reflexam , ut loquitur *Card. de Lugo d.n. 86.* & judicium esse circa probabilitatem , non circa veritatem illius propositionis simplicis.

Cum igitur argumentum supra factum habeat majorem ¹⁵ de fide certam , & minorem evidenter probabilem , & conclusionem evidenter illatam , sequitur propter definitionem argumenti theologici cum omni proprietate eius conclusionem , & totum argumentum esse theologicum.

Hæc in vestibulo huius secundæ Disputationis dixisse volui ut iam mea intentio amplius neminem lateat.

S E C T I O I I .

Præsentem Disputationem in Alexandrina Constitutione fundari ostenditur.

S V M M A R I V M .

- 1 *Proponitur argumentum pro Immaculata Conceptione ab eius festo deductum.*
- 2 *Adversarij solutionem afferunt, sed duobus falsis suppositis innixam.*
- 3 *Episcopus Cressius huiusmodi solutionem ad sanctissimum desert*
- 4 *Antiquiss. consuetudo illud festum celebrandi die 8. Decemb.*
- 5 *Revelationibus particularibus comprobatur, Et tandem Constitutione Pontificia decernitur.*
- 6 *Hoc festum in d. Constitutione dicitur fuisse celebratum cultu nunquam immutato.*
- 7 *Innovantur, & extenduntur pœnæ contra transgressores.*
- 8 *Etiamsi transgressio sit indirecta.*
- 9 *Et libri, quibus festum huiusmodi in dubium revocatur, prohibentur.*

VAlidissimum argumentum Defensores Immaculatae Conceptionis desumebant his ultimis temporibus, ex festo, quod sub titulo Conceptionis celebrat Ecclesia Romana : hæc enim cum non celebret festa Sanctorum nisi obiectum ipsorum festi sit sanctum, inferebant conceptionem esse sanctam : & merito, ut notavit P. *Augustinus de Angelis in tract. de Immacul. Concep. part. 2. art. 1.* Sed è contra qui piæ sententiæ aduerfabantur responsionem, quasi novum Propugaculum excogitaverant ; dicentes quod sicut Ecclesia in celebrando huiusmodi festo die 8 Decembris præscindit à vera die, qua talis Conceptio fuit, nam in generatione foeminarum foetus non animatur,

animatur, nisi post 80. dies. Et sic volebant conceptionem esse, celebrandam die 26. Februar. Ita cum in uno instanti morali, seu brevissimo tempore, quod in tali festivitate Ecclesia veneratur, sint duo instantia physica alterum, quo anima Deiparæ creatur, unitur corpori, & contrahit originale peccatum, ut ipsi sentiunt: & alterum quo sanctificatur, & liberatur à peccato: non considerat illud primum instans, sed ab eo præscindens, & solum ad secundum attendens, celebrat tale festum.

Sed revera hæc responsio nullius erat momenti, ad efficaciam supradicti argumenti infringendam. Duo siquidem, ut constat supponebant Adversarij in hac solutione: quorum alterum ab aliquibus ex nostris, & præcipuè ab Episcopo Crespio, ut patet ex eius *Tropugn. Theol. disp. 3. art. 3. n. 38.* specie veri deceptis, admittebatur, tanquam verum & communiter receptum, nempe foemineum foetum non esse animatum nisi post diem octogesimum: huius autem suppositi falsitas constabit, ex infra dicendis *hæc 3. disp. sect. 7. 8. & ex dictis supra disp. 2. sect. 4.* alterum vero, quod debuissent probare, erat, quod in hoc festo celebratur inadequate illud instans morale, quatenus in eo, non primum, sed solum secundum instans physicum sanctificationis attenditur tanquam obiectum huius cultus.

Quare utroque supposito negato facile machina dissolvebatur, & corruebat. Verum quia primum suppositum de animatione foetus foeminei credebatur facile à pluribus, & res est plena timoris amor, Amantes Immaculatam Conceptionem, timebant, ne, etiamsi nunquam prævaluisset sententia affirmativa peccati, Adversarij contenderent, aut festum Conceptionis transferendum esse versus finem Februarii, ut aliquid saltem consequerentur, aut certe studium, & fervor fidelium erga huiusmodi festum aliquo modo reperiesset, frustraretur. Argumentum igitur Aduersariorum, quod anno præsertim 1661 circumferebatur quasi triumphans, detulit ad SS. D. N. Alex. PP. VII. Ill. & Rev. D. Lud. Crespius Ep. Placentinus, qui in causa Immaculatæ Conceptionis erat eo tempore in Romana Curia Orator pro Episcopis Hispaniarum, & pro ipso Catholico Rege Philippo IV. Verum Sanctiss. Pontifex, & Doctiss. Theologus

Alex. VII. vbi primum audivit commentum hoc excogitatum ad effectum festivitatis huiusmodi pietatem, & studium frustrandi, Pio objecit Oratori meam primam Disputationem, in qua primum suppositum per totam, & præsertim *sect. 5. & 11.* rejicitur; & secundum suppositum *sect. 8. n. 3.* Et Episcopum Oratorem admonuit, ut legeret, & sententias probabiles expenderet. Legit Illustriss. Præsul, & Sanctitati suæ retulit, vere non esse trepidandum, ubi non est timor præsertim si ab Apostolica Sede aliquid in favorem emanaret Immaculatae Conceptionis; meæ nimirum Propositioni de Baptismate Abortivis, etiam primis diebus ministrando, firmiter adherens: vt ex eius Epistola ad me deinde scripta, & quam inter Censuras suprapositas recensui, indubitanter apparet,

Placuit Sanctissimo Pontifici responsum Illustriss. Episcopi Oratoris, & serio animadvertens, secumque revolvens omnia adinvenit illa, ita piæ opinioni de Immaculata Conceptione ejusque solemnitati, ac festo, vt prius die 8. Decemb. celebrando, favere; vt in hunc scopum, & finem quasi lineæ in centrum, tenderent, & colligaret. Potuit fieri nimirum, quod doctiss. Theologus, & Pontifex consideraret in Concilio Basiliensi anno 1439. *sess. 36.* ex communi illorum Patrum testimonio, non quidem dogmaticè, quia jam à Romani Pontificis obedientia recesserant, sed historicè relatam fuisse, quod in Ecclesia Romana, & in aliis antiqua, & laudabilis fuit consuetudo celebrandi huiusmodi festum 6. Idus Decemb. licet Ecclesia Græca celebret illam die 9. Decembr. & pariter animadvertit deinde Sixtum IV. An. 1476. in extrau. *Cum præexcellsa*, & anno. 1483. in extrau. *Grave nimis de reliq. & vener. sanct.* huiusmodi festum approbasse. Attendit fortasse, quod Sancta Romana Ecclesia in officio illius diei quater repetit versiculum: *Concertio est hodie S. Mariæ Virginis*: semel recitat responsum *Hodie concepta est &c.* bis dicit Antiphonam *Concertio est hodie &c.* Semel saliam, quæ dicit *Conceptionem hodiernam &c.* Atque ita solemniter, iteratisque assertionibus pronunciat, diem octavam esse illam, in qua SS. Virgo fuit sine peccato concepta; & forte etiam consideravit, quod huiusmodi Ecclesiæ vocibus, consonant tres illæ

illæ revelationes, quas S. Anselmus Archiepiscopus Cantuariensis affert in Epistola ad Cœpiscopos Angliæ; in quibus dicitur, SS. Virginem die 8. Decembr. fuisse conceptam, eiusque Beatissimam Animam à Deo in corpore creatam, & infusam; & quod illis alia similis concordat quam habuit S. Christina, vel alio nomine Oringa Monialis Augustiniana, & alia plurima, quæ me latent, animadvertens: tandem Constitutionem ad favorem Immaculatæ Conceptionis publicari mandavit, quæ incipit: *Solicitude omnium Ecclesiarum &c.* sub die 8. Decembri 1661. in qua plura quidem pro Immaculata Conceptione & præsertim contra duorum instantium physicorum distinctionem, vnum & idem definit esse instans Conceptionis, & infusionis Gratiæ: & alia decernit meæ de baptizandis Abortivis propositioni maxime suffragantia, quæ hic libet adnotare.

In primis declarans, quid sit Conceptionem Deiparæ esse Immaculatam; & in quo sensu eius festum in Ecclesia Romana celebratur, ait: *Sane vetus est Christi fidelium erga eius Beatiss. Matrem Virginem Mariam pietas sentientium, eius Animam in primo instanti creationis, atque infusionis in corpus, fuisse speciali Dei gratia, & privilegio, intuitu meritorum Iesu Christi eius filij humani generis Redemptoris, à macula peccati originalis præservatam immunitatem; atque in hoc sensu, eius Conceptionis festivitatem solemniter colentium, & celebrantium, &c.*

Si ergo Conceptionem Deiparæ esse Immaculatam, nihil est aliud, quàm in uno, & eodem instanti creatam eius Animam fuisse & à peccato originali præservatam; & in hoc sensu à fidelibus annua festivitas eius celebratur, cum expressa declaratione ab Ecclesia pluries, ut vidimus repetita, quod illa dies recurrit, intra quam fuit illud instans; plane sequitur, idem esse celebrari festum octava die Decembris, ac intra illam diem fuisse illud instans.

Deinde secundo loco repetit, Festivitatem in Ecclesia Romana solemniter celebratam esse, & celebrari cultu nuncium aliqua mutatione variato, sed illi festivitati exhibito secundum communem fidelium pietatem, & devotionem. At ex supra n. 4.

notatis

notatis consueverunt Fideles die 8. Decembris hoc celebrare, & ita nunquam Ecclesia Romana eius cultum immutauit, ideo subdit.

Nos considerantes, quod si Romana Ecclesia de intemerata semperque Virginis Maria Conceptione, festum solemniter celebrat, & speciale, ac proprium super hoc Officium olim ordinavit, iuxta piam, devotam, & laudabilem constitutionem, qua à Sixto IV. prædecessore Nostro tunc emanavit; volentesque laudabili huius pietatis, & deuotioni, & festo, ac cultui, secundum illum exhibitum, in Ecclesia Romana, post ipsius cultus institutionem, nunquam immutato, Romanorum Pontificum prædecessorum nostrorum exemplo fauere: nec non tueri pietatem, & deuotionem hanc colendi, & celebrandi Beatissimam Virginem præueniente scilicet Spiritus sancti gratia, à peccato originali præseruatam, &c.

Postea præcipiens, ut huiusmodi festum celebretur, & cultus Conceptioni Marianæ secundum piam sententiam exhibeatur, innouans Decreta, & Constitutiones Sixti IV. Pauli V. & Gregor. XV. imo, & poenas, & censuras in illis contentas, extendens, ait.

Constitutiones, & Decreta à Romanis Pontificibus Prædecessoribus Nostreis, & præcipue à Sixto IV. Paulo V. & Gregorio XV. edita in fauorem sententiæ asserentis, animam B. Mariæ Virginis in sui creatione, & in corpore infusione, Spiritus sancti gratia donatam, & à peccato originali præseruatam fuisse; nec non in fauorem festi, & cultus Conceptioni eiusdem Virginis Deiparæ, secundum piam istam sententiam, ut præfertur exhibitum, innouamus, & sub censuris, & poenis in eisdem Constitutionibus contentis, obseruari mandamus, &c.

Deinde mandat, ne in Disputationem revocetur, non solum pia sententia; sed neque huiusmodi festum, directe, vel indirecte, scripto, vel voce sub quocunque prætextu, vel occasione etiam argumenta contra illud afferendo, & insoluta relinquendo, aut quouis excogitabili modo differendo, aut interpretando; ita ut fauor, tam dictæ piæ sententiæ, quam festi frustreretur, sub poenis, & censuris in constitutionibus Sixti IV. contentis; Et ideo addit.

Has

Et in super omnes, & singulos, qui præfatas Constitutiones seu Decreta, a pergent interpretari, ut favorem per illas dicta sententia, & fæst, seu cultui secundum illam exhibito, frustrentur; vel qui hanc eandem sententiam fæstum, seu cultum in disputationem revocare, aut contra ea quæ quo modo directè, vel indirectè, aut sub quovis prætextu, etiam definibilitatis eius examinanda, siue scripturam, aut Sanctos Patres, siue Doctores glossandi, vel interpretandi, denique alio quovis prætextu, seu occasione scripto, seu voce, legi, circumscribi, tractare, disputare, contra ea quidquam determinando, aut asserendo, vel argumenta contra ea asserendo, & insolutare relinquendo, aut alio quovis excogitabili modo differendo, ausi fuerint; præter pænâs, & censuras in Constitutionibus Sixti IV. contentas, quibus illos subiacere volumus, & per consequens subiciemus, &c.

Tandem libros omnes, tam editos post Pauli V. decretum, quam in posterum edendos, & omnes locutiones, conciones, tractatus, & disputationes prohibet sub pænâs, & censuris librorum prohibitorum; si in ipsis præfata, pia sententia, fæstum, seu cultus secundum illam exhibitus, in dubium reuocetur. 10

Ac libros, in quibus præfata sententia fæstum, seu cultus secundum illam in dubium revocatur, aut contra ea quomodocumque ut supra aliquid scribitur, aut legitur, seu locutiones, conciones, tractatus, & disputationes contra eandem continentur, post Pauli V. supra laudatum Decretum edita, aut in posterum quomodolibet edenda, prohibemus sub pænâs, & Censuris in I. d. de librorum prohibitorum contentis; & ipso facto absque alia declaratione, pro expresse prohibitis, haberi volumus, & mandamus, &c.

Vt autem clarius appareat, quantum favoris, & roboris accesserit, ex hac Alexandrina Constitutione, illi Philosophorum probabili sententiæ, quæ asserit, humanum foetum primis diebus, esse animâ rationali informatum, oportet ut duo seorsim examinemus. Primum est, an tempus, quo foetus SS. Mariæ Virginis fuit in utero S. Annæ Genitricis, usque ad partum, fuerit solum à natura, seu naturaliter à Deo ordinatum: Secundum, si fuit naturale; quid de ejusdem

Deipara prima Conceptione sit juxta Hippocratis, & Medicorum placita sentiendum: si enim invenimus fuisse naturale, & iuxta communes naturæ, & medicinarum leges regularum facile erit inferre, idem esse sentiendum de omnibus aliis.

SECTION II.

Tempus quo SS. Virgo fuit in Vtero S. Annæ, fuit omnino naturale, & iuxta naturæ leges ordinatum.

SUMMARIVM.

- 1 *In Conceptione temporali Divini Verbi quid supernaturale fuerit, & quid naturale.*
- 2 *Verbi Incarnati gestatio in utero, quo ad tempus novem mensium, fuit naturalis.*
- 3 *Tempus hujus gestationis fuit ex D. Augustino dierum 276.*
- 4 *Quæ miracula sunt, & sunt in rerum natura, habent omnem Naturalem perfectionem.*
- 5 *Tempus illud fuisse novem mensium, ratione, & congruentia prolatur.*
- 6 *Quid in Deipara Conceptione fuerit supernaturale.*
- 7 *Quid vero fuerit naturale.*
- 8 *Gestatio Deipara in utero S. Annæ fuit naturalis.*
- 9 *Conceptiones aliorum miraculo præventa, quo ad tempus gestationis in utero, fuerunt naturales.*
- 10 *Tempus gestationis, quo Deipara fuit in utero S. Annæ fuit dierum 275. aut forte dierum 276.*

Quidquid *sect. 8. primæ Disput.* de intervallo dierum, inter diem octavam Decembris Immaculatæ Uirginis Conceptioni, & diem octavam Septembris ejusdem Nativitati, dicatas

dicatas scripserim , vt Thomæ Fieni sententiam probabilem ostenderem , nunc magis acuratè , & dierum facta computatione , quam tunc neglexi , quia ad eum finem , non erat admodum necessaria investigandum est ; ut ex inde pateat , quàm probabilis sit illa sententia , cui innititur minor propositio mei argumenti *supra sect. 1. n. 5.* allati de animatione foetus humani primis diebus. Et primo loco præstabit , aliqua , vel breviter adnotare de activa Conceptione , qua ipsa Deipara Filium Dei concepit , & portavit in utero.

Notandum igitur primo cum *S. Thom. 3. part. quæst. 33. artic. 40.* & communi Theologorum sententia ; quod licet in Incarnatione Divini Verbi quò ad corpus assumptum , fuerit supernaturalis totus concursus , ex parte principij activi , nimirum Spiritus sancti ; & supernaturalis fuerit unio hypostatica eiusdem corporis , & animæ , quæ terminavit ad personam Divini Verbi ; & pariter supernaturale fuerit , quod in instanti facta sit ipsius corporis organizatio ; tamen aliqua , quæ fuerunt a SS. Virgine facta , ministrando materiam ex suis purissimis sanguinibus , & gestando divinissimum illum foetum in utero à die 25. Martij , quà ex communi SS. Patrum , & antiquissima utriusque Ecclesiæ tam Latinæ , quam Græcæ consuetudine creditur facta Incarnatio , usque ad 25. Decembris , qua Nativitas Christi Domini eadem certitudine celebratur , tam ab Ecclesia Latina , quàm à Græca , fuerunt naturalia , & secundum tempus à natura præscriptum ; ita in sexta Synodo sub Agathone Pontifice celebrata , lectum fuit & approbatum² ab universo illo Constantinopolitano Concilio ex Epistola Sophronij Patriarchæ Hierosolymitani , qui ita scribit de ipso Verbi Incarnatione. *Simul quippe caro : Dei Verbi caro ; simul caro animata rationalis ; simul Dei verbi caro animata rationalis , &c.* Quibus verbis apertè fatetur , unionem carnis cum Verbo , carnis cum Anima , & carnis animatæ cum eodem , fuisse simul & supernaturaliter factam ; Deinde explicans quidquid fuerit naturale ait : *Ex inviolabili , & virginali sanguine sanctæ , atque Immaculatæ virginis Mariæ verbum caro factum , est incarnatum , & veraciter homo , & in utero vir-*

gineo deportatus, tempus expleuit legitimi puerperij; & per singula naturalia, & peccatum non trahentia, nobis hominibus similis factus nostramque non dedignatus passibilem vilitatem, nascitur Deus, &c. Quid clarius dici poterat, ut explicaretur coram Concilio Beatissimam Uirginem naturalem legem de uteri gestatione plene, & perfecte obseruasse; etiam si filius, quem gerebat in utero, esset super omnem naturam Deus ipse?

- 3 Sed audiamus D. Augustinum, qui, ut notauit etiam Suarez in 3. part. tom. 2. di. p. 12. sect. 4. exactissime, quò ad dies hoc tempus computauit non solum ex propria sententia; sed etiam cum universali Eccle. sensu: Ipse enim lib. 4. de Trinit. cap. 5. post enumeratos dies 276. quibus in utero SS. Matris Christus moratus est, ait: hic numerus est miles neuem menses, & sex dies, qui tamquam decem menses parientibus faminis computantur; non quia omnes ad sextum diem, post nonum mensem perueniunt; sed quia ipsi se festio corporis Domini, tot diebus ad partus perducta comperitur; sicut à maioribus traditum, suscipiens Ecclesia custodit auctoritas. Octauo enim Calendas Aprilis conceptus creditur; natus autem tradi ut 8. Kal. Ianuarias. Ab illo ergo die, usque ad istum computari ducenti septuaginta, & sex reperiuntur dies, &c. Et hic non possum non admirari, quam accurate, & diligenter ingeniosissimus Doctor adverterit, & notaverit; hoc dierum spatium, non fuisse quidem commune aliis hominibus, sed esse illud, quo fortissimi, & validissimi foetus solent à matribus in utero gestari, ut infra videbimus. Si enim aliquis foetus fuit vnquam productus, in cuius formatione natura suam perfectionem explicauerit, hic sine dubio fuit, iuxta regulam Chrysostomi hom. 21. in Io. quem citat, & sequitur S. Th. m. 3. part. quest. 44. artic. 3. ad 2. & quest. 46. artic. 6.
- 4 quod quæ miraculo sunt, omnem perfectionem naturaliter possibilem consequuntur; sicut de vino quod conuertendo aquam in ipsum, produxit olim Christus in Cana Galilee. Io. 2. adeo ut, admirans ille dixerit, contra consuetudinem factum esse, ut in fine convivij, propinaretur optimum. At nemo dicet in substantia, & in accidentibus, vinum illud fuisse supernaturale, licet supernaturaliter productum. Ita corpus

corpus Christi, licet modo supradicto fuerit supernaturaliter, id est instantaneè organizatum, & assumptum à Uterbo Divino, tamen quo ad tempus gestationis in Utero, fuit naturale, quamvis illa naturali perfectione attemperatumquam Dei Filium decuisse, sentiunt communiter Theologi.

Et Damascenus lib. 4. de fide. cap. 15. dixit quod Consueto tempore (nouem enim menses expleuerat, ac decimum iam ingressus erat, cum in lucem prolatus est) sua partui, lex constituit.

Et Theorianus Author Græcus, ex Bibliot. VV. PP. tom. 11. in Dialogo contra Armenos, refert, Armenos asserere, quod nouem mensibus, & quinque diebus Christus Dominus fuerit in Utero matris, Sed Armeni in numeratione dierum, vnum diem pratermiserunt, forte quia vltimam diem, scilicet 25. Decembris non comprehenderunt; aut forte omiserunt 25. Martij, quæ etiam debet includi; cum ea die Verbum Divinum, corpore iam organizato fuerit in utero matris.

Et quidem omnium temporum, & totius naturæ Dominus, & Rector, qui ideo nostris vilitatibus, & naturæ legi voluit esse subiectus, & formam servi accipere, ut non solum omnes nostras pœnalitates experiretur, sed etiam vt hæreticos, qui dicturi erant, corpus non assumpsisse humanum, & commune cum nostro, sed Cæleste vel phantasticum, redargueret; debuit quidem perfectissimum corpus assumere, pro dignitate personæ Diuinæ, sed non adeo perfectum, vt naturalem legem excederet, & supra naturam esset humanam. Ergo etiam, quò ad tempus, quo permanere voluit in utero Matris, non debebat naturæ leges superare; & plus, aut minus, quam naturalis corporis humani ratio exigeret, in eo remorari.

Jam vero ex hoc tempore naturali obseruato à Christo Domino in mensibus Uteri materni, tanquam à re magis certa, & nota, & de qua SS. Patres locuti sunt, & conueniunt ad tempus, quo corpus SS. Dei Matris fuit in Utero S. Annæ, à puncto Conceptionis Immaculatæ, usque ad tempus natiuitatis, liceat inferre tanquam ad rem minus notam, & minus certam, quia de illa SS. Patres non ita expresse locuti sunt.

Notandum igitur secundo in Conceptione Immaculata Matris Dei, non solum fuit supernaturale, id quod iam pia docet sententia, & omnes fere Christiani amplectuntur, & SS. D. N. Alexander PP. VII. in sua Constitutione declarat: Nimirum in eodem instanti, quo eius Anima creata, & vnita fuit, etiam fuit à peccato originali præseruata; sed præfuerunt etiam aliæ circumstantiæ supernaturales; Etenim ut docent gravissimi auctores *Niceph. lib. 7. cap. 3. Epiphanius orat. de laud. Virg. Damas. lib. 4. de fide cap. 15. Andreas Hierosol. orat. de Christi Natiu. S. Hildesf. serm. de nat. Virg. S. Eustathius in Hexamer. S. Vinc. Fer. Sermon. 2. de Natiuit. Pantal. Diacon. apud Metaphr. in fest. S. Michaelis Arcang. Suarez in 3. part. tom. 2. disp. 2. sect. 1. & Nouarin. univ. Virgin. num. 1207. 1208. 1209. 1218. 1219. 1220.* Cum S. Anna eius Mater sterilis, & ipsa, & S. Ioachim Pater senes essent, & multis orationibus, lacrymis, eleemosinis, & jejuniis impetraverint à Deo, ut non obstante duplici impedimento, ætatis scilicet, & sterilitatis prolem haberent; & quidem per Angelum, ut plerique ex cœtatis Patribus asserunt, admoniti sint, quod filiam habituri essent, quæ Mater esset Filij Dei; patet, quod non sine miraculo concipere potuerunt, & generare. Et in hoc sensu accipiendum est, quod *Damasc. orat. pr. de Natiu.* dicebat, *Natura gratia fatum antevertere minime ausa est; Verum tantisper expectavit, donec gratia fructum suum produxisset, &c.* & ut notavit etiam Suarez loc. cit. vers. dico secundo. &c. eodem modo intelligendus est idem Damascenus, quando dicit ibidem, *Par erat, ut ad Dei Incarnationem inter per miracula muniretur, &c.*

Cæterum supposito, quod præcesserint huiusmodi supernaturales præparaciones; cætera, quæ successerunt, ex conventionem matrimoniali Parentum, id est tam Conceptio B. Virginis in Utero, quàm duratio, & perseverantia gestationis in Utero, usque ad legitimum tempus, naturalia fuerunt; Quod autem vere convenerint eius Genitores, ipsa Deipara S. Birgittæ revelavit lib. 6. c. 55. & citati Patres affirmant. Itaque ex huiusmodi congressu, juxta communem modum procreata est SS. Virgo, ut asserit S. Epiphanius *heresi 78. & 79.* & docet fusè Suarez d. disp. 7. sect. prima.

Probatæ

Probatum primo, quia ipsa etiam Deipara indiguit Redemptione; ergo descendit ex Adamo per seminalem propagationem: ideo in citata constitutione Alexandrina legimus hæc verba *Intuitu meritorum Iesu Christi eius filij humani Generis Redemptoris à macula peccati originalis præservatam fuisse &c.* ut patet ex notatis *sect. prima n. 6.* si ergo Conceptio Deiparæ fuit in modo, & in substantia naturalis; ergo etiam, & gestatio in utero.

Secundo quia si Divini Verbi SS. Corpusculum, cuius Incarnatio fuit omnino supernaturalis, quippe quæ non oppera hominis, sed Spiritus Sancti virtute facta est, subiectum fuit naturali legi de gestatione mensium in utero; multo magis naturalis conceptio eius Matris.

Tertio quia etiam in aliis conceptionibus, quæ prævio miraculo impetratæ sunt, & in uteris, tum sterilitate, tum senectute impeditis, operatæ, modo ordinario, & communi, per seminum commixtionem; menses naturales fuerunt observati; Nam Anna Vxor Elcanæ, & Mater Samuelis, cum esset sterilis, per orationes, lacrymas, & sacerdotalem benedictionem impetravit à Deo, ut pareret Samuelem; & notat Sacra scriptura *lib. primo Regum cap. 20.* quod concepit, & peperit *post circulum dierum*, idest servato mensium numero naturali. Et de S. Elisabeth. S. Io Baptistæ Genitrice, quæ erat sterilis, & senex, Angelus ipse menses numerans, dicebat *Luce cap. primo: Ecce hic mensis est sextus illi, quæ vocatur sterilis, & ipsa concepit filium in senectute sua.* Et non prius natus est S. Io. Baptista, quàm ipso Evangelista testante *impletum sit tempus pariendi.*

Quarto quia ita mandavit Deus servari de filio suo, ut obstrueretur Hæreticorum os loquentium iniqua; simili de causa in eius SS. Matris Conceptione servari oportebat; quia, ut S. Epiphanius notavit, Collyridiani Hæretici venturi erant, qui dicerent B. Virginem humanæ naturæ prorsus expertem.

Tempus autem, quo S. Anna Deiparam gestavit in Vtero fuit, ni fallor, dierum 276. quot cum D. Augustino diximus fuisse illos, quibus ipsa Deipara gestavit Filium Dei; Nam iuxta veriorum, & communiorum sententiam, quam sequuntur Recentiores,

res, & præsertim *Suarez tom. 2. in 3. part. disp. 21. sect. pr. vers. quæres 1 Barrad. in Evang. tom. 1. lib. 6. cap. 7.* Si dicamus, B. Virginem peperisse Christum decimoquinto anno, iam expleto suæ ætatis, constat eiusdem B. Virginis Conceptionem passivam in visceribus S. Annæ, factam fuisse anno 16 habente ante Christi Nativitatem; Et sic anno bissextili; quo Februario dantur dies 29. Quia ergo ab octava die Decembris inclusive iuxta dicta supra n. 4. & dicenda sect. seq. n. 6. usque ad octavam Septembris, qua eius Natiuitas celebratur, sunt 9. menses; & ex istis, sex menses sunt, qui habent diem unum supra 30. duo vero qui 30. tantum, & Februarius 29. conflatur summa dierum 276. At verò tempus, quo ipsa Dei Filium gestavit in utero à die 25. Martij inclusive ad 25. Decembris inclusive constat 9. mensibus, quorum 4. habent dies 30. integros, alij quinque 30. diebus addunt unam diem, resultat exactè idem dierum numerus 276. Verùm quia non est certum, quod anno Bissextili fuerit concepta B. Virgo, cum non sit certum, quoto suæ ætatis anno Christum pepererit, parum refert, si dicamus, dies illos fuisse tantum 275.

His ita firmatis, & constitutis, superest, ut videamus, an Hippocrati, & Medicis præsertim, probetur hæc doctrina; quod nimirum foetus heroum, seu illorum, qui sunt à natura fortiti perfectissimam temperiem, quorum foetus ab Hippocrate dicuntur validissimi; naturali lege contenti sint hoc numero dierum; An verò minori tempore morentur in utero materno?

SECTIO IV.

Ad naturalem Vteri gestationem satis esse tempus
275. dierum ex Hippocratis doctrina probatur.

SUMMARIUM.

- 1 Tempus gestandi uterum esse 10. mensium.
- 2 Menses lunares, seu Periodici, vel Critici, & menses solares, quor diebus consistant.

3 Tempus

- 3 *Tempus huiusmodi ex Hippocrate est 9. mensum , & dierum 10.*
- 4 *Sunt qui velint esse dierum , 310.*
- 5 *Alij , ut Martianus dies 280. completos continere.*
- 6 *Et ideo Divino Christi fatui primos sex dies defuisse, quia in primo instanti fuit miraculose organizatus.*
- 7 *Erravit Martianus in enumerandis his diebus.*
- 8 *Refellitur Martianus ex ipso communi modo loquendi.*
- 9 *Imo ex ipsa Hippocratis sententia.*
- 10 *Fetus Heroum , non repugnat Hippocrati nasci ante 280. diem.*
- 11 *Salomon inter Heroes numeratus , nascitur die 275. vel 276.*
- 12 *Vita hominis in utero iam formati septem dierum est.*
- 13 *Hipocrates de lunaribus mensibus loquitur , quando 10. menses ad perfectam pueri nativitatem exigit.*
- 14 *Numerorum in abstracto observatio superstitiosa est, & Medico indigna ex Hippocrate.*
- 15 *Puer non moratur in Utero ultra dies 280.*
- 16 *Si ulterius permaneat , in causa est vel uteri , vel ipsius pueri, infirmitas.*
- 17 *Ex utero S. Anne , & Virili virtute S. Ioachimo restituta , atque ex naturali perfectione Mariani fatas concluditur tempus dierum 275. fuisse omnino naturale.*
- 18 *Corpus B. Virginis non potuit naturaliter præexistere eius Animæ, nisi forte iuxta sententias Mirindoli, & Fieni à die 4. vel 5. Decembris.*

ET non sufficere humano fœtui hunc numerum dierum, Gellius lib. 3. cap. 16. testatur esse Medicorum , & Philosophorum illustrium famosam sententiam , sed requirere decem menses completos; Ait enim postquam mulieris uterus conceperit semen , gigni hominem septimo rarenter , nunquam octavo, sepe nono , sepenumero 10. mense : eumque esse hominem gignendi summum finem , decem menses non inceptos , sed exactos , &c.

Hæc sententia si loquatur de mensibus lunaribus , quos Po-

- riodicos, seu Criticos Medici appellant, & constat diebus
 27. hor. 7. 43. 7. ut ex Keplero notavit Ricciol. in *Almagesto* 16m.
 2. primo lib. 4. cap. 19. n. 1. Et in summam decem mensium redacti
 constituunt numerum dierum 273. hor. 1. 11. m. 10. non
 longe abest à vero; & accedit doctrinæ Hippocratis, ut videbimus;
 si autem de mensibus solaribus, qui 30. diebus constanter;
 nimis exorbitat, est contra omnem experientiam, & repugnat
 regulis Medicorum, Nam Medici statuunt, ex vera Hippocratis
 doctrina, mensem 10. inchoatum per aliquot ex primis diebus
 esse naturalissimum; & maxime tempestivum tempus gestationis
 uteri. Ita probant Nicolaus Nancelinus sect. 3. sui *Troblem*.
 Petr. de Peramato. lib. de homin. procreat. *Mercurial.*
 3. lib. 4. var. & alij ex Hippocrate, qui lib. de carn. partic. 12. ita
 loquitur *novem vero mensium. & decem dierum partus fit, & vivit,*
& habet ad hebdomadas numerum exactum, &c.

Difficulus est an huiusmodi dies, quos ex decimo mense
 exigit humanus fœtus, ut maturus egrediatur ad lucem debeant
 esse triginta completi, an inchoati sufficiant; seu quod idem
 est an decimus mensis necessario debeat esse completus?

- Et quod debeant esse exacti 10. menses asserunt Hugo, &
 Bonaventura apud Pinedam, qui heroicum, & perfectissimum
 partum dicunt exigere 9. menses exactos post 40. dies
 præcedentes, & necessarios ad masculini fœtus animationem;
 4. atque ideo constituunt tempus dierum 310. adhæret illis citatus
 Petrus de Peramato in tract. cui titulus, *quid naturale, quidve*
miraculosum in Conceptione Christi Domini fuerit; & Pineda
 in Salom. lib. primo cap. 10. §. 7. num. 20. non repugnat; dum ait,
 Christum Dominum non habuisse 40. dies illos prævios, ante
 animæ infusionem: Nam in primo instanti conceptionis illius
 corpus, ut vidimus eum communi Theologorum fuit perfecte
 organizatum; ex quo infert Pineda, partum naturalissimum,
 & perfectissimum requirere 10. menses in egros ad conceptionem.

Ex Medicis plures idem constanter asserunt; inter quos
 5. Prosper Martian. comment. ad lib. de carn. partic. 12. veneratus
 tanquam Hippocratis oraculum, quod heroici partus menses,
 snt

sint ex diebus 280. completis : verba Hippocratis illo loco iam sunt allata : sed Hippocrates rationem reddit dicens : *Quatuor enim denarij hebdomadam dies sunt ducenti, & octoginta: in denarium autem hebdomadam septuaginta dies incurrunt, &c.* Et in *lib. de septimestr. partu. part. 3.* loquens de perfectissimis foetibus ait : *Qui septem quadragentarii eduntur, decemestres nominantur propterea potissimum coalescunt, quoniam validi, dissimili sunt &c.* Cum autem quadragentaria, spatium sit quadraginta dierum, ut ipse Hippocrates initio huius libri semetipsum explicans, ait ; Planè constat, tempus quo validissimi partus nascuntur, peruenire necessario ad dies ducentos octoginta.

Ita hic Author firmiter existimat, diem hanc ducentissimam octogesimam completæ quadragentariæ pertinere ad naturale tempus, quo perfectissimi partus gestantur in utero: Atque ideo totus est in hoc, ut conciliet tempus dierum 274. quo B. Virgo, ut ipse sibi fingit, Christum portavit in utero, cum hac quam ipse credit Hippocratis doctrina ; At verò ut differentiam, quæ consistit in sex diebus, auferat, notat quod in *lib. de carnib. part. 11.* Hippocrates dicit. *Hominis vero spatium temporis septem dierum est.* Et cum de illo abortivo die septima excusso à foemina saltatrice, in quo Hippocrates *lib. de nat. puer.* se deprehendisse refert prima vitæ rudimenta dicat ; hoc quidem semen sex dierum spectavi, &c. Infert Martianus, quod huiusmodi sex dierum spatio Christi foetus non indiguit ; ex eo quod in illo instanti quo uterus B. Virginis Spiritus sancti virtute concepit corpusculum illud sanctissimum ut iam diximus, fuit perfectè organizatum & ideo concludit, diebus tantum 274. Christum fuisse in utero Matris, & solum ex causa miraculosæ, & instantaneæ organizationis 280. non explevisse.

Verum sicut hic Auctor deceptus est in calculando spatio dierum 274. ita suspicor, ipsum errasse in penetranda vera Hippocratis intelligentia, quoad tempus, quo matres gestant uterum. Et quidem errasse videtur in illo calculo, nam in mensibus Christo Domini, iam dixi cum D. Augustino inclu-

di 25. diem Martij; Et ratio est, quia Christi factus, ut facetur etiam Martianus, fuit in instanti aliquo illius diei formatus. Ergo intra illam diem vera fuit ista propositio: corpus Christi est in utero matris. Quod autem includat etiam 25. Decembris patet, quia iuxta veriorē SS. Patrum sententiam, & quam uniuersalis Ecclesia recipit in Officio, & festo Natiuitatis Domini, Christus natus est post mediam noctem: terminum nimirum vigesimæ quartæ diei illius mensis *ut Suarez notat tom. 2. in 3. part. disp. 12. sect. 4. vers. ultimo.* Ergo vigesimæ quintæ diei initio Caristus erat adhuc in utero matris: alioquin non posset diei natus vigesima quinta die; & male Ecclesia eius nativitatē tali die celebraret; quod non est dicendum, sed potius errasse Martianum in calculo.

Quod autem textus ex Hippocrate allati, non probent, diem 8. Iucentissimam octogessimam necessario pertinere ad menses perfectissimi fœtus, constat evidentissime: Non enim in libro de carnibus dixit Hippocrates, mense decimo completo, vel quarta septimanarum decuria completa, exire fœtum in lucem; sed solum, quod illi qui nono completo, & decimo mense inchoato nascuntur, vivunt. Quoniam habent numerum respondentem ad septimanam: & ratio est, quia quando numeri significant spatium aliquod temporis, seu durationis divisibilis, ut est numerus novem, & decem mensium, vel decuria septimanarum, non sunt accipiendi completi, & exacti, sed satis est, quod sint inchoati; imo si completi intelligantur, faciunt sensum falsum. Sicut si quis dicatur natus decimo mense quocumque die ex illis, quibus mensis ille componitur natus sit, verum est; licet prima, vel vltima die nascatur. At vero si exacta iam vltima, v.g. trigesima die mensis completa: non potest dici natus decimo mense, cum sit natus post illam diem, & mensem completum, ac proinde intra vndecimum mensem.

Quod autem hæc intelligentia sit ad mentem Hippocratis patet, quoniam ipse *libr. de septim. partu part. 3.* postquam dixit, quod partus septimestres vivunt quidam, *sed ex his* inquit, *pauci coalescunt, solidumque robur, & incrementum capiunt* &c. subdit, *tamen potissimum hi servantur, qui non*

noni mensis exitu nascuntur. At exitus noni mensis non attingit diem ducentessimam octogesimam. Et deinde ut doceat quinam sint, qui validiores sunt, ait, *Hicque validius degunt qui plurimam ab octimestrium morbis absunt, &c.* Nam qui septem quadragentariis eduntur, qui decimestres nominantur, propterea potissimum coalescunt, quoniam validissimi sunt plurimumque absunt à morbis eorum, qui per mensem octavum quadraginta dies male habuerunt, &c.

Constat igitur, illos foetus ab Hippocrate descriptos, vocari decimestres, hoc est decimo mense natos, licet decimus mensis non sit expletus, & validissimos dici, qui septimam quadragentariam attingunt, hoc est ad dies 280. accedunt, in quo mense, si nascantur validissimi sunt, quia magis recedunt ab octavo mense foetibus morbofo. Et vulgatus Codex à Mercuriali translatus, hoc idem clarius significat, dum ait, *qui enim in septem quadragenariis nascuntur, decimestres appellati, &c.* sed etiam qui sexta quadragentaria completa nascuntur, nati sunt in septem quadragentariis, licet diem ducentessimum octogesimum non attigerint. Atque ita interpretatur Hippocratem *Chrillos* hrus *Vega de art. medend. lib. 3. sect. 10. cap. 23.* Dum ait, *Non enim semper attingunt decimestres partus ultimam diem de septem quadragenariis.*

Simili modo est intelligendus *Hippocrates lib. de carn.* dum ait, quod quatuor septimanarum decuriæ dies sunt 280. si enim decuriæ acciperentur completæ, ut credit Martianus, superfluum esset, quod Hippocrates addit, dicens, *In denarium autem hebdomadam septuaginta dies incurrunt, &c.* quibus significat, ultimum denarium, ex quatuor non debere esse completum: Si enim tria prima sint elapsa, hoc est tempus dierum 210. & insuper ultimum denarium ita inchoatum, ut novem menses solares compleri sint, id est dies 270. additis præterea decem diebus, qui ad numerum 280. complendum requiruntur, iam foetus, qui hoc tempore nascitur habet numerum exactum ad hebdomadas, quia nascitur in quarta septimanarum decuria. Sed clarius ex Codice Vaticano traduxit Calvus sic; *Quatuor enim septimanarum decuria, dies septuaginta, & ducenti sunt, id est dies 270 per-*

tenent ad quartam decuriam iam inchoatam, licet dies 280. non sint exacti, ut imaginatur Martianus.

- 10 Denique expendamus rationem illius in allegato libro de septimestri partu, & ex illa, quam sit ab eius mente aliena, videbimus illa dierum 280. terminatio completa. Ratio istius est, quia partus nonimestres, & decimestres, quo magis recedunt ab octimestri, eo sunt validiores, sed quis non videat, quod si uteri virtus sit aliquando major, vel etiam in fœtu iam formato, sit activitas, & efficacia, ad vires sibi per nutrimentum augendas, fieri posse, quod sex aut quatuor diebus ante illam Martiani fatalem diem, eas vires acquisierit, & fortè majores, quàm alius perfectus fœtus habebit die 280. cujus activitas, vel uteri virtus non sit adeo valida? Ergo non repugnat Hippocrati, quod ille fœtus sit validissimus, qui nono mense iam expleto ante diem ducentessimam octogesimam exactam nascitur. Atque idè Salomon, qui sine dubio inter Heroas, & clarissimos natos, est computandus, de se ipso scripsit *Sap. cap. 7. 2. Decem mensium tempore coagulatus sum in sanguine, &c.* id est quinque diebus supra novem menses exactos, ut Pineda notavit *lib. primo de reb. salm. cap. 10. §. 1. num. 3.* Uel potius sex diebus post novem menses, ut Salomonem verum, etiam in huius temporis imitatione, Christum representaret.

- 12 Illud verò, quod ex eodem Hippocrate *lib. de carnib.* afferatur non probat: Nam Hippocratis verba, iuxta Calvi ex Codice Vaticano translationem sunt hæc. *Hominis vero spatium temporis in matris vulva, & locellis conformandi, septem dies sunt, &c.* Itaque non de tempore, quo fœtus incipit vivere procedunt, sed quo figuratur, & conformatur, & ita sentit Fernel. *lib. 7. de homin. procreat. cap. 10.* Et quidem quatuor argumenta, quibus deinde Hippocrates illam propositionem confirmat, non aliud probant; imo si recte expendantur, probant, fœtum vivere ante diem septimam, ut videbimus in digressionem post præsentem sectionem.

Sed si Martianus dictis non atquiescat, & adhuc existimet, Hippocratem esse in illa sententia, ut validissimi fœtus expletum illum numerum arcanum attingere debeant; advertendum

est cum *Vallesio in comment. ad lib. 3. de morb. popul. sect. 3.* quod quando Authores videntur dicere, quod huiusmodi partus, quos Vallesius communes vocat, decem mensium spatium exigant, non novem; *Ita est inquit, profecto; quodammodo novem, & quodammodo decem menses sunt, atque ita facile componuntur Autho- rum verba &c.* Et ratio est quia novem menses sunt menses so- lares 30. dierum; & decem menses sunt Lunares, qui secundum Hippocratem 28. diebus constant, & Uega citatus *libro primo cap. 3. & lib. 3. sect. 10. cap. 23.* notat, quod quando Hippocrates requirit spatium 10. mensium, menses lunares intelligit: sequitur enim partus tempora menstruorum.

Et quamvis Hippocrates decretorios dies, à quibus menses gestandi uterum dicit esse regulandos, observari vult; Ac non nimis ad hærendum numeris, more quorundam Philosophorum advertere debere Medicos monet, in libro de morborum septimanis; His verbis. *Quod numerus septimanus Palladi dicitur, cætera que pertendant, possit, & faciat, quæ Philosophi Mathematici, numerarii que de eo, & perquisierunt, & tradiderunt, Medicorum non est &c.* Et deindè; *nihil enim potest totis, & integris diebus verè, & exactè numerari; Nam, nec anni, nec menses totis, & integris dici- verè, & exactè suapte natura perficiuntur, &c.*

Quare ex dictis manifestum est, quod non est attendenda dies ducentesima octogesima ex Hippocratis doctrina, tanquam terminus præcise necessarius pro perfectissimo partu, sed ex ipsius Hippocratis, & Medicorum doctrina spatium quorum- cumque dierum qui sint inter 270. & 280. esse humano foetui etiam perfectissimo, tempestivum.

Imo quod huiusmodi dierum spatium sit ad mentem Hippocratis, probat *Vallesius in comment. ad lib. 5. Epidem. sect. 13.* & in *comment. ad lib. de carnib.* Cum enim ut discurrit Hippocrates *lib. de nat. puer. partic. 26.* & cum eo *Christophorus à Vega d. cap. 23.* foetus ad eam pervenit magnitudinem, ut non habeat in utero matris, alimenti copiam sufficientem; tunc puerulus in lucem exire con- tendit, calcitrat, membranas dirumpit, quem etiam uteri expul- siva facultas adjuvat, ut egrediatur. Quia vero id contingit communiter, ut experientia constat, inter dies 270. novem men- sium

frum solarium, & dies 280. decem mensium lunarium, ibidem cum dixisset: *Non est diutius partum in utero continere, & habere, quàm decem menses &c.* paulo infra partic. 28. rationem reddens ait. *Puer cum in utero crevit, quia mater satis nutrire eum amplius non potest, plus nutrimenti, quam quod adsit, quaritans, non quiescit, membranas lacerat, vinculisque solutus, simul foras exit. Quæ quidem decem menses quàm longissimè peragunt.* Cum enim etiam bruta animantia habeant tempus determinatum nascendi, quando nimirum iam formato foetu, satis nutrimenti Mater non suppetat, ita etiam homo debet habere, nec diutius protrahere.

Neque huic Regulæ obitare possunt, quæ Aristoteles adnotavit lib. 7. de hist. anim. cap. 4. & post ipsum Plin. histor. nat. lib. 7. cap. 5. quod omnia animalia, præter hominem habeant certum pariendi tempus, & uni homini multiplex conveniat, nonnullæ enim mulieres pariunt 7. & 8. mense, ut plurimum vero 9. & quarum partus perfectior est interdum non solum 10. mensem attingunt, sed aliquæ, quæ ut notavit Aris ibidem forte male computant principium conceptionis ad 11. 12. & 13. perveniunt: imo ut S. Bernardus Author est in vita S. Malachie quamdam mulierem gestasse uterum menses 16. & precibus S. Malachie adiutam, peperisse: non inquam hæc obstare debent, quasi excedere 10. mensem in gestatione uteri, sic naturali perfectioni adscribendum atque ideo S. Annam portasse in utero sanctissimam filiam Mariam spacio 10. mensium, non fuisse singulare privilegium huius partus, cum idem, & maius aliis mulieribus fuerit concessum.

Nam respondetur ex Hippocr. iam super numero quarto, alato, decimestres partus esse validissimos, & inter naturales, perfectissimos: qui vero excedunt hoc tempus imperfecti sunt & vitiosi, ut Vallesius ait, *comment. ad lib. 2. de morb. popul. sect. 3.* ex duplici causa. Vel quia matris viæ ampliores sunt, & abundat in utero nutrimentum; & ideo tardius sentit puer alimenti, & respirationis indigentiam; Vel quia puer ipse infirmus sit, & imperfectus, & ideo tardius nascatur; quare, vel vitio uteri, vel ipsius foetus defectu contingit, produci partus ultra dies 280. Imo ex revelatione S. Brigit. lib. 6. c. 55. habemus quod divina providentia

providentia cura speciali astitit huic operi, eo modo quo Aaronis virgam à radice & trunco recisam miraculose fecit florere. *Singulare inquit, & à saculo absconditum facere voluit in opere suo quemadmodum fecit in virgâ arida florescente*: hoc est ut ego intelligo sterilitatis, & ætatis Genitorum B. Virginis duobus impedimentis miraculose sublati, ut supra sect. 3. n. 6. dixi, præter hæc omnem naturalem perfectionem voluit habere conceptum Mariæ corpusculum, tam quoad temperiem quam ad pulchritudinem & tempus permanentiæ in utero; ita ut nec minore nec majore tempore esset ibi, quàm quod natura perfectissimo corpori concedit: sicut virga Aaron, ab arbore recisa, non solum in folia & in flores erupit unius diei spatio ut dicitur in 6. num. c. 17. 8. sed postmodum ut Lorinus ibi adnotavit spectante populo fructus & amigdalas produxit, quia inquit, Lorinus *Dei perfecta sunt opera.*

Cum itaque ex doctrina iam allata supra sect. 2. num. 4. 5. *Io. Chrysostomi, & S. Thomæ.* Uterum S. Annæ, utpote qui ex miraculo redditus fuit aptus ad prolem concipiendam, & quia vires naturales restitutæ S. Genitori Joachimo fuerunt, non possimus alicujus imperfectionis arguere; & ipsum Deiparæ fœtum perfectissimum supponere debeamus, juxta discursum supra factum sect. 2. de perfectione Christi fœtus; Non est cur imaginemur, dies illos sive fuerint 275. sive 276. quibus permanfit in utero matris, non esse tempus legitimum, & naturale; præsertim cum nulla ratio, nullaque autoritas in contrarium urgeat; Imo doctrinæ Hippocratis, & Medicorum hic dictum numerus optime correspondeat.

Dices fieri potuit, quod in hujusmodi conceptione Matris Dei si non præcessit Anima, quod non potest dici; præcesserit corpus juxta probabiles sententias à me in *fr. diss.* allatas.

Fateor, quod si quis ita responderet, neque contra constitutionem Alexandrinam aperte sentiret; hæc enim solum statuit, ut dies festiva Conceptionis Immaculatæ, sit illa dies octava Decembris, in qua anima Deiparæ creatur unitur, & præservatur à peccato originali; Nec falsitatis facile possit redargui: Sed existimo, quod esset contra Hippocra-

cratis, & Medicorum communem doctrinam, quatenus ultra decem menses, partum huiusmodi perfectum produceret, quod non subsistere naturaliter ex 4. *sequenti sectione* clarius patebit; nisi iuxta sententias Mirindoli, & Fieni dicatur præexistere solum à die 4. vel ad summum 5. Decembris. Sed prius digrediamur circa textum Hippocratis.

Quod ante septimam diem vivat humanus
Fœtus in Utero, est Hippocratis doctrina.
Digressio.

Dixi superiori sectione Hippocratem lib. de carn. partic. 11. affirmasse de homine iam formato, vitam esse septē di-rū; ita enim habet vulgatus Codex *ἡ αἰὼν ἔστι τὴν ἀνθρώπου ἐν τῷ κοίμῳ* siue ut Mercurialis transfert. Porro *vita hominis septem dierum est*: Quia verò hic modus loquendi, aliquibus cum præcitato Martiano, ita videtur interpretandus, ut significet die septima hominem, seu humanum fœtum, tunc primo vitam inchoare; ita quod diebus præcedentibus à prima usque ad sextam inclusive, nullam vitam habeat; necessarium est hoc loco examinare Hippocratis discursum, & etiam verba, ut eius doctrinam, & sententiam illis verbis expressam perfectè teneamus.

Itaque doctus Archiater, & Philosophus, cum à principio libri usque ad undecimam particulam, multa de principiis singularium partium, quæ sunt in humano corpore, earumque generatione, & formatione in particulari de auditus, olfactus, & visus instrumentorum ratione, & constitutione differuisset tandem ubi in fine particula decima, sermonem suum abfoluisset his verbis: *Ὁτι οὖν ἡ ψυχὴ ἀπὸ τοῦ ἀέρος ἐστὶν* sic sane res de voce, ac sermone se habet tandem part. 11. ita incipit. Porro *vita hominis septem dierum est*: Ut autem, quod sibi, his verbis probandum proposuerit, intelligamus; an scilicet vita hominis jam ruditer delineati, & paulatim perfectè confirmandi: An vitam tunc primo inchoatam, siue animam, utrumque enim significare potest Græca vox *αἰὼν* ex Thesouro Henrici Stephani fol. mibi 258. hoc est quod quærimus: & ne videatur aliud
ubi

sibi proposuisse probandum, & aliud revera probasse ex discursu illius est indagandum, quid revera intenderit, dum dixit: *Porro vita hominis, &c.* Discursus autem, quem immediate prosequitur, quatuor continet argumenta, quæ sequuntur.

Primum est, quod immediate subjungit dicens. *Primum etenim, postquam genitura in utero pervenit, in septem diebus habet quæcunque corpus habere debet, &c.* Quod late explicans affert experientiam, quam se à meretricibus accepisse fatetur. Hæc namque quando videbant, se in utero concepisse, conceptum intra se perdebant, & genitam carunculam emittebant. In hujusmodi caruncula in aquam injecta, quatenus videlicet in aqua, quæ medium est aëre ipso magis densum, & ideo ad representandas oculo particulas minutissimas, magis aptum, apparebant omnia membra, nimirum inquit, & oculorum regiones, & aures, & manus, & manuum digiti, & pedum digiti, & pudendum, & reliquum totum corpus manifestum, &c. & tandem fatetur hæc vidisse sibi ab ipsis mulieribus demonstrata; dum ait, *certè quatenus mihi ostenderunt, hæc ipsum se cognovisse, eatenus scio, ac prodo, &c.* Et nequis ipsum nimis facilitatis in credendo illis fæminis argueret; sed imo, ut ostenderet debitam diligentiam adhibuisse, easque de tempore conceptionis interrogasse, his verbis admonuit. *Satis manifestum est, harum rerum peritis, quod mulier, cum in ventre concepit, statim horret, & calor, & dentium stridor consequitur, & convulsio occupat, tum artusculos tum totum corpus, & uterum segnitiei, ac torpor.*

Cum ergo hoc primum argumentum procedat ex visualibus observationibus factis septima die in abortivis; quia in illis omnia membra apparebant iam formata, & distincta, manifestum est non probare, nisi de vita hominis iam ita formati; quare sic procedet argumentum in forma.

Illud dies, in qua postquam genitura in uterum pervenit primo apparent omnia membra, quæ corpus habere debet, idest oculi, aures, manus, &c. est prima dies, in qua homo vivit.

Sed septima dies est huiusmodi, ergo,

Septima dies est prima, in qua homo vivit.

Maior est certa, si prædicatum illius, seu maior extremitas intelligatur de vita hominis tunc primo formati: Incerta, si intelligatur de prima hominis vita quæ præcisam membrorum, formationem supponat. Nam illi qui sentiunt, Animam, ut dixi *disp. 1. sect. 3. n. 9. & sect. 7. n. 4.* præcedere membrorum formationem, & existere in materia accidentaliter tantum organizata, constanter illam negabunt, tanquam falsam: Minor constat experientia, ergo primum argumentum, si quid probat, de hominis tantum formati vita procedit.

Secundum argumentum proponitur ab Hippocrate illis verbis in eadem *particula* 11 positis. *Quod verè vita hominis septem dierum sit, etiam ex hoc manifestum redditur; si quis in septem diebus nihil edere, aut bibere velit plerique quidem, in ipsis moriuntur, &c.* Et in forma erit, ut sequitur.

Dies, quæ secundum numerum septenarium respondet diei septimæ, in qua homo, ex eo quod spatio dierum septem abstinerit ab omni alimento, moritur; est prima, in qua fœtus humanus vivit.

Sed dies septima est illa, quæ secundum numerum septenarium respondet diei septimæ prædictæ; ergo.

Dies septima est illa, qua humanus fœtus primo vivit.

Minorem supponit ex praxi, & experientia certam; in pluribus enim contingit, homines qui spatio septem dierum privantur omni alimento, vel in ipsa septima die mori, ut dicit his verbis: *Plerumque quidem in ipsis moriuntur*, vel si vitam ultra septem dies protrahant, non tamen diù vivunt; & rationem reddens, ait; *Verum venter non amplius suscipit. Teinum enim intestinum in his diebus concrevit.* Quia nimirum stomachus, & alia instrumenta ad necessariam nutritionem ordinata proprium munus amplius non præstant; & sic viventis conservationi non inserviunt.

Et quamvis apud Authores, quos refert Beyerlinch in *Theatr. vit. hum. verbo*, alimentorum abstinentia, fama sit nonnullos ad plures hebdomadas, alios ad menses aliquot, & ad biennium

biennium etiam alios ab omni cibo, potuque abstinuisse; Tamen regulariter, & vix plurimum testatur Medicorum facile Princeps hominem sic ieiunantem septimam diem non excedere, quæ experientia sufficit ad minorem probandam.

Maiorem non probat, sed tota eius prædicati, & subiecti connexio consistit in intelligenda illa correspondentia, quam continet subiectum illius quod sane non est simplex terminus, sed quoddam complexum ex pluribus, hoc est, quod alicui diei septima dies inediæ, seu abstinentiæ ab omni alimento habeat correspondentiam. At non video quam correspondentiam possit intelligere, nisi illam, quæ connectat prædicatum maioris propositionis, scilicet maiorem extremitatem cum subiecto minoris propositionis, seu cum minori extremitate; est enim illud complexum medius terminus in argumento. Erit igitur sensus maioris propositionis quod illa dies est prima, in qua vivit fatus, quæ secundum numerum septenarium habet correspondentiam, & analogiam cum septima die inediæ illius; sed hæc non potest consistere in habitudine numeri ad numerum, seu septenarii ad septenarium, non solum quia hæc est æqualitas, non analogia, seu proportio; sed multo magis, quia non est, ut ipse admonet in *libro de morborum septima*. consideratio numerorum in abstracto Medico digna, sed in concreto solum, & quatenus morbi numeris mensurantur. Itaque analogia erit, quod sic ut septima die moriuntur, qui spatium septem dierum sustinent, ex eo quod instrumenta corporis inepta redduntur ad nutritionem: Et contra vivunt, qui spatium septem dierum non carent omni nutrimento, propter contrariam rationem; quia videlicet Instrumenta nutritionis suo munere funguntur; Ita fœtus septima die moritur, si spatium septem dierum, nullum nutrimentum habeat, & vivit illa septima die primum, si antea diebus debita nutritione non caruit.

Confirmatur, & explicatur Hippocratis discursus magis, hoc modo. Inedia septem diebus continuata, est causa mortis, illamque significat eo modo, quo causa effectum significat ergo carentia huius inediæ, seu status continuatæ nutritionis usque ad septimam diem, arguit vitam, tam pro die septima,

quàm pro aliis sequentibus diebus ; nisi aliud de novo adveniat ; ergo septima die fœtus , quia habet analogiam ad diem septimam continuatæ nutritionis, primo tunc vivit ; quia nutritus est fœtus. At quis non videat hoc secundum argumentum etiam, aut nihil probare, aut supponere, quod fœtus ante diem septimam nutriatur ? Ergo non loquitur de Anima, seu de prima vita simpliciter, & in actu primo, qua fœtus vivere incipit ; Sed de vita illius fœtus, in quo sunt omnia, quæ corpus habere debet, ut nutrirî potuerit ; Ergo illis verbis Hippocrates *Porro vita hominis &c.* loquitur de vita hominis, qui iam habet omnia organa necessaria ad nutritionem.

Tertium argumentum simile secundo subdit his verbis *Sed & ex hoc coniectare licet , hominis vitam sep em dierum esse. Puer septimestri partu natus, pro ratione natus est, & vivit , & rationem talis habet , ac numerum ad hebdomadas , ac septenarium exactum. Octimestris autem natus nullus unquam vixit, &c.*

Itaque a vita partus septimestris , ad vitam hominis septem dierum procedit argumentum sic.

Quod puero septimestri partu nato convenit, quò ad vitam, convenit fœtui septem dierum : sed convenit vivere puero septimestri partu nato , ergo convenit vivere fœtui septem dierum.

Majorem probat quia uterque habet rationem, id est analogiam ad numerum septenarium exactum. Minor patet experientia, & ideo in fine tertiæ decimæ particulæ dicit, *si quis, hoc deprehendere velit, facile est obstetrices adire , & ex ipsis percontari &c.* Sed quicquid sit de veritate maioris, certum est, quod partus septimestris non debet pervenire ad septenarium completum, sed satis est illi, sex primos menses esse exactos , & septimum esse inchoatum ; ut ipse ex professo docet *lib. de septim. part. initio*, ubi accurata dierum calculatione facta, infert, *& est tota septimestris summa dimidij anni unà cum aliquantula diei parte, &c.*

Præterea, neque est certa analogia de septimestri partu ad septemdialem fœtum ; Nam hic non est semper , & regulariter vitalis : imo in prima quadragenaria plures abortus fieri, monet

ipf

ipse *lib. de septim. part. 3. ibi, mulieribus de partibus fidem derogare non oportet: dicunt enim plurima, & abortus plurimos in primis quadraginta diebus fieri, &c.* Et ideo hæc tertia prædictæ propositionis probatio, non tam est argumentum necessario concludens, quàm verisimilis conjectura. Ideò dicit, *sed & ex hoc conjectare licet, &c.* Verum quicquid sit, siue argumentum sit, siue probabilis conjectura, non procedit de prima fortis vita, sed de vita eius, qui iam cæpit formari: Nam septimestris partus, cum quo fit analogia, supponit puerum, & fœtum iam formatum, tempore sex mensium præcedentium.

Quartum argumentum, siue, ut loquitur Hippocrates, signum, simile secundo, & tertio, est ex eo tempore desumptum, nempe septennio, quo pueri solent dentes emisisse. *Est autem, inquit, & aliud signum. Pueri septem annis dentes exsunt.* Sed & hoc argumentum cum procedat de subiecto, in quo iam supponitur, animam habere omnia membra in corpore, & per consequens, vitam jamdiu inchoatam, non potest verificari nisi de Vita fœtus, jam aliquantulum efformati. Itaque nullo modo propositio illa *Porro Vita hominis septem dierum est*, in sententia Hippocratis potest intelligi de prima vita fœtus simpliciter, seu de Anima, quæ est in Actu primo: sed de vita in actu secundo; id est de vita hominis, qui jam formari cæpit, & est in via ad perfectam formationem comparandam. Ideò benè Calvus non tam verba, quàm sententiam Hippocratis traduxit. *Vita hominis conformandi septem dierum est.*

Ex dictis infero, Hippocratem non solum non dixisse septima die tantum, vivere fœtum, seu prima illa die tantum, vitam inchoasse, ut jam vidimus: sed ut ex adductis exemplis in 2. 3. & 4. argumento manifestum est, aliquam, vel dubiam vitam supposuisse; Illam tamen certo non asseruisse; quia ante septimam diem, vitam apparere à mulieribus illis non acceperat, & fortasse observari, & apparere non potest, propter pusilli corpusculi ténueritudinem, ut cum Riolano notavi *disput. pr. sect. 4. numer. 3.* De hac autem prima vita, ita cautè scripsit

Hippocrates,

Hippocrates, ut à primis diebus, neque omnino illam à foetu ablegaverit, neque adesse certo affirmaverit: sed tanquam rem dubiam, indicasse contentus fuit.

Quod vero hæc fuerit Hippocratis sententia, non solum ex prædicta argumentorum structura, sed ex ipsis ejus verbis con-jicio. Nam in textu Græco observo particulam illam *ἢ* quam Mercurialis transtulit *Porro*, ex græco lexico Budæi, cum significet rem, quam quis auspicatur, vehementer augeri. ita commodè reddi potest, *quicquid sit, hoc certum est, vitam hominis septem dierum esse, &c.* Ideo facit hunc sensum: quod quicquid sit, de vita hominis dubia, ante septimam diem, hoc certum est, & apparet ex demonstratione, septima die foetum vivere, quia habet omnia membra, quæ corpus habere potest.

Infero secundo, primum Hippocratis argumentum non concludere, nisi supponat membra illa inchoata, quæ septima die apparent, esse effectus productos ab Anima, tanquam à causa efficiente, quæ illa sibi in materia producit, iuxta probabilem sententiam à me relatam *disp. pr. sectio 3. numer. 9. & sect. 7. num. 6.* Nam si membra considerentur tanquam dispositiones, se tenentes ex parte materiæ, & in genere causæ materialis concurrentes ad vitam foetus: jam ex hoc antecedente, *Die septima adsunt omnia membra, quæ corpus habere debet*, non valeret hæc illatio, ergo adest vita. Non valeret, inquam, quia hujusmodi dispositiones, non sunt in suo genere, seu in ratione membrorum, & organorum completæ, & perfectæ; sed imperfectæ & rudes; Perficiuntur, enim, & exactè articulantur membra in masculis spatio 30. dierum, & in foeminis 40. ut ipse fatetur *lib. de nat. puer. partic. 6.* & in aliquorum sententia præcedunt formam. Ergò, cum non nisi tanquam effectus à suo efficiente producti considerari possint, idèd optima est illatio. Die septima sunt producta membra, quæ corpus habere debet, ergo die septima adest anima: Sed hoc argumentum ex autoritate Hippocratis ductum tantum abest, ut mihi adversetur, quod potius maximè suffragatur.

Nam

Nam etiam si efficiens possit non præcedere suum effectum duratione divisibili, sed esse simul; ut patet; quia si Deus crearet solem in aëre in instanti, in eodem instanti illuminaret; at non potest verificari de illa causa efficiente, quæ producit effectum, qui habeat contrarium, ut sunt ossa V. G. quæ ut generentur, prærequirunt, ut in materia corrumpatur humiditas, & generetur illa siccitas, & densitas, cum quibus stat forma ossis: tunc debet causa efficiens divisibiliter, & in tempore præcedere suum effectum. Ergo tantum abest, ut Hippocrates voluerit per illa verba significare, die septima primum, & non antea, Animam esse in corpore, ut potius ex tali discursu resultet, ante septimam diem animatum fuisse foetum, & in eo rudem incipiente corporis formationem.

S E C T I O V.

A quo tempore sint inchoandi Menses, quibus foetus in utero gestantur.

S V M M A R I V M.

- 1 *Conceptio non est sola in utero seminis receptio, aut retentio.*
- 2 *Sed actio uteri, qua virtus seminalis excitatur ad formandum foetum.*
- 3 *Membranas statim formari in utero, assertit Hippocrates.*
- 4 *Et probat similitudine ducta à crusta panis.*
- 5 *Eandem probat Galenus, & explicat hanc subitanæ membranarum generationem*
- 6 *Idem repetit Avicenna, Fernelius, & Aldrovandus.*
- 7 *Et ratione probatur ex animalibus ex putri procreatis.*
- 8 *Seminis virtutem inclinare naturaliter ad sui destructionem, non est absurdum.*
- 9 *Plurimæ effluxiones, cur primis diebus contingant.*

A a

10 Signa

10 *Signa sensibilia animationis sunt membrane.*

11 *A prima conceptione menses gestationis esse numerandos, Sacra-
rum litterarum testimonio probatur.*

12 *Confirmatur Hippocratis auctoritate, & ratione.*

13 *Indicia ad tempus Conceptionis cognoscendum.*

IN primis repetenda hic est significatio huius termini Conce-
ptio, quam *disp. 2. sect. 3. n. 3.* cum Fernel. & Fromondo dice-
bam, esse, non feminis masculini attractionem, aut eiusdem re-
tentionem : Nam benè fieri potest, quod ab utero, seminante
viro, fuerit attractum, & per aliquot horas, aut etiam dies,
retentum ; & tamen non ex eo mulier conceperit ; quia inquit
Fernelius *à femineo semine destitutum fuerit, & spiritus eius totus
evanuerit.* Perinde ac stomachus cibum gravem, & immutabi-
lem, quem traxit, & continet, inutiliter reservat, Jmo eius
mole gravatur. Sic uterus Mola, quæ non est vera conceptio
sed inutilis, gravatur, ut videbimus *Disp. 4. sect. ult.* Verum con-
ceptio, de qua nunc cum Medicis agimus, est uteri actio, qua ip-
se uterus semen viri avidissime ad se allicit, in se recondit, &
2 suo calore fovens, eius potestatem excitat ; ut ad agendum, &
formandum foetum, erumpat. *Primum itaq. uterus semen attrahit,
attractum continet, contentum concipit, non secus atque ventriculus
tractum, contentumque alimentum conficit ; ut enim concoctio Ven-
triculi, sic & conceptio uteri propria est actio, &c.* ita Fernelius
loco citato.

Et quamvis, ut patet ex similitudine ventriculi, possit ute-
rus per horas, & etiam per dies semen inutiliter retinere, ex
quo causentur aut mola, aut effusionès : tamen si vera Con-
ceptio fiat, statim membranæ producuntur, ut *disp. pr. sect. 7. n. 12.*
cum Sennerto, Pemptio, & Fieno adnotavi. Nec longe abest
Hippocrates. Hic enim *lib. de nat. puer. initio,* ait : *Semen ab*
4 *utrisque profectum, in mulieris locellis remanet, & primum qui-
dem simul miscetur, cogiturque & crassescit, calefactumque den-
satur ; spiritum deinde concipit, tumescitque ut post loco calido
eum sit. &c.* & paulo infra subjicit : *Cum in calido loco confi-
stat, spiritum tunc concipit, & emittit semenque cum perfatur, mem-
branam,*

branam pelliculamque circumducit, quod enim semen extrinsecus circumdat, densatur, continuaturque cum glutinosum sit quemadmodum in pane cocto, soscne membrana tenuis super excisatur; Nam panis cum calefit, perflatur membrana, pelliculaque ducitur, sic & semen, &c.

Eadem habet *Arist.* l. 2. de gen. an. cap. 4. Idem sentire videtur Galenus, dum lib. pr. de semine cap. 4. post repetitam eandem similitudinem cruit panis, explicans quando, & quomodo fiat in utero mulieris humani foetus principium, statim ac semen virile cum sanguine commiscetur, qui est in singulis venarum orificiis; & præsertim quomodo, & quando, totum hunc sanguinem extrinsecus membrana operiat; hoc enim, inquit, non tam ex ratione, quam ex ipsa rei evidentia necessitatem habet. Membrana siquidem apparet, quæ fetum ipsum statim, ubi primum conceptus est, sive multorum, sive paucorum sit dierum, unde quaque circumdat, ac continet; Sepe numero enim mulieribus post tres, aut quatuor à principio dies semen ipsum membrana circumvolatum excidere consuevit. Quod idem poteris in animalium dissectionibus manifestè deprehendere, &c. Adducit deinde experientiam allatam ab Hippocrate lib. de nat. puer. de muliere illa Vxoris suæ famula, & tandem dicit, quod semen ab omnibus vulvæ partibus appositum, latius distendi cogitur; quod si ob suam imbecilitatem non discernatur, ita ut diffuset, atque excidat, statim tota exterior eius pars, qua vulvam attingit, in membranam concrevit, &c. & cap. 7. ait, cum igitur una cum mare femina emittit, &c. sit ut utraque hæc semina inter se membranulis copulentur, quas scilicet famineum sua progressionem tunc efficit semen, &c. tunc ergo eodem tempore. Et paucis interiectis ait: Acetabula appellatur venarum casta, per quæ singulis mensibus extremius sanguis in vulvam derivatur; quodcumque igitur ex his orificiis, attigerit semen, statim alimentum illud, ad se adhibet, membrana ea in parte, utpote quæ recens, ac tenera adhuc sit, patefacto foramine, aditum præbentem, &c. hanc membranam Chorion appellant, & cap. 10. ait. Constataneum fuit, ut membranam, quæ vaporosas exhalationes exciperet, latam ac crassam in primo statim com-

ceptu natura genitura, quæ ob calorem erat exhalatura circumponeret: Nullaque alia præter has est membrana, quæ in primis statim diebus necessario generetur, &c.

Et Avicenna *lib. 9. de nat. Animalium cap. 2.* in hærens Hippocrati, & explicans quomodo in illa muliere Saltatrice intervallo sex dierum condensata adeo fuerit genitura in utero, ut saltus fuerit necessarius, ad illam excutiendam, ait, *Humidum quod decoquit ipsum, facit circa ipsum venire corticem terrestrem, & durum, sicut contingit pani, qui decoquitur in pinguedine aliqua in furno, aut patella, &c.* & *cap. 4.* ait, *Impossibile est, quod natura non fuerit sollicita, circa istum spiritum.*

Fernelius, qui est inter illos, qui animæ rationalis inexistenciam usque ad quartum mensem retardant, ut videre est *lib. 7. de hominû procreat cap. 13.* fatetur ibidem *c. 9.* quod membranae prima vel secunda die fiant, & deinde *cap. 10.* huius, quam prius descripserat, conceptionis actionem explicans, ait, *hic videlicet spiritus seminis, protinus quasi discusso terapore exurgit, in actusque proprios erumpit, &c.* Et eandem doctrinam de subita membranarum generatione probat Aldrovandus à me citatus *disp. pr. sect. pr. n. 11.*

Et patet: Nam fere in momento videmus, gigni ranas ex putri; & post horæ spatium, vermiculos super carnibus, quas muscæ volitantes prolifico contactu tetigerunt, æstivo tempore procreari. At in huiusmodi animantibus, dantur organa, ad motum localem progressivum, ad nutritionem, & ad proprias sensationes necessaria, Ergo non est improbabile, intra eandem diem, produci membranas, foetum vestientia, quantumvis artificiosam habeant structuram ex venis, & pluribus arteriis contextam: Si enim calor ignis, vel solis est instrumentum tantæ virtutis, ut ferè in momento introducat in ligno V. G. dispositiones corruptivas formæ ligni, & productivas formæ ignis, cur virtus seminalis, & uteri calor, qui ex Arist. *lib. 2. de gener. ani. cap. 4.* perfectior est calore ignis, non erit post aliquot horas, instrumentum efficax ad introducendas: dispositiones corruptivas formæ seminis, & productivas unio
nis

nis animæ rationalis, quam Deus Naturæ author ibi eadem prima die creat?

Nec debet obstare, quod virtus seminalis huiusmodi, si daretur, esset ad destruendam se ipsam, suamque seminis formam. 8

Nam responderetur quod ad finem generandi aliud, natura omnia semina produxit; & illi Authores, qui actionem hominis generativam in longum protrahunt, hanc eandem solutionem adhibere tenentur.

Neque etiam hic discursus, est contra Aristotelem, quatenus lib. 7. de hist. Animal. cap. 7. dixit, *quæ intra septem dies contingunt, effluxiones dici, non abortus*; Nam Aristoteles hanc doctrinam desumpsit ex Hippocrate, qui lib. 1. de septim. part. part. 4. loquens de primis sex diebus, usque ad septimam, dixit: *Non abortus, & quidem plurimi per hos dies fiunt, qui defluxiones dicuntur, non abortus, &c.* Ubi meritò dicit his diebus plurimos abortus fieri, id est plures, quam aliis diebus: non solum ob maiorem materiæ teneritudinem, sed quia non toties, quoties, ut iam vidimus, uterus mulieris attrahit viri semen, & attractum continet, ea actione quam medicam conceptionem vocavimus, illud actuat, excitat, & disponit, ut sit genitura utilis, & prolifica; sed sæpius projicit, imò etiam actuatum iam, & dispositum, vel ob aliquam violentiam extrinsecam, vel propter aliquem uteri morbum superuenientem, destituit, & destitutum expellit. In hoc ultimo casu non esset effluxio, sed abortus; in aliis prædictis esset effluxio. Quia vero in primis diebus potest id facilius contingere Aristoteles indefinitè dixit, *intra septem dies effluxiones contingere*, id est non omnes eiectiones, quæ isto tempore fiunt, esse effluxiones, sed aliquas, & quidem plurimas. 9

Quod si intra hoc tempus, ut accidit in casu, quem de muliere illa Psaltria refert Hippocrates lib. de natur. puer. part. 2. contingat, abortum fieri, & appareant signa fœtus animati, nempe involucri tunicarum fatum vestitum egredi, & esse illæsum, eo quod membranæ sunt integræ, vel si non sint integræ, illarum fractura non demonstrat, fœtum esse compressum, 10

& indubitanter extinctum, quo casu, cum adsit fundamentum sensibile dubitandi de inexistencia Animę rationalis, baptizare oportet sub conditione. Si autem non appareant huiusmodi signa, vel si tunicarum fractura, ita contritum, & dissipatum foetum ostendat; non esse etiam sub conditione baptizandum existimo, deficiente nimirum ratione prudenter dubitandi.

Jaque ad difficultatem propositam, ut respondeam, omisiss eorum placitis, qui voluerunt ab animatione gestationis menses esse inchoandos, non ab hac, sed à medica conceptione hoc tempus numerandum esse existimo. Primo autoritate sacrarum literarum; Nam Lucae *cap. pr.* Angelus Gabriel Deiparam alloquens dicebat, quod *Cognata Elizabeth conceperat filium in senectute sua*; Cuius facti circumstantiam, & veritatem ut magis declararet, subiunxit, *Et hic mensis est sextus illi, &c.* quasi diceret à conceptione, iam sex menses numerantur, & ideo ex utero tumefcente, & ex motu pueri semestris cognosci potest, quod concepit: & pariter probatur, quod matris officium inchoandum sit à puncto conceptionis ex historia re-
 11 lata *lib. 2. regum cap. 11. 5.* Cum enim nocte præcedente Dauid cum Bersabea adulterium commisisset, ipsa in mane, ut Abulensis ait, *reversa est in domum suam concepto fetu mittensque nunciauit David, &c. ait concepi.* Ex hebr. vertitur *Genitrix ego*, ut *disp. pr. sect. 7. n. 7.* notaui.

Secundo, quia Hippocrates *lib. 2. de morb. popul. sect. 3.* id aperte docuit, dum dixit: *A menstruis numerandi sunt novem menses, aut à conceptione, & inducentos, & septuaginta dies Græci*
 12 *mensēs sunt, aut contraria, &c.* Hoc est à conceptione, si hæc nota sit; vel si hæc incognita, à menstruis; & quia Græci, menses componunt ex triginta diebus, erunt à conceptione comuni numerandi, tam pro masculis, quàm pro foeminis dies 270. vel pro validissimis foetibus, aliquibus additis diebus, aut detractis, pro minus validis. Et *lib. de septim. part. part. 2.* notat, quod foemine sæpè errant in mensium numeratione; quia nesciunt quando conceperint.

Tertio: quia tempus animationis est incertum, apud Auctores, ut *disp. pr. per tot.* probavi. Ergo non potest ab ea numerari

rari mensium gestatio. Tum quia, dum mensium querimus initium, querimus à quo tempore mulier facta sit mater, non à quo tempore foetus sit animatus; sed sit mater in ipsa conceptione; & tunc incipit uterum gestare, ab illa ergo, non ab animatione numerus mensium est inchoandus.

Et si quis diceret, quod tempus conceptionis, modo supra dicto explicare, non possit præcise cognosci; Respondetur ita esse; sed tamen ex pluribus indiciis Medici conjiciunt. Primum est, si unicus fuit congressus mulieris cum viro; qualis fuit illi e Bersabeë cum David; & *Genesis cap. 25 & 1.* Rebecce cum Isaac: hæc enim ex expresso testimonio *S. Pauli ad Romanos 9. 10. ex unico concubitu* geminos filios Esau, & Iacob habuit. Secundum; inquit Hippocrates *lib. de nat. puer. partic. 2.* Cum mulier concepit semen, & extra locellos non exilit, sed intus remanet &c. & *lib. de carnib. partic. 11.* peritis etiam harum rerum feminis liquido clarum fit, cum conceperint. Nam confestim horrent, calefiunt, dentes infrenant &c. & *lib. de semin. genital. natur. siue de genit. partic. 10.* si femina partus perita sit, secum cogitabis, cum semen non exiit, scietque, se eo die concepisse, &c. Erit ergo ex huiusmodi signis nota conceptio ac proinde terminus, à quo menses gestationis sunt numerandi.

SECTIO VI.

Humanum foetum primis diebus vivere, & contrarias sententias, vel esse contra Medicorum regulas, vel prohibitas ex Alexandrina Constitutione probatur.

S V M M A R I V M.

- 1 *Animatum humanum factum esse primis diebus, insertur ex conceptione Deipare.*
- 2 *Non omnis propositio prohibita est probabilis.*
- 3 *Omnia*

- 3 *Omnes sententiæ Philosophorum de animatione fœtus existimatae probabiles, videntur jam prohibita; præter sententiam Mirindoli, Fieni, Pemplij, & aliorum.*
- 4 *Si dictæ aliorum sententiæ verificentur per anticipationem, sequitur, perfectissimum fœtum posse esse undecimestrem, duedecimestrem, tredecimestrem, & quatuordecimestrem.*
- 5 *Sole Mirindoli, & Fieni Pemplij & Semnerti sententiæ secundum hanc anticipationem, subsistunt.*
- 6 *Si autem per perstipationem accipiantur, sola Pemplij, & Semnerti sententiæ subsistunt; aliæ vero sunt prohibita.*
- 7 *Nec satis est, ad vitandam hujusmodi prohibitionem, dicere, quod die 8. Decembris representetur Instans Conceptionis, quod re vera fuit in aliqua dierum succedentium.*

Cum ergo ex his, quæ iam vidimus constet, conceptionem, animationem, & gestationem mensium SS. Virginis Matris Dei, in utero S. Annæ, fuisse usitato naturæ modo factam: nimirum ex Parentum congressu, & cum ea mensium gestatione, quæ perfectissimis fœtibus, à natura præscribitur: neque ex sacris literis, aut SS. Patrum dictis, aut medicinæ, vel Philosophiæ regulis, vel DD. autoritatibus ostendi possit, in prædictis fuisse aliquid supernaturale, & miraculosum; sed solum in præcedente remotione impedimentorum: & omnia observata fuisse, quæ in aliis perfectis fœtibus communiter inveniuntur, neque appareat voluisse Deum in hujusmodi conceptione medica, ex eo quod esset conceptio futuræ suæ Matris, neque in animatione, quoad tempus, quia ageretur de creanda, & unienda corpori SS. illius Anima, neque in gestatione mensium, aliquid singulare fuisse, vel privilegiatum, nisi imaginari, aut divinare velimus, evidenter inferitur, eandem etiam in aliis conceptionibus, animationibus, & mensium gestationibus inveniri: nisi per accidens id est ratione, vel imperfecti temperamentis seminum, vel aliquo languentis uteri morbo, aliud contingat. Ergo in omnibus hominum conceptionibus, à quibus computantur menses, & tempus, quo fœtus gestantur in utero, probabile est dari animationem, vel simultaneam, cum tali conceptione medicæ

medice accepta, vel saltem quæ post paucas horas, intra eandem diem, illi conceptioni succedat; nimirum perfecta iam organizatione accidentali, ut dixi *diffutatione secunda sectio 3. num. 5.*

Et quidem non est nova ista Conclusio, sed pro ea adduci possunt omnes, qui *disp. pr. sect. 3. n. 9. & sect. 7. n. 6.* affirmant, Animam rationalem informe illud corpusculum informantem, fabricare sibi in eo membra, & organa. Et ex SS. Patribus S. Cyrill. *Alex. lib. pr. in Io. cap. 9. circa med. Nyssen. de homin. opif. c. 29. S. Caesar. d. disp. pr. sect. 9. num. 3. & 4. & Beda tom. 1. lib. de mun. corst. §. de certa anima &c.* citati, qui uno ore asserunt, neminem sanæ mentis dicere, Animam esse priorem, vel posteriorem corpore. Et ex medicis Hippocrates & alij qui illum sequuntur iuxta nostram intelligentiam supra in fine sect. 4. late traditam.

Et probatur, quia quod competit alicui tali ut tali, competit omni tali: sed competit conceptioni Deiparæ, quatenus naturali modo facta fuit, ut esset intra eandem diem animatus foetus, & gestatus in utero spatio novem mensium cum aliis quibus diebus; Ergo in omni alia conceptione perfecta, quæ sit naturalis, erit intra eandem diem foetus animatus; & spatio novem mensium gestabitur; nisi extrinsecum accidens, acceleret partum, aut retardet.

Neque quicquam facit, si quis mihi obiiciat, sententias Ferdin. Menæ, Martiani &c. qui tantum septima die, animam concedunt humano foetui; vel aliorum, qui decima, vel decimaquinta die; vel vigesimaquinta: trigesima: trigesimaquinta; quadragesima: quadragesimaquinta: quinquagesima: vel octogesima: asserunt esse animatum, quas *disp. 1. à sect. 2. vsq. ad 10.* recensui tanquam probabiles.

Nam responderetur, quod aliud est aliquem librum, verbi gratia, esse interdictum, vel aliquam propositionem esse prohibitam: & aliud est, eandem esse probabilem: probabilitas enim pendet à ratione, & auctoritate, quibus innititur: at vero prohiberi librum, vel propositionem, nihil aliud est, quam ex legitimo Superioris præcepto, huiusmodi librum non

poſſe legi, & propoſitionem non poſſe doceri: hæc autem duo, ut patet, diſtinguntur: & fieri poteſt, quod liber qui continet doctrinam ſanam, & quod propoſitio, quæ aliàs eſt probabilis, propter commune bonum, & prudentem gubernationem, non expediat legi, & talem propoſitionem doceri: quæ omnia exemplis probantur.

Sacra Biblia vulgari ſermone translata, paſſim ab omnibus legi, non expedit; & ideo in regula 5. Jndicis à Clemente VIII. publicati, prohibentur: & tamen certum eſt, veram imo ſanctam, & utilem doctrinam, nedum probabilem, continere.

Pariter hæc propoſitio; Prædictio Astrologica de vita, & morte hominum eſt ſaltem probabiliter vera, cum rationi, & autoritati ſit innixa, eamque docent *S. Thom. 3. contra Gentes c. 84. & 85. PP. Cœnimbricenses de Cælo l. 2 c. 3. q. 9. a. 2. conſuſione 2. Thomas Hurtad. de Cælo d. 2. ſect. 2. n. 79. Lupus in Luc. nov. S. Inquiſit. p. 3. l. 18. diſt. 2. a. 3. diff. unica, & Carena de S. Inquiſit. p. 2. tit. 10. §. 11. num. 71. & 72.* ubi quod iſta propoſitio eſt ferè certa. Ac vero quod hic homo, nempe Sum. Pontifex, vel aliquis eius conſanguineus, uſque ad tertium gradum, tali tempore ad mortem ægrotabit, per Astrologiam prædicere, eſt prohibitum, ut patet ex *Conſtit. Urbani VIII. Inſcrutabilis. edita Kal. April. 1631.* Tandem hæc propoſitio *B. Virgo concepta eſt in peccato originali,* eſt prohibita à Paulo V. in publicis, & à Gregor. XV. etiam in privatis actibus, non tamen damnata, aut falſitatis notata, vel improbabilitatis, ſed in ſuo primævo ſtatu, ante Pontificias Conſtitutiones, relicta.

Conſtat igitur ſupradictas ſententias, ſeu propoſitiones, de tempore quo foetus humanus incipit eſſe animatus, in ſua probabilitate poſſe remanere intactas; ſed ab emanata SS. D. N. Alexandri VII. potuiſſe prohiberi, ſicuti prohibita iam erat ſententia illa affirmativa de Conceptione maculata Deiparæ. Nam verbi gratia, ſicut ad tolienda ſcandala, & contentiones in populo Chriſtiano expedire iudicavit Paulus V. ut huiusmodi propoſitio publice non affirmaretur; pari ratione in Conſtitutione Alexandrina SS. Pontifex, ne feſto Immaculatæ Conceptionis aliquid detraheretur, & Chriſti fideles à pacifica quaſi poſſeſſione

possessione, illud cultu nunquam immutato celebrandi deturbarentur, potuit huiusmodi sententias tali festo contrarias prohibere, & illas nihilominus in sua probabilitate relinquere. Quod autem illæ sententiæ huiusmodi festo sint contrariæ, sic ostendo.

Et primo ne confusè, & cum obscuritate procedat probatio, reduco hic in ordinem varias illas sententias; quarum prima Canonistis quibusdam, & Criminalistis tribuitur; qui asserunt, foetum mulieris non esse animatum, nisi post diē octogesimam: secunda sententia, nisi die quinquagesima: tertia sententia, die quadragesima: quinta, die trigesima quinta: sexta, die trigesima: Septima, die vigesima quinta: octava, die decima quinta: nona, die decima: decima, die septima: undecima, die sexta: duodecima, quæ est Fieni, die tertia: decima tertia, Pemplij, & decima quarta, Sennerti, prima die.

His ita dispositis, & etiam præsupposita sententia Hippocratis, quod tempus quam longissimum, quo partus solet suam egressionem differre, sit decem mensium lunarium, seu dierum 280. si partus non sit viciosus: iam sic interrogo, & inquirō ab Authoribus illarum sententiarum. Uel ergo respectu Partus Mariani, in quo habemus duo certa: nimirum, diem animationis octavam Decembris & diem Nativitatis octavam Septembris, existimant suas sententias esse veras anticipando, vel postponendo: id est vel ante diem octavam Decembris numerando dies 80. 50. 45. &c. & sic deinceps; ita ut prima istarum dierum sit dies matrimonialis congressus inter Genitores, & dies 8. Decembris sit dies animationis; vel post diem octavam prædictam, numerando easdem; ita ut isti primi dies, sint dies animationis; ut re vera intendunt, & asserunt isti Authores.

Si dicatur primum; nimirum anticipando, jam sequitur juxta primam sententiam Deiparam fuisse tredecimestrem; imò & quatuordecimestrem; nam à congressu ad partum fuissent dies 354. additis nimirum diebus 79. supra dies 275. qui sunt ab octava Decembris inclusivè, ad octavam septembris; juxta secundam sententiam, quatuordecimestrem; Juxta tertiam, duodecimestrem; juxta quartam, & quintam pariter duodecimestrem; juxta sextam, quæ asserit non

nisi trigesima die fœtum esse animatum, undecimestrem : & sic de aliis usque ad undecimam sententiam, quæ addit quinque dies diebus 275. atque ideo concedit, D. Annam gestasse vterum diebus 280. nimirum usque ad longissimum tempus, quo in utero perfecte disposito, partus humanus potest permanere. Duodecima vero sententia, quæ solum duos dies addit diebus 275. quibus sequitur, Deiparæ fœtum stetit in utero materno, cum non excedat in summa dierum 277. decem menses lunares incompletos, & à Medicis præscriptos, videtur tolerabilis; cum ut vidimus *sessione tertia numero tertio nono*, satis tempestivum, & legitimum tempus egrediendi ab utero est à diebus 270. usque ad dies 280.

Ex dictis igitur patet, omnes prædictas sententias, una, & altera excepta, Fieni nimirum, & Mirindoli, qui sexta die fœtum dicunt esse animatum, esse contra omnes Medicorum regulas, & solam sententiam undecimam, duodecimam, decimam tertiam, & decimam quartam anticipando posse subsistere.

Si autem Authores respondeant, per postpositionem verificari debere eorum sententias; itaut, octava dies decembris sic annua dies matrimonialis congressus, seu Medicæ conceptionis; erit juxta primam sententiam vigesimaquinta Februarij, dies animationis, vel juxta secundam sententiam dies vigesima sexta Januarij: Et sic de aliis omnibus prædictis sententiis: Nam juxta duodecimam, esset dies decima; & juxta undecimam, dies decimatertia, & sic semper maior fieret recessus à die octava Decembris, usque ad diem vigesimam quintam, prædictam Februarii. Atque ideo solæ sententiæ Pemplii, & Sennerti admittendæ erunt.

At vero hanc sententiarum explicationem, & applicationem, quis non videat esse sub gravissimis pœnis, & censuris ab Alexandrina Constitutione comminatis, interdictam? Nam per illam, frustratur festum Immaculæ Conceptionis, quatenus die 8. non celebraretur ab Ecclesia Anniversaria dies illius diei, intra quam fuit instans, quo Beatissima Deiparæ Anima creata, corpori infusa, & ab Originali præservata fuit; sed
solum

solum recoleretur memoria illius diei, in qua inanimatus foetus coagulatus, & preparatus ad animam, aliqua ex diebus succedentibus, recipiendam?

Neque censuras effugeret, si quis diceret, diem octavam esse per representationem, annualem illam diem in qua anima B. Virginis fuit creata, & preservata ab originali macula, eo modo, quo illi qui celebrant festum Immaculatae Conceptionis cum integro officio octavae illum primum diem sibi representant: quamvis enim, isti recolerent diem octavam Decembris tanquam annuam illius, in qua vere B. Virginis Conceptio facta fuit sine peccato, tenentur tamen fateri, quod aliis singulis diebus, infra octavam succedentibus, in quibus saepius repetunt responsoria, versus, & antiphonas, quibus dicunt *Conceptio est hodie*, &c. non intendunt, nisi illam diem esse representativè talem quatenus eam sibi in officio praesentem faciunt. At qui de ipsa octava die decembris ita sentirent quod isti sentiunt de aliis diebus infra octavam, jam indirecte festum Immaculatae Conceptionis frustrarent, & in dispositionem revocarent, & in dubium, an tali die, seu potius alia & sequentibus esset celebrandum hoc festum: quod pariter sub iisdem poenis & censuris prohibetur; quia interdicuntur in dicta Constitutione omnia scripta, tractatus libri, & interpretationes, quibus directe, vel indirecte, in disputationem, vel in dubium revocatur huiusmodi festum, ut patet ex pr. sect. n. 10.

Verum quia non est in Ecclesia Dei inusitatum, ut notavit etiam Suarez in 3. p. 10. 2. disp. 26. sect. 1. r. vers. secunda ergo, &c. Quod aliqua festa celebrentur, quadam die, quasi in ea gestum fuerit quod Ecclesia recolit; cum secundum veram anni computationem, saepe non sit illa dies, in qua talia contigerunt; Sicuri quando Christi mortem, & Resurrectionem colit dicit, ea die Christum esse mortuum, & post resurrexisse; cum revera ita non fuerit; necessarium est, ut in huius argumenti explicatione paululum immoremur: ita enim sensum, & intentionem Ecclesiae penetrabimus, quando dicit *hodie concepta est*, &c. & alia similia repetit: quae ex officio illius diei sect. 1. n. 4. adnotabamus.

S E C T I O VII.

Proponitur argumentum cuiusdam recentioris
contra Immaculatam Conceptionem ex die
octavo Decembris desumptum.

S V M M A R I V M.

- 1 Citantur Aristoteles , D. Augustinus , & alij pro sententia quod factus mulieris non sit ante diem octogesimum animatus.
- 2 Animam Deipara primis diebus miraculose fuisse creatam aliqui asserunt.
- 3 Die octava Decembris, quid sit moraliter celebrari instans creationis Animæ Virginalis.
- 4 Ecclesia non celebrat illa die octava mixtionem seminum.
- 5 Solet Ecclesia anticipare & posticipare celebrare aliquam festam.

1 D OCTOR Hyacinthus Arpalegus libellum composuit contra diffinibilitatem Immaculatæ Conceptionis , in quo tertium argumentum ita proponit. Die octava Decembris solum fuit commixtio seminum ; non vero , fuit Conceptio Beatæ Mariæ , quæ consistit in infusione Animæ , & in productione subsistentis personæ hæc autem fit post 80. dies in generatione foeminarum ; ut testatur *Aristoteles lib. 7. de hist. anim. cap. 3. & D. August. lib. 83. quæst. 9. 56. Cyrill. lib. 13. de adoratione versus finem. Hildephonsus serm. de purif.* quare si, quæ die est concepta , celebrandum est eius festum , non octava Decembris , sed in ultima Februarij , vel initio Martij debet fieri ; ergo Ecclesia , vel solemnizat die octava Decembris commixtionem seminum , quod non potest dici ; vel solum gratias agit Deo , quia iam accipiebat Adventus Mariæ ; vel certe , quod facilius est morali , modo hoc agit , celebrando nimirum

rum illo die, totam tempus, secundum quod, etiam includitur tempus animationis B. Mariæ.

Hoc argumentum conatur soluere Sa. me. Illustris. Crespius in suo *Propugnaculo Theologico disp. 3. art. 3. n. 38.* Sed quia admittit tanquam veram, & subsistentem sententiam, falso adscriptam Aristoteli, Sanctis Augustino, Cyrillo, & Hildephonso; quod fœtus foeminarum non animetur nisi post 80. dies, recurrit ad miraculum, & cum Granado, Poza, & Calderon pie meditatur, fuisse ante naturale tempus creatam, die octava Decembris, Animam B. Virginis.

Sed forte considerans hanc responsonem, non satis esse fundatam à *num. 40.* dicit, quod dato, quod transierint in generatione Virginis dies illi 80; & postea Anima eius sit creata, adhuc non sequitur transferendam esse, eius Conceptionis festiuitatem; Nam cum hoc tempus animationis non sit ita certum, ut est certus dies conceptionis fœtus, retro numerando, à die Natiuitatis nouem menses, Ecclesia celebrat die octava Decembris, in qua coagmentatus est fœtus per anticipationem, instans infusionis Animæ, cum præseruatione ab originali; quod fuit, aliquo ex diebus in spatio nouem mensium incluso: quare negat, Ecclesiam celebrare commixtionem seminum; sed per anticipationem, instans infusionis Animæ. Hanc autem anticipationem, vel etiam postpositionem, non esse inusitatam in Ecclesia Dei probat quia celebrat Officium Resurrectionis, aliquando anticipans: Celebrat Visitationem B. Virginis, die 2. Julij postponendo, cum esset celebranda die vigesima septima, vel vigesima octava Martij: Nam statim ac fuit ab Angelo B. Virgo Annunciata *exurgens abiit in Montana, &c.* & cum à Nazaret ad Montana Judææ esset iter trium dierum, visitauit Elizabet vigesima octava die circiter.

Hæc Illustrissim. Crespius, ante emanatam Alexandrinam Constitutionem respondebat; sed ego, qui sum in alia sententia, & credo non miraculosè, sed naturali modo, creatam, & insulam fuisse Beatissimam Deiparæ Animam; non solum non possi, in illa pia meditatione de miraculosa Animæ creatione, sed neque in aliis, quæ affert pro solutione argumenti ab Arpa-
lego

I ego propositi, acquiescere; & ideo propriam solutionem adducere teneor.

SECTIO VLTIMA.

Solvitur supradictum argumentum & confirmatur, quod foetus humanus vivat primis diebus.

SUMMARIVM.

- 1 *Aristoteles lib. 7. de hist. anim. cap. 3. non dicit feminam post 80. mensem post 40. dies vivere.*
- 2 *Neque SS. Augustinus, Cyrillus, & Hildephonsus.*
- 3 *Iam non licet dicere quod Ecclesia celebret festum Conceptionis, præter illam intensionem, quæ in constitutione Alexandrina explicatur.*
- 4 *Non est admittendum, quod Ecclesia anticipate celebret instans Conceptionis die 8. Decembris.*
- 5 *Ecclesia celebrat aliquando festivitates, tanquam nudum factum.*
- 6 *Festivitatem Resurrectionis quid sit celebrari, tanquam Sacramentum.*
- 7 *In isto casu circumstantia temporis hodierni intelligitur moralis modo.*
- 8 *In festivitate quæ celebratur tanquam nudum factum, intelligitur verè, & proprie illud tempus.*
- 9 *Festum S. Dominici anticipando, Visitationis postponendo celebratur, & quare.*
- 10 *In celebratione Festorum Immobilium Ecclesia exprimit tempus hodiernum significatione propria, non morali.*
- 11 *In festo Epiphania triplex miraculum illa die gestum celebratur, ex communi SS. Patrum.*
- 12 *In festo Assumptionis decimaquinta Augusti, corporis, & animæ B. Virginie Assumptio celebratur.*
- 13 *Ecclesie studium in exprimenda qualitate hodierna Festivitatis quàm sit accuratum.*

- 14 *In festivitatibus fixis, ut est festivitas Conceptionis, non solet Ecclesia exprimere tempus hodiernum, nisi vera, & propria significatione.*
- 15 *Ideo merito Sum. Pontifex Alexander VII. declaravit in hoc sensu celebrari festum Immaculate Conceptionis.*

MIrum est quod gravissimi Authores decepti fuerint in Allegatione textus *Aristotelis citati lib. 7. de hist. anim. c. 3.* quod ego illa solum de causa factum puto, quia textum illum non recognoverint: Nam revera si sola Aristolis verba legantur, eam nunquam fuisse sententiam ipsius, evidentissime apparebit: Jbi enim non loquitur de animatione, quæ sit vita in actu primo sed de motu, & operatione, quæ est vita in actu secundo; quod etiam *disp. 2. sect. 4. n. 27.* adnotavi. Verba Aristotelis sunt hæc. *Mares fatui, magna ex parte, circa quadragesimum diem dextro potius latere moventur; femina sinistro circa nonagesimum, &c.* Et quidem de motu perfecto, & manifesto, esse intelligendum Aristotelem, notavit *Martialis in adnotat. ad libr. prim. Hippocr. de morbis mulier. artic. 10.* sed neque D. Augustinus eo loco, tempus illud animationis observat: solum enim numerum 276. dierum, quibus perfectus Incarnati Verbi fœtus mansit in Utero Matris, ut supra *sect. 2. num 3.* dixi, observat.

S. Cyrillus loco citato sic loquitur. *Si mas sit factus in utero conceptus, vix post quadraginta transactos dies formam accipere: si femina tardius eam ad hoc pervenire, &c.* Itaque non de animatione, sed de formatione loquitur. Et idem sentit S. Hidelphonus. Itaque argumentum Arpalegi caret fundamento solido: Jmo tam *disp. pr. per tot. quàm supra in Digressione ad text. Hippocr.* contrarium omnino esse verum probavi, & repetam *disp. 4. sect. 5. n. 4.* etiam ad mentem Hippocratis.

Secundo respondeo jam post emanatam Constitutionem SS. D. N. Alexandri PP. VII. non licere asserere, quod festum Conceptionis celebretur ab Ecclesia, ea intentione, ut dicat Arpalegus gratias agendi Deo, pro eo quod die 8. Decembris sterneretur via, per quam hæc Evangelici diei op-

carissima appropinquaret Aurora : sed colendi illud instans, in qua eius Anima fuit creata infusa, & sanctificata : Et hanc fuisse antiquam consuetudinem omnium Fidelium, qui in hoc sensu eius Conceptionis festivitatem solemniter ritu celebrant, disertis verbis declaravit SS. Pontifex, ut supra *sestione secunda numer. 6.* adnotavi.

Tertio fateor, me non invenire discrimen inter argumentum Arpalegi, quo ad eius ultimam partem, in qua dicit, Ecclesiam die 8. Decembris non celebrare seminum commixtionem, sed instans creationis Animæ, modo morali, & quatenus per anticipationem in illa die, colit totum tempus quatenus in eo, tale instans continetur; & inter solutionem Episcopi Crespij, dum pariter hic dicit, Ecclesiam celebrare per anticipationem 8. die Decembris hoc idem instans, quod fuit in aliquo ex diebus, qui sunt, retro numerando, ab 8. Septēbris, ad 8. Decembris, quod si nulla differentia est nisi in verbis, ut mihi videtur profecto sequitur Arpalego concessisse, quæ volebat, & quæ post emanatam Cōstitutionem, quam ipse deinde tanto studio ab Apostolica Sede impetravit, nullatenus concessisset. Hoc enim est indirectè sentire contra festum, & cultum Immaculatæ Conceptionis, illumque numquam immutatum frustrare, quæ omnia prohibentur in dicta Constitutione, ut cōstat ex adnot. d. *sest. 2. n. 7. 9.*

At vero ut Argumentum Arpalegi etiam quo ad ultimam partem penitus convellatur, advertenda est etiam hic, & inferenda verissima S. Augustini doctrina, qua ipse in *Epistola 119. ad Januar.* respondet eidem percontanti, cur in Ecclesia anniversarius dies celebrandæ Dominica passionis, non ad eundem redent anni diem sicut dies qua traditur natus? Quod est quærere cur in Ecclesia Pascha Resurrectionis sit festum mobile, & festum Natalis Domini fixum sit, & immobile.

Respondet D. Augustinus, *oportet, ut noveris, diem natalis Domini, non in Sacramento celebrari; sed tantum in memoriam revocari, quod natus sit; ac per hoc nihil opus erit, nisi revolutum Anni diem, quo ipsa res acta est, festa devotione significari. Sacramentum est autem in alia celebratione, cum rei gesta, ita rememratio sit, ut aliquid etiam significari intelligatur, &c.*
Quod

Quod perinde est, ac dicere, quod Nativitas Domini celebratur ab Ecclesia tanquam purum factum, at vero mors, & resurrectio Domini etiam tanquam mysterium, & Sacramentum; sive ad significandum aliquid, quod ad salutem, & profectum pertinet animarum.

Explicat deinde S. Doctor, quid intendat Ecclesia significare per hanc Pascalem festivitatem, quod scilicet, sicut olim Populus in memoriam, & gratitudinem accepti beneficii, dum ab Angelo exterminatore transiente, & percutiente primogenitos Ægyptiorum, Primogeniti Judæorum liberati sunt; vel sicut propter transitum Populi ex Ægypto in terram promissionis, Luna decima quarta mensis primi, seu novarum frugum celebrabat Pascha: Ita, & nos propter transitum Christi ex hoc mundo ad Patrem, & à morte ad vitam, & propter transitum nostrum à morte spirituali, ad vitam gratiæ, & ad spem futuræ gloriæ, celebrare debemus Passionem, & Resurrectionem Christi in mense novarum frugum, id est circa Æquinoctium vernum, ut nostram renovationem profiteamur die Dominica, qua Christus resurrexit; & ut cum Concilio Nicæno recedamus à ritu Judæorum, illa Dominica, quæ immediate sequitur post decimam quartam Lunæ Æquinoctij verni quæ omnia late, & plene prosequitur *Suarez de Religion. tom. pr. tract. 2. lib. 2. cap. 6. per tot. & præsertim à n. 22. & D. Augustinus concludens ait. Transitus ergo de hac vita mortali in aliam vitam immortalem in passione, & resurrectione Domini commendatur, &c.*

Cum itaque constet Ecclesiæ intentio in hac Paschali festivitate mobili, à qua alia festa mobilia per observata temporum interualla dependent; dum in his festivitibus V. G. in Paschali Officio utitur illis verbis *hæc dies quam fecit Dominus, &c.* & in oratione eiusdem diei illis aliis *Hodierna die per Vniuersum tuum æternitatis aditum de victa morte reserasti, &c.* evidens est, quod non potest nisi repræsentativè, & morali modo illa verba intelligere. Quare ex celebratione huius festi, quod recollit tanquam Sacramentum, & mysterium non potest inferri quod in aliis festivitibus, quas solum tanquam aliquod

gestum, & nudum factum in memoriam revocat, & non proponit tanquam Sacramentum, usitatum sit in Ecclesia voces illas *hodie, &c. hodiernæ festivitatis, &c.* & similes, moraliter, & per anticipationem, vel postpositionem usurpare, & illas festivitates extra proprias, certas, & determinatas dies, sine magna, & proportionata causa celebrare.

- Et ideo non die 6. sed 4. Augusti celebrat anticipate festum
 9 S. Dominici, quia ita Paulus IV. in sua Constitutione, quæ est decima quinta in Bullario, disponit; ex eo quod die 6. quæ sanctus obiit, impedita sit Ecclesia in celebranda Domini Transfiguratione; & die quinta, quæ fuit die eiusdem Canonizationis in celebranda festivitate S. Mariæ ad Nives.

Similiter diem Visitationis non celebrat paulo post Angelæ Salutationem, die vigesima octava Martii quia ex Evangelio non est certa dies, quæ Visitatio illa inceperit, sed solum certum est tempus, quando completa fuit, dicente Evangelio, quod *mansit B. Virgo cum Elizabeth in eius domo, quasi tribus mensibus*, hoc est, quod discesserit ab illa, paulo post, vel paulo ante Natiuitatem Præcursoris; & hac de causa; ut notavit *Azor. tom. 2. lib. 1. cap. 23. quæst. 2.* celebrat Ecclesia ex ordine Urbani VI. hanc actionem, secunda die Julii, postponendo.

- Jgitur, quando Ecclesia in diebus fixis Immobilebus celebrat festivitates, & nulla causa suadet antepone, vel postponere,
 10 sed in illis diebus, quibus vel memorabilis aliqua Domini, & Sanctorum actio, vel gloriosus Sanctorum transitus annuatim recurrit, clavis verbis, & indubitata significatione declarare consuevit. Id quod inductione per aliquot insignes Festivitates probatur facile.

- Jdeo in Hymno Nativit. Domini, dicit, *testatur hoc præsens dies currens per Anni circulum, &c.* & in Evangelio illius diei Antiphonis, versiculis, & responsoriis, pluries repetit, & affirmat, illam esse annuam diem Nativitatis Domini: Similiter in die Circumcisionis, quæ est octava Natalis, testatur verbis Evangelistæ, quod *postquam consummati sunt dies octo, circumcissus est fuer, &c.* & die 6. Januarij, quia Magorum adorationem, Christi Baptisma, & primum miraculum conversionis
 11 aquæ

aquæ in vinum celebrat, eo die, facta fuisse, tria miracula dicit in antiphona tribus miraculis ornatum diem sanctum colimus: *Hodie stella Magos duxit ad Præsepium: Hodie Christus baptizari voluit: hodie vinum ex aqua factum est ad Nuptias, &c.* & in Hymno eiusdem diei, tria ista miracula repetit tanquam eadem die facta. Et licet S. Epiphanius, & aliqui, aliter senserint: tamen vt Suarez in 3 part. tom. 2. disp. 26. sect. pr. vers. Quo circa, &c. omnibus in contrarium adductis respondet, & autoritate SS. Patrum, Ambrosij, & Augustini, Leonis, Maximi, Paulini, Isidori, Bernardi, & Chrysologi eadem die, sed non eodem anno, tria ista miracula sexta die Ianuarij gesta fuisse concludit; & idem repetit tom. pr. de Relig. d. lib. 2. cap. 5. n. 9.

Item quia 1. Febr. postquam dies quadraginta impleti sunt purificationis Maria secundum legem Moysi, vt loquitur Euangelium illius diei, Christus, à B. Virgine in Templo est præsentatus, Ecclesia in oratione illius diei, dicit, quod Filius Dei, *Hodie dierna die cum nostra carnis substantia in Templo est præsentatus.*

Pariter die decima quinta Augusti, festum Assumptionis B. V. celebrat, & dicit in antiphona. *Hodie Maria Virgo Cæles ascendit, &c.* & in Lectionibus Secundi Nocturni, semel, & iterum repetit hanc diem esse illam, in qua B. Virgo Assumpta est in Cælum, etiam corpore. Neque ob stare debet, quod aliqui dicunt de eius Assumptione secunda, quam distinguunt à prima, in hoc quod dicta decima quinta die fuerit quò ad Animam assumpta, & hanc secundam quo ad corpus, die vigesimatertia Octobris in cælum elata; quibus etiam placuit hanc secundam Assumptionem addere vener. Bedæ Martylogio, sub hac die 23. Octobris, Nam horum fundamentum fuit quædam priuata reuelatio, quam refert, & refellit Baronius in notis ad Martyrolog. & in Annal tom. pr. ann. Christi 48. num. 17. vbi acriter inuehitur in illos; qui circa huius historię veritatem dissentiunt à communi sensu vniuersalis Ecclesiæ; & potius priuatam reuelationem, seu imaginationis figmentum sequuntur, non attendentes, quanta constantia ab antiquissimis Apostolorum temporibus, ipsa Ecclesia versibus, responsoriis, antiphonis, & lectionibus, vna cum assensu SS. Patrum, quos ipse Baronius re-

fert, & Scholasticorum crediderit, vtramq. Assumptionem die 15. Augusti factam fuisse, & ideo eius officium, & Festiuitatem nullatenus die 23 Octobris, sed 15. Augusti celebrari debere, vt iam inquit ipse, *nullus remaneat dubitandi locus, & perfructus frontis, & procacis sit Animi indicium, Ecclesie Vniuersalis vsui, & tot Patrum sententijs non acquiescere.*

Pariter Ecclesia diem vigesimam quartam Junij dicit in Oratione esse *honorabilem in Natiuitate S. Io. Baptista*, quia illa die natus est: & diem vigesimam nonam eiusdem Mensis esse *hodiernam*, quia martyrio SS. Apostolorum Petri, & Pauli est consecrata. idem obseruat in Festiuitatibus *Conuers. S. Pauli, S. Apollinaris, & Exalt. S. Crucis.*

Et tandem quia quarta die post completum annum Natiuitatis Christi, iuxta sententiam Bedæ, Glossæ ordinariæ. Haymonis, Ugonis, Card. Baronij, Ribadeneiræ, Marsilij, Honorati, & Sylveiræ in Evang. hac die Herodes pueros infantes cruciavit Ecclesia dicit, *hodierna die illos Christi nati præconiū confessos fuisse.*

13 Postremo addo quod in Summis Pontificibus, tam accuratum fuit semper studium non enunciandi in officio Diuini diurnam festiuitatem immobilem, nisi quando reuera, quod celebratur, tali die gestum fuit; ut nuper in vltima Brev. Rom. restauratione de ordine Fel. recor. Vrb. VIII. facta, cautum fuerit, quod in Officio Confessorum, illa verba Hymni vespertinum *hodie letus meruit beatas scandere sedes* non recitentur; sed loco illorum proferantur alia, *hodie letus meruit supremos laudis honores*, quando, vel anticipatur festiuitas, vt in die S. Dominici; vel postponitur, vt in officio S. Io. Chrys. die 27. Ianu. qua nō eius ad Cælum transitus, qui fuit die 14. Sept. sed corporis translatio celebratur; eo quod illa dies festo S. Crucis sit impedita. Eandem adhibet cautelam in officiis Sanctorum Hilarij, Pauli primi Herm. Hyacinthi, & S. Thomæ à Uillan.

14 Ex dictis colligo, non solum non esse indistinctè concedendum Arpalego, quod in Ecclesia vsu sit receptum anticipare, vel postponere, sine aliqua causa, immobiles festiuitates, quibus aliqua actio, vel historia recolitur per modum nudi facti,

& non per modum Sacramenti, ut evidenter constat ex inductione iam facta; & per consequens nullatenus esse admittendum, quod voces quibus vtitur Ecclesia, ad significandam hodiernam festivitatem, sint intelligendæ moraliter, & per anticipationem, aut postpositionem; sed imo infero, contra ipsum Arpalegum, quod quando nulla ratio, & nulla causa occurrit quæ Ecclesiam impulerit, ad anticipandam, vel postponendam illius festi immobilis celebritatem; tunc illas voces uerè, simpliciter, & cum omni proprietate significare illam particularem diem esse in qua talis actio contigit, & gesta est: Sed ex dictis in hac 2. *disp.* nulla ratio ex doctrina Medicorum occurrit; nulla causa ex Philosophiæ principiis petita cogit; ut patet ex supradictis, nullum Sacrarum litterarum testimonium, aut unanimis SS. Patrum assensus, ut præsertim ex prima *disp.* patet ex quibus Ecclesia dici possit inducta, ut potius hac die 8. Decembris per anticipationem, aut postpositionem Immaculatam Deiparæ Conceptionem celebrare debuerit: Ergo dum in officio Conceptionis dicitur: *Hodie concepta est*, & similibus vocibus sæpe iteratis vtitur; intelligi debet, quod in hac annua die celebrat, non repræsentativè, non moraliter, & quo ad aliud tempus: sed propriè, & simpliciter secundum annualem memoriam huius diei, illud instans in quo eius beatissima Anima creata, unica, & ab originali labe præservata fuit.

Quare San. Me. Pius V. non in diminutionem huius festivitatis, ut crediderunt aliqui sed in augmentum ordinavit, ut pro Officio Conceptionis, Antiphonæ, & Responsorio Officij Natiuitatis eiusdem Virginis recitarentur; toties nimirum geminato nomine, hodiernæ festivitatis, hac die Conceptionis, quoties, illa die Natiuitatis, nomine hodiernæ celebritatis non moraliter, seu per anticipationem; sed vero proprietatis sermone repeti iam cõsueverant. Et ideo merito SS. D. N. Alexander PP. VII. in sua Constitutione declaravit, fuisse *Veterem fidelium pietatem, in hoc sensu festiuitatem hanc, cultu nunquam immutato colendi, & solemniter celebrandi.*

Duo hic pro huius disputationis coronide concludo. Primum

mun

mum quod sicut Christi Domini & Deiparæ corpuscula licet illud quidem Spiritus sancti virtute in instanti fuerit conformatum, hoc vero ita vi humana conceptum, ambo nihilominus decimo mense venerunt ad lucem, quia perfectissima erant, & à natura exquisitissimam temperiem & vigorem fuerant sortita.

Alterum quod hic repetitum esse volo, minorem propositiōnem mei argumenti hac *disp. 3. sect. pr. 4. 6.* propositi, quod nimirum fœtus humanus primis diebus sit animatus, esse adeo veram, & ita probabilem, ut sola, inter omnes alias, sine periculo censurarum, & sine nota absurditatis defendi possit: & quia sola potest cum pia sententia de Immaculata Deiparæ Conceptione, quam omnes fere celebriores Academiæ assentunt, concordare, sequitur non parum illi ponderis, & auctoritatis ex præcitata Constitutione accessisse.

Finis Tertiæ Disputationis.



DE MINISTRANDO


BAPTISMATE

SVB CONDITIONE

HVMANIS FOETIBVS ABORTIVIS.


Disputatio Quarta.

INDICVLVS SECTIONVM

SECTIO I.  ONFIRMATVR argumentum ab Immaculata Conceptione petitum, solutione cuiusdam obiecticnis contra ipsum.

- II. Examinatur Revelatio B. Amadei circa tempus, quo Deipara Fatus fuit primo animatus.
- III. An c. hareat cum doctrina Catholica, quod ante formationem membrorum Anima rationalis sit in corpore.
- IV. Declaratur quomodo, animam rationalem esse in fetu primis diebus non sit error Traducianorum.
- V. An argumentum ductum ab animatione pulli gallinacei per regulam auream probet animationem humani fatus, non fieri nisi post 40. aut 80. dies.
- VI. An possessio, quae videtur esse pro fetu non animato obstat, quominus baptizandi sint abortivi.
- VII. An Doctrina probabilis S. Thoma de praecessione anima vegetativae, & sensitivae in humanis foetibus ostendat, quod primis diebus fatus non sit animatus anima rationali.

- VIII. *Defenditur argumentum ex S. Thoma superiori sectione allatum.*
- IX. *Proponitur argumentum Guilelmi Haruzi, quo ipse probare intendit, ante mensem exactum, nihil ad fetus pertinens esse in utero mulierum.*
- X. *An fetus humanus primis diebus existens in utero Matris mex moritura sit baptizandus.*
- IX. *Rursus examinatur difficultas, an praxis Baptizandi abortivos tanquam nova, sit ab universali Ecclesia eliminanda.*
- XII. *Huiusmodi praxis Baptizandi recentes abortivos non est inconueniens.*
- XIII. *Non potest S. Mater Ecclesia, notari quod huc usque huiusmodi praxim non decreverit.*
- XIV. *Etiamsi humanum Iudicium non sit sensibiliter certum sed dubium: an in recentibus abortivis sit anima rationalis, baptizandi sunt sub conditione.*
- XV. *An obligatio Baptizandi cesset ex eo, quod aliquae rationes probabiles suadeant animam non esse in fœtu.*
- XVI. *Expenditur iterum argumentum ex puncto saliente petitis; ex cuius solutione, confirmatur anima praesentia in fœtu.*
- XVII. *Occurritur argumento ex vermiculis in lacte repertiis deducto.*
- XVIII. *An doctrina speculativa probans animam rationalem non esse in fœtu, satis sit, ut quis non teneatur baptizare abortivos.*
- XIX. *Principalis obiectio, ex Divina providentia erga universalem Ecclesiam, iterum discutitur.*



P R Æ L O Q V I U M.



U L T A sunt à multis, contra meam propositionem obiecta quæ ad meam notitiam pervenerunt: sed illorum efficacia tanta non fuit, ut assensum impedire potuerit, ne crederem baptizandos esse huiusmodi

di Abortivos, ex eo, quod dubitari merito posset, de existentia Animæ rationalis in foetu, primis diebus. Quinimo, ea de causâ factum est, ut solutionem illorum attente meditatatus, semper nova argumentaprehenderim, quibus dicta conclusio, non solum firmior in dies evaderet, sed evidentior, & ut veritatis est conditio, quo magis à contrariis fluctibus impetitur, eo magis læta supernatans, mihi semper de obiectis triumphare visa est: nimirum; ut aliquis Philosophorum dicebat, vis aliquando adhibita veritati, facit illam validius emergere, & quæ prius erat aliquatenus interclusa, mox spiritu robustiore reviviscere. Amicos propterea rogavi, ut libere opponerent, quæcunque contra illam cogitassent; Et alij, etiam non rogati, quod libenter, imò avidissime accepi, sponte obtulerunt. His omnibus satisfacere non solum sine bile, sed imò grato animo curavi; adeo ut, etiam illis merito acceptam referam impugnatæ veritatis defensionem, & palmam. In præsentî igitur Disputatione ex pluribus, quæ fuerunt in contrarium excogitata principaliora recenseo; quorum enodatio propositæ veritatis faciem magis obfirmatam, & pulchriorem ostendunt.

S E C T I O I.

Confirmatur argumentum ab Immaculata Conceptione peti-
tum, solutione cuiusdam obiectionis
contra ipsum.

S V M M A R I V M.

- 1 *Ex die 8. Decembris Immaculata Conceptioni addictæ non bene inferri tunc Marianum factum fuisse animatum, opponitur.*
- 2 *Festum Nativitatis B. Virginis antiquius fuisse festo eiusdem Conceptionis revocatur in dubium.*
- 3 *Dies 8. Septembris non fuit, ad libitum Ecclesie, dedicata Marianæ Nativitati.*

temere; sed Summa Sapientia omnia decernit, hanc diem octavam Septemb. Natalitio Uirginis dedicasse, sine aliqua ratione, tantumque pro libito: cum alioquin habeamus post D. Augustini tempora, ex particulari, & privata aliqua revelatione, innotuisse Summ. Pontifici, diem 8. Septembris esse B. Uirginis Natalitiam?

Narrant enim Authores non contemnendi *Jo. Beletus lib. 8. cap. 51. Author libri, qui dicitur Gemma*, sive sit Honorius Augustodonensis, sive alius: *libro tertio, cap. 166. Durand. in rationalibus libro septimo cap. 28. Azor. 2. part. instit. moral. lib. 1. cap. 19. questione prima, Constantinus Felix in Martyrol. Bernardin. de Busto part. 3. serm. de Nativit. B. M. lit. P. Gavant. in comment. Breviary sect. 7. cap. 12. numero octavo Beyerlink in Theatro vite humane verb. festum, fol. 37. & Baronius. & alij testantur*, quod quidam Uir Sanctus contemplationi deditus, singulis annis octava die Septembris, & non alia, orans, jucundissimam Angelorum festivitatem audiebat in Coelo; Hujus causam, Deum deprecatus, audivit esse, quod octava Septembris B. Uirgo Maria nata esset in terris; & sibi præceptum fuit, ut omnibus Christi fidelibus, præsertim vero Sum. Pontifici renunciaret; Quod cum fecisset, cepit ex tunc hujusmodi dies Marianæ Nativitati esse festiva. *Sigibertus in Chron. anno 688.* dicit, quod Sergius Pontifex hanc festivitatem instituit, quia constituit, ut in Annunciatione Domini, in Nativitate, & Assumptione B. Mariæ fiant Litanix; & refert *Iod. Cocci tom. 1. lib. 3. art. 6. & Gavantum loc. cit.* Sed ego vereor, ne sicuti in aliis, ut *Bellarminus de Scriptor.* monet, Sigiberti fides deficiat.

6 Nam D. Gregorius, qui Sergium præcessit, (obiit enim anno 604.) *in Sacrament. die octava Septembris*, ordinat Missam in festo Natalitio Deiparæ sub die octavo Septembris colendo; Quare revelatio, quæ occasionem dedit, hoc festum tali die celebrandi, necesse est dicere, quod vel ante D. Gregorium, vel ipso sedente, facta fuerit: Et sane ante D. Gregorium fuerant. *S. Jo. Chrysost. de anno trecentesimo nonagesimo octavo, & S. Proclus de anno 430. & de illis leguntur sermones in Græco Codice Bibliothecæ*

thece Sfortiane n. 65. ut Baronius notavit, habiti infestivitate Natalis Deiparæ.

Ex quibus licet ab aliquibus cum Baronio refelli videatur Historia illorum, qui dicunt, hanc solemnitatem fuisse ab Innocentio IV. institutam; ex eo quod Cardinales, post mortem Celestini IV. per integrum semestre nunquam in eligendo futuro Pontifice potuerint concordare; voto facto, quod qui primus illorum eligeretur, mandaret hoc festum celebrari, cum octava; statim electus fuit in Pontificem Cardinalis Sinibaldus, qui Innocentius IV. fuit nuncupatus; Tamen non repugnat supradictis, cum hoc votum fuerit de celebrando hujusmodi festo cum octava, & prima institutio fuerit simpliciter de celebrando festo die 8. Septembris.

Et quidem si *D. Petro Damiano in Sermone 2. de Nativit. B. M.* velimus credere *hæc*, inquit, *festivitas cunctis solemnitatibus antiquior est tempore*; ut merito aliqui apud P. Matraccium nostrum in *Pontific. Marian. cap. 54.* existimaverint hoc festum celebrari à tempore Apostolorum, Itaque non est certum, quod in Romana, & universali Ecclesia hoc festum fuerit additum diei 8. Sept. ad libitum, & ex libera ministrorum Ecclesiæ voluntate.

Sed esto ita sit; transeat, quod ad libitum fuerit ab Ecclesia designata dies octava Septembris pro festo Nativitatis, & dies octava Decembris pro festo Conceptionis, computata distantia novæ Mensium, secundum communem numerum observatum in humanis Conceptionibus, & Nativitatibus; adhuc fateor, me non intelligere, quomodo concessis omnibus hujusmodi, & aliis similibus suppositionibus, non convincatur evidenter, quod die octava Decembris fuerit animatus fœtus Marianus: Si enim P. G. H. concedat Conceptionem non esse colendam immaculatam, nisi pro eo tempore, quo fatus ille vere esset animatus: an dicet Ecclesiam Dei colere Conceptionem inanimatæ carnis, quod est indecens, & omnino improprium? Non enim ea propriè dici potest Conceptio Immaculata, in qua non existit Anima, quæ sola vel maculam originalem contrahit, vel intelligitur ab ea, præservata. Sed ex communi fidelium omnium sensu octava Decembris est, & fuit semper illa, in qua huiusmodi

geſtum, & nudum factum in memoriam revocat, & non proponit tanquam Sacramentum, uſitatum ſit in Eccleſia voces illas *hodie, &c. hodierna feſtività, &c.* & ſimiles, moraliter, & per anticipationem, vel poſtpoſitionem uſurpare, & illas feſtivities extra proprias, certas, & determinatas dies, ſine magna, & proportionata cauſa celebrare.

Et ideo non die 6. ſed 4. Auguſti celebrat anticipate feſtum
 9 S. Dominici, quia ita Paulus IV. in ſua Conſtitutione, quæ eſt decima quinta in Bullario, diſponit; ex eo quod die 6. qua ſanctus obiit, impedita ſit Eccleſia in celebranda Domini Tranſfiguratione; & die quinta, quæ fuit die eiufdem Canonizationis in celebranda feſtività S. Mariæ ad Nives.

Similiter diem Viſitationis non celebrat paulo poſt Angeli Salutationem, die vigesima octava Martii quia ex Evangelio non eſt certa dies, qua Viſitatio illa inceperit, ſed ſolum certum eſt tempus, quando completa fuit, dicente Evangelio, quod *manſit* B. Virgo cum Elizabet in eius domo, *quaſi tribus menſibus*, hoc eſt, quod diſceſſerit ab illa, paulo poſt, vel paulo ante Natiuitatem Præcurſoris; & hac de cauſa; ut notavit *Azor. tom. 2. lib. 1. cap. 23. quaſt. 2.* celebrat Eccleſia ex ordine Urbani VI. hanc actionem, ſecunda die Julii, poſtponendo.

Igitur, quando Eccleſia in diebus fixis Immobiles celebrat feſtivities, & nulla cauſa ſuadet antepoſitionem, vel poſtponere,
 10 ſed in illis diebus, quibus vel memorabilis aliqua Domini, & Sanctorum actio, vel glorioſus Sanctorum tranſitus annuatim recurrit, clariſ verbis, & indubitata ſignificatione declarare conſuevit. Id quod inductione per aliquot inſignes Feſtivities probatur facile.

Jdeo in Hymno Nativit. Domini, dicit, *teſtatur hoc præſens dies currens per Anni circulum, &c.* & in Evangelio illius diei Antiphonis, verſiculis, & reſponſoriis, pluries repetit, & affirmat, illam eſſe annuam diem Nativitatis Domini: Similiter in die Circumciſionis, quæ eſt octava Natalis, teſtatur verbis Evangeliſtæ, quod *poſt quam conſummati ſunt dies octo, circumciſus*
 11 *eſt puer, &c.* & die 6. Januarij, quia Magorum adorationem, Chriſti Baptiſma, & primum miraculum converſionis
 aquæ

aquæ in vinum celebrat, eo die, facta fuisse, tria miracula dicit in antiphona tribus miraculis ornatum diem sanctum colimus: *Hodie stella Magos duxit ad Praesepe: Hodie Christus baptizari voluit: hodie vinum ex aqua factum est ad Nuptias, &c.* & in Hymno eiusdem diei, tria ista miracula repetit tanquam eadem die facta. Et licet S. Epiphanius, & aliqui, aliter senserint: tamen ut Suarez in 3 part. tom. 2. disp. 26. sect. pr. vers. 2.ºo circa, &c. omnibus in contrarium adductis respondet, & autoritate SS. Patrum, Ambrosij, & Augustini, Leonis, Maximi, Paulini, Isidori, Bernardi, & Chrysologi eadem die, sed non eodem anno, tria ista miracula sexta die Ianuarij gesta fuisse concludit; & idem repetit tom. pr. de Relig. d. lib. 2. cap. 5. n. 9.

Item quia 2. Febr. postquam dies quadraginta impleti sunt purificationis Maria secundum legem Moysi, ut loquitur Euangelium illius diei, Christus, à B. Virgine in Templo est presentatus, Ecclesia in oratione illius diei, dicit, quod Filius Dei, *Hic dierna die cum nostra carnis subsantia in Templo est presentatus.*

Pariter die decima quinta Augusti, festum Assumptionis B. V. celebrat, & dicit in antiphona. *Hodie Maria Virgo Cæles ascendit, &c.* & in Lectionibus Secundi Nocturni, semel, & iterum repetit hanc diem esse illam, in qua B. Virgo Assumpta est in Cælum, etiam corpore. Neque ob stare debet, quod aliqui dicunt de eius Assumptione secunda, quam distinguunt à prima, in hoc quod dicta decima quinta die fuerit quò ad Animam assumpta, & hanc secundam quo ad corpus, die vigesimatertia Octobris in cælum elata; quibus etiam placuit hanc secundam Assumptionem addere vener. Bedæ Martylogio, sub hac die 23. Octobris, Nam horum fundamentum fuit quædam priuata reuelatio, quam refert, & refellit Baronius in notis ad Martyrolog. & in Annal tom. pr. ann. Christi 48. num. 17. vbi acriter inuehitur in illos; qui circa huius historię veritatem dissentiunt à communi sensu vniuersalis Ecclesiæ; & potius priuatam reuelationem, seu imaginationis figmentum sequuntur, non attendentes, quanta constantia ab antiquissimis Apostolorum temporibus, ipsa Ecclesia versibus, responsoriis, antiphonis, & lectionibus, vna cum assensu SS. Patrum, quos ipse Baronius re-

fert, & Scholaſticorum crediderit, vtramq. Aſſumptionem die 15. Auguſti factam fuiſſe, & ideo eius officium, & Feſtiuitatem nullatenus die 23 Octobris, ſed 15. Auguſti celebrari debere, vt iam inquit ipſe, *nullus remaneat dubitandi locus, & perſiſtae frontis, & procacis ſit Animi indicium, Eccleſie Vniuerſalis uſui, & tot Patrum ſententijs non acquieſcere.*

Pariter Eccleſia diem vigefimam quartam Junij dicit in Oratione eſſe *honorabilem in Natiuitate S. Io. Baptiſta*, quia illa die natus eſt: & diem vigefimam nonam eiſdem Menſis eſſe *hodiernam*, quia martyrio S. Apoſtolorum Petri, & Pauli eſt conſecrata. idem obſeruat in Feſtiuitatibus Conuerſ. S. Pauli, S. Apollinaris, & Exalt. S. Crucis.

Et tandem quia quarta die poſt completum annum Natiuitatis Chriſti, iuxta ſententiam Bedæ, Gloſſæ ordinariæ. Haymonis, Ugonis, Card. Baronij, Ribadeneiræ, Marſilij, Honorati, & Sylveiræ in Evang. hac die Herodes pueros infantes trucidauit Eccleſia dicit, *hodierna die illos Chriſti nati præconiũ conſeſſos fuiſſe.*

13 Poſtremo addo quod in Summis Pontificibus, tam accuratum fuit ſemper ſtudio non enunciandi in officio Diuini diurnam feſtiuitatem immobilem, niſi quando reuera, quod celebratur, tali die geſtum fuit; ut nuper in ultima Brev. Rom. reſtauratione de ordine Fel. recor. Urb. VIII. facta, cautum fuit, quod in Officio Confeſſorum, illa verba Hymni vesperrum *hodie lætus meruit beatas ſcandere ſedes*. non recitentur; ſed loco illorum proferantur alia, *hodie lætus meruit ſupremos laudis honores*, quando, vel anticipatur feſtiuitas, vt in die S. Dominici; vel poſtponitur, vt in officio S. Io. Chryſ. die 27. Ianu. qua nõ eius ad Cœlum tranſitus, qui fuit die 14. Sept. ſed corporis tranſlatio celebratur; eo quod illa dies feſto S. Crucis ſit impedita. Eandem adhibet cautelam in officiis Sanctorum Hilarij, Pauli primi Herm. Hyacinthi, & S. Thomæ à Uillan.

14 Ex diſtis colligo, non ſolùm non eſſe indiſtinctè concedendum Arpalego, quod in Eccleſia uſu ſit receptum anticipare, vel poſtponere, ſine aliqua cauſa, immobiles feſtiuitates, quibus aliqua actio, vel hiſtoria recolitur per modum nudi facti.

& non per modum Sacramenti, ut evidenter constat ex inductione iam facta; & per consequens nullatenus esse admittendum, quod voces quibus utitur Ecclesia, ad significandam hodiernam festivitatem, sint intelligendæ moraliter, & per anticipationem, aut postpositionem; sed imo infero, contra ipsum Arpalegum, quod quando nulla ratio, & nulla causa occurrit quæ Ecclesiam impulerit, ad anticipandam, vel postponendam illius festi immobilis celebritatem; tunc illas voces uerè, simpliciter, & cum omni proprietate significare illam particularem diem esse in qua talis actio contingit, & gesta est: Sed ex dictis in hac 2. disp. nulla ratio ex doctrina Medicorum occurrit; nulla causa ex Philosophiæ principiis petita cogit; ut patet ex supradictis, nullum Sacrarum litterarum testimonium, aut unanimis SS. Patrum assensus, ut præsertim ex prima disp. patet ex quibus Ecclesia dici possit inducta, ut potius hac die 8. Decembris per anticipationem, aut postpositionem Immaculatam Deiparæ Conceptionem celebrare debuerit: Ergo dum in officio Conceptionis dicitur. *Hodie concepta est*, & similibus vocibus sæpe iteratis utitur; intelligi debet, quod in hac annua die celebrat, non repræsentativè, non moraliter, & quo ad aliud tempus; sed propriè, & simpliciter secundum annualem memoriâ huius diei, illud instans in quo eius beatissima Anima creata, unita, & ab originali labe præservata fuit.

Quare San. Me. Pius V. non in diminutionem huius festivitatis, ut crediderunt aliqui sed in augmentum ordinavit, ut pro Officio Conceptionis, Antiphonæ, & Responsoria Officij Nativitatis eiusdem Virginis recitarentur; toties nimirum geminato nomine, hodiernæ festivitatis, hac die Conceptionis, quoties illa die Nativitatis, nomine hodiernæ celebritatis non moraliter, seu per anticipationem, sed vero proprietatis sermone repeti iam cõsueverant. Et ideo merito SS. D. N. Alexander PP. VII. in sua Constitutione declaravit, fuisse *Veterem fidelium pietatem, in hoc sensu festivitatem hanc, cultu nunquam immutato colendi, & solemniter ritu celebrandi.*

Duo hic pro huius disputationis coronide concludo. Primum

mum

mum quod sicut Christi Domini & Deiparæ corpuscula licet illud quidem Spiritus sancti virtute in instanti fuerit conformatum, hoc vero ita vi humana conceptum, ambo nihilominus decimo mense venerunt ad lucem, quia perfectissima erant, & à natura exquisitissimam temperiem & vigorem fuerant sortita.

Alterum quod hic repetitum esse volo, minorem propositionem mei argumenti hac *disp. 3. sect. pr. n. 6.* propositi, quod nimirum foetus humanus primis diebus sit animatus, esse adeo veram, & ita probabilem, ut sola, inter omnes alias, sine periculo censurarum, & sine nota absurditatis defendi possit: & quia sola potest cum pia sententia de Immaculata Deiparæ Conceptione, quam omnes fere celebriores Academiæ assentunt, concordare, sequitur non parum illi ponderis, & auctoritatis ex præcitata Constitutione accessisse.

Finis Tertiæ Disputationis.




DE MINISTRANDO
BAPTISMATE

SVB CONDITIONE
 HVMANIS FOETIBVS ABORTIVIS.

Disputatio Quarta.

INDICVLVS SECTIONVM

- SECTIO I.  ONFIRMATVR argumentum ab Immaculata Conceptione petatum, solutione cuiusdam obiectionis contra ipsum.
- II. *Examinatur Revelatio B. Amadei circa tempus, quo Deipara Fatus fuit primo animatus.*
- III. *An ex hereat cum doctrina Catholica, quod ante formationem membrorum Anima rationalis sit in corpore.*
- IV. *Declaratur quomodo, animam rationalem esse in fetu primis diebus non sit error Traducianorum.*
- V. *An argumentum ductum ab animatione pulli gallinacei per regulam auream probet animationem humani fetus, non fieri nisi post 40. aut 80. dies.*
- VI. *An possessio, quae videtur esse pro fetu non animato obset, quominus baptizandi sint abortivi.*
- VII. *An Doctrina probabilis S. Thomae de praecessione animae vegetativae, & sensitivae in humanis foetibus ostendat, quod primis diebus fetus non sit animatus anima rationali.*

D a

VIII.

VIII. *Defenditur argumentum ex S. Thoma superiori sectione allatum.*

IX. *Proponitur argumentum Guilelmi Haruarii, quo ipse probare intendit, ante mensem exactum, nihil ad fetus pertinens esse in utero mulierum.*

X. *An fetus humanus primis diebus existens in utero Matris nec moritura sit baptizandus.*

IX. *Rursus examinatur difficultas, an praxis Baptizandi abortivos tanquam nova, sit ab universali Ecclesia eliminanda.*

XII. *Huiusmodi praxis Baptizandi recentes abortivos non est inconueniens.*

XIII. *Non potest S. Mater Ecclesia, notari quod huc usque huiusmodi praxim non decreverit.*

XIV. *Etiamsi humanum Iudicium non sit sensibilibiter certum sed dubium: an in recentibus abortivis sit anima rationalis, baptizandi sunt sub conditione.*


XV. *An obligatio Baptizandi cesset ex eo, quod aliquæ rationes probabiles suadeant animam non esse in fetu.*

XVI. *Expenditur iterum argumentum ex puncto saliente petitis; ex cuius solutione, confirmatur animæ præsentia in fetu.*

XVII. *Occurritur argumento ex vermiculis in lacte repertiis deducto.*

XVIII. *An doctrina speculativa probans animam rationalem non esse in fetu, satis sit, ut quis non teneatur baptizare abortivos.*

XIX. *Principalis obiectio, ex Divina providentia erga universalem Ecclesiam, iterum discutitur.*



PRÆLOQVIUM.



ULTA sunt à multis, contra meam propositionem obiecta quæ ad meam notitiam pervenerunt: sed illorum efficacia tanta non fuit, ut assensum impedire potuerit, ne crederem baptizandos esse huiusmodi

di Abortivos, ex eo, quod dubitari merito posset, de existentia Animæ rationalis in foetu, primis diebus. Quinimo, ea de causa factum est, ut solutionem illorum attente meditatatus, semper nova argumenta deprehenderim, quibus dicta conclusio, non solum firmior in dies evaderet, sed evidentior, & ut veritatis est conditio, quo magis à contrariis fluctibus impetitur, eo magis læta supernatans, mihi semper de obiectis triumphare visa est: nimirum; ut aliquis Philosophorum dicebat, vis aliquando adhibita veritati, facit illam validius emergere, & quæ prius erat aliquatenus interclusa, mox spiritu robustiore reviviscere. Amicos propterea rogavi, ut libere opponerent, quæcunque contra illam cogitassent; Et alij, etiam non rogati, quod libenter, imò avidissime accepi, sponte obtulerunt. His omnibus satisfacere non solum sine bile, sed imò grato animo curavi; adeo ut, etiam illis merito acceptam referam impugnata veritatis defensionem, & palmam. In præsentî igitur Disputatione ex pluribus, quæ fuerunt in contrarium excogitata principaliora recensco; quorum enodatio propositæ veritatis faciem magis obfirmatam, & pulchriorem ostendunt.

S E C T I O I.

Confirmatur argumentum ab Immaculata Conceptione peti-
tum, solutione cuiusdam obiectionis
contra ipsum.

S V M M A R I V M.

- 1 *Ex die 8. Decembris Immaculata Conceptioni addita non bene inferri tunc Marianum factum fuisse animatum, opponitur.*
- 2 *Festum Nativitatis B. Virginis antiquius fuisse festo eiusdem Conceptionis revocatur in dubium.*
- 3 *Dies 8. Septembris non fuit, ad libitum Ecclesie, dedicata Mariane Nativitati.*

- 4 *Sed ex privata revelatione Sum. Pontifici renunciata, & ab eo approbata.*
- 5 *Refertur dicta revelatio.*
- 6 *Quæ videtur facta tempore S. Gregorij P. P. & fortè ante ipsum.*
- 7 *Conciliatur alia revelatio facta tempore Innocentij IV.*
- 8 *Afferunt aliqui, Festum Nativitatis celebratum fuisse tempore Apostolorum.*
- 9 *Etiam si daremus diem 8. Septembris ad libitum assignatam fuisse Marianæ Nativitati, sustinetur adhuc die 8. Decembris eius factum fuisse animatum.*
- 10 *Et rejicitur, quod idem non possit inferri de Christi Conceptione.*

EXordior hanc tertiam Disputationem à residuo præcedentis; Cum Adm. R. Pater G. N. Societatis Jesu Insignis Theologus, & Philosophus, Antuerpiæ hoc anno 1664. vidisset in folio à me superiore anno Lucæ impresso, nonnulla, quæ in hac Disputatione continentur; & illa præsertim, quæ infra *sect. 10. 11. & 12.* afferro ad probandum, quod meæ propositionis praxis non foret nova, si à S. Romana Ecclesia universaliter proponeretur; Et illa pro sua humanitate commendasset tamquam solidis, ut dicit, rationum momentis innixa, & nonnullis adjunctis etiam confirmasset: Quia tamen præcipuam difficultatem in eo esse sitam existimavit; An dubium sit utrinque probabile; quod fœtus humanus primis diebus vivat vitam rationalem; tunc præsertim cum ab utero per Abortum effunditur; Nonnulla ex iis, quæ ad id probandum adduxeram, reprehendit: & præsertim, argumentum superiori disputatione explicatum, & ab Immaculata Conceptione desumptum; Vt igitur finis superioris Disputationis, sit principium præsentis, hic in primis eius objectionem expendo,

Dicit igitur, quod licet Ecclesia celebret Immaculatam Dei Matris Conceptionem die 8. Decembris, hoc est novem mensibus ante eius Nativitatem: quo sanè die Anima B. Virginis erat

erat in foetu, & in eo, intra uterum clausa stetit, usque ad diem octavam Septembr. qua pariter celebrat eius Nativitatem: Non tamen me posse, ex hoc inferre concludenter, eius Sanctissimum Corpus die octava Decembris, fuisse animatum; nempe prima die copulæ, seu die medicæ conceptionis, certissime asserit. Nam, inquit, dies Nativitatis celebratus fuit ab Ecclesia antequam celebraretur dies Conceptionis; Et cum propter diversam uteri, & seminum activitatem, distantia Nativitatis humanæ à Conceptione, modo possit esse maior, modo minor: Atque ideo dies conceptionis præcise sit incertus; illum terminum assignavit Ecclesia Conceptioni, qui communiter præfigitur, nimirum diem octavam Decembris, spatium novem mensium, quod Nativitatem solet præire. Atque idem si foret opus, inquit, dici posset de festo Annunciationis spatio novem mensium præcedente, diem Natalem Domini, qui pariter ante diem Annunciationis in Ecclesia cœpit esse festivus. Monet autem opus non esse, ita de festo Annunciationis ratiocinari; quoniam, inquit, nullum formari potest argumentum, ab opere Spiritus Sancti, ad opera Naturæ.

Respondeo, me facile posse negare, quod supponitur, tanquam certum in argumento, nempe festum Nativitatis Dei-² paræ, prius fuisse in Ecclesia celebratum, quam festum Conceptionis: Si enim credamus pluribus, quos refert *Velasquez de Concept. libro quarto dissert. pr. adnot. i. numero secundo, usque ad 8.* dies Conceptionis Mariæ cœpit esse festivus à temporibus Apostolorum, & noster P. Marraccius in meditam. super Bullam Alexandrinam fol. 108. inclinatur: at verò *ex sermone 20. 21. de Sanctis D. Augustini*, constat, Nativitatem Deiparæ temporibus hujus Sancti Doctoris, non fuisse adhuc in Ecclesia Romana festivam.

Sed esto; ut vim argumenti perpendamus; transeat prius tempore fuisse celebrem B. Virginis Nativitatem, quam Conceptionem, non tamen concedo, quod Pater G.H. affirmat, diem octavam Septembris fuisse ad libitum, & ad arbitrium Ecclesiæ addictam Marianæ Nativitati. Cur enim dicemus Ecclesiæ addictam Marianæ Nativitati. Cur enim dicemus Ecclesiæ Dei, quæ Divini Spiritus fulgore illustrata, non casu, &³

temere; sed summa Sapientia omnia decernit, hanc diem octavam Septemb. Natalitio Uirginis dedicasse, sine aliqua ratione, tantumque pro libito: cum alioquin habeamus post D. Augustini tempora, ex particulari, & privata aliqua revelatione, innotuisse Summ. Pontifici, diem 8. Septembris esse B. Uirginis Natalitium?

Narrant enim Authores non contemnendi *Io. Beletus lib. 8. cap. 51. Author libri, qui dicitur Gemma*, sive sit Honorius Augustodonensis, sive alius: *libro tertio, cap. 166. Durand. in rationalibus libro septimo cap. 28. Azor. 2. part. instit. moral. lib. 1. cap. 19. questione prima, Constantinus Felix in Martyrol. Bernardin. de Busto part. 3. serm. de Nativit. B. M. lit. P. Gavant. in comment. Breviarij sect. 7. cap. 12. numero octavo Beyerlink in Theatro Vitæ humane verb. festum, fol. 37. & Baronius. & alij testantur*, quod quidam Uir Sanctus contemplationi deditus, singulis annis octava die Septembris, & non alia, orans, jucundissimam Angelorum festivitatem audiebat in Cœlo; Hujus causam, Deum deprecatus, audivit esse, quod octava Septembris B. Uirgo Maria nata esset in terris; & sibi præceptum fuit, ut omnibus Christi fidelibus, præsertim vero Sum. Pontifici renunciaret; Quod cum fecisset, cepit ex tunc hujusmodi dies Mariæ Nativitati esse festiva. *Sigibertus in Chron. anno 688. dicit, quod Sergius Pontifex hanc festivitatem instituit, quia constituit, ut in Annunciatione Domini, in Nativitate, & Assumptione B. Mariæ fiant Litanix; & refert Iod. Cocci tom. 1. lib. 3. art. 6. & Gavantum loc. cit. Sed ego vereor, ne sicuti in aliis, ut Bellarminus de Scriptorem, Sigeberti fides deficiat.*

6 Nam D. Gregorius, qui Sergium præcessit, (obiit enim anno 604.) *in Sacrament. die octava Septembris, ordinat Missam in festo Natalitio Deiparæ sub die octavo Septembris colendo; Quare revelatio, quæ occasionem dedit, hoc festum tali die celebrandi, necesse est dicere, quod vel ante D. Gregorium, vel ipso sedente, facta fuerit: Et sane ante D. Gregorium fuerant. S. Jo. Chrysost. de anno trecentesimo nonagesimo octavo, & S. Proclus de anno 430. & de illis leguntur sermones in Græco Codice Bibliothecæ*

thece Sfortiana n. 65. ut Baronius notavit, habiti in festivitate Natalis Deiparæ.

Ex quibus licet ab aliquibus cum Baronio refelli videatur Historia illorum, qui dicunt, hanc solemnitatem fuisse ab Innocentio IV. institutam; ex eo quod Cardinales, post mortem Celestini IV. per integrum semestre nunquam in eligendo futuro Pontifice potuerint concordare; voto facto, quod qui primus illorum eligeretur, mandaret hoc festum celebrari, cum octava; statim electus fuit in Pontificem Cardinalis Sinibaldus, qui Innocentius IV. fuit nuncupatus; Tamen non repugnat supradictis, cum hoc votum fuerit de celebrando hujusmodi festo cum octava, & prima institutio fuerit simpliciter de celebrando festo die 8. Septembris.

Et quidem si *D. Petro Damiano in Sermone 2. de Nativit. B.M.* velimus credere hæc, inquit, *festivitas cunctis solemnitatibus antiquior est tempore;* ut merito aliqui apud P. Matraccium nostrum in *Pontific. Marian. cap. 54.* existimaverint hoc festum celebrari à tempore Apostolorum, Jtaque non est certum, quod in Romana, & universali Ecclesia hoc festum fuerit addictum diei 8. Sept. ad libitum, & ex libera ministrorum Ecclesiæ voluntate.

Sed esto ita sit; transeat, quod ad libitum fuerit ab Ecclesia designata dies octava Septembris pro festo Nativitatis, & dies octava Decembris pro festo Conceptionis, computata distantia novæ Mensium, secundum communem numerum observatum in humanis Conceptionibus, & Nativitatibus; adhuc fateor, me non intelligere, quomodo concessis omnibus hujusmodi, & aliis similibus suppositionibus, non convincatur evidenter, quod die octava Decembris fuerit animatus foetus Marianus: Si enim P. G. H. concedat Conceptionem non esse colendam immaculatam, nisi pro eo tempore, quo fatus ille vere esset animatus: an dicet Ecclesiam Dei colere Conceptionem inanimatæ carnis, quod est indecens, & omnino improprium? Non enim ea propriè dici potest Conceptio Immaculata, in qua non existit Anima, quæ sola vel maculam originalem contrahit, vel intelligitur ab ea, præservata. Sed ex communi fidelium omnium sensu octava Decembris est, & fuit semper illa, in qua huiusmodi

hujusmodi Conceptionem immaculatam Ecclesia coluit, à tempore antiquo, *cultu deinde nunquam immutato*, ut loquitur SS. D.N. Alex. PP. VII. Ergo concessis omnibus, adhuc vrget argumentum, quod nimirum die prima Medicæ conceptionis, si fuit illa octava Decembris; vel alia proxima præcedens, aut subsequens, fuerit illa, in qua beatissimus ille fœtus fuit animatus, quod opus, quia fuit naturale, sequitur primis diebus, fœtus humanos naturaliter esse animatos. Hujusmodi discursum recolligo, & in forma sic propono.

illa dies, qua fœtus Deipara in utero S. Annæ fuit animatus est
 9 *illa, qua communiter fœtus humanus animatur.*

Sed sensus communis Fidelium est, quod prima dies Nonimestrii sit
ij fuit illa dies, qua fœtus Deipara in utero S. Annæ fuit animatus.

Ergo sensus communis fidelium est, quod prima dies Nonimestrii spa-
rij sit illa, qua communiter fœtus humanus animatur.

Major conceditur à P. G. H. & à me probata est *disp. 2. sect. 2. numero septimo, & octavo*, in qua primam Deiparæ Conceptionem, & ejus in utero gestationem naturalem fuisse dixi, & non miraculosam. Minor etiam est certa apud ipsum, & solus Arpalego, & qui cum eo festum Immaculatæ Conceptionis frustrare conantur, dicerent diem illam octavam Decembris ab Ecclesia esse Marianæ Conceptioni addictam, tanquam incertam pro die certa, sed nobis ignotam; comprehensam tamen in spatio primorum dierum nonimestris temporis. Verum contra Arpalegum, & hunc modum respondendi satis supra *diffus. 2. sect. 7. & 8.* dictum est.

Quod vero additur de Christi Domini Conceptione, & eiusdem Nativitate, idem prorsus dicendum est, & eodem modo argumentandum; Imo cum majori fundamento; Siquidem non ad libitum Ecclesiæ dici potest, neque post multa tempora, sed ex antiqua Latine Ecclesiæ consuetudine, ut notavit Suarez *10. pr. in tertiam part. disp. 6. sect. pr. vers. Sed querit, &c.* Imo ex Apostolorum traditione ut idem Suarez *sentit. de Relig. tom. 1. lib. 2. cap. 5. n. 6.* certum est; & Baronius etiam consensit, quod Christi Conceptio die 25. Martij, & Nativitas die 25. Decembris conriggerunt.

Neque

Necque obstat Christi Conceptionem fuisse opus Spiritus sancti, ut ex ea non videatur posse inferri ad opera Naturæ, Nam ut supra *disp. pr. sect. 3. num. 14. & disp. 2. sect. 3. num. 1.* dixi, in Incarnatione Christi, quod concursus Spiritus sancti, modus operandi instantaneus, & unio hypostatica fuerint & sine supernaturalia. Ex his non licet argumentari ad opera naturalia. Ceterum terminus huius conceptionis, & materia ex qua perfecta fuit, fuerunt naturalia, ut docet *Suarez to. 1. in 3. part. disp. 5. sect. 1. vers. Contra hanc, &c. & disp. 12. sect. 1. vers. Obijcies, &c.* etiam, quoad uteri gestationem, ut supra probavi *disp. 2. sect. 3. num. 1. 2. 3.* Quare nihil obstat quominus idem procedat argumentandi modus.

S E C T I O II,

Examinatur revelatio Beati Amadei circa tempus quo Deiparæ Foetus fuit primo animatus.

S V M M A R I V M.

- 1 Ponuntur Verba dictæ revelationis : ex quibus inferitur contra supradicta.
- 2 Sancti viri, & Prophete non semper Spiritu Dei aguntur.
- 3 Dubitari igitur potest de iis, quæ B. Amadeus dicit se audivisse ab Angelo circa Deiparæ, & aliorum conceptionem.
- 4 Iuxta talem revelationem Dei Matris Conceptio fuisset supernaturalis quoad tempus.
- 5 Et idæo, vel in instanti, vel brevissimo tempore fieri debuisset.
- 6 Sed frustra asseritur ista supernaturalitas, cum spatio sex horarum potuerit esse naturalis.
- 7 Videtur humana cogitatio, non Angelica revelatio, quod in naturæ conceptionibus non nisi post multos dies adsit anima.
- 8 Prædicta revelatio à quibusdam notatur erroris.
- 9 Revelatio Angeli boni semper est ad utilitatem.

10 *Hæc reuelatio videtur inutilis, & ideo neque à Deo neque per
Divinum instinctum facta.*

11 *Et nunquam fuit ab Ecclesia approbata.*

Contra ea quæ proxima sectione, & præcedenti Disputa-
tione dixi de Beatissimæ Virginis Mariæ Conceptione
video mihi opponi posse revelationem quandam de tempore
dictæ Conceptionis; quam B. Amadeus Ordinis Minorum si-
bi ab Angelo asserit patefactam: Vir fuit B. Amadeus eximie
Sanctitatis, & Doctrinæ, & Sixti quarti Confessarius: hic ni-
mirum in sua Apocalypsi, seu Meditatione, Raptu 8. intro-
ducit Angelum de Conceptione Beatæ Virginis sibi reuelan-
tem his verbis. *Corpus Beatæ Virginis non fuit in istu sculi for-
matum, & animatum sicut corpus Filij eius quod uniebatur tunc,
dum formabatur, Divinitati; nec tamen tantum temporis expecta-
vit, sicut corpora aliorum expectans, sed in brevi tempore nobis as-
sistentibus. (id est Angelis.) Itaque quæ in aliis perficiuntur in
multis diebus, volente Deo, & nobis subministrantibus, facta
sunt omnia in sex horis, vel circiter: tunc Deus noster magnus, &
potens creavit animam perfectam.*

1 *Quare miraculo factam putat quoad tempus Marianam
Conceptionem, & extraordinario Angelorum ministerio ac-
celeratam; ita ut spatio sex horarum circiter, habuerit eius cor-
pus talem perfectionem, qua posita corpus naturaliter postu-
laret animæ rationalis creationem, & unionem: ad differen-
tiam aliarum conceptionum, quæ non nisi post multos dies,
illam perfectionem, & animam acquirunt; ergo non licet à
conceptione Deiparæ, inferre ad alias*

*Respondeo primo. Quamvis Beatus Amadeus Religiosus
fuerit Sanctus, & doctus; non tamen necessario sequitur eius
revelationes esse veras. Nam etiam Sancti, Viri, & Prophetæ,
aliquando veritates, quas lumine supernaturali sibi innotuif-
se putaverunt, renunciantes, quia proprium Spiritum à Divi-
no discernere nescierunt, decæpi sunt, & falsa dixerunt pro
veris; ita Nathan licet Sanctus; & verus Domini propheta;
libro secundo, reg. cap. 7. 3. tamen desideranti & interroganti*

Davidi

Davidi, an Deus vellet templum à se edificari, affirmativè respondit his verbis: *Omne quod est in corde tuo, vade, fac quia Dominus tecum est, &c.* & nihilominus non David, sed Salomon eius filius templum edificavit. Imo illa nocte idem Propheta à Domino correptus, iussus est recantare, & ut loquitur *Sanctus Gregorius homilia 1. in Ezechielem: Prophetia Spiritu edoctus proprium, & Regis consilium suis sermonibus contraxit.* & in Jona Propheta, & aliis testatur Sanctus in *di. lo. cap. 7. libri secundi, reg.* multa esse quæ ipsi humano Spiritu ducti, & abducti prædixerunt, & ab eis postea, Deo admonente, retractata sunt, quoniam necessaria erat eorum autoritas, ut crederetur eis, quando illuminati à Deo loquebantur, & *D. Thomas 2. 2. quæstion. 171 articulo quinto*, advertit Prophetas quando, non per expressas revelationes, sed per instinctum instruuntur à Deo aliquando non plene discernere, an Divino, an verò proprio spiritu loquantur.

Quare valde suspicor, quod quæ in hoc octavo raptu Beatus Amadeus ab introducto Angelo dicta fuisse refert, de tempore Marianæ Conceptionis, & aliorum hominum sint per proprium instinctum cognita, & non per Angelum verum, sed putativum, & imaginarium revelata. Nam si volente Deo, & Angelis ministrantibus spatio sex horarum perfecta est Dei-³ paræ Conceptio, aliarum Conceptionum, longiori tempore non expectato: iam, non per naturalem Dei concursus, sed per Divinam Omnipotentiam supra naturalem exigentiam operantem, factum est opus nimirum materia præparata est ad minus accidentaliter, & forte etiam substantialiter, & postea eius anima unita, & creata: vel ab ipsa anima creata, & unita mater-⁴ iæ accidentaliter, tantum organizatæ eadem organa substantialia producta sunt iuxta varias sententias *disp. 1. relatas*. Uerum cum Omnipotentia Dei, sit agens infinitæ virtutis, ac proinde potens operari in instanti, & Angeli ministri, qui faciunt voluntatem eius, per potentiam obedientialem potuerint elevari ad operandum in momento, & in istu oculi cur post motum illum præcedentem. quo sanguis maternus per venas profluens in uterum, miscetur cum viri semine, & fit utriusque

femini fermentatio non est facta in instanti : sicut Theologi cum *Suarez tom. 2. in 3. p. disp. 11. sect. 2.* communiter sentiunt de formatione Christi corporis, & Beato Amadeo revelavit Angelus: Certè nulla naturalis contrarietas poterat impedire, aut vel minimum retardare actionem infiniti agentis cuius perfecta sunt opera. Cur ergo si non in instari saltem post horæ quadrantem, aut semihoram, aut duas horas, completa est huiusmodi conceptio: sed ad tempus sex horarum circiter producta?

5 Uideo posse responderi, quia Deus ita voluit: *Deo*, inquit *volente & Angelis ministrantibus.* Sed quia non casu, vel sine aliquo altissimo mysterio voluit Deus expectare totum illud tempus sex horarum, remanet adhuc reddenda ratio huiusmodi dilationis.

Sed hæc omnia ad hominem dicta sint, & admittendo quod Conceptio B. Virginis facta sit intra dictum sex horarum spatium per concursum supernaturalem Divinæ Omnipotentiae, & Angelorum ministerium pariter supernaturale. At revera concursum, quo Deus ad aliorum hominum communem conceptionem, operatur, intra tempus simile, vel ad summum intra spatium trium dierum, computandum à tempore Medicæ conceptionis esse omnino naturalem, & Hippocratis, & aliorum Medicorum regulis conformem, supra *sect. 3. 4.* & satis ostendi.

Præterea dum considero id quod in tali revelatione superadditur, videlicet, quod licet conceptio Mariani Corporis, non dicatur facta in instanti, sicut Christi corpus; non tamen inquit *tantum temporis expectavit sicut aliorum corpora expectant, quæ perficiuntur in diebus multis.* Valde etiam suspicor, quod B. Amadeus adhærens iam prius illi sententiæ, quæ Aristoteli falso ascribitur, & communis tunc, verior existimabatur, masculinum scilicet quadraginta, foeminam vero octoginta, vel nonaginta dies expectare; ideo non instinctu divino, sed humano, & proprio sibi ignoto, id crediderit esse revelatum; atque ideo non

7 revelatio divina, sed humana fuerit excogitatio.

8 Secundo, non desunt Doctores, *ut Caiet. 2. 2. q. 174. artic. 6 Abraham Bzovius tom. 18. sua Hist. Eccles. à folio 28. vsq. ad 30*

&

& alij qui revelationem hujusmodi Beati Amadei impugnent, & falsitatis condemnent.

Tertio. Regula est ordinata à D. Paulo ad *Heb. cap. i. 14.* quod ⁹ revelatio boni Angeli non est vana, & inutilis; sed semper ordinatur ad nostrum particularem, vel universalem Ecclesiæ profectum. *Omnes, ait, sunt administratorij Spiritus in ministerium missi propter eos qui hereditatem capiunt salutis. Et secunda ad Timothy cum c. 3. 16. Omnis scriptura divinitus inspirata utilis est ad docendum, &c.* & talis sine dubio fuit revelatio de die 8. Decembris Conceptioni Deiparæ addicta; quæ facta fuit Elfino Abbati, vel aliis ut supra dixi *sect. 2. n. 5.* & Baronius notat in *annot. martyrol.* die 8. Dec.

Quia in aliqua Ecclesia. v. g. Anglicana primum, de ann. 1070, & Gallicana, deindè de Anno 1171. Occasione hujus revelationis à D. Anselmo publicatæ, Conceptionis Deiparæ festum cæpit coli ut notavit Scortia in *Selectas Pontificum Theoremata* 301. & deindè in universa Ecclesia Latina; eadem die 8. Decembris celebrari, ut Patres Concilij Basileensis à me relati *dist. sect. 2. num. 4.* affirmant; id quod negari non potest cessasse in utilitatem Ecclesiæ, & evidentissimum animarum profectum: hoc enim motivo à D. Anselmo in Epistola ad Angliæ Episcopos scripto, quia nimirum non est verus amator Beatæ Virginis, qui eius Conceptionem non colit, omnes paulatim excitati sunt ad maiorem pietatem erga Deiparam, & à Fidelibus dies illa octava Decembris cæpit esse solemnitas. Et inde Societates, & Ecclesiæ dedicari in eius honorem. Indulgentiæ concedi, & publicæ Academix Immaculatam Deiparæ Conceptionem defendere, cæperunt.

Cæterum quod horarum duarum spatio, vel quatuor, vel sex illius diei, facta fuerit Conceptio B. Virginis, non video quam ¹⁰ utilitatem exinde Fideles retraxerint, qui tempore Beati Amadei, iam erant devotione accensi erga Deiparæ Conceptionem, & Festum: Nisi forte quis talem revelationem defendens, dixerit, ideo magis ad pietatem excitari Fideles, quia cognoscunt supernaturali concursu, & per miraculum conceptam fuisse.

E c 2

Sed

Sed jam hæc responsio cessat ex dictis ; & Ecclesia Romana nunquam talem temporis circumstantiam , in qua sola miraculum consisteret , proposuit fidelibus venerandam. Etenim decernit, quidem Sixtus IV. celebrandum esse Festum Conceptionis , & recitandum eius officium. Patres Tridentini declarant B. Virginem non comprehendi sub Decreto peccati Originalis, Paulus V. prohibet in publicis actibus asseri esse in peccato originali conceptam; quam prohibitionem Greg. XV. extendit ad actus privatos, & statuit, quod in Officio, & Missa nemo utatur nomine Sanctificationis, sed Conceptionis, SS. D. N. Alex. PP. VII. quod non afferantur argumenta contra piam sententiam, ita ut remaneant insoluta: quod nullus directe, vel indirecte festum Conceptionis frustretur; quod vetus fuit Christi fidelium pietas, sentire B. Virginem in primo instanti suæ Creationis præservatam fuisse à peccato originali, & in hoc sensu eius Conceptionis Festivitatem celebrari. Hæc omnia Divinus instinctus in Sum. Pontificibus, Constitutionibus , & Decretis ordinari fecit, & inspiravit: & à Christi fidelibus devotè , & exactè observantur. Cæterum nulli unquam ex istis, huc usque inspiravit, ut declararet ipsam Deiparam spatio sex horarum fuisse conceptam.

Quare quia sicubi datur Divinus instinctus, hic sine dubio est in Ecclesia Dei, quæ est ex *D. Paulo Ep. 1. ad Thim. c. 3. 15. Columna, & firmamentum veritatis*. Mihi omnino videtur difficile, quod B. Amadeus per Angelum talem differentiam Marianæ Conceptionis ab aliis conceptionibus cognoverit. Sed primam eius revelationis partem fuisse piissimæ eius mentis meditationem: secundam verò partem, quod scilicet post multos dies animetur humani fœtus, fuisse sententiam jam pridem in ejus intellectu firmatam, mihi facile persuadeo.

Quarto tandem respondeo ; quod licet hujusmodi Revelationes B. Amadei Romæ existant in celebrioribus Bibliothecis manuscriptæ; nempe, in Vaticana, Altempsiana, Sforziana, Sirletina; Lugduni in Dominicana, Barchinone in Franciscana, & Romæ apud P. nostrum Hippolytum Marraccium in Bibliotheca S. Mariæ in Porticu Campitelli : Tamen huc usque, nunquam.

nunquam ab Apostolica Sede fuerunt approbatæ. Ideo salva debita reverentia Authori tam Sancto, & docto, non est cur illis adherere, & fidere debeamus: præsertim, cum nemo Sanctorum Patrum, usque adhuc affirmaverit, Conceptionem B. Mariæ in acceleratione temporis fuisse singularem, miraculosam, & ab aliis hominum Conceptionibus dissimilem; & rationes ex Medicina, & Philosophia petitæ contrarium suadeant. Quare optima est ab eius Conceptione, ad alias illatio.

S E C T I O III.

An cohæreat cum doctrina Catholica, quod ante formationem membrorum Anima rationalis sit in corpore?

S V M M A R I V M.

- 1 *Error in Concilio Viennensi damnatus est, quod Anima rationalis sit forma extrinseca, & assistens humano corpori.*
- 2 *Anima rationalis est per se, & essentialiter corporis humani forma.*
- 3 *Corpus Christi tempore Incarnationis, an fuerit formatum, Concilium non definit.*
- 4 *Fuit corpus organicum, cuius, Anima rationalis, est actus.*
- 5 *An autem per organizationem substantialem, an verò per accidentalem, disputatur.*
- 6 *Communior Sententia est, quod sit per substantialem organizationem, quæ tamen animam non præcedat.*

IN Concilio Viennensi Clemens V. ut refertur in *Clement. Junis. de Summ. Trinit. & fid. §. Però, &c.* contra Petrum Joannem, & alios, qui asserbant Divinum Verbum in Incarnatione, assumpsisse quidem hypostatice Corpus, sed non Animam rationalem Christi; quia dicebant, Animam nostram esse

esse extrinsece tantum unitam, seu assistentem corpori; sicut Motor Mobili, & sicut Nauta Navi; determinat, Animam rationalem, esse formam vere per se, & essentialiter corporis humani, & contrariam propositionem esse *Fidei, & veritati Catholice inimicam, veluti erroneam, & qui illam pertinaciter tenere præsumpserit, tanquam hæreticum esse censendum*; quæ omnia patent, tum ex textu, tum etiam ex *glosa verb. intellectiva. ex Eymerico in direct. inquisit. part. pr. comm. 3. & Spondano anno Christi 1311. num. 10.* Sed hæc doctrina non potest verificari, si dicamus, foetum primis diebus esse animatum; cum enim materia tunc tenuis sit, & fluxibilis, non potest habere organa, & partes ethereogeneas, & dissimilares, quæ constituunt corpus humanum. Ergo non potest cum doctrina catholica coherere, quod antea istam formationem, foetus sit animatus,

Respondeo primo, satis fuisse Summo Pontifici, & Concilio declarare, Animam Christi, esse formam essentialiter humano eius corpori unitam, ut doctrina Catholica constaret, quod non solum corpus, sed Animam, etiam illi unitam, & totum compositum humanum hypostatice assumpserit; Id quod expressis verbis, deinde definivit in Concilio Lateranensi Innocentius III. ut refertur in *cap. firmiter de Sum. Trin. & fid. Catb.* & patet ex illis verbis, quibus Filius Dei dicitur, *verus Homo factus ex Anima rationali, & humana carne compositus,*

Quale autem esset huiusmodi corpus, tempore ipsius Incarnationis, Concilium noluit definire; neque ad prædictum errorem profigandum erat necessarium; ideo neganda est minor argumenti, & tota eius probatio, & consequentia, iuxta probabiles sententias à me relatas, & suppositas.

Sed, ut abundantius explicem solutionem, & ostendam quantum deviet à communi doctrina argumentum factum.

Respondeo secundo, corpus humanum, de quo utrumque Concilium loquitur, esse intelligendum corpus hominis, verum Animæ subiectum, ex quo, & Anima rationali, Sanctissima illa humanitas, & verus homo Filius Dei factus est: quare libentissime admitto, esse illud corpus, de quo in famosa, & ab omnibus recepta definitione Animæ, Philosophi cum Arist. *lib. 2. de Anima text. 6.*

text. 6. asserunt, esse corpus organicum, dum dicunt. *Anima est illud primum corporis organici potentia vitam habentis:* At vero magna est inter Philosophos controversia, ut videre est apud *Suarez. de Anim. lib. 1. cap. 2. num. 7. Arriaga de Anim. disp. 1. num. 3. & Oviedo de Anim. contr. pr. punct. pr. à num. 6. & deinceps.* An istud corpus organicum debeat esse tale per organizationem substantialem, an vero per solam accidentalem, & sufficienter intelligi corpus esse ipsam materiam cum accidentalibus dispositionibus, per quas satis præparatur, & est in potentia proxima ad vitam substantialem recipiendam, & constituendum humanum compositum, censet idem *Suarez. ibidem num. 30. & Arriaga loc. cit. num. 10.* quamvis *Suarez num. 31.* magis propendat in organizationem substantialem; sed hanc asserit esse ab Anima iam informante in eodem instanti, & momento, quo corpus incipit esse animatum; & est communior sententia Thomistarum, & aliorum apud *Avers. tom. 2. phil. q. 45. sect. 1.* Itaque siue organizatio accidentalis requiratur siue substantialis ad constituendum corpus organicum, non est necesse, quod substantialis organizatio, seu prima fœtus formatio, tempore præcedat animationem, cum in ipso instanti creationis Animæ rationalis, eiusque unionis cum materia, diversæ, & dissimilares partes unionis producantur, ut ibidem explicat *Suar. num. 22.* consentiunt sancti Patres relati *disp. 3. S. 6* atque ideo satis constituitur corpus organicum, & humanum, quod sufficit ad excludendos illos errores, qui erant contra unionem Animæ Christi cum Verbo; & consequenter contra veram Animæ informationem in illa materia, licet tenui, & fluida.

SECTIO IV.

Declaratur quomodo Animam rationalem esse in fœtu primis diebus, non sit error Traducianorū.

S V M M A R I V M.

1 Quid sit Animam fieri ex Traduce.

FF

2 D. 40

- 2 *D. Augustinus semper dubius fuit, an Anima rationalis effet ex traduce.*
- 3 *Conceptio humana distinguitur à prima seminis, tum receptione, tum fermentatione.*
- 4 *Sententia asserens Embryonem præcedere Animam rationalem cum substantiali organizatione, tam recepit à schulis.*
- 5 *Et magis communiter recipitur, quod præcedat cum sola accidentali organizatione.*
- 6 *Conceptio hominis est in illo brevissimo tempore, vel instanti, quo nunc primo, forma seminis non est in materia.*

Semen fermentatum, esse animatum Anima rationali Hæretici asserunt, quatenus dicunt, Animas rationales, non minus trahi à Parentibus, quàm corpora; ergo statim, postquam semen fermentatum est, dicere, quod sit probabile, Animam rationalem esse in foetu humano, ac proinde esse baptizandum sub conditione, est sentire cum Hæreticis.

Respondeo; Animam rationalem fieri ex Traduce, seu traduci, & seminari cum corpore voluerunt Hæretici, quatenus dixerunt, non minus à Parentibus trahi Animas, quàm corpora: Itaut Anima filij propagetur, & fiat ex Anima Patris, quomodo ex corpore Patris seminatur, propagatur, & traducitur corpus filij. Et si D. Hieronymo credamus in *Epist. ad Marcellinum*, & *Anapsichiam*, quæ est 27. inter Epistolas D. Augustini, & 82. inter Epistolas D. Hieronymi, & in *lib. 2. contra Ruffinum*, & *epist. 61. ad Pàmachium*. Hic error fuit primùm inter Christianos Tertulliani, quem sequutus est Apollinarius, & plures Occidentales. Et *D. Augustinus lib. de hæresibus. cap. 81.* dicit, fuisse Luciferianorum, à Lucifero Calaritano Episcopo; Et constat etiam fuisse Pelagij; Nam ejus argumenti excogitans solutionem, idem *D. Augustinus*, ut explicaret contra Pelagium, quomodo contraheretur peccatum originale in Anima, semper dubie loquutus est de Animæ origine, ut notavit Fromondus *de Anim. lib. 1. c. 2. art. 2.* Et quidem D. Hieronymum non semel rogavit D. Augustinus, ut solveret difficultatem; id quod etiam ex eiusdem *D. Augustini Epistola 28.* satis constat.

At vero quando sententias illas asserentes, Animam rationalem primis diebus esse in corpore, dixi probabiles, nunquam dixi, esse in semine fermentato; sed solum, quod fœtus abortivus elapso quocumque tempore à conceptione, probabile est quod vivat Anima rationali, & ideo non licere illi Baptisma denegare. Sed, ut video, verba ista, *elapso quocumque tempore à conceptione*, quibusdam scandalo fuerunt: Oportet itaque illa magis explicare.

Quare cum eruditissimo Fromondo lib. 2. de Anim. cap. 6. art. 14. in princ. adverto feminis in utero receptionem, non esse hominis, sed materiæ ad hominem gignendum conceptionem: quomodo dicebat Fernelius lib. 7. c. 8. de hom. procr. Neque seminis attractio, neque retentio, conceptio est. Tametsi id ratio nominis videatur indicare. Sed conceptio est, inquit idem Author, propria, & peculiaris uteri actio, qua seminis potestas excitatur, & insitum sibi munus, re ipsa obit, & exequitur. Hanc autem actionem, quam Medici conceptionem vocant, licet ante septimam diem Aristoteles non videatur concedere. lib. 7. de hist. Anim. c. 3. quia effluxiones, inquit, vocantur quæ intra septimum diem incidunt. Tamen iuxta probabilem sententiam Galeni, & aliorum, quos disp. 3. sect. 5. citavi. post aliquas horas à viri, & fœminæ congressu, semina in utero confusa, & permixta calore, & occultis uteri facultatibus, incipiunt in unam massam fermentari, & coagulari, & ne defluant, membrana quadam involui. Et ideo Bersabea, ut notavi supra disp. 1. sect. 7. n. 7. non statim habita copula dixit Regi, se ex eo concepisse, sed post elapsam noctem, in mane, domum reversa, id est post aliquot horas, Nuncium ad eum remisit, qui diceret, concepisse. Itaq, ab huiusmodi conceptione elapso quocumque tempore dixi, & iterum repeti, probabile valde esse, quod Anima rationalis sit in fœtu.

Et ut clarius pateat, omissa sententia à me relata disp. pr. sect. 2. num. 3. de forma embryonis, quæ jam fere recessit à cholis Philosophorum, & contraria prævaluit, ut notavit Arriaga, de Anima disp. 1. sect. 1. 2. num. 3 18. Existimo, quod permixtis, ut jam dixi, maris, & fœminæ seminibus fiat accidentalis organizationis, quam me non excogitasse. (ut dicit Neotericus) sed

didicisse à *Scoto, Suar. & Hurtad.* patet ex adnotatis à me *sect. 1. n. 9.* quibus addo *Caiet. in pr. part. q. 118. art. 2. in respons. ad quartum versus finem, & alios communiter relatos paulo ante sect. 3. n. 5. huius tertiæ disputationis.* Et tenentur admittere etiam illi, qui formam embryonis, & formas quas dicunt partiales, præcedere affirmant: Omnes enim fateri debent, & concedere, ut antequam educantur huiusmodi formæ substantiales de potentia materiæ, vel antequam corrumpatur forma seminis præcedant dispositiones aliquæ accidentales, quæ ad prioris formæ seminis corruptionem, & novæ formæ generationem, illam materiam disponant. Quare illud instans, seu brevissimum tempus, in quo virtute præcedentis alterationis corruptum est semen, ut verum est dicere, nunc primo non est semen: Verum est etiam dicere, nunc primo est unio, & unita est anima rationalis cum materia. Concesso igitur antecedente, negatur consequentia.

S E C T I O V.

An argumentum ductum ab animatione Pulli Gal.
linæci per regulam auream probet Animatio-
nem foetus non fieri nisi post 40. aut 80. dies.

S V M M A R I V M.

- 1 Proponitur argumentum deductum ex regula trium.
- 2 Absurdum est argumentum in presenti materia.
- 3 Inter pullificationis, & humanae generationis tempus nulla datur proportio.
- 4 Inter animationem masculi, & feminae non datur differentia temporis duplicati.
- 5 Differens est actio generativa, & à pluribus pendet.

6 Pullus

- 6 Pullus Gallinaceus non excluditur ab ovo die 21. præcisè sed aliquando 18. aliquando 20. die.
- 7 Regula trium fundatur in proportionem, quam habent unitates ad invicem.
- 8 Hæc autem invariabilitas non datur in actione generativa.
- 9 Maior efficacia virtutis ætius animationem anticipat, & ideo dubium est animationis tempus.

EXistimant, aliqui, me valde inconsequenter sentire cum Fieno. Cum enim *diff. 1. sect. 1. num. 15.* præmittam in ovo gallinaceo ad finem tertiæ dici ab incubitatione, ex observatione Gulielmi Harvei, reperiri punctum saliens, signum videlicet animationis; & cum *Hippocrate lib. de nat. puer.* dixerim, quod in illo sex dierum abortu mulieris saltatricis, detracto ovi putamine, esset corpusculum rubrum; Et circa ipsum fibræ, & venula sanguineæ, & in medio tenue quid, quod ipsi umbilicus videbatur, quo respiraret. Et ego addiderim, quod ita prorsus contingit in prima hominis generatione: contra me sic argumentantur ut probent, non primis diebus, sed quadragesima tantum die vivere humanum foetum. Pullus Gallinaceus non nascitur, inquit, nisi vigesima prima die ab incubitatione, ut nostræ mulieres quotidie experiuntur; sed tres dies, quorum finis est principium animationis habent ad viginti, & unum, proportionem septuplam: Nam ter septies faciunt 21. Ergo si ita prorsus contingit in prima hominis generatione, quia homo nascitur, post nonum mensem, id est ut ipsi assument pro certo, 280. die; erunt, iuxta regulam auream, quam trium appellant, ut 21. ad 3. ita 280. ad aliud. Et facta calculatione invenitur numerus 42. dierum ergo non primis diebus, sed quadragesima tantum die erit animatus humanus foetus. Addunt tamen propter maiorem efficaciam virtutis formatricis, anticipari aliquando formationem.

Respondeo primo si hoc argumentum aliquid probaret etiam omnes homines debere esse Gigantes probaret, quod sic ostendo: Homines quando legitimo tempore veniunt ad lucem, id est nono mense, licet non omnes sint eiusdem magnitudinis

tudinis ut videre est etiā in adultis: tamē regulariter maior pars est longitudinis unius cubiti Italici, seu duorū palmorū vulgarium; ita peritissimæ obstrictrices à me interrogatæ testantur: Argumentum autem factum, nullo habito respectu ad virtutem plasticam, & ad uteri maiorem, & minorem activitatem, fundatur in proportionē quantitativa, sive in habitudine quantitatis successivæ temporis videlicet, quo homo concipitur, & uterum egreditur; ad illud, in quo pullus nascitur, & excluditur ab ovo; si ergo sola hæc habitudo consideranda est, sic argumentor. Ut primi novem menses se habent ad magnitudinem infantium tempore Nativitatis, ita tempus consistentiæ, quo solet homo cessare ab augmento sui corporis, ad magnitudinem tali tempore acquisitam: quia tempus consistentiæ solet esse ætas 22. annorū, vel, ut Aristoteles asserit *sect. 20. § 1. rob. prob. 7.* ætas 30. annorum: assumpta etiam minori ætate 23. annorum, sive mensium 264. erit tunc regula, ut menses novem ad duos Palmos, ita menses 264. ad aliud, & invenitur quartus numerus per calculum palmorum 48. totidem igitur palmorum deberet esse ordinaria hominum statura; cum de facto, ut videmus, sit solum novem palmorum circiter, ergo deberent esse Gigantes.

Præterea ostendo alio discursu, habitudinem, seu proportionem solam quantitatis, non posse hic esse regulam ad indagandum tempus, quo animatur humanus fœtus, sed considerandam esse Analogiam actionis generativæ. Habeo apud me corpusculum humanum Abortivi fœtus, quod certissimè scio à matre fuisse unico concubitu conceptum, & die 80. præcise effusum, & absolute baptizatum; Tunc enim habebat motum: & nunc apparent omnia membra formata, pedes manus, digiti, thorax, costulæ, oculi, & omnia membra, quæ adhuc excitata conservantur ita distincta, ut commodissime videantur. Istud corpusculum non excedit longitudine tres digitos communes, secundum latitudinem inter se coniunctos. Si supradictus corpus procedit; probò Infantem tempore nativitatis non debere esse longiorem digitis decem cum dimidio; Nam erit regula aurea sic: si dies 80. dant longitudinem trium digitorū, quam

quam dabunt dies 280. & inveniuntur digiti decem cum dimidio. At ex testimonio supradicto obstetricum, & patet ad oculum longitudo ordinaria est duorum palmorum, ergo computus, & regula trium in presenti non valent. Rationem reddam paulo infra.

Respondeo secundo, vanum esse, & inutile, quod argumentum vim faciat in verbis à me positis *d. sect. 1. n. 15*. Nam aliud est humanum foetus esse intra tunicas inclusum, animatum primis diebus, ac proinde intra ovum contineri: quod solum volui, cum dixi, *ita prorsus contingit in prima hominis generatione*: & aliud est, inter animationem, & nativitatem hominis, quæ exclusioni pulli correspondet, servari eandem temporis proportionem, quod nunquam dixi, nec dicere potui, ut manifestum est ex eo, quod *d. n. 15*. post allatam observationem Haruei, statim attuli experientiam ab Hippocr. relatum de ovo humanæ conceptionis; in quo sexta die à conceptione non solum punctum sanguineum saliens, sed alia deprehendit Hippocr. quæ ibi existentem Animam indicabant. Itaque argumentum tenetur probare, quod supponit, nempe solam proportionem temporis, esse attendendam, ut calculatio procedere possit.

Sed esto permittamus illis, quod deberent probare, cum adhuc illorum aliquis persistat in hoc, ut foetus humanus masculinus non animetur ante 40 diem, & foemininus ante 80. tempore nimirum, quod respectu illius est duplicatum, rogo, foetus gallinaceus foemininus ut animetur expectatne tempus duplicatum sex dierum, sicuti foetus humanus foemininus expectat tempus duplicatum octoginta dierum? Sed Harueus hanc duplicatam temporis dilationem in pullificatione non observavit, & contra illam nostræ mulieres, quæ gallinarum incubationi student vociferantes reclamant; Afferunt enim, se ita expertas fuisse, ut si ova, quæ gallinæ supponuntur, essent omnia pariter recentia, & eodem tempore nata, ab iis pulli tam masculi, quam foeminae indiscriminatim eadem die simul ab ovo prodirent; sicuti vere in humanis foetibus, tam masculus, quam foemina circa nonum mensem ab utero Matris sine differentia temporis egrediuntur; quod plane indicat eodem tempore animari, atque ideo illam dierum quadraginta, & octoginta differentiam non

esse principium animationis, sed esse excogitatam à Crimin-
listis, & communiter receptam; ne causantes abortum inson-
tes punirentur; ut dixi *disp. pr. sect. 5. per tot.*

Respondedo tertio, quòd difformis est actio generativa: sed
hæc difformitas ex aliis, & pluribus capitibus pendet; puta ex
5 majore, vel minore calore utriusque seminis; ex diversa acti-
vitate uteri materni; ex maiori vel minori crassitie humorû, &
aliorum etiam accidentium, quæ humanam generationem,
ratione loci, temporis, qualitatis ciborum & aliorum huiusmo-
di afficere possunt: quare etiam admissio, quod gratis assumitur,
nempe quod pullus excludatur ab ovo die 21. præcise, cuius
oppositum docet *Vlysses Aldrouan. in ornithol. lib. 14. de gallin. in-*
cubat. & exclus. sol. mibi 224. Et advertit cum Petro Gregorio die
19. pipire pullum, & exire ab ovi putamine, & *Arist. lib. 6.*
bist. anim. cap. 2. his verbis docet, quod *Gallina excludunt celerius*
æstate, quam hyeme, ideo in æstate duo de vigesimo die factum ex-
cludunt hyeme aliquando vigesimo die. Et admissio etiam, quod
6 præcise spatio dierum 280. mulier gesserit uterû, quod *ut disp. 3.*
sect. 4. n. 10. vidimus, non semper contingit; adhuc negatur il-
lata consequentia, quod solum post quadraginta dies, humanus
fœtus sit animatus, cum ex tot capitibus actio generatiua possit
esse difformis.

Respondedo quarto; directè ad argumentum, non posse in
rem nostrâ adhiberi regulâ trium; Nos enim agimus de anima-
tione, quæ procedit ab agente naturali per actionem generati-
vam. Et regula illa fundata est in commensuratione invariabili
quam habent numeri ad invicem, quatenus totidem determi-
natis, & indivisis unitatibus, non pluribus constant, Nam ut be-
ne cum Euclide demonstrat *Clavius in Epit. arith. c. 17.* per tres
numeros notos invenitur quartus proportionalis ignotus; quia
debet toties continere tertium, vel contineri ab ipso, quoties
secundus continet primum, vel ab eo continetur: id est tot
unitates sunt de tertio numero in quarto, vel è contra quot sunt
7 de primo numero in secundo &c.

At vero ista commensurabilitas nullo modo potest conside-
rari in actione generativa, & animatione humani fœtus;
Nam

Nam virtus plastica, seu generativa, non semper operatur eadem velocitate in principio, medio, & fine; idest versus ultimum terminum, qui est animatio. Et ratio est evidens, quia in principio⁸ operatur ad expellendas dispositiones conservativas formæ incompositibilis V. G. seminis, vel embryonis, cum Anima rationali; & ad introducendas illas, quæ sunt productivæ unionis: Cum ergo inveniat in materia dum est sub forma seminis majorem resistantiam in principio, minorem in medio, nullam in fine; ideo magis tardat in principio, minus in medio, & instantaneè operatur in fine. Quare illa argumentandi ratio per regulam Trium, non valet in præsentia.

Quinto, & ultimo dico, quod Author argumenti est, qui (ut mihi videtur) parum consequenter loquitur; Nam fatetur, quod aliquando animatio anticipatur propter majorem virtutis formatricis efficaciam. Hoc posito, tunc inquiri, quid in tali casu⁹ faciet pius Neotericus? investigabitne quanta sit major efficacia virtutis formatricis? an verò in dubio isto baptizabit sub conditione? Non primum, quam enim mensuram quæso adhibebit tunc, ut cognoscat, quanto tempore anticipaverit, & quot lapsi sint dies à conceptione, ut certo possit dijudicare, an fœtus sit animatus? Puto, quod diù hæsitans, multoque tempore inutiliter consumpto, & fortè pluribus interim mortuis fœtibus, & damnatis Animabus, tenebitur fateri, id esse moraliter impossibile. Ergo tenetur, & ipse in hujusmodi casu dubio concedere, quod sub conditione fœtibus abortivis ministrandum sit Baptisma.

SECTION VI.

An possessio, quæ videtur esse pro fœtu non animato obstet quominus baptizandi sint abortivi.

SUMMARIVM.

1 *Proponitur regula Invis pro eo, qui est in possessione.*

Gg.

2 *Regala*

- 2 *Regula fundatur in ratione, quia possidens habet duos titulos.*
- 3 *Regula hujusmodi videtur aliquibus habere locum dumtaxat in materia Iustitiæ: Alij verò extendunt ad omnem materiam.*
- 4 *Solvitur argumentum, juxta primam sententiam.*
- 5 *Solvitur etiam juxta sententiam aliorum.*
- 6 *In materia Sacramentorum, & quando agitur de Animæ periculo, quomodo valeat ista regula.*
- 7 *Tutior pars est sequenda, quia possessio est pro Deo; & pro eodem stat regula.*
- 8 *In dubio etsi non constet de intentione Conjugum, judicatur ad favorem Matrimonij.*
- 9 *In dubio an res legata debeatur, quæ est melioris conditionis debetur.*
- 10 *Si dubium sit, an petens Baptismum habeat usum rationis, baptizandus est.*
- 11 *Iniungendus est agrotus, si dubium sit, an morbus sit periculosus.*
- 12 *In dubio, an monstrum sit homo, Rituale Romanum præcipit sub conditione baptizari.*

ESto, & propter discursum factum, & propter probabiles illas sententias dubium sit, an fœtus humanus primis diebus vivat Anima rationali. Probo nullo modo etiam sub conditione ministrandum esse Baptismum in tali dubio. Nam prius est, fœtum non esse Animatum, quàm esse animatum, sed in dubio iuxta regulam vulgatam, quæ est *65. l. in pari ff. de reg. jur. in 6. In pari causa melior est conditio possidentis*. Ergo judicandum est pro fœtu non animato: & ideò nullo modo est baptizandus, etiam sub conditione.

Hujus argumenti, ut responsio magis pateat, præmittendum est, regulam esse quidem in ratione fundatam; Nam ut bene Sanch. libro primo in decal. cap. 10. num. 11. & Tambur. in decal. libro primo cap. 3. §. 6. numero quinto possidens habet duos titulos, unum dubium, an scilicet res, de qua agitur ad se pertineat; & in hoc convenit cum alia parte non possidente; Alterum vero, & est certitudo, qua de facto possidet, & hoc titulo caret pars altera. Ergo possidens cum habeat duos titulos prævalere debet

debet, & præferri. Et hanc regulam fuisse traditam à duobus Ju-
reconsultis Juliano, & Paulo: & à Jure Civili receptam: ut con-
stat ex l. si servus ff. de verb. signif. ibi, dum queritur de damno, &
par utriusque causa sit: quare non potentior sit qui tenet, quam qui
prosequitur? Ex hac lege desumpta est supradicta regula, quæ est
170. in Jure Civili ff. de reg. jur. & in Jure Canonico reg. 65. de
reg. jur. in 6.

His præmissis sciendum est, aliquos Theologos Majol. Pe-
rez. Azor. Vasq. Salas. Sayr. Turr. & Comit. apud Dian. p. 4. tract. 3.
resol. 2. voluisse, Regulam habere locum solummodo in materia
Justitiæ, ad quam pertinet titulus possessionis. Alios vero, ut Su-
rez. Sanch. Coninch. Henrig. Estiunc. Sanci. Villalob. Sanclavell. Tanner.
Malder. Mercli, & Castro Pal. apud Dian. ibi quibus addo Tambur.
d. §. 6. num. 10. Basæ. in flor. verbo dubium n. pr. & Busemb. lib. pr.
tract. pr. cap. 2. dub. 3. extendere supradictam regulam etiam ad
materias, aliarum virtutum; sed juxta utriusque sententiæ fun-
damenta facile soluitur argumentum, & primo juxta primam
sententiam.

Respondeo fœtui non vivo, de quo tamen dubitatur, an vi-
vat, nullam fieri iniustitiam, si baptizetur sub conditione, tum
quia si non est vivus, est iniustitiæ incapax, cum non sit iusti-
tiæ, aut dominij alicuius capax, quod supponit regula citata:
Neque aliquod damnum ipsius potest considerari in hoc du-
bio, ut voluerunt Jurisconsulti Authores huius regulæ esse con-
siderandum: & patet ex illis verbis, dum queritur de damno, &c.

Respondeo secundo, juxta alteram sententiam dicentem,
quod etiam in materia charitatis valeat regula, esse quidem pro
utraque parte rationes dubitandi, sed pro lege charitatis, esse
certum titulum possessionis, quod nimirum, proximo extremè
indigenti sit adhibendum remedium, adeo facile, & Ministro
non onerosum. Uerùm quia non est certum, sed dubium, quod
in fœtu illo sit Proximus, propterea non obligat ad absolutam,
sed ad conditionatam baptismi collationem. Hæc responsio
quo ad Parochum probat, ipsum teneri etiam ex justitia, quia
lex justitiæ quæ ipsum obligat, est in certa possessione suæ obli-
gationis.

Respondeo tertio quæcumque sit illius regulæ vis, & efficacia, in ratione quidem, vt vidimus fundata; sed quæ plurimum pendet ab vtroque iure positiuò; jam Ecclesiæ Auctoritas, à qua, si opus esset, limitari deberet, est in contrarium; vt nimirum, quando agitur de vitando animæ periculo, & de valore Sacramenti, iudicium sit ad favorem animarum, & Sacramenti, & partem tutiorem eligamus. Quam regulam, eligendi nimirum partem tutiorem, non tanquam novam, sed tanquam veram, & naturali iure fundatam, Sacri Canones non semel, sed sæpius repetunt, & approbant. *c. ad audientiam, & cap. significasti 2. de homicidio, & cap. Inuenis de spons.* & late prosequitur Vasq. 1. 2. disp. 65. n. 9. & deinceps. Cum enim tam in dubio facti, quam Iuris sint pro vtraque parte rationes dubitandi, & possessio sit pro Deo, qui vult, *omnes homines saluos fieri*, & ad hunc effectum, iuxta cogitationes suas antiquas, & fideles agnum occisum ab origine mundi filium suum unigenitum dedit, quis potest opponere contra illum, quod melior sit conditio possidentis? Vt bene Illustr. Dominus Fagnanus consideravit *comment. ad c. Ne inuitatis de const. num. 194.* Nemo sane est, qui possit cum Deo, de anterioritate temporis contendere, & ante Sacramentorum institutionem suam possessionem tueri. Ideò Sum. Pontifex, & Doctores hanc certissimam doctrinam sequuti, à vulgata illius regulæ intelligentia recesserunt; Et quoties de animarum periculo agitur, toties pro Deo salutem animarum procurante, intellexerunt: vt patet ex sequentibus.

Primo quia in *cap. fin. de condit. apposit.* Gregorius IX. dicit, quod si propter aliquam conditionem appositam in contractu matrimonij dubitetur de valore eiusdem matrimonij, & non satis constet de intentione vtriusque contrahentis, iudicandum est ad favorem matrimonij, quod valeat; quia licet in alijs contractibus, si qua conditio, vel impossibilis, vel etiam turpis apposita fuerit, vitietur contractum, & ipsa conditio non vitietur, vt §. *si impossibili Institut. de inutil. stipulat.* & leg. non solum ff. de action. & obligat. Esset enim argumento, quod contrahentes non habuerunt intentionem

se invicem obligandi. A tamen in contractu matrimonij, prædictæ conditiones non viciant, sed vitiuntur, & habentur pro non adjectis. Et hoc propter favorem matrimonij est specialiter introductum, ut dicit textus, & notant Sanch. *l. 5. de matr. disp. 3. n. 7.* Card. de lugo *de Test. disp. 22. n. 342.* & Dom. Fagnanus *ad dictum c. fin. n. 10.*

Secundo in *c. cum dilectus de donat.* In dubio, an hæres debeat rem, quæ erat majoris valoris, an verò quæ erat minoris, & eodem nomine vocabatur, respondet Sum. Pontifex, hæredem debere rem majoris valoris, quia *in contractibus plena, in testamentis plenior, & in beneficiis plenissima interpretatio adhibenda est.* Nominem autem beneficiorum pias donationes, seu legata pia intelligit Glossa, & Sanch. *de matrim. lib. 2. disp. 41. n. 33.* quia nimirum res jam erat ab hæredis proprietate abdicata, per donationem; & quia non poterat, sine injustitia, ab eodem, contra Ecclesiam donatariam, vel quemcumque alium donatarium, retineri; idè in hoc dubio contra hæredis possessionem judicat Jus Canonicum à regula illa recedens, ne hæres sit in periculo peccandi.

Tertio Filius Patris Gentilis petens Baptismum in ætate, quæ dubitatur de usu rationis, & Parentes resistant; etiamsi aliqui putent, non esse baptizandum, quia carentia usus rationis est in possessione, & etiam Parentum Authoritas; præsertim ante septennium; tamen esse baptizandum censeo Soto *4. distict. 5. art. 10. §. sed alterum.* Suar. *in 3. part. tom. 3. disp. 25. sect. 3.* Uasquez *in 3. part. tom. 2. disp. 115.* Layman. *lib. 1. tract. 1. c. 5. §. 4. n. 41.* & Tambur. *d. cap. 3. §. 7. lit. B. n. 3.* quia in dubio judicandum est ad favorem Animæ, Sacramenti, & Fidei.

Quarto si dubitetur, an ægrotus laboret morbo periculoso, extra quem non potest ministrari Sacra unctio, & Medici dubium non tollant, neque per tempus liceat dignoscere; Etiamsi in hoc casu possideat morbus non periculosus, qui prior est, quàm periculosus; tamenungi debere sub conditione docet Chapeauil. *de ministr. unct. c. 5. q. 11.* Tamb. *d. §. 7. Verbo Oleum n. 1. ibidem.* quia bonum ægroti præponderare debet, ut non privetur tali auxilio, quando nullum sequitur inconveniens.

Quinto; quia in *Rituali Romano* sub *Paulo V.* cuius autoritas quanta sit, & quantum excedat limites opinionis probabilis, videatur Card. de Lugo, qui id efficaciter probat de *pæn. disp.* 17. *sect.* 2. à n. 45. dicitur, quod si dubitatur, an infans monstrum, sit homo baptizetur sub conditione.

Pater igitur illam regulam esse approbatam, & receptam à Doctoribus, ut quando animarum salus, etiam dubia periclitatur, iudicium sit pro animarum salute, & ideo tollitur obiectio.

SECTIO VII.

An doctrina probabilis S. Thomæ de præcessione Animæ vegetativæ, & sensitivæ in humanis foetibus ostendat, quod primis diebus foetus non sit animatus anima rationali?

SUMMARY.

- 1 Repetitur sententia S. Thomæ de pluribus animabus.
- 2 Huic doctrinæ inhærens si non baptizaret, an peccaret.
- 3 Productiones huiusmodi animæ vegetativæ, & sensitivæ fiunt quam citissime in sententia S. Thomæ.
- 4 Et videtur consentire Aristoteles.
- 5 Non est sententia S. Thomæ quod abortivi non baptizentur ante mensem.
- 6 Qui sentit primis diebus non adesse animam rationalem in fœtu non est certus, sed dubitat de opposita veritate.
- 7 Medium probabile non adeo determinat intellectum, ut faciat firmiter adherere.

S. Thomas supra *Disp.* 1. *sect.* 2. *num.* 3. relatus cum suis, constanter asserit in humano fœtu prius generari animam vegetativam, deinde sensitivam, vegetativæ corruptæ succedere, & tandem sensitivæ pariter desinenti advenire
per

per creationem animam rationalem; qui modus loquendi tam certus, & non semel à S. Doctore vsitatus, reddit eius sententiam, adeo firmam, ut non possit commode intelligi, interpretando de prioritatem, seu de posterioritate naturæ; sed uti simpliciter dicit, & repetit unam animam alteram antecire, ita simpliciter, & humano more de temporanea ad invicem successione debet intelligi.

Nec videtur ob stare, quod ibidem. n. 4. notavi S. Thomam dixisse quidem, unam animam alteram præcedere, nullam tamen temporis distantiam inter illarum successionem præscripsisse, & ideo ipsum non bene fieri Authorem illius sententiæ, quæ dicit fœtum non esse ante primum mensem baptizandū.

Nam respondent aliqui, hoc argumentum esse ab auctoritate negativum, quod sine dubio nihil probat; si quis ergo sequutus sententiam S. Doctoris, & aliorum fœtum abortivum ante mensem editum non baptizaret, non peccaret: posset enim huic opinioni probabili adhærens non formidare de oppositæ sententiæ probabilitate. Siquidem est probabilissima illa doctrina, quam sequitur Arriaga *in sua logie. sect. ult. n. 80.* quod assensus opinativus non sit ista formido de opposito, neque formidinem habeat annexam.

Respondeo S. Thomam, non posse quidem intelligi de prioritatem naturæ, sed necessario de temporis successione esse accipiendum siquidem post generationem Animæ illius vegetativæ duas alias mutationes substantiales affirmat succedere; generationem scilicet sensitivæ, & rationalis animæ creationem, quæ à parte rei sibi succedunt, ac proinde temporariam durationem exigunt. Sed quod S. Doctor nullum temporis spatium determinaverit, ante animæ rationalis creationem, non attuli ego tanquam argumentum, ex quo inferrem, sententiam esse probabilem: Huius enim probabilitas suis rationibus & argumentis innititur: Sed solum, ut ostenderem illam sententiam, quæ dicit, non esse baptizandum fœtum ante mensem, non fuisse à S. Thoma expressam, neque illi esse adscribendam.

Jmo credo, S. Thomam longè ab huiusmodi sententia abesse,

esse, nam *pr. part. q. 118. art. 2. ad secundum*, suam hujusmodi de generatione hominis doctrinam explicans, dicit quidem *per multas generationes perveniri ad ultimam formam substantialem, tam in homine, quam in aliis Animalibus*: Sed quod hujusmodi generationes requirant tempus menstruum, neque dicit, neque ex eius discursu colligitur. Imò totum oppositum, quod nimirum brevissimo tempore fiant, videtur sentire: Nam ut probet suam sententiam de pluribus illis in humano foetu generationibus, statim subdit. *Et hoc ad sensum apparet in animalibus, ex putrefactione generatis*. At nihil magis constat, quam Ranas verbi gratia tempore æstivo, guttis pluvialibus, vix in terrefum pulverem cadentibus, mira celeritate ad multas myriades nasci, & subito gregatim exilire: In quarum generatione, iuxta hanc doctrinam, antequam anima sensitiva Rana educatur de potentia materiæ, debet tempore præcedere anima vegetativa, & ante illam prævia dispositio accidentalis, ad ejusdem animæ vegetativæ productionem: Et tamen non est qui non videat, quanta festinatione exurgant illic, & saltent in solo animalia hujusmodi, statim ac pulveris & aquæ pluvialis mixtura fermentata est, ut idem omnino videatur esse lutum fieri, & ranas nasci; quod etiam S. Augustinus admiratus dicebat *lib. 6. cap. 8. contra Faustum, Ranas refert ex una pluvia terra generat, &c.*

Et idem S. Thom. 2. *contra gentes c. 89. vers. Nec est inconveniens, &c.* expressè fatetur, non esse inconveniens, hujusmodi animam vegetativam, & sensitivam, quæ rationalis animæ creationem præcedunt, statim genitas corrumpi, quia non sunt à natura genitæ, ut permaneant, sed ut sint via, & transitus ad ultimam formam rationalem. Quare manifestè patet, sententiam S. Doctoris esse, quod istæ tres productiones animæ vegetativæ, sensitivæ, & rationalis brevi tempore fiant, & mensē non exigant, ut videre est in generationibus animalium ex putri.

Consonat S. Thom. Philosophia cum Aristotele in *l. de caus. propriet. element. & plant. c. 1.* quem ipse S. Doctor citat *opus. 28. art. 5.* dicit enim Arist. *cum cadit semen viri in matricem mulieris, decoquitur in decoctione forti, & fit frustum carni, & creatur ira*

ea anima iussu Dei, &c. quæ omnia non longo, sed brevi tempore fieri, cum scilicet cadit semen viri in uterum mulieris, testatur Aristot. & recipit S. Thomas. Et quamvis secundum aliam translationem, postquam factum est frustum carnis, addat Arist. *deinde formatur, & sic fit spiritus vite in ea iussu Dei*; per quæ verba actio formativa superadditur, non tamen hæc actio longi temporis spatium exigit, ut in exemplo allato à S. Thoma de generatione animalium ex putri, apparet ad sensum. Ranae enim, & Vermes à muscis seminati æstivo tempore super carnibus, & aliæ huiusmodi bestiolæ, quàm citissimè produciuntur.

Quare constat, non esse sententiam S. Thomæ, quod expectandus sit terminus unius mensis ab baptizandum fœtum abortivum; cum ex eius doctrina, brevissimo tempore inferatur fieri animationem.

Cæterum, ut omninò solvatur argumentum, admitto ego esse sententiam probabilem quorundam, quod fœtus non sit ante mensem anima rationali vivus; Nego tamen in eo, qui illam sequitur non adesse semper formidinem de opposito: Nam etiam si philosophemur cum illis, qui asserunt actus fidei, scientiæ, & opinionis circa idem objectum, esse posse in eodem intellectu; Existimo tamen tunc actum opinativum esse sine formidine, quando in tali intellectu, de eodem objecto sit actus fidei, vel scientiæ; qui loquendo de tempore, quo fœtus humanus vivit anima rationali, de facto in nullo homine naturaliter reperiuntur; Existimo, inquam, quod assensus opinativus licet essentialiter non includat formidinem, istam tamen habeat connexam; Neque id negat citatus Arriaga; Imò disertis verbis monet d. num. 80. *opinionem non esse ipsam formidinem, neque illam semper habere connexam, nisi quando in intellectu non est alia cognitio certa de eodem objecto*. Et ratio est, quia motivum illud, quod causat assensum, qui est tantum probabilis, non operatur, ut intellectus tanta firmitate adhæreat objecto, ut de opposita veritate interim non dubitet, aut dubitare saltem possit; & quia in casu nostro occurrit res gravis, & valde periculosa, salus nimirum animæ existentis

in abortiuo fœtu, excitari etiam debet ad considerandas rationes probabiles partis oppositæ.

S E C T I O VIII.

Defenditur argumentum ex S. Thoma superiori sectione allatum,

S V M M A R I V M.

- 1 *Inter Ranas ex putri genitas, alie sunt, aliis adultiores.*
- 2 *Huiusmodi perfectè formatae apparent, im̃ perfectè autem quæ gignuntur in stagnis.*
- 3 *Generantur in aere ex semine cum vaporibus eleuato.*
- 4 *Non solæ Ranæ, sed etiam vermiculi repente gignuntur,*
- 5 *Ranas ex putri nasci, sacrarum literarum testimonio probatur.*
- 6 *Quomodo productæ fuerint à Magis, ex S. Thoma.*
- 7 *Cum S. Thoma, D. Augustinus, Theodoretus, & alij idem sentiunt.*
- 8 *Et ratione probatur.*
- 9 *Dantur animalia ephemera, & qua breuissimo tempore gignuntur.*
- 10 *Etiam ex Ranis per pluto solo genitis, aliqua sunt semiformatae.*
- 11 *Ranas aliquando cum pluuiâ cecidisse testantur aliqui, & non negatur.*
- 12 *Gigni in nubibus ex vaporibus præseminatis, refellitur.*

Opponit doctissimus ille P. G. H. Theologiæ, & Philosophiæ Professor, me non benè exemplum attulisse Ranarum, quæ æstiuo tempore ex putri cum aqua pluuiâ, puluere fermentato repente generantur; vt probarem esse ad mentem S. Thomæ quod anima rationalis primis diebus sit in fœtu, vide *sect. præced. n. 3.* Nam inquit, Ranas illas neque in terra, neque subito generari. Et quod subito non generentur probat.

Primò

Primo quia quæ apparent ibi grandiusculæ, minoribus admixtæ, notabiliter differunt inter se, hoc est dupla, imo tripla differentia; quod signum est alias, alijs esse adultiores.

Secundo non apparent ibi Ranunculæ illæ, embryones tantum, hoc est clausæ adhuc ovo per caudulam mobili: sicut decocto Ranatæ semine, semper apparent in stagnis: sed expeditæ secundinis illis omnino, & exterius organizatæ, ac mobiles, ad modum adultiorum: si autem subito ad mixturam æstivæ pluvie cum perpluto solo generarentur, deberent non perfectius primò apparere illis quæ prodeunt ex Ranarum semine ipso, & quidem tandiù à Sole decocto. Cum si qua inesset fermentina vis, aut solo, aut æstivæ pluvie Ranarum generativa, certè non esset illa perfectior, promptiorque ad generationem, quàm insit Ranarum ipsi semini. Et patet sanè animalcula ex putrefactione nata, passim omnia longè diutius fermentari, ac tardius prodire in vitam, quàm ea, quæ naturalibus via, ac semine nascuntur.

Deindè probat, seu potius explicat, quod non ibi generentur pluviales Ranunculæ ab æstiva pluvia in solo perpluto, sed alibi, & aliunde; Nimirum ex ipso Ranarum semine, quod in stagnis effusum, à Sole, cum vaporibus alijs, elevatur in nubes, etiam illas densiores, supra nostrum aërem, utrinque aquis clausum; ubi in Ranas, decocto semine, ibidem illæ vagantur, tum embryones, tum secundinis exutæ, & formatæ Ranunculæ: Ac denique vnà cum imbre valido soluta, & effusa nube, deferuntur in terram; in qua excitatæ impulsu, impatientius subsultant. Hæc ingeniosissimus Pater.

Ad primam partem argumenti, in qua conatur probare, Ranas non subito nasci, ex fermentato pulvere, & æstiva pluvia, respondeo; me non solum attulisse exemplum Ranarum, sed etiam Vermiculorum, qui apparent super carnibus exsectis, & æstivo tempore à Muscis prolifico contactu fecundatis: Hos enim Vermes; horario tempore generari, vivere, & organizatos ibi reperere, & moveri, experienciâ notissimâ compertum est. Ranas autem, cum D. August. dixi repente generari, & nunc iterum repeto, & confirmo ex Sacris literis; Etenim c. 8. *Exodi*

5 à Magis Pharaonis veras Ranas procreatas fuisse certum est apud S. Thomam, cuius de prima hominis vita doctrinam defendo; ipse enim *p. part. q. 14. art. 4.* docens Magos non per oculorum præstigiosam illusionem, fecisse Ranas, neque aliunde illas, ope Dæmonum velocissime adduxisse, ut aliqui gratis opinantur, sed veras, & reales Ranas in conspectu Moytis, & Pharaonis procreari fecisse, ait. *Magi Pharaonis per virtutem Dæmonum, veros serpentes, & veras Ranas fecerunt, quæ Phantasmata non fuerunt, ut Augustinus dicit 20. de Civit. &c. & 2.2. q. 178.*
 6 *art. 1. ad 1.* dicit, quod, *Magi Pharaonis fecerunt veras Ranas, & veros Serpentes, &c. & q. 6. de potentia art. 5. ad 8.* explicans modum huiusmodi conversionis ait; *Hec fecerunt Dæmones per aliquam semina collecta, quæ habebant vim putrefaciendi virgas, & in Serpentes convertendi, &c. & ibidem q. 16. art. 9. ad 10.* *Magi Pharaonis fecerunt Ranas adhibendo quadam activa naturalia, quæ Augustinus 3. l. de Trin. c. 7. & 8. nominat semina ex occultis elementorum finibus accepta, &c.*

Constat igitur S. Doctor, in ea esse sententia, ut credat, etiam in rerum natura, esse virtutem, per quam activa passivis applicata, animalia, Ranae scilicet, & Serpentes veri efficiantur, & huiusmodi effectus brevissimo tempore producantur: Sicut enim Magi tanto tempore, quantum insumpsit Aaron in projectione suæ virgæ in terram, ut supernaturali virtute converteret in Serpentem, proiiciendo suas virgas pariter in terram, ut *Exod. c. 7. 12.* naturali virtute verterunt in colubros; & sicut idem Aarone extendente virgam suam super aquas Ægypti, infinitæ Ranae sunt exortæ, ita illi per incantationes suas, idest coniurando Dæmones, fecerunt similiter, & eduxerunt Ranas super terram Ægypti *Exod. c. 8. 7.*

7 Et non solum S. Thomas cum D. Augustino, sed etiam Theodor. Lyran. Abulens. Burgens. Cajet. Petr. Com. in Gen. cap. 8. Glycas 2. part. annal. Martin. Delrius lib. secund. disquis. magic. quæst. 6. Cornel. à Lapid. Bubal. de Angel. quæst. 12. artic. 1. difficult. 2. §. 6. sunt in hac sententia, ut credant Serpentes & Ranas veras fuisse repente productas: Nam certum est, Aaronis virgam in verum Serpentem fuisse mutatam, & veras Ranas

Ranas ad ejusdem imperium fuisse procreatas; Sed Sacra scriptura eodem modo loquitur de istis, ac de Serpentibus, & Ranis Magorum. Secundo quia si quæ illusiones fuissent à Magis factæ, vel phantasticæ apparentiæ, causantibus Dæmoniis; vel hujusmodi animalia vera, illuc velocissimè asportantibus, Moyses illuminatus à Deo cognovisset, & detexisset; ne Pharaeo excusationem haberet. Tercio quia Dæmon larvas Serpentum, & Ranarum non adduxisset; siquidem vereri poterat, ne Moyses fraudem detegeret, magna sua, & Magorum ignominia.

Et de animalculo, seu parva Musca, latine Ephemera, quæ ex vini exhalationibus generatur, dicit *Petr. Com. c. 8. in Genes.* quod ante clepsydram nascitur, hoc est intra unius horæ spatium. Dari etiam animalculum quadruplex, quod volat, & vivit, usque in pomeridianum dici tempus, & Diarium appellatur, quia occidente Sole emoritur, testis est *Aristoteles lib. 5. de hist. Anim. c. 19.* Et de pinguedine Blattæ vermiculi, docet *Plinius lib. 29. c. 6.* lanæ infusam, cum rosaceo auribus prodesse: Sed hujusmodi lanam post paululum extrahendam, monet. *Celerrimè enim*, inquit, *id pingue transire in Animal, & fieri vermiculum.* Et de quodam viro, qui ubi excreasset; intra horæ dimidiæ spatium, Ranam exiguam pro sputo ostendebat, refert *Cardan. lib. 16. de subtilit. Aldrovand. & Ambrosium de quadrup. dignitat. libro primo cap. 4.*

Tandem *D. Basilius in Hexam.* ad verba Genes, & fecit Deus omne reptile terræ &c. c. 1. 24. dicit, *Præceptum hoc, sic impressum est Terra elemento, ut ne hodie quidem desinat subservire suo Creatori, &c. Non solum enim Cicadas, humus. pluvio tempore edit, & innumeras alias bestiolas in Aëre pervolantes, quarum plurime præ tenuitate nullam sortita sunt nomenclaturam: quin & mures, Ranaeque ex seipsa jam profert, &c.* Certissimum igitur est, & communiter receptum, Ranas, non solum ex naturali seminatione; sed etiam ex putrefactione generari in perpluto terræ pulvere.

Nec obest, quod Ranae pluviales non omnes sint ejusdem magnitudinis: Nam hæc differentia non provenit, ex eo quod, 10 omnes eodem brevissimo tempore, non sint productæ; Sed

ex majori, vel minori terræ cum imbre fermentatione. Sicuti non obstat, quod non appareant ibi Ranunculæ; ut in stagnis semiproductæ: Nam ego ipse non semel vidi, aliquas ex illis in solo subsultantes, partem extremam sui corpusculi, adhuc lutosam, & informem trahere.

Jam ad secundam argumenti partem, prompta est solutio; Et in primis non nego, Ranas aliquando cum pluvia cecidisse; id enim *Athenæus, Heraclides, Ælianus, Diodorus, Beda, Plinius, Cardanus, & Io. Baptistæ Porta de aër. transmut. lib. 1. cap. 20.* & alij affirmant; & Heraclides testatur, circa Dardanium, & Præoniam, tam copiosè Ranis pluillè, ut Incolæ non haberent, ubi pedem figerent, & postquam multas occiderunt, demortuorum odore ad extremum vexati, Patriam deferere coacti sunt. Sed, quod in nubibus ex elevatis à Sole vaporibus, iisque ex lacubus, & stagnis Ranarum ovis præfeminatis, gignantur, commentum est; quod Porta, non leviter redarguit, & irridet.

Et quis non videt, quod si Raninis ovis in aërem elevatis, ait Porta, genitæ fuissent ibi tot Ranae, debuissent regiones illæ, nedum in stagnis, & lacunis, sed in omni loco esse ovis præfeminatæ, & operatæ? Deinde cur æstivæ guttæ in solo pulverulento, non autem cadentes in rectis, & lapidibus stratis, qui pulvere carent, Ranas gignunt? Tertio cur non in vere, quo tempore, jam aquæ stagnantes hujusmodi ovis abundant, & vapores plurimi ascendunt in aëra; ac proinde frequentiores, quàm in æstate sunt imbres, Ranae cum pluvia cadunt è nubibus; sed in æstate tantum? Nisi quia hoc tempore ab æstivo calore fit fermentatio pulveris cum aqua. Tandem quia mirum est, Itinerantes hoc tempore pluviam, cum pallio, tum pileo excepiisse sæpius, Ranas vero nunquam.

S E C T I O IX.

Proponitur argumentum Guilielmi Harvæi, quo ipse probare intendit, ante mensem exactum nihil ad factum pertinens, esse in utero mulierum.

S V M M A R I V M.

- 1 Guilielmi Harvæi refertur sententia de tempore quo mulier incipit uterum gestare; argumento sumpto à Cervis & Damis.
- 2 Andreas Vesalius notat Galenum, quod numquam secueris hominum corpora, eumque reprehendit.
- 3 Eadem diligentia videtur desiderabilis in Harvæo.
- 4 P. Honoratus Fabri reprehendit Harvæum dicentem, primis diebus nihil inveniri in utero mulieris.
- 5 Maior in argumento Harvæi non est universaliter vera.
- 6 Equæ, & Asinæ gestant uterum menses duodecim, Et tamen Asina tardius format.
- 7 Idem de Camelo femina respectu Equæ.
- 8 Cervæ est muliere frigidior.
- 9 Mulier concipit, fasum in cavitate uteri: non autem Cervæ, & Damæ.
- 10 Etiam Minor in argumento Harvæi falsa est.
- 11 Guilielmus Harvæus de re anathomica summa dignus laude.

INstat contra meam propositionem Præstantissimus D. Guilielmus Harvæus inter nostri temporis primarios Anathomicos, nemini secundus, in suo tract. de generat. anim. & quia ex accurata sectione Cervarum, & Damarum observavit post concubitum maris, & feminæ, & post lapsum integrum mensem, nihil omnino seminis, aut cujusvis humoris ad conceptum spectantis in utero hujusmodi animalium inveniri, intulit ad uterum

rum mulieris; ea suafus ratione quod tam mulier, quam Damæ, & Cervi eodem novem mensium tempore gestant uterum, Concubitus horum animalium incepisse à medio septembre usque ad medium Octobrem asserit, exercit. 66. instituta quotidie eorundem animalium sectione. At vero Exercit. 68. fatetur die 18. aut etiam die 21. Novembris invenisse non quidem intra cavitatem uteri; sed in sinistro vel dextro aut utroque uteri cornu, materiam colliquatam, quam in Ovo gallinaceo, oculum, sive colliquamentum appellaverat: & hanc eandem materiam intra tunicam orbicularem vidit contineri; in medio hujus colliquamenti fibras sanguineas, & punctum saliens apparere; quod esse futuri fetus primordium Aristoteles, & omnes alij conveniunt. Est autem argumentum Harvæianum in forma, ut sequitur.

Animalia vivipara, quæ æquali tempore gestant uterum, æquali etiam tempore incipiunt in utero formare foetum.

Sed mulieres, Damæ, & Cervæ æquali tempore gestant uterum. Ergo, æquali tempore incipiunt in utero formare foetum.

Et subsumens, ait, sed non inveniuntur prima fetus rudimēta in uteris horum animalium nisi transactis à congressu diebus 38. aut etiam 64. hoc est, integro circiter bimestre: Ergo non primis diebus à conceptione seminali, sed ad summum, post elapsum bimestre tempus affirmari cum fundamento potest, foetum humanum, esse animatum. Ita discurrit Harvæus cum suis.

Sed ego vereor, ne quod Andreas Vesalius, insignis in superiori seculo Anatomicus, contra Galenum dixit initio præfationis sui operis cui nomen dedit, *De Fabrica hum. corp.* idem contra Harveum dici merito possit. Galenus enim ex anatomia, & sectione simiarum ad humani corporis fabricam, passim argumentatus, illa neglexit ad ossium inspectionem parata hominum cadauera, quæ sibi frequenter occurrebant; & hac de causa, illam contra se infamiam, ab eodem Vesalio creari promeruit lib. 3. c. 8. ut numquam hominum corpora secuisse videretur. Eodem modo pericissimus Harveus tanto studio ad Damæ & Cervarum sectionem incubuit ut quia hæc animantia in gestatione

gestatione uteri, cum mulieribus conveniunt, superfluum sibi visum fuerit, muliebres, nedum abortiones observare, id quod antiquiores, & noviores Medici præstiterunt, sed neque uterum mulierum unquam forte secuerit; ratus quod argumentum à pari bene procederet.

Sed ne quis mihi audaciæ notam imponat, quod primus contra præclarissimum virum ausim scribere, quem ex medicorum schola plurimi magni faciunt, præmitto adm. R. Patrem & Dominum meum P. Honoratum Fabri insignem Theologum Soc. Jesu, & in Romana Curia Apostolicæ Basilicæ SS Petri & Pauli Penitentiarum in suo eruditissimo Opere de plantis, & gener. anim. tract. 1. lib. 6. propos. 65. Harvæum efficaciter arguere, quia scripserit masculi genituram non retineri in utero à femina, hac nimirum ratione ductus, quia primis diebus clapsis, à concubitu, talis materia non invenitur, neque in uteri cavitare, neque in tubulis, aut cornibus eius; immemor fortè illius, quod ex libro 56. scripserat, *multa insunt, quæ non apparent*: nam attrahitur statim, & imbibitur genitura intra substantiam uteri, & hoc modo fœcundat uterum; ut Pater Honoratus efficaciter, & solide excutit numero sexto, & septimo ubi, hæc *falsissima & mera figmenta* dicit.

Dico igitur majorem propositionem argumenti, non esse universaliter veram; cum enim virtus, & facultas formativa sive sit ipsa animalis substantia, quæ immediate ageret ut ex Philosophis, nonnulli sentiunt sive mediatè, & per facultatem quamdam ab ipsa substantia, ad instar proprietatis derivatam, evidens est quod juxta talis animantis naturam, & substantiam, non præter aut supra ipsam operari debet. Quis autem credet quod in leena verbi gratia quæ audacissimum, robustissimum, & calidissimum est animal, spiritibus ignitis, & ferventibus munitum, hæc facultas formativa, seu plastica, non superet in activitate virtutem formativam quam natura concessit Cuniculis & Leporibus, quæ sicut sunt animalia timidissima, ita spiritus valde frigidos, languidos, & remissos habent: ergo ex parte virtutis formativæ quæ vel provenit à substantia specie diversa, vel est ipsa substantia, seu anima specie differens ab altera alterius ani-

malis, non potest esse idem, & æquale tempus formandi foetum, sed vnum animal celerius, & aliud tardius formabit.

Deinde, etiam si ex parte virtutis activæ, seu causæ efficientis huiusmodi tempus esse possit æquale: ex parte tamen dispositionum materialium, seu causæ materialis, multa, & notabilia concurrere possunt impedimenta, quæ formationem retardent. Ergo non erit semper verum, quod animalia, quæ conveniunt in tempore gestandi uterum, convenient etiam in tempore formandi foetum: sed age quæ modo tanquam possibilia speculamur, videamus an practice sint vera, & quæ in Philosophia, ut possibilia contemplamur, ex histõria animalium de facto ita contingant.

Primo sint duo animalia specie diversa, quæ convenient in tempore gestandi uterum, Equæ verbi gratia & Asina: utraque enim ex Aristotele *lib. 2. de gen. ani. c. 8.* gestant uterum menses duodecim, & omnes nostri vectores bene norunt: eodem enim tempore post annum pariunt, quò conceperunt, ut ibi. argumentatur Aristoteles: sed Asina respectu Equæ frigidum est animal cuius signum est, quod in frigidis regionibus non nascitur; & frigidum etiam habet semen, ut ibi. probat Aristoteles. Ergo formatio foetus in utero Asinæ, fit multo tardius, quamvis simul, & æquali tempore cum Equæ gestet uterum. Secundo sint alia duo animalia, Equæ nimirum, & Camelus foemina, quæ pariter gestant uterum menses duodecim; de Equæ Author est Aristoteles *lib. 4. de generat. anim. c. 10* Varro Columella, & Aldrovan. *de Quadrup. lib. 1.* de Camelo idem Aristoteles *lib. 5. histor. anim. cap. 14.* Plin. *lib. 10. cap. 63.* Conrad. Gesner, & Aldrovan. *de bisulcis.* At vero quod Equæ Camelo tardius former foetum, duo sufficienter probant. Primum est quod Equæ non solum menstruosa non est ut tradit Arist. *lib. 2. de gener. anim. cap. 8.* sed, ut ibi. addit, quandocumque purgatur à superfluo sanguine, inter quadrupedia minimum solet emitte id quod *de histor. anim. lib. 6. cap. 18.* declarat esse minimum respectu ad corporis magnitudinem. At vero supra *sectio quinta numero quinto* vidimus plurimum conducere ad celerem, & expeditam foetus formationem

tionem, quod per uteri acetabula, seu venarum, quæ sunt in utero capita, sanguis in uterum derivatus misceatur cum maris genitura, jam in uterum injecta: statim enim membranæ fiunt & intra illas mox incipit foetus prima formatio. Cum ergo in Equæ sanguis respectu cæterorum quadrupedum, & consequenter, etiam Cameli sanguis sit minimus, sequitur respectu formationis foetus in utero Cameli, formationem in utero Equæ esse tardiores. Secundum est quod pariter necessarium est in Equæ retardare primam foetus formationem, quod ut ait *Arist. 10. sect. probl. 10.* Equæ uterum habet valde durum: & quomodo ait *ager sitiens haud cito suas stirpes enutrit. sic durior vulva Equarum in firmando, nutriendoque suo saturoremat.* subscribunt Aristoteli Geisner. *de Equo fol. mibi 487.* & Aldrovandus *lib. 1. de quadrupedibus*

Constat igitur in genere & universaliter loquendo veram non esse majorem illam in argumento Harvæjano positam. Videamus nunc, an saltem verificetur in casu particulari, de conceptione mulierum comparata cum conceptione Cervarum & Damarum: & quamvis etiam verificaretur, non satis esset verificari in casu particulari ad probandam universalem propositionem, quod quæ æquali tempore gestant uterum æquali tempore formant foetum; tamen existimo, neque in casu particulari esse veram.

Primo quia, si Cervarum, & mulierum qualitates inter se comparentur, quis dixerit eas notabiliter non differe. Illud apud omnes, certum est, Cervas à natura complexionem frigidissimam fuisse sortitas. Ita docet *Arist. lib. 4. de part. anim. cap. 4.* Plutharc. *in Quest. natur.* & Aldrov. *de Bisulc. lib. 1. cap. 27.* & ideo earum sanguis, ut *Arist. ib.* docet fibras non habet. Ergo non bene infertur, eò quod animalia frigidiora differant formationem foetus, usque ad diem verbi gratia quadragesimam, quod ad æquale tempus differant etiam animalia calidiora, ut sunt mulieres, quæ inter omnes fœminas, calidiores sunt, ut sanguis fibrosus, & eiusdem menstruum profluuium demonstrant; ut notavit *Arist. lib. 2. de part. anim. c. 2.*

Secundo; quia uteri cavitas in Cervis & Damis minima est,

& exigua, & ideo in istis animantibus locus generationis non uterus sed uteri cornua sunt, in quibus foetus concipitur, ut idem Harvæus docet *exercit. 64.* ubi idem contingere in aliis viviparis, præterquàm in muliere, & in simia opinatur. At in muliere præcipua pars uteri est ejus cavitas, in qua, nõ autem in cornibus conceptus incohatur, foetusque formatur, & perficitur, teste eodem Harvæo ibi. ergo in muliere formatio foetus, quò minus impedi-
9 menti habet ab utero, eò celerius à virtute plastica sollicitabitur.

Tertio; quia fibræ sanguineæ, in sententia Harvæi, & punctum saliens in ovo Damarum non apparent nisi post mensem & amplius elapsum, à conjunctione, ut in *d. exercit. 68.* ipse testatur & non nisi post alios sex, aut septem dies foetus illarum apparet formatus. At vero conceptus humanus apparet inchoatus, & formatus post primos tres dies, ut diligentissima experientia notatum reliquit Theodorus Kerkringius à me citatus *Disp. 2. sect. 1. num. 9.* aut saltem septimadiè à conjunctione ut ex Hippocrate, & Platerio *Disp. 1. sect. 10. par. 3. n. 3. 4. 5.* & habet nedum fibras sanguineas, sed in tenello corpusculo, omnia membra quæ corpus habere potest.

Quarto quia ex Hippocrate citato sup. *Disp. 3. sect. 5. num. 13.* signum conceptionis in muliere est si ex utero intra septem dies nihil exciderit. At verò Damas, nihil habere in utero per mensem & ultra quod posset excidere affirmat ille constantissimè. Quare nihil mirum si mulieres citius concipiant, & membranas subito gignant.

- 10 Quintò, quia quicquid sit de Cervis Anglicanis Arist. *lib. 6. Histor. anim. c. 29.* Cervas ab arcturo, mense Augusto, & septembri coire, & uterum non menses novem gestare, sed octo, disertis verbis testatur. Atque ideo in prædicto argumento, etiam minor propositio, si negetur tamquam falsa, erit totum argumentum, non syllogismus, sed Paralogismus. Illud hic pro colophone superaddo; excellentissimum Anathomistam Harvæum tamquam de re anatomica bene merentem, summis laudibus dignum esse; & maxime commendandum quod exactissimam diligentiam, & summum studium in Cervis, Damisque secundis, adhibuerit: cæterum in re philosophica, ejus auctoritatem non

non esse tanti faciendam, ut vidimus, quod propter illam, ab antiquis facile recedamus; præsertim ab Hippocrate & Galeno; Fieno etiam, Platerio, & alijs recentioribus, qui vestigijs priorum inherentes, in hac via adeo invia, non sine magno labore, & industria in sudarunt, ut nobis accensa face præirent, & variis observationibus veritatem demonstrarent, in tenebrosis licet muliebris uteri sinibus delitescentem.

S E C T I O X.

An Foetus humanus primis diebus existens in utero matris mox morituræ, sit baptizandus.

S V M M A R I V M.

- 1 *Quod nondum natum est, non videtur posse baptizari.*
- 2 *Sed re vera fetus, qui est in utero, natus est.*
- 3 *Impracticabile tamen est hujusmodi Baptisma;*
- 4 *Si posset praticari non esset absurdum.*

P Ræterea addunt aliqui, quod si rationes, & autoritates pro mea conclusione adductæ aliquid probant; probant etiam baptizandos esse in utero matris Parvulos recentes, & nondum editos, quando periculum est, quod moriente matre, verbi gratia propter imminens naufragium, pereat etiam filius inclusus in utero: sed id videtur absurdum, quia quod nondum natum est, renasci non potest, & per baptismum regenerari; Ergo absurdum est etiam id unde sequitur, & prosequitur Comitolus l. 1. q. 13 n. 2.

Respondeo non esse absurdum baptizare foetum in utero propter rationem illam allatam de regeneratione, quæ fit per Baptismum: Nam tunc re vera natus est homo, cum vivit in utero, & constat ex Anima, & corpore seorsim à corpore, & anima.

Matris, licet nondum sit egressus, ad lucem, vt bene advertunt *Valent. Suar. Coninch.* & ante ipsos, alii antiquiores, quos citat, & sequitur *Diana part. 2. tract. 15. resolut. 43.* & *part. 5. tract. 3. resolut. 12.* Et supponit Concilium Carthaginense à me relatum *disp. 1. sect. 13. num. 3.* tunc enim ex non homine genitus est homo, & verè contraxit peccatum originale. Vide infra *sect. 15. num. 2.*

Sed est alia ratio, propter quam convincitur Baptismi functionem esse in tali casu regulariter impracticabilem: Nam ut testatur *Arist. de hist. anim. c. 4. cum semen conceperit, uterus, statim contrahitur, donec ad septimum mensem ventum sit, &c.* & *Galen. l. 15. de usu. part. c. 7. Os matricis, quo tempore mulier fert uterum, est omnino constrictum, & conglutinatum, vt nec spiculi quidem cuspide queas in matricis collum immittere, &c. qui autem id fiat, suffragat humanam ingenium, &c.*

Cum igitur neque per fistulam, neque alio simili modo possit actio ministrantis Baptismum ad foetum adeo recentem in utero inclusum pervenire, illumque aqua Baptismali abluere, redditur regulariter impracticabilis mea conclusio, quò ad huiusmodi foetum in utero baptizandum, ideò de illo non sum ex professo loquutus, sed si esset practicabilis, admitto esse baptizandum in prædicto, vel simili casu, & nego absurdum, vt patet ex ratione jam allata, & Doctoribus citatis.

SECTIO XI.

Rursus examinatur difficultas, an praxis Baptizandi Abortivos tanquam nova, sit ab universali Ecclesia eliminanda?

S V M M A R I V M.

1. Nihil innovandum in Ecclesiae ritibus.
2. S. Cyprianus hereticos conversos rebaptizabat.

3. Solum

- 3 Solùm in Ecclesia Catholica est verum baptisma, quod tamen etiam ab Infidelibus potest ministrari.
- 4 Propositio de Baptizandis sub conditione Abortivis non est contra fidem, neque contra aliquam Ecclesie consuetudinem.
- 5 Ex eo quod huc usque non fuerit usitata, non potest inferri, quod opposita propositio sit contra legem, vel consuetudinem Ecclesie.
- 6 A D. Gregorio prævisæ est, & ordinata.
- 7 Sed etiam si per impossibile daretur consuetudo contraria, illa non esset attendenda, quia esset contra Ius Divinum.
- 8 Non semper Ecclesia novitatem abhorruit, sed solùm quando inutilem, & illicitam consideravit.
- 9 Ecclesia, & Apostoli ab initio novitatem utilem prævidentes amplexi sunt.
- 10 Animalia strangulata, & suffocata Iudæi manducare sunt prohibiti; quæ etiam Gentiles non manducabant ex causa superstitionis.
- 11 In re levissima D. Petrus, Spiritu Sancto dictante, ordinavit aliquid legale esse observandum à primis Christianis.
- 12 Licet pro brevi tempore, & postea abrogandum.
- 13 Innovavit S. Mater Ecclesia de anno 329. contra Paulinistas.
- 14 Innovavit anno 680. contra Monothelitas.
- 15 Innovavit anno 1336 contra plures Theologos, circa Animas Sanctorum.
- 16 Innovavit anno 1547. declarando gratiam inherentem.
- 17 Innovavit anno eodem declarando SS. Virginem nunquam actualiter peccasse.
- 18 Innovavit anno 1562. decernens Laicorum Communionem sub una tantum specie.
- 19 Innovavit definiens in SS. Sacramento nullam remanere substantiam panis, & vini.
- 20 Praxis contraria non est universalis in Ecclesia.

Opponitur rursus Argumentũ alias propositum disp. 1. sect. 12. & sect. 14. resolutum, quod nimirum cum in re tanti momenti, nunquam antea S. Mater Ecclesia aliquid definierit, quando

quando Sacros de Baptismo ritus præscripsit, nunc novissimis
¹ his temporibus non expediat, quod aliquid ab eadem innove-
 tur, sed præster in antiqua consuetudine, ut abortivi non bap-
 tizentur, permanere; quod olim benè in simili contra S. Cy-
 prium, S. Stephanus Primus Papa de anno 158. decrevit. Af-
 ferenti enim S. Cypriano rebaptizandos esse hæreticos, qui ad
 Ecclesiam revertebantur; Respondit, & responsio est in frag-
 mento Epistolæ ab eodem S. Stephano scriptæ, ad S. Cyprianum
 illam referentem in sua *epist.* 74. respondit, inquam, his verbis.
Nihil innovandum, nisi quod traditum est servetur. Cum igitur S.
 Romana Ecclesia huc usque nihil de Abortivis decreverit, &
 per septuaginta & sexcentos super mille annos Spiritu Sancti il-
 lustrata, semper satis, superque animarum saluti providerit;
 Non decet modo aliquid innovando decernere contra illud,
 quod traditum esse videtur ex tam longa consuetudine.

Cæterum, ut hoc argumentum; quod videtur inter omnia
 gravissimum, solvatur; animadvertendum est, S. Cyprianum una
² cum pluribus Episcopis Ecclesiæ, cum Orientalis tum etiam Occiden-
 talis in Concilio Joniensi, Carthaginensi, & Africano, hac de
 re non semel habitis, voluisse, & sæpius definiri fecisse, ut Hæ-
 retici ad Ecclesiam Catholicam venientes rebaptizarentur; eo
 permodum fundamento, alioquin verissimo, quod solum in Ec-
 clesia Catholica esset verum Baptisma; Sed quia ipse non ad-
 verterat, quod postea à SS. Pontificibus Leone, & Gelasio re-
 latis in *c. hi de quibus*; & in *c. si re vera de consecr. dist. 4.* & à Ni-
³ colao I. in *c. à quodam Iudæo*, & in *c. Romanus. dicta dist. 4.* &
 tandem in Concil. Florent. sess. ult. in decreto pro Armenis. Sta-
 tutum est, quod etiam Pagani, Iudæi, & Hæretici baptizare
 validè possunt, & sunt in Ecclesia Catholica Ministri dummo-
 do formam, & materiam ab Ecclesia probatas adhibeant, & in-
 tendant facere, quod ipsa facit; Ideo S. Stephanus Pontifex, &
 si non Ecclesiæ decretis, quæ nondum condita erant; sed an-
 tiquissima ejusdem traditione ductus, quam semper Ecclesia
 servaverat, constantissimè rescripsit illis verbis. *Nihil innovan-*
dum, &c. Innovabant enim contra fidei veritatem, & antiquam
 Romanæ Ecclesiæ consuetudinem, de non rebaptizandis Hæ-
 reticis

reticis ad Ecclesiam reversis, ut videre est apud D. August. lib. 3. de Baptism. contra Donat. à cap. 4. & deinceps, & lib. 7. à cap. 5. qui illos acriter reprehendit & singulorum argumenta redarguit.

At verò mea propositio de Baptizandis Abortivis sub conditione, nihil continet contra fidem, aut antiquæ Ecclesiæ consuetudinem cum ut dixi supra *Disp. 3. sect. 1. n. 6.* contineatur ipsa sub universalī illa propositione in Tridentino definita. *Parvuli recentes ab utero matris sunt baptizandi.*

Nec dici potest esse contra antiquam Ecclesiæ consuetudinem, ut gratis supponitur; Primo, quia si hujusmodi consuetudo daretur, esset introducta solum à mulierculis obstetricibus, & à vilioribus, & indoctis personis, quæ solæ ut plurimum interfunt, dum foemina abortiuntur: quare ex ignorantia, vel inadvertentia talium personarum processit, ac proinde non cum animo, & intentione requisita ad abrogandam legem contrariam: Nam ad hunc effectum, requiritur non solum in subditis animus, & voluntas eximendi se ipsos ab observantia talis legis. *Suar. de leg. lib. 7. c. 18. n. 4. ad 9.* Sed etiam in Principe requiritur consensus, & voluntas illam abrogandi; vel saltem conniventia, & taciturnitas Sum. Pontificis, qui in hac materia est Princeps, & legislator; Sed neutrum in præsentī potest dici: Non animus Populi Christiani; quia omissiones, quæ huc usque contigerunt in isto casu, non ex malitia, quæ cum non constet, non præsumitur: sed provenerunt ex ignorantia, & inadvertentia rudium personarum: Non conniventia, Sum. Pontificis: quia quod in privatis ædibus omisū est, ex inconsideratione eorum, qui aderant, non potuit vllō tempore ad Sum. Pontificis noticiam pervenire. Sed vigilantissimus Pastor D. Gregor. Papa à me relatus *disp. 1. sect. 13. n. 8.* videtur id satis prævidisse, & propterea, monet & mandat, *vel ipsa hora, qua mater gignit, vel hoc, quod gignitur eadem, qua natum est, si mortis periculo urgetur, esse baptizandum, ne interveniente paululum mora, inveniri non valeat, qui redimatur.* Quibus verbis clarè describitur nativitas, & periculum Abortivorum.

Quod autem siue inadvertentia, siue ignorantia in huiusmodi personis concedenda sit, patet; quia præsens difficultas, neque à Theologis scholasticis, neque à Casuistis fuit unquam, vel discussa, vel indicata; Si ergo à Viris doctis, & Professoribus fuit dissimulata, multo magis idiotas, & indoctos potuit inculpabiliter latere.

Secundo quia etiam si huiusmodi consuetudo esset possibilis aut de facto daretur, nullo pacto esset attendenda. Cum enim de Jure Divino, & de fide sit certa ista propositio *Infantes Abortivi, si vivant sunt baptizandi*. Jam consuetudo huiusmodi ⁷ die esset contra Jus Divinum, & contra fidem; ergo non consuetudo, sed hominum traditio dicenda esset; ut notavit Suarez de legib. lib. 7. cap. 6. n. 13. & sicuti verè à Christo Domino dicta fuit Matth. cap. 15. illis verbis. *Quare, & vos transgredimini Præceptum Dei propter traditiones vestras?* Hæc autem traditio nullum effectum moralem potest producere, cum tota sit ab homine; ut notavit S. Thom. 1. 2. q. 97. art. 3. & Suar. d. lib. 7. cap. 4. n. 13. Et homo non possit contra Divinam legem prævalere. Quare meritò in cap. fin. de consuet. appellatur *corruptela*, & quantum vis vetusta sit, & vulgata, est abolenda. Quia ut dicitur in c. si consuetudinem dist. 8. Dominus dicit. *Ego sum Veritas, & non dicit ego sum consuetudo*; Ergo veritas non consuetudo contraria est attendenda in casu nostro.

Dices Ecclesia semper abhorruit novitatem. Ergo cum Ecclesia, sine hac lege tanto tempore permanserit, non debet novam legem publicare de Baptizandis fœtibus abortivis.

⁸ Respondeo negando, talem legem sub generali lege de Baptizandis parvulis recenter ab utero matrum egressis contentam, non esse publicatam. Nego etiam S. Matrem Ecclesiam semper abhorruisse novitatem, sed tunc solùm, quando nedum inutilem: sed omninò illicitam esse iudicavit: ut in prædicto casu contra S. Cyprianum. At verò quando vel utilitatem, vel necessitatem agnovit, veras & catholicas doctrinas declarandi, tam promptè, quàm constanter innovavit. Sufficeret sola S. Augustini autoritas ad hoc probandum qui lib. 2. de Bapt. con. Don. c. 3. dixit *quod ipsa plenaria Concilia sæpe priora à posterioribus emendan*

emendantur. Sed juvat hic aliquos casus præter eos quos *disp. 2. sect. 9.* adduxi, etiam ex ecclesiastica super addere historia.

Et primo in Concilio Hierosolymis celebrato, quod fuit primum omnium in Ecclesia Dei congregatum, convenientibus sub D. Petro Primo Sum. Pontifice quibusdam ex Apostolis, & discipulis, ut legitur in *Act. Apost. c. 15.* hujus innovationis occasio voluntaria præcessit, & exemplar. Siquidem cum magna esset contentio, & controversia, an Gentiles, qui ad Evangelium convertebantur, deberent circumcidi, & servare legem Moyfi: id quod Iudæi nuper conversi volebant. D. Petrus omnibus in Concilio auditis, tandem decrevit in hæc verba. *Visum est Spiritui Sancto. & Nobis nihil ultra imponere vobis oneris, quàm hæc necessaria; ut abstineatis vos ab Immolatis simulacrorum, & sanguine, & suffocato, & fornicatione: A quibus cædentes vos, bene ageris. Valet.*

Ad hoc Decretum intelligendum, oportet supponere, quod tam Iudæi, quàm Gentiles, non comedebant carnem Animalium, quæ mortua essent, sine effusione sanguinis: strangulata videlicet, aut suffocata. Iudæi quidem juxta præceptum Domini traditum olim Noë *Gen. c. 9. 4. carnem cum sanguine non comedetis.* At verò Gentiles, ut ait Origen. *lib. 8. contra Celsum*, nolabant hujusmodi carnes suffocatas comedere, propter aliam rationem: scilicet quia superstitiosè credebant, esse cibum Dæmonum. Volens igitur D. Petrus, & totum Concilium, hujusmodi dissensionem de Circumcisione tollere, & non imponere Gentibus gravissimum iugum Circumcisionis, decrevit, ut in hoc convenirent, nimirum, ut tam Gentiles, quàm Iudæi nuper conversi abstinerent *ab immolatis Simulacrorum, & sanguine, & suffocato.* Et ideo ordinavit, ut in re licet levissima, remaneret aliquis usus legalium observationum, in Iudæis: ut adnotavit ex communi SS. Patrum Baron. *ad ann. Christ. 51. n. 20.* Ad hoc ut Gentiles facilius cum eis convenirent, & duo isti parietes, in Christo lapide angulari, compaginarentur in ædificationem Ecclesiæ: quamvis tam D. Petrus, quàm cæteri Apostoli, qui aderant, distinctè, & explicitè spiritu Sancto illuminante, ut Theologi fatentur, cognoscerent, hanc observantiam

non esse diuturno tempore duraturam. Sed cessante causa, ne-
pe illa controversia, abolendam esse, & antiquandam: uti de
facto totius Ecclesiæ Occidentalis consensu, quicquid Græci
submurmurent, abrogata est. Ideo D. August. contra Faustum
*lib. 32. c. 13. ait. At ubi Ecclesia gentiū talis effecta est, ut nullus car-
nalis Israëlita appareat; quis jam hæc Christianus observat, ut tur-
dos, vel minores aviculas non attingat, nisi quærum sanguis effu-
sus est?*

- 12 Constat igitur, jam à principio nascentis Ecclesiæ, Spiritum
Sanctum una cum D. Petro tanquam primo Christi Vicario,
& alijs in Concilio Assessoribus, ad utilitatem Ecclesiæ, talem
legem condidisse, à qua postea futuris temporibus; per innova-
tionem esset utilius recedendum; etiam ut Apostolorum suc-
cessores, quodcumque daretur occasio, ad imitationem ha-
berent exemplum.

- 13 Innovavit quando in *Trid. ead. sess. 6. can. 23.* nullo actuali pec-
cato, vel etiam veniali, peccasse unquam Beatissimam Dei Ma-
trem, pronunciavit.

- 14 Innovavit *ead. sess. 13. cap. 4. & can. 2.* quando in SS. Eucharis-
tiæ Sacramento post consecrationem, nullam panis, & vini,
substantiam remanere determinavit, & suo tempore speramus
fore, ut cum universali Orbis Christiani gratulatione & plau-
su innovet, Immaculatam Deiparæ Conceptionem defi-
niendo.

- 15 Itaque si modo Ecclesia decerneret, Abortivos esse sub con-
ditione saltem, baptizandos, quod hucusque non fecit, non pro-
pterea sequeretur, quod à seipsa differret; cum semper in novi-
tate spiritus progredi consueverit; si tamen propterea innovas-
se alicui videretur; tunc, potius antiquam doctrinam magis
extendere, ut paulò infra constabit, quàm innovasse dicenda
esset.

- 16 Tandem, ut huic sectioni Colophonem imponam: adverto:
non esse absolutè concedendum, quod praxis contraria non
baptizandi recentes Abortivos in Ecclesia fuerit, huc usque
universaliter observata: Nam ego cum superioribus an-
nis in Visitatione hujus Lucanæ Diocesis Eminentissimo,

&

& Reverendiss. Domino meo, D. Hieronymo Cardinali Bonvifio Episcopo, in muneribus ejusdem Uificationis assiduus inferire, & rusticas Obstetrices, diligenter ubique locorum interrogarem, de iis præsertim, quæ ad privatam Baptismi collationem spectant, nonnullas inveni tam accuratè à Parochis instructas, ut hanc doctrinā de Abortivis sub conditione Baptizandis, ne dum probe tenerent, sed eam aliquando ad praxim reduxisse firmiter asserverint. Quare merito Doctissimus, & oculatissimus Theologus Adm. R. P. Nicolaus Martinez Societatis Jesu Doctor Theologus, & nunc in Collegio Romano S. Theologiæ Lector Primarius, in sua Censura, qua meam Prothesim illustrare dignatus est, dixit, Praxim, hac de re, in Ecclesia, ancipitem esse, & variam, secundum opinionem Medicorum, & obstetricum; nec posse probari in Univerſa Ecclesia viguisse, aut etiam nunc vigere, praxim uniformem omnino contrariam, &c.

S E C T I O XII.

Hujusmodi praxis baptizandi recentes Abortivos,
non est inconveniens.

S V M M A R I V M.

- 1 Ecclesia pro temporum opportunitate innovavit, ne dum declarando doctrinas, sed etiam definiendo modum administrandi Sacramenta.
- 2 Olim Problema erat, an absolvendus esset Infirmus, quem per extrinsecum testimonium Confessor noverat confessionem postulasse.
- 3 Sed modo in Rituali Romano, Paulus V. affirmativam sententiam decrevit.
- 4 Confessionem per Epistolam, & Absolutionem in absentia ex probabili sententia jam defendebant aliqui.

- 5 *Nunc a Clemente VIII. damnata est tanquam falsa, & scandalosa.*
 6 *Non propterea infertur, quòd Ecclesia antea defecerit in necessariis, cum generalem Doctrinam jam tradidisset.*
 7 *Idem infertur de Baptismo Abortivorum.*
 8 *Et ideo lex de illorum baptismo, post novam ex humanis doctrinis notitiam, conveniens esset.*

ESto innovaverit Ecclesia, & innovatura sit, quòd ad Fidei Dogmata, & doctrinas, quæ progressu temporis magis clarescunt, & contra hæreses de novo exortas, & exorturas necessarizæ, aut fuerunt, aut futuræ sunt. Sed cum in mediis, quæ ad Animarum salutem sunt omninò necessaria, cujusmodi sine dubio est, Sacramentum Baptismi, Ecclesia semper habuerit illam Divini Spiritus assistentiam, & illuminationem, qua omnia media providerit, ut illis adhibitis, quilibet salvari posset, incredibile prorsus videtur, ut omiserit publicare legem de Baptizandis hujusmodi Abortivis si hæc fuisset necessaria. Vel ergo universalis Ecclesia in hoc defecit, quod nullo modo est asserendum; vel non est conveniens hujus legis publicatio.

Respondeo, hoc argumentum parum à præcedente differre, nisi quòd magis urget repetendo, vel quòd defecit Ecclesia in necessariis, vel quòd hujusmodi lex non sit de novo publicanda. Et utrumque falsum existimo. Et primo ostendo quòd Ecclesia, quando necessitas postulavit non solum doctrinas, & articulos, ad hæreses profigandas necesarios definivit; sed etiam circa administrationem Sacramentorum, quam ad salutem Animarum necessariam judicavit, quid à Ministris esset observandum, decrevit, & publicavit, quæ hactenus antea non publicaverat; ut constat ex duobus infrascriptis casibus.

Jacebat V. G. infirmus aliquis repentino morbo correptus, qui vel nunquam, vel rarò per Sacramentalem Confessionem suorum peccatorum remissionem receperat; & videns se ipsum in extremo vitæ periculo constitutum, Confessionem postulabat,

bat, & Confessarium vocari clamabat: Tunc ex altantibus, aliquis accurrere ad Confessarium quarendum, inveniendum, & deducendum. Interim Infirmus linguæ, & auditus usum poenitus amisit. Quid faceret tunc Confessarius jam adductus, qui ab hujusmodi poenitente nullam per se ipsum, vel immediate Confessionem peccati exceperit, sed solum quasi per Interpretem, & mediante illo, à quo fuit vocatus? an absolvere Sacramentaliter posset Infirmum? Negabant plures Theologi, & numero, & autoritate non infimi, qui Canones, & Concilia in contrarium sibi objecta, commodè explicare putabant. Affirmabant contra alij plures, quos omnes *Diana. part. 3. tract. 3. resol. 4.* & Eminentiss. de Lugo *de poenit. disput. 17. sect. 4.* enumerant. Resolutio igitur erat problematica, & in utramque partem versatilis.

Sed Fel. record. Paulus V. omnem de medio sustulit difficultatem; quando in Rituali Romano sua autoritate, & diligentia restaurato, & per Bullam particularem confirmato, hujusmodi agrotum mandat absolui; & quidem non tanquam privatus Doctor, sicuti fecerat olim *S. Leo Magnus epist. 91. ad Theod.* sed tanquam Pontifex, & Supremus Pastor; ut advertit, & probat Card. de Lugo supra citatus; ita ut sententia negativa, jam non sit amplius probabilis.

Tandem S. memoriæ Alex. VII. de anno 1665. propositiones 28. & rursus de anno 1666. alias propositiones n. 17. quas prius 4 multi auctores existimabant probabiles, prohibuit & damnavit, ut minimum tanquam scandalosas, & inter istas nonnullæ erant de sacramentali absolutione impendenda.

En igitur plures casus, in quibus S. Romana Ecclesia nuper innovavit contra sententias ab aliquibus antea probabiles reputatas, circa administrationem Sacramenti poenitentiae, tam in casibus necessitatis extremæ, & in articulo mortis administrandi, quam in aliis casibus.

Quod autem Ecclesia non defecerit in necessariis constat ex iis, quæ *disp. 1. in citata sect. 14. à num. 6. usque ad 18.* dicebam. Quod in hac materia Dei providentia intelligenda est, juxta sententiam illam D. Pauli *pr. ad Timot. c. 2. Deus vult omnes homines*

mines salvos fieri. quæ quidem ut ibi notavi, & docent Suarez. *in pr. part. tract. 2. lib. 4. cap. 4. num. 16.* Nuñus *in addit. ad 3. partem q. 9. art. 3. difficult. 2. ad 4.* solum ostendit. Deum providere hujusmodi media in generali; quare non fuit necessarium, ut Ecclesia cujus lumen, est irradiatio Divina, seu participatio Divinæ Providentiæ, ordinaret in particulari hujusmodi fœtus abortivos esse baptizandos; sed sicut Divinæ providentiæ satis fuit instituire media in generali, quibus omnes salvari possent, ita Ecclesiæ satis fuit ordinare in genere, ut omnes parvuli, quorum vita periclitatur, statim baptizarentur, licet de tali parvulo, puta de abortivo primis diebus nato, nihil ordinaverit. Illud autem fecit omni diligentia, ut constat ex Decretis, & Conciliis à me citatis *disp. fr. sect. 13.*

SECTIO XIII.

Etiamsi humanum Iudicium non sit sensibilibiter certum, sed dubium, an in recentibus Abortivis sit Anima rationalis, baptizandi sunt sub conditione,

S V M M A R I V M.

1. *Aqua, si per revelationem tantum constaret, & non per sensum esse aquam naturalem, esset materia sufficiens Baptismi.*
2. *In materia dubia potest conferri Baptisma sub conditione.*
3. *Etiamsi in aqua stillatitia, lure, Cervisia, & in succo herbarum, & frondium.*
4. *In casu necessitatis non requiritur, quod materia Baptismi humano modo cognoscatur, aqua naturalis.*
5. *Dubium, an jus, vel lixivium, sit aqua naturalis; an verò quid mixtum, non potest humano modo superari.*

SI quis haberet aquam, quæ verè, & in substantia esset aqua naturalis, idque tanquam certum sciret V.G. ab Angelo; sed ex apparentia sensibili, & humano modo judicando, non appareret aqua, iste non posset validè cum tali aqua baptizare; Nam materia Sacramenti debet esse sensibilis, quia debet humano iudicio subesse; ita foetus, si in ordine ad nostram cognitionem non iudicatur homo, est capax baptismi.

Respondeo, quod Aqua, quam ego scio per testimonium extrinsecum certum, esse veram, & naturalem aquam, esse etiam materiam sufficientem ad validè baptizandum; Verè enim illa materia est aqua naturalis, & est sensibilis, saltem in dubio. Esto imprudenter operaretur ille, si extra casum necessitatis uteretur tali aqua, quæ sibi non constaret certò, & humana certitudine, esse aquam naturalem, & idèò dubitaret, an talis esset: At in casu necessitatis, & quod alia aqua non adesset, non solum posset sed deberet baptizare. Cum enim Ecclesia ex eo quod, Baptisma est Sacramentum maximæ necessitatis, nunquam definierit, quod aqua, quæ non est naturalis, non sit in casu necessitatis materia sufficiens, sequitur quod possit Baptisma sub conditione conferri in materia dubia, ut benè notavit *Tutcan.* 2
& Basse. in flor. verb. Baptismus 2. numero tertio, deficiente scilicet materia indubitata, & certa; quia in tali casu, succurritur Animarum periculo, & nulla fit injuria Sacramento. vide *Dian.* 3
part. 5. tract. 3. resol. pr. vbi cum Præf. Tanner. & Card. de Lugo posse in aqua stillatitia, Jure, & Cervisia, baptizari; & *Camerota* ibi cum *Tanner.* in succo herbarum, & frondium, quod etiam admittunt *Coninch. Castr. Pal. Granad. & Franc. de Lugo* ad *Coton.* Cur igitur in illa aqua, quam ego certissimè scio, esse aquam naturalem, non potero absolutè, & sine conditione baptizare? Neque est necessarium, urgente aliqua proximi necessitate, ut Sacramentum licitè administretur, quod materia illius debeat humano modo cognosci, & judicari aqua naturalis, ut benè *Card. de Lugo de Sacr. diss. ut. 8. sect. 9. num. 140.* ubi si quis, ait, in necessitate non inventa certa materia, sed liquore aliquo, de quo negativè dubitaret, an esset aqua, non posset examinare visu, quia locus esset obscurus, nec odore, aut gustu percipere: Tunc

propter necessitatem proximi, posset sub conditione baptizare & tamen positis illis circumstantiis, non potest homo judicare, an illa sit vera aqua; Ergo similiter, posita illa extrinseca apparentia, licet non possit humano modo reputari aqua, quia tamen ille scit, esse aquam, potest illam adhibere in casu necessitatis; Tandem quia in brodio valet ministrari Baptisma sub conditione; ergo etiam baptizari potest in dubio, an foetus sit animatus sub conditione. Neque enim video differentiam, cur liceat in materia dubia, & non liceat circa subjectum dubium ministrare hoc Sacramentum sub conditione.

Dices, impedimentum, quod prohibet Judicium ferre de illo liquore superari potest humano modo adhibendo lumen candelæ, vel fenestræ, aut hominem esse oculorum acie, & olfactu benè instructum; at verò de illa aqua, & de incertitudine, an vivat foetus, non potest superari.

Respondeo neque dubium, an Jus sit aqua vera, & naturalis, an verò tertium mixtum, potest humano modo superari, quia enim arte possunt ab eo separari particulæ pinguedinis, & carnis, quæ per coctionem simul mixtæ sunt, & incorporatæ; ita ut sola, & pura aqua remaneat; qua industria à lixivio particulæ cineris concocti possunt ita disungi, ut omninò cesset dubium, an lixivium sit, aqua naturalis? Et tamen in Jure baptizari posse multi concedunt, ut vidimus; & de lixivio docet absolutè S. Thom. 3. *art. quest. 66. art. 4. ad 4.* Ergo, etiam si illa aqua non possit humano modo judicari aqua: quia tamen scio ab Angelo esse veram aquam, possum, & debeo illa uti ad baptizandum in casu necessitatis, ergo non obstat argumentum, quin baptizandus sit foetus quia de eo non possit judicium certum formari humano modo: quia ad baptizandum sub conditione sufficit judicium dubium positivum, humano modo fundatum.

S E C T I O X I V .

An obligatio baptizandi cesseret, ex eo, quod aliquæ rationes probabiles suadeant primis diebus Animam non esse in foetu ?

S V M M A R I V M .

- 1 Proponuntur rationes, quibus Theologi Pragenses putant quod primis diebus non sit gravis obligatio baptizandi Abortivos.
- 2 Si primis diebus fœtus esset in quantitate equalis ovo Columbino deberet baptizari.
- 3 Non sola quorundam auctoritas, sed etiam rationes suadent positive fœtum humanum primis diebus vivere.
- 4 Asserere in humanis fœtibus, primis diebus esse unam tantum animam sensitivam, & illi postea supervenire rationalem, error est damnatus in Synodo Constantinopolitana.
- 5 Post accidentalem organizationem creatur Anima rationalis.
- 6 Secundinis involutum baptizari posse fœtum humanum admittunt Theologi Pragenses.
- 7 Fœtus humanus, etiam si recentissimus, resistit contrariis tempore aliquo.
- 8 Punctum saliens est pusillum animal.
- 9 In hoc animalculo pulsatio impedita à contrario, aliquando omnino quiescit.
- 10 Et naturali tempore digiti adjutum recuperat motum.
- 11 Hoc punctum quam sit exiguum.
- 12 Ex quo inferitur Anima perseverantia in fœtu ad aliquod tempus.
- 13 Licet plures rationes probabiles opponantur propositioni probabili hujus tamen probabilitatem non tollunt.
- 14 Corpus Christi in Incarnatione, quàm parvum.

- 15 *Humanus fœtus licet minimus, resistit tamen aliquandiu contrariis.*
- 16 *Prima humani fœtus magnitudo est grani hordeacei.*
- 17 *Magnitudo ovi Columbini, si satis sit ad baptizandum fœtum humanum, infert esse baptizandum etiam primis diebus.*
- 18 *Prima membrorum generatio est ab anima: & probatur Auctoritate Aristotelis, & ratione.*
- 19 *Membræ statim generantur, & materia disponitur.*
- 20 *Calor, qui est in semine, calefitus est, & cito, imò operatur.*
- 21 *Anima statim ac est in materia, membra filii producit.*
- 22 *Quod anima primis diebus sit in jatu, probabilius est, & in praxi sequendum.*
- 23 *Confirmantur supradicta ex Testimonio S. Scripturæ.*
- 24 *Refertur historia Davidis, & Bersabeæ.*
- 25 *Referantur diversæ explicationes pro intelligentia Textus.*
- 26 *Omnes conveniunt, quod mulier statim concipit fœtum.*
- 27 *Et ratione probatur.*
- 28 *Nec de medica, sed de Theologica, & animata conceptione debet intelligi.*

Illustrissimi Domini mei, & Patres Theologi Pragensis universitatis, mihi supplicanti humanissime annuentes, Censuram sub die 3. Martij 1663. & Judicium meæ supradictæ Propositionis pronunciarunt: Et postquam nihil in meo prædicto libello, quod vel leviter Catholicæ doctrinæ opponi videatur, opinioniones omnes circa fœtus animationem à me conquistæ, propositas, examinatas, & ad intentum operis oportunè inductas, & Libellum ipsum, qui iterum Lucem aspiciat, dignum esse, honorificis verbis declararunt. Tandem conclusionem à me *disp. 1. sect. 1.* ex prædictis opinionibus illatam, aliquam difficultatem pati existimarunt, ex eo, quod ego non obscure indicaverim obligationem baptizandi sub conditione fœtus abortivos, esse gravem, & peccare mortaliter eos, qui occurrente casu alicujus abortus, primis præsertim diebus in lucem editi, quando grani hordeacei magnitudinem humanus fœtus non excedit ministerium hujusmodi denegaverint.

Probant

Probant autem, non adesse hujusmodi gravem obligationem i-
ta baptizandi biduanum, vel etiam triduanum fœtum.

Primo quia, excepta quorundam auctoritate, nullum aliud à
ratione positivum fundamentum huic sententiæ de animatione
fœtus primis diebus anticipata, patrocinari videatur, nisi quod
ejus falsitas efficaciter demonstrari non potest.

Secundò, quia cum fœtus primis illis diebus sit secundina-
rum impeditus involuero, non videtur esse baptismi capax.

Tertio, quod maximè urgere fatentur, est, quia adeò dubia
est Animæ rationalis perseverantia in tam exigua, ac tenera
materia, ut non nisi veluti levissima ignis scintilla, quæ sola re-
lictæ, quasi instantaneè extinguitur, debeat judicari; Nam vel
ex materni yteri alteratione, ob quam fœtus expellitur, vel ex
alicujus extrinseci agentis injuria, à quibus recens, ille homun-
culus nequeat ob sui teneritudinem se defendere, putant nul-
lam prorsus de inexistentis Animæ in illo corpusculo perseve-
rantia, adesse probabilitatem: quia inquirunt tot, & tam gravia
ex variis capitibus de capacitate Baptismi dubia, certam in
contrarium ostendunt in capacitatem, ut ex illis inferant, nul-
lam esse obligationem gravem eo tempore; vel sub conditione
fœtus hujusmodi baptizandi.

Addunt verò hanc obligationem admitti probabiliter posse,
si fœtus in majori aliqua quantitate; puta ovi Columbini egre-
diatur ab utero, quia tertium inquirunt, & maximum periculum,
de subitanea fœtus extinctione, cessare videtur.

Hæc sunt quæ Doctissimi Patres ingenuè contra meam Pro-
posuerunt. Sed ego, salva semper eorum, & aliorum quorum-
cumque sapientissimorum censura, & reverentia, responderi
posse in contrarium, nisi fallar, existimo, ut sequitur.

Sed Prius protestandum mihi est numquam etiam in impres-
sione prima Lugdunensi, quæ in hac parte Lucensi omnino cor-
respondet, me dixisse propositionem meam graviter obligare
cum hujusmodi obligationem imponere, & qualificare ad su-
periores pertineat; sed solum ad aliquam obligationem decla-
randam quæcumque sit, rationes speculativas proposuisse;
quibus etiam similes proponere in presenti aggredior.

Ad primū igitur dico duo esse consideranda. Primum me non tantum Sennerii, Pemprij, & Fieni auctoritates *disp. pr. sect. 7. & 8.* attulisse; sed eorum etiam rationes; quæ in re ab oculis omnium adeò remota, & alioquin gravi, maximoque cum periculo conjuncta, visæ sunt probabiles, & non contemnendæ *d. sect. 7. à n. 7. & sect. 8. à n. pr.* in compendium redegissem. Neque dicat aliquis fœtum primis diebus animarum esse anima tantum sensitiva, cum semine traducta; animandum postea suo tempore
 4 Anima rationali ibi à Deo creata.

Nam respondetur, positionem duarum Animarum in homine, inter se distinctarum, errorem fuisse olim cujusdam Jacobi, & Syrorum, qui vitam animale in homine ab anima sensitiva rationalem à rationali dependentem asseriebant, ut notavit *Auctor libri de Eccles. dogm. c. 15.* inter opera D. August. to. 3. relatus; & *S. Antonin. in sum. 1. p. tit. 2. c. 1.* Quem errorem extumulavit postea Photius Patriarcha Constantinopol. ut refert *Anest. Biblioth. apud Baron. an. Christi 863. n. 6. Sed in Synodo octava Constantinop.* Can. 11. ut notavi *Disp. 1. sect. 3. n. 7.* damnatus fuit, & tanquam perniciosissimus, omnium voce à Patribus Concilij explosus.

Probavi etiam ex conceptione, & Nativitate S. Io. Baptiste illas sententias: quare non videtur esse contra me obijciendum, quod præter quorundam Auctoritatem, nullum aliud motivum adduxerim.

Alterum hæc meritò considerandum est; quod si, ut sapientissimi Censores advertunt, contraria sententia, quæ asserit, non quidem primis diebus, sed post mensem Animam rationalem infundi, nulla efficaci ratione demonstratur; & alioquin in omnibus aliis generationibus, & corruptionibus, videmus quod statim, ac accidentaliter prævia dispositio, quæ ad novam formam introducendam præmittitur, cum ad illum gradum venerit, cum quo formæ præcedentis, seminis nimirum in casu nostro conservativæ qualitates, non sunt composibiles, formam illam corrumpi, & novam per naturalem exigentiam materię ita determinatæ in momento introduci; cur non idem sentire probabiliter possumus de Anima rationali omnium formarum præstantissi

præstantissima, quæ ex probabilissima sententia à me *disp. pr. sect. 7. n. 6.* allegata, organa, & membra non statim requirit; sed ea paulatim accipit à suo sibi agente, vel à se statim producta. Huic sententiæ favent ea, quæ de Anima sensitiva Pulli, & Damarum in puncto saliente, docuit *Gulielm. Harve. in suis exercit. de gener. anim.* & ego mox referam.

Ad secundum jam dixi *disp. pr. sect. 1. n. 4.* Non deesse graves Authores, qui humanum foetum secundinis implicatum, & posse, & debere baptizari asserunt; qua in re ego non immoror, quia instituti mei non est, & ipsi DD. Censores admittunt, quando foetus hujusmodi ovi columbini magnitudinem attingit, & ovali figura conformatus tunicarum hujusmodi sine dubio est involucro vestitus.

Ad tertium responderi posse credo, quod licet major, vel minor teneritudo arguat in foetu majorem vel minorem virtutem resistitivam; non tamen arguit nullam. Sicut licet minorem virtutem ad resistendum contrariis habeat infans, quam robustissimus Vir; non tamen sequitur, quod statim ac maligna aliqua qualitate, puta veneno inficitur infans moriatur, nulloque vel brevi tempore resistens supervivat, quamvis robustissimus ille multum, diuque resistat, ac reluctetur: Fieri enim benè potest, ut violentia illa, sive interna uteri, sive externa agentis contrarij, sufficiat ad præcidendum, & expellendum ab utero foetum, non tamen sufficiat ad illum omninò necandum: Cum enim aliquibustunicis quasitotidè clypeis contextus, & ab Authore Naturæ Deo contutatus, non aliquo fragili putamine circumdatur sicuti ova volucrum, quæ faciliè contracta, dispereunt; sed replicatis membrani; armatur, neque etiam illis immediate adhæret, ne vel leviter aliquando contusa, ad ipsius foetum percussione venire permittant; sed in humore, quo tota ovalis concavitas, repletur innatans, quaqua versum ab hujusmodi violentiis satis commodè defenditur, ut omnes Anatomici observant.

Et ne videar solas rationes speculativas adhibere ad probandum, quod in foetu adeò immaturè excusso, Anima rationalis aliquo tempore perseveret, & non statim à suo naturali domicilio

- domicilio exturbetur, juvat hic, quæ de puncto saliente in ovo gallinaceo observavit Harveus citatus, afferre. Hoc enim punctum animatum esse, & pusillum Animal, ex alternativis pulsationibus systoles, & diastoles, ad oculum apparentibus, manifestissimè constat. At verò aliquando quiescere hujusmodi pulsationes in hoc Animalculo, & postmodum easdem redire, diligentissimè investigavit, & deprehendit idem Harveus; Nam
- 9 *exercit. 16. fol. mihi 65. Saxipismè*, inquit *comperi punctum saliens cum (seu planè intermortuum) ab omni motu quiesceret, à novo motu, motum denud, & pulsationem recuperasse, &c. & paulo infra fol. 67.*
- 10 *quin etiam post quam punctum hoc sensim elanguisset, & sanguine plenum à motu omni cessans, nullumque vitæ specimen exhibens, morti penitus succubuisse visum esset, imposito digito meo tepente, spatia viginti arteria mea pulsuum, ecce corculum denud erectum revixit, & tanquam postliminio ab Orco redux, pristinam choream redintegravit, &c. & quod est notandum, & ipse accuratissimus Indagator Regi suo demonstravit. Est adeo exiguum hoc punctum, quod Corculum ipse vocat, ut in exercit. 68. fol. mihi 298. In utero, inquit, dissecto Damarum adhuc palpitans (nisi beneficio radiorum Solis oblique illustrantium) motum eius tremulum, cernere non potuerim, &c. Imò ex Guarinonio infra sect. 16. n. 18. & 19. Corculum hujusmodi avulsam, & venis spoliatum per horam, & amplius vivit.*

- Itaque experientia teste Anima pullorum, seu Damarum in puncto saliente, quod ovali tunicarum involucrio concluditur, inexistens, à contrario extrinseco impeditum, primævam nihilominus pulsationem reassumit, & mox moriturum, tempore
- 12 non brevissimo, morti resistit. Cur igitur Animæ rationali formæ nimirum, quæ omnes alias antecellit, & quæ non in puncto, sed in corpusculo longè grandiori, & grano hordeaceo ad minus æquali residet, omnem resistantiam & perseverantiam negabimus, quam corruptibiles formas habere etiam ad oculum videmus; Præterea, ex experientia quam infra sect. 16. num. 18. 19. & 20. afferro de puncto saliente, constat facilius in illo vitam adversus contraria conservari, quo tenerius est, & recentius.

Quod vero additur ex pluribus rationibus, quibus dubitatur,

an

an Baptismi sit capax, certam ad idem incapacitatem ostendi, fateor, me non satis intelligere; Nam etiamsi vnam propositionem moralem plura, & innumera argumenta, quæ tantum sint ¹³ probalia, non autem evidentiæ, oppugnent; si talis propositio aliunde habeat suam probabilitatem, non faciunt ipsam omni probabilitate carere, quia cum illa argumenta supponantur esse tantum probalia, semper relinquunt intellectum in ancipiti & cum formidine oppositi saltem in actu primo; nunquam igitur propositio contradictoria erit certa.

Exemplo me declaro. Probabilis est ista propositio, ut nota vi *disp. pr. sect. 11. n. 6. Infirmus moribundus, qui nulla dedit signa contritionis, nec desiderium Confessionis ostendit, si Christianè vixerit, sub conditione est absolvendus*, & est probabilis, saltem per principia extrinseca: Et tamen hæc propositio, nimirum *non est absolvendus*, quæ est ejus contradictoria, multis rationibus probabilibus innitur; non tamen ipsam certam reddunt, quia non sunt nisi probabiles; & ideo non tollunt alterius contradictoriæ probabilitatem: imò aliqui ex Authoribus, qui illam negativam defendunt, fatentur peccare mortaliter eum, qui in facti contingentia non absolveret.

Ita est in casu nostro: Nam etiamsi, ex multis rationibus in contrarium adductis dubitari possit, an tenellus fœtus verbi gratia trium dierum, sit capax Baptismi, non tamen desinunt contrariæ rationes, illum capacem ostendere; quia à contrariis rationibus evidenter, & efficaciter non sunt exclusæ; quare non sequitur, nullam prorsus adesse probabilitatem, vel omne dubium de perseverantia Animæ rationalis in recentissimo illo fœtu esse sublatum. Non ergo licebit Baptismum conditionalem denegare, etiamsi grani hordeacei magnitudinem non excedat, aut columbini ovi quantitatem fœtus non attingat.

Et confirmatur ex doctrina, quam S. Thom. 3. *p. q. 33. art. 2. ad 2.* tradit, de parvitate Christi Corporis in instanti Incarnationis: Licet enim exiguum valde fuerit, & fortasse minus grano hordeaceo, ut nonnulli, quos ego *disp. pr. retuli sect. 3. n. 13.* affirmant: at non fuit adeo parvum, ut in eo *non potuerit ratio humani corporis conservari*, cum in tali quantitate, inquit ¹⁴

Mm

S. Doctor

S. Doctor, *quorundam parvorum hominum corpora amentur*; sicut ergo homines parvi, quos nanos vocamus, licet multum distent à communi aliorum hominum magnitudine, non tamen carent omni virtute resistitiva, qua se aliquatenus à contrariis defendant; ita humanus foetus, qui primis diebus, ut cum Riolano ¹⁵ dixi *disp. sect. 1. n. 2.* grani hordeacei magnitudinem non excedit, non debet dici omni resistitiva virtute privatus, praesertim cum Riolanus foetum hominis pusilli, seu nani forsitan observaverit, ut facile quis potest sibi suadere, si Pinæo crediderit, qui foetum 12. dierum à se visum, cum ovali forma, iuxta quam illum exactissime pictum describit, semipalmarem fere magnitudinem attingentem, & non solum columbini, sed etiam galinacei ovi magnitudinem longè superantem. Ego tamen verius existimo, Riolanum loquutum fuisse de foetu primis diebus conformato: Nam hordeacei grani magnitudinem, esse primam humani foetus mensuram, notavit ex communi Anatomicorum *Fromond. l. 2. de Anim. c. 15. vers. Crescit.*

Demum Sapientissimos, hic, Censores precor animadvertere, ne difficultas sit, in æquivoco; quod enim ex Varolio, & Riolano *disp. 1. sect. 1. n. 2.* adnotavi, foetum nimirum non excedere à principio grani hordeacei, vel minoris phaselli magnitudinem, non de toto tunicarum involucrio, sed de ipso humano corpusculo, quod intra tunicas continetur, dictum est; At verò quod DD. mei Censores addunt, Animæ rationalis perseverantiam admitti probabiliter posse, si foetus in majori aliqua quantitate, puta ovi columbini, ejiciatur, si ad totam tunicarum compactionem, intra quam latet foetus hujusmodi respexerunt; ut mihi apparet, jam admitterent, foetum, qui grani hordeacei magnitudinem non excedit, intra tunicas inclusum, esse baptizandum: si verò magnitudinem ovi columbini præcisè ad humanum corpusculum, non verò ad ovum referunt, jam non loquuntur de foetu paucorum dierum, sed integri mensis. Hanc enim ætatem habere foetum talis magnitudinis constat ex adnotatis à Pinæo *l. 2. c. 3. in 3. figur. & à Fromond. de Anim. l. 2. c. 6. & ex dictis à me sup. sect. 4. n. 2. de corpusculo 80. dierum.*

Cum

Cum itaque de perseverantia Animæ rationalis in tenero illo corpufculo non ceflet omnis probabilitas, non videtur denegandum Baptifma Animæ illi dubiæ, præfertim quia, remedio tam facili à graviffimo æternæ damnationis periculo, fi eft, certiffimè liberatur: etenim non obftantibus fupradictis in contrarium allatis, vrget adhuc argumentum, quod primis diebus foetus fit baptizandus.

Quia fetus humanus de quo probabiliter dubitari potest, quod vivat, est baptizandus sub conditione.

Sed factum tertia die effusus probabiliter dubitari potest, quod vivat.

Ergo est baptizandus.

Major eft certa: minorem probat ipfa probabilitas earum rationum, quas P. Arriaga affert ad probandum ibi non conſervari vitam: cum enim eius rationes non ſint evidentes, & demonſtrativæ, ſed tantum probabiles ut conſtat ex Logica; & benè vrget D. Franciſcus Verde in ſuo Opere inſcripto *Theologiæ fundamentaliſ Caramueliſ Poſitiones ſelectæ in Proömio verſ. multa poſſem*, &c.

Sed quia adhuc aliquis poſſet vrgerè, quod neque ex Hippocrate *l. de nat. puer.* ubi ſex dierum; & *lib. de carn.* ubi ſeptem dierum Abortus deſcribitur, neque ex Plater. neque ex Riolo à me relatis *Diſp. 1. ſect. 10. par. 3. n. 3. & 5.* poteſt cum fundamento aſſeri primis diebus, hoc eſt tertio, ſecundo, vel etiam primo die factum eſſe animatum; tum quia in illo libro *de nat. puer.* Hippocrates dicit illum Abortum ſex dierum, habuiſſe quidem fibras, & venulas: non autem membra; & quod intra membranas continebatur, erat quidem rubrum, ſed liquidum. At vero alius Abortus de quo in *l. de carn.* quia habebat omnia membra, quæ corpus habere poteſt, oſtendit quidem ſeptima die, factum eſſe animatum, ſed ante ſextam, & multò magis prima die, id non probat, & ex illa Platerij obſervatione de Abortu pariter ſeptemdiali, nihil amplius poteſt concludi; ſed imò quod ante ſex dies, intra membranas nihil omnino diſſimilare fit, vel eterogeneum, ex quo poſſit cum fundamento dubitari de Animæ exiſtentiâ.

Hæc est maxima in præsentī difficultas; sed quia rationes huiusmodi non sunt, nisi conjecturales, ut rectè monuit Riolanus loc citat. non determinant, intellectum ad hanc partem; & plures rationes pro contraria parte, hanc positivè suadent, idè huic propter animarum salutem libentius adhæreo.

Primò, quia *Arist. l. de spir. c. 3. Attractio, inquit menstrui humoris ad formationem fœtus, & partium delineatarum auctio, nutritis facultatis est opus, &c.* ex quibus constat, Aristotelem docere, quod
 18 antequam fœtus formetur, & formatus augeatur, virtus nutritiva, & per consequens anima est in materia, ex qua fœtus debet componi, hoc est in materia sanguinis, & seminis: & ne plures formæ completæ simul sint in eadem parte materiæ, oportet intelligere Aristotelem ita, ut significet, quod ubi per præviam utriusque fermentationem, & accidentalem organizationem utraq. forma corrumpitur, & nunc primò non est; nunc primò existat anima à Deo creata, & à naturali Agente illi materiæ unita, & quæ per viam nutritivam, attrahat, & perficiat per formativam.

Neque ad explicandam hanc actionem primam oportet recurrere ad animam matris, cum Excellentissimo D. Jo. Marco Marci Medico Pragensi: non solum quia ipse à me non dissentit, dum in literis ad me datis, fatetur anima propria informari fœtum, quando per abortum exciditur à matrice; & ideo mecum sentit esse baptizandum: sed quia talis positio est contra doctrinam Ecclesiæ de baptizando filio à ventre matris jam demortuæ cautè extracto, si vivus sit. *vid. disp. 1. sect. 4 n. 1 2.* non ergo ut ipse putat, fœtus quovisq. est in utero, vivit anima matris.

Et explicatur hæc prima actio attractiva, & nutritiva, melius exemplo oviparorum, quam viviparorum: nam ex ovo anserino V. G. Gallinæ supposito, vel è converso; imò ex ovīs Clibanī calore incubatis generantur Pulli: ut testatur Aldrou. *l. 14. Ornitol. fol. mihi 227.* ergo non virtus nutritiva, seu anima matris attrahit particulas ex vicello ovi, & convertit in alimentū: sed virtus seminalis excitata à calore illo, licet asciticio, educit animam Pulli de potentia materiæ; & fit punctum saliens, &
 anima

anima: & ista aggenerat, format, & producit sibi membra; statim ac organizatio accidentalis completa est: eodem modo de anima humana philosophandum est, quoad vnionem cum corpore: quoad creationem enim est à Deo, sed organizationem accidentalem in humana genitura fieri, velsaltem tertia die est valde probabile, ergo, & fœtum esse animatum. Hanc eandem doctrinam late tradit, & probat *Arist. lib. 2. de gener. ani. c. 1.*

Secundò, quia negari non potest, id quod à Primariis Medicis, Hippocrate, Galeno, & Avicenna alibi adductis præsertim *disp. 2. sect. 5. à num. 1. & deinceps* dicitur; nimirum quod statim recepto & fermentato semine in utero, membrarum fœtum involuantes generantur prima die: ergo ex hoc fit evidens, naturam non esse otiosam; sed sicut operatur ad partes exteriores feminis, membranas gignens; ita & multo magis ad partes interiores statim materiam accidentaliter disponens, & determinans, ut vitam exigit; quam quidem operationem, Hippocrates citatus *disp. 2. sectione quinta num. 13.* vocat *conceptionem*.

Tertio, quia videmus, calorem elementarem, vel etiam cælestem per reflexionem, aut refractionem solarium radicum, illico intendi: adeò ut quam citissime, in ligno, vel alia materia combustibili, ignem generet. Ergo calor, qui est in semine, vel in utero, & quem *Aristoteles lib. 2. de gener. anim. cap. 3.* dicit non esse ignem, neque ab igne exortum, sed calorem, seu *spiritum respondentem elemento stellarum*, poterit citissimè disponere materiam, illamque accidentaliter preparare, ut de eius potentia, educi naturaliter exigit non quidem humanam formam, quæ non est materialis, sed fit ab Authore naturæ Deo, per actionem creativam: sed vnionem ipsius Animæ cum materia: & quidem hic mihi videtur esse intellectus ab Aristotele intentus. dum *lib. de caus. & propr. element. c. 1.* dicit, ut habet translatio, quam affert, & sequitur *S. Thom. opus. 28. articul. 5.* quod, *cum cadit semen viri in matricem mulieris, decoquitur in ea decoctione forti, &c. cum cadit*, idest subito; quia dicit, tunc decoquitur semen, cum cadit. *decoctione forti*, idest valido, & vehementi calore; nam alia translatio habet, *decoquit ipsum matrix caliditate sua.*

Cum igitur actio calefactiva matricis calidæ, non calore ignis, sed Cœli, sit actio adeo fortis, ut statim ex medicorum sententia, producat membranas foetum involuentes, quis non facile crederet in inclusa genitura, propter quam permutandam, est à natura principaliter intenta talis actio calefactiva, statim fieri, vel prima filamenta vitæ, vel ad minus, quæ expeditior est, organizationem accidentalem; qua posita statim creatur Anima à Deo?

Quarto, quia probabilissima est illa sententia, quæ asserit animam rationalem statim, ac est in corpore efficere sibi in materia, partes dissimilares, & membra. *vid. disp. pr. sect. 3. n. 12. & sect. 7. num. 6. & disp. 2. sect. 6. n. 1. & disp. 3. n. 1.*

Ex dictis igitur colligo, quod licet sit probabilis contraria sententia, quæ asserit primis diebus, foetum non esse animatum; quia tamen etiam alia opposita, quam ego tanquam fundamentum meæ Prothesi suppono, non solum est probabilis, sed probabilior, quia solidioribus rationibus, & magis communiter receptis innititur; & quod maximè observandum est, quia magis in tuto reponit animarum salutem; illa verò easdem periculo damnationis exponit; idèò existimo ab ista, quæ asserit, foetum humanum, primis diebus probabiliter esse animatum, non esse in actu practico de ministrando Baptismo recedendum; ne si forte anima rationalis adesset, & ab illa sententia persuasus aliquis, quod non adesset, omitteret baptizare, talis anima propter scrupulosam speculationem, damnationi æternæ remaneret addicta.

Et hæc omnia magis confirmantur quia mulier, ex sacrarum literarum testimonio, de quo plenius in sequenti Digressionem, concipit foetum intra primum diem à præcedente congressu inchoatum.

Itaque non obstantibus iis, quæ pro contraria sententia opponuntur, cum facile dissolvantur, semper adest fundamentum opinandi, & probabiliter dubitandi de existentia animæ in foetu, etiam primis diebus; atque ideo nullo modo Baptisma conditionatum est denegandum.

DE factu à Bersabea concepto, ex adulterio
cum Davide.
Digressio.

HÆc supradicta, dum interim essent sub prælo; Amicum autem divi mihi ad aures suggerentem, quod contingero aliquando poterat, ut non nemo sententiam Thomæ Fieni, Danielis Sennerti, & Uopisci Fortunati Pemplici, dicentium primis diebus, foetum humanum esse animatum, ex eo quod mulier hoc tempore illum in utero concipiat, aut negaret omnino, aut parvipenderet: ideo, ut constet, quanto veritatis fundamento sententia hujusmodi subsistat, etiam si illorum Doctorum Suffragium non assisteret: (quod tamen non admitto;) placuit, præterea, quæ ex Immaculata B. Mariæ Virginis Conceptione, & Alexandrina Constitutione consideravi, *disp. 3. per totam*, hoc loco præsentem Digressionem instituere, & Historiam illam, quam ex sacris literis peritam & *disp. 1. sect. 7. num. 7.* omnino semel adduxi, diligentius expendere, ut luce meridiana clarius pateat, quam solidum sit fundamentum opiniandi animam primis diebus esse in foetu; cum foetus hoc tempore sit in utero.

Historia hujus facti *lib. 2. Reg. c. 11. 4.* à Sacro scriptore, ita describitur. *Missis itaque David nunciis, tulit eam: quæ cum ingressa esset ad illum, dormivit cum ea: statimq. sanctificata est ab immunditia sua; & reversa est in domum suam, concepto factu: mittensque nuntiavit David, & ait, concepi, &c.* 24

Itaque ex certissima auctoritate Divini testimonij, tria hic sunt expressè certa: Primo, congressus Regis cum muliere, ibi dormivit cum ea; Secundo quod statim, & immediate post accessum, & adulterium, *sanctificata est mulier ab immunditia sua*: & Tertiò, quod quando mulier reversa est in domum suam, Spiritus Sanctus attestatur, quod jam habebat in utero factum conceptum: ibi, & *reversa est in domum suam, concepto factu.*

Id, quod non est certum ex expresso Sacræ Scripturæ Testimonio, est; quod non sit reversa in domum suam statim, ac absolutum, & consummatum fuit adulterium; atque ideo possit esse

esse locus ad dubitandum, an per aliquot horas, & fortè etiam dies, remorata sit in Palatio Regis; & tunc jam ex ventris tumore cognita, quod haberet in utero, à Rege remissa sit in domum suam. Ideo considerandum est diligenter, an ex interpretatione illius sanctificationis secundo loco expressæ, & ex conjecturis resultet hujusmodi intelligentia: an vero, è contra, quod statim, & immediatè post perpetratum adulterium, domum sit reversa, concepto fœtu.

Prima interpretatio est illorum, qui putant, quod quando mulier vocata adivit Regem, menstruam illuviem jure pateretur: & idèò David ex propria habitationis solario prospiciens, ²⁵ vidit illam se lavantem à tali sorde: Sed statim ac fuit à Rege cognita, cessavit illud profluvium, ex eò, quod natura sentiens in vtero conceptum, sanguinem retinet, tum ad formandum, tum ad nutriendum novum fœtum. Hanc interpretationem dicit non esse contemnendam, *Gastar Sanctius* quia consonat cum textu dicente, quod rediit domum mulier *concepto fœtu*; sed quicquid sit, an Sanguis quo alicur, & formatur fœtus, sit ille, à quo mulieres purgantur, an vero alius purior, & sanior; displicet hæc prima interpretatio Lyrano, & Carthusiano: quia mulier quando est in profluvio sanguinis, pallida est, turpis, & abominabilis; at verò eodem tempore; quo David illam prospexit lavantem se, erat, inquit textus, *pulchra valde*: & ideo illam Rex concupivit.

Secunda interpretatio est aliorum, qui dicunt, quod mulier cum esset sterilis, & infœcunda ab hujusmodi sterilitatis opprobrio per Regis accessum liberata est: quia statim concepit: & ideo statim dicitur sanctificata, & domum reversa *concepto fœtu*: ita refert Abulensis, Authorum suppresso nomine.

Tertia, quia semel tantum cum Rege adulterata est, ideo statim dicitur *sanctificata*, id est sancte se deinceps, & caste gessit: non enim Rex permisit illam aliquo, vel brevi tempore in suo Palatio permanere, ne amplius cum ea peccaret; sed statim illam dimisit; ita referunt, racito Doctorum nomine *Abul. Carthus. & Sanctius*.

Quarta est, quod mulier statim post carnalem consuetudinem

dinem cum Rege, purgavit se ipsam à super fluo sui se minis, lavando ; & hanc explicationem probant , & sequuntur *Abul. & Charsus*, qui dicit esse brevem, & certam *Hugo Card. Tined. in Salom. l. i. c. 7. num. 5. & Sanctius*. & ideo *Pagninus*, & *Tigurina* illud *sanctificata est* transferunt. & *purificavit se ipsam*. Quamvis autem admittà hac interpretatione , non necessario sequatur, quod statim reversa sit domum , vel quod particula *statim*, conjungenda sit, & referenda etiam ad conceptum fœtum ; quia adhibita hujusmodi lotione , aliquo tempore in Regio Palatio adhuc permanere poterat: tamen subita ista lotio, arguit subitum discessum , & iter ad propriam domum : nam ita immunda, & sordida , fœmina à Palatio non facile fuisset egressa , sed compta, & composita, ne occurrentes Aulici, alique per viam, ex perturbato habitu, & aspectu facinus cognoscerent. *Vgo Card.* dicit, *statim sanctificata est, id est statim lavit se : vel statim concepit*. & *Abulens. quest. 7. in cap. 11.* dicit, *id est immediate post primum accessum David ad eam, reversa est in domum suam*. *Pineda statim concepisse*, admittit cum *Nicolao*, *Dionisio*, & *Hugone*.

Quinta, & ultima interpretatio explicat, quod purgata sit mulier subito à menstruis, non quidem præcedentibus, aut præsentibus, sed à futuris usque ad partum: ita *Lyrannus*: quia, inquit, *in illo congressu concepit, ut patet in textu: post conceptionem autem cessat fluxus menstruorum, quia sanguis ille cedit, in formationem fœtus, & eius alimentum, &c.*

Omnes igitur Interpretationes conveniunt in hoc, quod particula illa *statim*, non solum referatur ad sanctificationem aliquo ex superadictis modis intellectam; sed etiam ad conceptum fœtum; ita ut sensus Sacræ Scripturæ juxta communem interpretationem sit, ut *Bersabea*, in hoc accessu, & adultera commixtio-¹⁶ ne, statim conceperit fœtum.

Et hanc communem intelligentiam, non solum probat Interpretum autoritas; sed etiam suadet ratio : ex eo enim, quod domum reversa *Bersabea* observavit fortè per aliquot dies , aut etiam subito se concepisse ; nè si multo tempore tardasset hoc Regi significare , putare potuisset David , quod

ex alio concepisset, misit nuncium, qui suo nomine statim in
 27 quo erat, aperiret; conjectant Auctores, convenisse illam cum
 Davide, ut statim, ac se gravidam deprehenderet, renunciaret,
 ut posset Rex opportunè providere, ne adulterium in utriusque
 adulteri opprobrium, & diffamationem innotesceret. Et ideo
 David statim, ut mulierem concepisse audivit, adulterio jam
 patrato, novum scelus addere cogitavit, homicidium scilicet
 Uriæ Uiri Bersabæ, quem de facto fecit occidi, & Bersabeam
 duxit in uxorem, Ex huiusmodi discursu, valde fundato, & ve-
 rissimili *Abul. q. 7. in cap. 1. lib. 2. Regum* dicit, *incluit ergo Rex, quod*
Bersabea remaneret amplius in domo sua, ne ex hoc cognosceretur fa-
ctum, & infamaretur, &c. quare statim mulier reversa est in domum
 suam concepto fœtu.

Constat igitur, tant ex communi interpretatione, quàm ex ra-
 tione mulierem ex adultero concubitu, statim, & non post ali-
 quot dies, fœtum concepisse, naturali via, absque miraculo, aut
 extraordinario concursu.

Neque tam communi, & sinceræ interpretationi, potest ob-
 stare, si aliquis dixerit, in textu S. Scripturæ, sermonē esse de con-
 ceptione Medica tantum, seu de genitura in qua non est anima.
 Nam responderetur primo, ibi à Divino Historico expressè dici,
 quod concepit fœtum: conceptio autem medica, ut dixi sup. *sect.*
4. nu. 3. est attractio, seu receptio materiæ in utero; ex qua fœtus
 generatur: sed ipsa genitura, vel actio ipsam attrahens fœtus
 non est. Secundo jam *disp. 1. sect. 7. n. 7. & 8.* ostendi usitatum Sa-
 cræ Scripturæ styli esse, quod nomine fœtus, filius intelliga-
 tur. Tertio, vanum esset, ut ibi dixi, quod quando mulier Davidi
 per nuncium significavit, se concepisse, intellexisset de conce-
 ptione Medica, seu de genitura, non vero de filio; cum multo
 antea per se ipsam, & antequam de Palatio discessisset, potuisset
 de illa Regem admonere.

Demum minus obstat, si quis ad embryonismum recur-
 rens diceret, fœtum huiusmodi, habuisse quidem subito vi-
 tam; sed vegetativam tantum, non rationalem. Nam cen-
 ties dixi, & millies repetam, sententiam illam de vita em-
 bryonica, jam à Scholis exulasse, & solum in Schola Thomi-
 starum

starum gaudere aliqua immunitate; & quidem pro brevissimo tempore, ut dixi supra *sect. 7.* Et quod primis diebus Anima non embryonis, sed animalis propria sit in foetu, docet *Arist. cit. l. 1. de Gen. ani. c. 1.* ubi: postquam solido, & longo discursu, dixit primum membrum, quod à Generante media virtute seminali producit in animali perfectio est Cor, dicit vivere anima propria, quæ principium est, quo augetur, & alia membra acquirit. Igitur, quia sententia, quod prima humani foetus vita sic ab anima rationali, communior est & probabilior, ex hoc Sacrae Historiæ testimonio efficaciter confirmatur, urget aliqua obligatio baptizandi humanum foetum, etiam primis diebus ab utero excussum.

S E C T I O XVI.

Expenditur iterum argumentum ex puncto saliente
petitum, ex cuius solutione confirmatur Ani-
mæ præsentia in foetu.

S V M M A R I V M.

- 1 Motum pulsationis in puncto saliente non esse ab Anima præsen-
te, sed à spiritibus circumfusus.
- 2 Pulmonis actio supponit cordis pulsationem, & vitam.
- 3 Pulmo ex natura sua immobilis, motum habet à Diaphragmate.
- 4 Pulsatio cordis præcedit tempore pulmonis respirationem.
- 5 Humani foetus primam productionem præbat Aristoteles ex pun-
cto saliente in ovo Gallinarum.
- 6 In animalibus non dum editis seu in fetibus pulsatio cordis præ-
cedit pulmonis motum.
- 7 Pulmo post ipsum cor apparet in fetu.
- 8 Pulmo in fetibus est rubri coloris.
- 9 Alimentatio præcedens pulmonis respirationem, arguit animæ
præsentiam.

- 10 Pulmo quando in fœtu incipiat moveri.
- 11 Metus pulmonis pendet à pulsatione cordis.
- 12 Pulsatio, & respiratio sunt actiones valde diversæ.
- 13 Tertia die, ab ovo incubato apparet pullus totus factus.
- 14 Primo fit fœtus, & postea membrana, ex Guarinone.
- 15 Die octava si sanguis totus hauriatur à venis, is sic venæ calorem sanguineum amittunt; solum cor pulsas, & sanguineum remanet.
- 16 Septima die nulla adhuc Iecoris species apparet.
- 17 In ovo gallinaceo pulsatio puncti salientis non potest esse à gallina incubante.
- 18 Cor ab animali avulsum eo diutius vivit, quo recentius est.
- 19 Circulum istud extractum, & venis spoliatum per horam, & amplius vivit.
- 20 Nona die à fœtu avulsum vitam non retinet, & quare.
- 21 In illo corculo eadem vitæ signa sunt primis diebus, ac in processu temporis
- 22 A puncto saliente incipit vita humani fœtus.

Continuat R. P. G. H. vrgere contra me, quod expuncto saliente ab Harvæo prænotato, probare voluerim, Animam primis diebus existere in fœtu, quia in illo puncto datur tunc motus dilatationis, & constrictionis: At ipse constanter negat, huiusmodi motum esse ab Anima fœtus, quia inquit, omnis motus animalis, sive in stomacho, sive in intestinis, sive venis, sive arterijs, seu nervis, seu corde, fit à respiratione, & impulsu pulmonis; Quibus omnibus carere supponitur illud Corculum, seu punctum saliens: Et interrogatus, unde nam illa pulsatio proveniat? respondet, vel à spiritibus se versantibus intra ovi putamen in oviparis; vel à respiratione Matris in Viviparis. Quare infert ex ovini puncti operatione, & saltu, vitam animalibus non bene inferri.

Confirmat vero discursum quia sicut vita hominis non permanet sublato penitus, vel diù impedito respirationis organo: sic non infunditur Anima, nisi prius organis conformatis.

Respondeo, hanc instantiam supponere, quod probare debuisset,

debuisset, nimirum à pulmone in fœtu dependere illam cordis pulsationem, ab Harvæo observatam, & ante ipsum etiam diligenter notatam à Christophoro Guarinonio Rodulphi II. Imperatoris Medico in *opusculo de natur. human. serm. 2.* Hic liber nuper ad manus meas pervenit, in quo Author multa, quæ Harvæus prætermisit, de puncto saliente, admonet oportune, ut mox referam.

At verò contra talem suppositionem, quod nimirum omnis motus in Animali fiat à respiratione pulmonis, tota Medicorum Schola reclamation, cum Galeno; imò etiam cum Aristotele, qui *lib. 3. de partib. Anim. cap. 6.* ait, *pulmo igitur spirandi officio delegatus est, qui originem quidem sui motus accipit à corde, &c.* Et Galenus, quod Pulmo non per se, à thorace moveatur, asserit *lib. 6. de usu partium cap. x.* his verbis *Demonstratum enim in libro de Pulmonibus est, Pulmonem ipsum ex se motum omnino expertem, à thorace moveri continenter, &c.* Verùm hæc de animalibus adultis, non verò de fœtu primis diebus genito procedunt; quare addendum est ex Aristotele in *lib. de spiritu cap. 3.* quod considerans ibi Philosophus tres operationes de facto inveniri in fœtu, quarum prima est pulsatio, Secunda alimenti attractio, seu nutritio, & Tertia respiratio, inquiri; an motiones hujusmodi sint coævæ; & respondet affirmativè: *Nam alitio inquit, priusquam totum animal sit perfectum, est; & postquam perfectum est Animal. Attractio enim mensuræ humoris ad formationem fœtus, & partium delineationem nutritio, Nutritio facultatis opus est; quemadmodum designationis partium ex semine, formatrici. juxta quem ordinem respiratio motus postremus fuerit. Nam tum primum respirat, ubi in lucem editus fuerit, fœtus; eaque propter postremus hic motus est; Nam alimenti attractio elaboratioque, non solum post, sed & priusquam integrum suis partibus Animal sit absolutum, in utero peragitur. Respirationem itaque hic motus præcedit. At pulsus per initia, in constitutione cordis emergit, id quod in sectione vivorum, & pulli formatione ex ovo deprehendere liceat, &c.* hæc Arist. ibi, & libro secundo, de gener. anim. cap. 2. probat primum, quod generatur, & vivit, esse Cor.

Ex quibus clarè constat, sententiam Aristotelis esse, nutritionem

tritionem tempore præcedere respirationem, cum hæc in illius sententia non sit nisi *tunc primum, ubi in lucem editus fuerit partus*; At pulsum cordis ipsa alimenti attractione esse priorem, quia per initia *statim in constitutione cordis emergit*: Id, quod, ait, ex *sectione vivorum*, & pulli formatione ex ovo deprehendere
6 licet, &c.

Notanda hic duo sunt. Primum, Aristotelem ex sectione vivi fœtus probasse pulsum cordis tempore præcedere nutritionem, Secundum, humani fœtus primam formationem ex pulli procreatione probari.

Consonat Aristoteli observatio Galeni ex Anatomicis sectionibus facta: Ipse enim *lib. 15. de usu partium cap. 4.* & 5. docet, arterias, & venas, quæ circa uterum Matris sunt exiguæ, cujusmodi sunt arboris radices extremæ, fœtui per umbilicum inserti arteriis, & venis jam in fœtu procreatis: Et quidem non venas arteriis, & arterias venis; sed venas cum venis, & arterias cum arteriis in unum coeuntibus, scilicet, duas arterias, & eorundem venas, duabus arteriis, & duabus venis copulari, & commisceri: Ita tamen ut neque venæ hepar prætergrediantur, & in aliud membrum infigantur; neque arteriæ, non nisi ad magnam arteriam, quæ à corde exoritur, ferantur. Hæc autem arteriarum, & venarum matris, cum arteriis, & venis fœtus conjunctio, à natura facta est, inquit *cap. 5.* ut fœtus trahat à matrice sanguinem, & spiritum, & exinde alimentum, & vitam: sed venarum, & arteriarum hujusmodi procreatio, conjunctio, & alimenti attractio
7 non potest à pulmone, vel fieri, vel juvari, cum sine respiratione aeris fiant, & Diaphragma, à quo solum pulmo motum habet, nondum apparet, quod etiam docet *Aristoteles lib. 1. de gener. animal. cap. 1.* quatenus dicit, quod *pulmo posterior corde in primo ortu conspicitur*, &c. ergo alimenti hujusmodi attractio, cum Animæ vegetativæ sit actio, quæ à fœtu nondum animato fieri non potest, sequitur esse Animæ in fœtu existentis argu-
8 mentum.

Confirmatur, quia idem *Galenus. d. lib. 15. c. 6.* rationem reddens, quare fœtus in utero existentis pulmo sit rubri, non autem subalbæ coloris, ut est in adultis animalibus, respondet, quia *tunc nutritur*

nutritur (quemadmodum reliqua viscera) per vasa, unicam tunicam, & eam tenuem habentia, ad quam per venam cavam sanguis pervenit, quo tempore factus in utero gestatur, In natis vero olcatur quidem vasculum perforatio; aer autem copiosissimus tunc incidit: Sanguis vero paucissimus, idemque tenuissimus. Quin etiam pulmo, tunc motu perpetuo agitatur animali nimirum respirante; quod fit, ut sanguis à spiritu incisus motu duplici, altero, quem ex arterijs habet; altero, quem ex pulmone acquirit, tenuior adhuc se ipso. & mollior, ac velut spumofus efficiatur; ob eamque causam substantia carnis pulmonis ex rubra, gravi, ac densa, in albam, levem, ac raram transfertur. Quam rem opinor, me dixisse, pulmone esse 10 utilissimam, dum in motibus respirationis thoracem sequitur; agere enim præ pondere moveretur, si similem alijs visceribus carnem habuisset. Equum igitur est hic quæque naturam admirari, quæ cum viscus augeri dumtaxat oporteret, sanguinem purum ei suppedabat, cum vero ad motum fuit translatus, carnem levem instar ale cujusdam facit, ut facile à thorace dilataretur, &c.

Ita Galenus, ex quo constat, foetum in utero jam animatum, & pulmone instructum, habere ipsum pulmonem gravem, ponderosum, & ad motum ineptum; ergo ex eo, quod aliqui motus vitales, scilicet pulsationis cordis sint in foetu, non licet inferre, quod non sint ab Anima inexistente, quia pulmo antea, aut non fuit, aut fuit immotus, sed nondum ad motum dispositus, Constat etiam tantum abesse à vero, ut cordis pulsatio causetur à pulmone respirante, ut argumentum supponit; quod imò pulmo tunc incipiat posse moveri, seu respirare, cum sanguis à motu, quem ex arteriis habet, attenuatur, & rarefcit, ut ita sanguinea illa ponderositate exoneretur.

Præterea, & ad hominem; Transeat suppositio, quod omnis motus animalis, & pulsatio illa vitalis in corculo pendeat ab animali expiratione, & respiratione pulmonis: Ex carentia motus animalis in pulmone, non bene inferitur pulsationem illam non esse vitalem, ac proinde, neque Animæ inexistens indicium. Pulsus enim, & respirationem, duas esse Animæ operationes valde distinctas, & diversas, dixi cum Aristotele, & asserunt Medici communiter cum Galeno: Et pater, quia pulsus

pulsus est motus omnino naturalis determinatus à natura, & ideo necessarius, ut non possit à nobis pro libito impediri. Testatur *Aristotel. d. l. de spiritu c. 3.* & experimur nobis volentibus, respirationem, & contineri, & cohiberi, licet non impunè, ad longum tempus; Ideo ut refert *Mercurialis l. 3. art. Gymnast. c. 6.* de Milone illo, capite, fronte, costis, & pectore, solidissimis vittis ligato, tandiù spiritum retinuisse, donec venæ intumescerent vittas illas discinderent. Et de Servo illo barbaro testatur *Galenus l. 6. c. 6. de mot. musc.* quod cum irâ vehementer concitatus mortem sibi statuisset inferre, humi prostratus, respirationem longo tempore cohibens, stetit diù immobilis, tandem paulum volutatus, mortuus est.

Postremò confirmantur hæc omnia ex iis, quæ *Guarinon. ferm. 2. cit. fol. mibi 58.* notavit, & in observationibus à se diligenter de ovis à Gallina, incubante, animatis deprehendisse, testatur, nimirum *tertia die, & ferè etiam secunda nondum finita, cor rubrum cernitur. emittere duas venas primum simplices, postea vix sex brachis adjectis, eas protendere in ramos: Inter ea pullo jam toto factò, sed nondum sensui conspicuo, quoniam pellucido admodum, & tenui corpore est, &c. membranæ illis continentibus non dum expressis, aut factis, minus visui officientibus, ut neque pulli corpus, pellucidum officis, quin cor ipsum, & motus eius perspiciatur, &c. veniunt vena tanquam umbilici, &c. ferè secunda, certè tertia die conspicua, hac die jam membranam suam ramusculis à se emissis delineantes, &c. quarta die jam membranæ species discernitur totum continentis, non tamen adeò densa est, quin per ipsam fœtus intus inspicitur, &c. ubi clarum est, quod primo sit fœtus ipse; non membrana cum continentibus, & in eo primum cor, &c. post fœtus speciem satis conspicuam venis ruberrimis, pro magnitudine eius maximis, & plenissimis, adeò ut quartam partem ejus corpusculi crassitudine sua exequantur rami venarum promittuntur, &c. ita post animantis formationem, & vitam, membranæ fiunt, &c.*

Die octava cor non solum constat ipsum, sed una cum venis colore cum illis simillimo, rubro nempe, aperte nunc, seu movetur; ex quo si sanguis exhauriatur, cor & venæ valde minuantur, & colore amisso.

amisso, aspectum fugiunt, &c. cor autem sola motione, & duobus punctis, minimis, rubris (credo ventriculos duos referentibus) apprehenditur, &c. septima autem die propter concretionem membrana omnem ferè sctum obscurant; cor verò unum, ob colorem densissimum, ut venæ etiam, atque ob motum, perspicitur; à quo si exhauriatur sanguis, relinquit tamen duo illa puncta rubra. Interea jecoris nondum ulla species constat: Sed hac die septima liquor, seu mucor quidam luteus & ordi subjectus, attente inspectantibus, apprehenditur, qui vix tactus, dissolvitur; quod jecoris initium concrecentis est, ut & sedes eius ostendit, & sequentibus diebus firmius in jecoris corpus consistere cernitur, &c.

16

17

Ex hac observatione, quicquid sit, quod membranæ non fiant ante foetum, contra ea, quæ supra disput. 1. sect. 5. num. 3. 4. 5. 6. & 7. dixi, adnotandum esse puto in rem nostram, quod spiritus animales, seu vitales, quos P. G. H. ut Animam neget adesse, dicit, causare pulsationem in oviparis, & ventriparis, non possunt esse à matre impressi, cum isti in hoc puncto Gallinæ, toto ovi putamine, & loco etiam interjecto, sint à matre sejuncti: ergo neque in ventriparis, licet per venas, & arterias matris circa uteri cavitatem, radicas, & erumpentes, venis, & arteriis foetus sint conjuncti, Ergo totus ille, qui in corculo motus pulsationis apparet, est ab Anima existente.

Præterea singulare est, quod si ab illo corculo exhauriatur sanguis, venæ colorem adeo deperdunt, ut non appareant; licet antea essent ruberrimæ, solum cor consistit, & movetur, & duo illa puncta, seu cordis ventriculi, neque sanguinem, neque colorem amittunt: ergo si in corde sicuti in venis essent, soli spiritus causantes pulsationem, deberent tam in venis, quàm in corde eodem modo languere, & desinere: ergo signum est, in illo corculo, principium illius pulsationis firmius existere, nempe animam.

Præterea addit Guarinonius, fol. 61. illud indicio certissimum esse, quod vivat cor; quoniam avulsum à corpore, & ab omnibus venis abscissum, adhuc vivit, & pulsat; quod in adultis jam animalibus videmus, si viventia aperiantur, & cor eximatur, Et tamen diutius vivit,

vivit, quo teneriora recentiusque nata animalia fuerint, ut expertus sum; in pullis propriè avulsam cor, venis sfoliatum, tota hora se se movet, in aqualibus pulsibus, modorariis, modo crebrioribus, &c. Cum
 19 verò cor jam moriturum est, per quartam hora partem, sèlo altero laterum movetur, & ad finem vitæ solus ventriculus, non etiam cuspis contrahitur, dilaturque. Nona die, qua jam corpusculum
 20 pulli obfirmatum consistit, vel propter sectionem durior, gravio- remque vel quamvis aliam causam, sæpè vidi, quod cor avulsam non retinet vitam: quin interdum, aperto thorace, motum amittat; quod certè eò minus diu vivat, quo grandius, & perfectius factum animal est, habeo exploratissimum: Et ratio ea esse potest, quoniam vitæ, & animantis vis primum in sui initio tota comprehenditur; in puncto enim temporis animantis generatio est, postea verò partibus reliquis expressis, ipsa in eas distributa, ut jam illis egens, & sanguine, jam se se in solo corde sustinere non potest, &c.

- 21 Ex hisquæ Guarinonius tam accurato studio, & tanta diligentia observavit, duo facile inferuntur in hoc argumento non contemnenda. Primum est quia huiusmodi corculum, seu punctum saliens à tenero illo, & vix formato corpusculo avulsam, eadem omnino signa vitæ exhibeat, & præferat ac aliud quod ab animalis adulti, corpore extrahitur, sed hoc, certissimum est, antequam extrahatur vivere, ergo & illud. Secundum quod infertur est, quia ex testimonio præstantissimi huius Medici exploratissimum est, esse proprietatem viventis, & animati cordis quo animal est recentius, & quo pauciores vitæ dies habet, eò longius in vita conservari: quo vero est adultius, & plures vitæ dies habet, eo brevius vitam protrahere: & ratio est, inquit, Guarinonius ibi fol. mihi 61. quoniam vitæ, & animantis vis primum in sui initio tota comprehenditur; in puncto enim temporis animantis generatio est: postea vero partibus reliquis expressis ipsa in eas distributa, ut jam illis egens, & sanguine ipso jam se se in uno corde sustinere non potest. &c. aliam rationem, & quæ mihi magis arridet, mox ex doctrina Galeni subiicio.
- 22 Ergo corculum illud vivit, Anima in eo existente. Et à simili puncto saliente vitam humani foetus inchoari supponit Author, quatenus

quatenus ad explicandam hominis vitam, pulli vitam observat, & præter Aristotelem *supra num. 5.* recens, & eximius anatomicus *Ican. Riolanus in lib. Enchirid. anat. lib. 2. cap. 37.* idem sentit,

Neque obstat, quod in fine argumenti pro confirmatione additur ad negandam Animæ præsentiam, quod nimirum sicut vita non potest conservari in animali, si vel auferatur omnino vel diu impediatur illi respiratio; sic non potest infundi, nisi organis jam penitus absolutis.

Respondetur enim ex Galeno *lib. de puls. usu cap. 2.* in Animali jam nato impedita diu vel sublata respiratio, vitam per suffocationem desinere, *ut in cucurbitulis, quibus Medici utuntur, flamma illico extinguatur.* Quia ex multo sanguine jam genito in animali, & ex augmentatione caloris in ipso, respiratio necessaria est *ad innati caloris conservationem*, inquit idem Galenus *lib. de utilis. respirat. c. 5.* At vero, ut iam vidimus, antequam in animali detur necessitas respirandi, datur vita, & & vitalis pulsatio in corde, & arteriis, atque ita omnes recentiores Medici, & Anatomici vno ore fatentur.

Minus obstat, quod superiore anno 1672. dum Romæ essem obiciebat mihi Eminentissimus & Doctissimus Cardinalis dicens, non recte me inferre animæ rationalis præsentiam in fœtibus paucorum dierum, ex huiusmodi motibus in pulsificatione deprehensis: nam quotidie videmus in Macellariorum officinis, occisis jam, & mortuis animalibus, partes eorum, & membra dissecta, in fibris & partibus nervosis conservare aliquos motus & tamen si animalia mortua sunt, certum est corruptam animam non adesse. Nec vitatur argumentum, dicebat Eminentissimus ille, si dicas animas brutorum cum sint divisibiles, remanere ad aliquod tempus, partialiter in illis membris. Nam urgebat dicens, quod nuper ex Belgio, litteris acceptis ex quorundam latronum cadaveribus, quorum membra Prætor mandaverat in partes diffecari, & in apertum aërem ad ultionem justitiæ appendi, & exponi, in oculis omnium, eosdem motus post notabile tempus continuari, fuit observatum.

Nam quicquid sit de hac latronum historia, in qua quod narratur, non sine miraculo fortasse contigit, Respondebam, meam Propositionem, non habere pro fundamento hujusmodi motus, sed varias medicorum observationes tam veteres quam novas, circa corporis humani formationem primis diebus inchoatam: sed nunc iterum respondeo hujusmodi motus in partibus dissectis tam brutorum quam hominum bene posse causari in absentia animæ ad aliquod tempus: nam spiritus vitales qui ex Galeno lib. 7. c. 3. de Hippocr. & Platon. decret. in arteriis continentur & ex D. Galeno lib. 3. de nat. facul. sunt id quod fuerunt, remanent etiam absente anima: at ideo non valet argumentum ab hujusmodi motibus ad primos illos motus in puncto saliente vel in corpusculo illo recenter animato in quo cum non præfuerit anima non possunt nisi ab anima tunc primo præexistente causari.

SECTIO XVI.

Occurritur argumento ex vermiculis in lacte repertis deducto.

S V M M A R I V M.

- 1 *Fætus humanus primis diebus effusus, ob sui maximam teneritudinem, vel brevissimo tempore supervivere non potest.*
- 2 *Probatur exemplo vermiculorum in lacte recenter emuncto.*
- 3 *Horum vermiculorum experientia revocatur in dub. um.*
- 4 *Sanguis febrientium scatet vermibus.*
- 5 *Etiamsi vermiculi darentur in lacte, inter illorum vitam, & vitam tenerissimi fætus, est disparitas, tum experientia tum rationis.*

Opponit idem P. G. H. quia etiamsi evinceretur, fœtum humanum primo statim conceptionis die animari, vix
rationali

rationali, cum hæc consistat in corpusculo parvo, instar grani hordeacei, vel, ut alij dicunt, apiculæ: negat post effusionem ex utero, vel momento posse permanere: quia, inquit; statim tantilli fœtus organa, causa aëris ambientis extranei contrahuntur, læduntur, illudque corculum præfocatur, & moritur: Hoc autem probat à similj experientia à se facta per Microscopium de lacte recens emuncto. Constat enim beneficio hujus instrumenti, lac aliud non esse, quàm conglomeratam congeriem vermiculorum, qui tamen, statim ac aërem attingunt, immobiles fiunt, & moriuntur. Ita, & fœtus humanus, si primis diebus esset animatus, & per abortum effunderetur, statim esset mortuus: ergo sub conditione non est baptizandus, cum nullum suppetat vitæ tempus.

Respondeo; quidquid sit de experientia vermiculorum in lacte, quos ego, licet diligentissimè observaverim, nunquàm tamen deprehendere potui; & Microscopium adhibui, quod in aceto vermiculos auget, ad magnitudinem formicarum majorem, secundum longitudinem: fortè, quia non in omni lacte sunt vermes, sed solum in eo, quod aliquo morbo fuit in uberibus, jam affectum: sicuti, non de omni sanguine, quod sit verminosus, sed solum de sanguine febrientium scribit Pater Athanasius Kircherius *lib. 10. artis magna part. 2. cap. 8. §. 5. fragmat. 2.* Sed admittamus de omni lacte, & credamus experientiam experto.

At contra experientiam aliam experientiam adduco; de qua Harvæus à me relatus hac *3. disp. sect. 13. num. 7. & 8.* punctum saliens, aliquando ita languet, ut videatur mortuum; sed imposito illi repente hominis digito, & hujusmodi caloris fomento per breve spatium temporis adhibito, corculum quasi denuò reviviscens, resumit suam illam rithmicam pulsationem. Præterea Guarinon. citatus superiori *sect. num. 19.* testatur corculum hujusmodi ex ovo pulli avulsam, & venis speliatam, tota hora sese movere; cum verò jam moriturum est, per quartam horæ partem mori, &c. & tandem monet diutius vivere, quo tenerius est. Ergo si vita illorum vermiculorum, ex quibus componitur lac, sit adeò brevis, ut statim ad aëris contactum extinguatur; cum non

idem contingat de hoc puncto saliente ; à diversis non valet illatio.

Tandem respondeo, me nunquam dixisse, foetum baptizandum esse secundinis exutum, quando primis diebus mulier abortitur ; Non quia si exiret vivus, non existimem esse baptizandum, sed quia primo illo tempore, non nisi secundinarum involucro munitum crederem posse vivum egredi ab utero, aut saltem majus esset, sicut periculum, ita & dubium. Regulariter igitur foetus primis diebus effusus, si necessitas occurrat baptizandi, secundinis erit circumtectus, quare experientia vermiculorum non videtur urgere : Non enim foetus humanus secundinis involutus ab ambiente aëre subito lædi potest, sicuti illi vermiculi læduntur, & occidunt: quod si hujusmodi foetus veniret ad lucem tunicis, exutus, & sensibilibiter discerneretur, quod esset foetus humanus, nisi evidenter constaret esse mortuum, existimo, propter rationes probabiles vitæ, esse sub conditione baptizandum.

SECTIO XVII.

An doctrina speculativa probans Animam rationalem non esse in foetu, satis sit, ut quis non teneatur baptizare Abortivos.

S V M M A R I V M.

- 1 *Dubitans speculative de consecratione hujus hostiæ, vel de suo baptismo, tenetur illam hostiam adorare; nec potest se iterum exponere, ut baptizetur.*
- 2 *Animam rationalem non jam speculative, sed practice probatur esse in foetu.*
- 3 *Et in hoc dubio baptizare debemus.*

SI quis posset suspicari, quod celebrans non habuerit intentionem consecrandi hostiam, quam elevat in Missa; & quod baptizans non habuerit intentionem conficiendi Sacramentum, non propterea licet, non adorare illam hostiam, nec mo iterum rebaptizare. Ergo licet speculativè probabilis sit illa sententia, quod statim à principio Anima rationalis sit in fœtu, non tamen satis est talis ratio ad me obligandum, ut hujusmodi fœtum baptizem.

Respondeo, quod dubitans de suo baptismo, vel de hac hostia, an sit consecrata, quia potest esse, quod Minister non habuerit intentionem; cum nullam habeat practicam rationem dubitandi, dubitat solum speculativè; sed est certus moraliter; ergo tenetur non se rebaptizare, & adorare illam hostiam, ut benè *Suar. 3. tom. in 3. partem disput. 65. sect. 2.* Card. de Lugo *de incarnat. disp. 37. sect. 4.* Si autem habeat aliquam rationem practicam dubitandi, tunc non dubitat ex sola rei possibilitate, seu speculativè, sed ex facto aliquo: Et tunc adorare debet sub conditione, & rebaptizari sub conditione. At verò nos non procedimus ex sola possibilitate Animæ inexistentis, sed ex testimoniis, & observationibus Peritorum, ex quibus habemus rationes, in facto ad dubitandum positive, seu probabiliter opinandum Animam inexistere.

Secundo respondeo, esse valdè disparem rationem: Nam fœtus abortivus, si est animatus, est in periculo mortis inevitabilis, & ideo damnationis æternæ; non sic ille, qui de suo baptismo, & de hostia dubitat. Quare juxta doctrinam Illustrissimi D. Fagnani *ad cap. Ne innitatis de conscrip. num. 171.* certè in hac materia verissimam, quod in casu dubio, in quo vertitur salutis periculum, non tantùm ex consilio, sed ex præcepto tenemur sequi partem tutiorem; & in puncto de administrando baptismo, est apertus textus in *c. Parvulos. de consecr. dist. 4.* in quo Greg. XIII. resoluit ut ait, *secundum Patrum traditionem*, Pueros à Parentibus subtractos, & quos ignoramus esse baptizatos baptizari debere; *Ita enim, inquit, ratio pœscit.* Quæ verba Glossa declarans in talibus, ait, *certius est tenendum.* Cum igitur in Pueris abortivis

abortivis sit majus periculum, imò certitudo, quod statim sint morituri, magis convincit dubium esse baptizandos.

SECTIO Ultima.

Principalis objectio ex Divina providentia erga universalem Ecclesiam iterum discutitur

SUMMARIVM.

- 1 *Pertinere videtur ad Dei providentiam indicare vitam illorum infantium, qui baptizandi sunt.*
- 2 *Obicitur idem argumentum de infantibus sex sem, triginta, aut quadraginta dierum.*
- 3 *Deus ante pravisu Adæ peccatū vult omnes homines salves fieri.*
- 4 *Hac voluntas est generalis, & antecedens omnium operum prævisionem.*
- 5 *Non est simplex complacentia de objecto, ex se bono.*
- 6 *Sed intentio ex parte Dei omnes homines salvandi.*
- 7 *Intentio agentis circa finem, est aliquo modo intentio medicum.*
- 8 *Hac intentione voluit Deus salutem Abortivorum, & media conducentia ad illam.*
- 9 *Sed quantum erat ex parte Dei.*
- 10 *Et sic illa sola, quæ se tenent ex parte Dei.*
- 11 *Ideo non tenetur ex hac voluntate impedire cursum naturalem secundarum causarum.*
- 12 *Neque ad revelandum distindere, quando fatus humanus incipiat vivere.*
- 13 *Per istam voluntatem Christus est omnium Abortivorum Salvator.*
- 14 *Per eandem voluntatem non potuit Deus velle revelare tempus existentie Animæ in Abortivis.*
- 15 *Quomodo ista voluntas antecedens sit absoluta, & efficax; & quomodo possit dici conditionata, & inefficax.*

Tandem

TAndem præmissis supradictis argumentis in hac disputatione *sect. 1. 7. 15. 16.* allatis; P. G. H. contra meam Prothelium, de Baptismo Abortivis sub conditione Ministrando, recollectis viribus argumentum sic proponit.

Si rationaliter viveret, adeoque antehac semper vixisset humanus quivis foetus editus in lucem, etiam primis diebus à conceptione: pertinuisset ad providentiam Dei Servatoris Nostri, qui vult, omnes homines. maximè parvulos ad se venire, saltem per Baptisma, cum aliter non possint, hanc animati, novelli foetus veritatem indicare Ecclesiæ suæ, quacumque vel naturali Physicorum, vel Theologorum, vel supernaturali revelationis via: ne tot miliones parvulorum sexdecim, & amplius seculis destituerentur debito, & parato Baptismate, præcipuè parvulorum, qui nullo alio remedio, neque contritionis, neque martyrij, quo possunt adulti, servari poterant.

Sed vivere rationaliter recenter conceptos, & effulos foetus nulla adhuc ratione indicavit Ecclesiæ suæ, ergo non vivunt.

Respondeo huius argumenti solutionem docebit me, ut spero, humanissimus ipse P. G. H. Nam cum ab animatione primorum dierum, sit valde alienus, fortè non repugnabit animationi post septimum diem, testante Hippocrate illis verbis à me *diffut. 2. num. 12.* relatis: *Porro vita hominis septem dierum est.*

Idem igitur argumentum retorqueo ex abortivis, qui in utero materno exactis septem, vel etiam quindecim, infra mensem, seu etiam quadraginta diebus moriuntur; de his nimirum, qui iam animam rationalem sunt adepti. Ideo sic argumentor, & iisdem pene verbis utor. Si prædicti infantes, septem, triginta, vel quadraginta dierum anima rationali viverent, & antehac semper vixissent; pertinuisset ad providentiam Dei Servatoris Nostri, qui vult, omnes homines salvos fieri, & maximè parvulos ad se venire, saltem per Baptisma, cum aliter non possint Ec.

clēsia suā indicare quacumque ; vel naturali Physicorum, vel Theologorum , vel supernaturali revelationis via ; ne tot parvulorum milliones sexdecim , & amplius sæculis, imò à creatione Mundi destituerentur debito , necessario medio ad salutem. Hi enim infantes nullo remedio , neque contritionis , neque martyrij , quo possunt adulti, servari possunt.

Sed vivere anima rationali huiusmodi infantes nulla adhuc ratione clare , & distincte Deus indicavit Ecclesiæ.

Ergo non vivunt, Ergo non sunt baptizandi.

Maiores propositio tota est ipsius Authoris. Minorem dicit esse certam. Consequentia verò est falsa ; nam est contradictoria illius , quam P. G. H. puto non negabit , scilicet abortivos formatos, quales sunt triginta, vel quadraginta dierum quia dant signa vitæ , sunt baptizandi. Ergo aliquod vitium latet in maiori.

Hoc autem ut detegamus , in primis considerandum est, voluntatem , quam Deus habuit de abortiuorum vivorum salute , esse illam eandem , quam Deus habuit ab æterno , erga universam naturam humanam , & etiam Angelicam : utramque enim creaturam voluit creare, & de facto creavit propter finem supernaturalem , siue Adam conservaret, siue non conservaret iustitiam originalem , ut explicat Suarez. *tom. pr. in pr. part. de Prædestin. lib. 4. cap. 1. num. 9.* Hæc autem non est, nisi voluntas quædam generalis, & antecedens omnium operum prævisionem, ut cum Chrysostomo Damasceno, & Angelico Doctore explicat Vasquez, *tom. 1. in part. 1. disput. 83. cap. 3. & 4.* quam Deus habet , ut omnes, quantum est ex parte sua , salutem consequantur.

4 Et ita S. Patres , tam Græci , quam Latini cum S. Thoma apud Suarez. *d. cap. 1. num. 5.* & Cornel. à Lapide. interpretantur D. Paulum 1. ad Tim. c. 2. 4. dicentem, & admonentem, quod oremus Deum, & Christum pro omnium salute , quia *Deus, inquit, vult omnes homines salvos fieri.*

Considero secundo loco , hanc voluntatem , quam Deus habet de salute omnium , non esse solam simplicem quandam

dam complacentiam de hominum , salute Deo proposita, tanquam de obiecto in se bono , & apto terminare simplicem complacentiam : Nam si huiusmodi voluntas , iuxta quàm à D. Paulo , à SS. Patribus , & à Theologis communiter dicitur , quod orandus est Deus , quod omnes homines salvos faciat , tanquam eorum redemptor & Salvator , esset huiusmodi simplex complacentia, posset orari Deus & Christus , vt salvaret omnes Dæmones , & homines iam damnatos ; quia scilicet posset proponi , & occurrere Divinæ voluntati illorum salus , & glorificatio possibilis ; esset enim tale obiectum de se bonum , & aptum terminare actum simplicis complacentiæ : Similiter inquit Suarez ibid. n. 7. posset Deus per actum simplicis complacentiæ velle unionem hypostaticam omnium naturarum hominum, & Angelorum , quia hoc obiectum est de se terminativum complacentiæ ; cum sit melius , quàm universa salus omnium parvulorum imò in se optimum , & perfectissimum. Sed nemo dixit, aut dicit propter huiusmodi aptitudinem obiectivam , Deum velle salutem Dæmonum, & damnatorum , vel unionem hypostaticam omnium hominum , & Angelorum , ergo huiusmodi voluntas non est simplex complacentia , seu actus respiciens bonitatem obiecti in se : sed præterea est intentio , & voluntas quantum est ex parte Dei de omnium , & parvulorum præsertim infantium , salute comparanda.

Tertio Considero , quod agens nobilissimum , quale sine dubio est Deus , cum prudenter operetur , vult simul finem & media necessaria ad illum consequendum, præsertim cum omnia simul , propter nobilissimum modum tendendi in obiectum cognoscat ; quare eo saltem modo , quo talem finem intendit , vult etiam media : Nam vt benè S. Thomas , 1. 2. q. 12. art. in 4. ad 4. motus voluntatis , qui fertur in finem , secundum quod per media est comparabilis , est vera finis & mediorum intentio ; Alioquin si media non vellent aut formaliter , aut virtualiter ; vellet , & non vellet simul. Ergo si Deus voluntate illa , quam habuit , &

- 8 qua creavit omnes homines ad finem supernaturalem, voluit omnium parvulorum salutem, voluit etiam illis providere media sufficientia ad talem finem ita intentum, & eo modo, quo fuit intentus; quia verò talis intentio, seu voluntas consideratur in Deo antecedenter ad humanam
- 9 cooperationem, & cursum secundarum causarum; quia, ut dixi, solum est voluntas, ut homines sint creati ad finem supernaturalem, quantum est ex parte Dei, consequendum: Jam intelligitur quidem Deus per huiusmodi voluntatem determinatus ad danda infantibus auxilia sufficientia, ad finem salutis; sed nonnisi illa, quæ à se solo dependent. Cum enim ista voluntas finis sit limitata, scilicet quantum est ex parte Dei erga finem, limitata etiam debet intelligi circa media, & ad illa solum danda, ex vi talis intentionis, quæ ex parte solius Dei sunt necessaria. Ergo non tenetur ex vi talis voluntatis ad mutandum ordinem aliarum causarum, V. G. ad fovendum aliquo modo, extra ordinarium naturæ cursum, Matris uterum ut partus legitimo tempore nascatur, & Baptismum recipiat; vel ad revelationem clarè, & distinctè, per scientiam physicam naturalem, vel per Theologiam, aut per Sacras litteras, quo tempore præcisè fœtus sit animatus participandam, ut
- 11 possit illi applicari Baptisma; Cum enim ista cognitio involvat ea, quæ pendent à causis secundis, iam excederet illam generalem voluntatem & providentiam, & extenderet se ad ea, quæ ad specialem Providentiam pertinent, egrederetur extra illam conditionem intellectam in generali intentione salvandi pueros, & infantes, quantum est in se, & ut proportionata voluntati limitatæ ad ea media, & auxilia danda, quæ à se solo pendent.
- 12 Ideò benè intelligitur, quomodo ex vi talis voluntatis Christus pro istis Abortivis, si sunt rationaliter animati, mortuus est; quomodo pro istis redemptionem suam Divino Patri obtulit; quomodo etiam pro illis Baptismum instituit: non quidem applicandum per Ministros, sed quantum est de se aptum ad salutem, & in confuso, quatenus medium

dium de fe fufficiens ad illam acquirendam : Et alia fimilia, quia nimirum in his impletur illa conditio, *quantum eft ex parte Dei*. Et fimiliter intelligitur ratio, quare Divina Sapientia ita difpofuerit, ut facræ literæ de tēpore, quo fœtus humanus primo vivit ita generaliter loquantur, ut dubia fit animæ exiftentia primis diebus in fœtu ; & non nifi adhibito studio, humana diligentia, & Anatomicorum obfervatione, & Phylofophorum doctrina poffit probabiliter cognofci ; quia ifta non poffunt eſſe à Deo volita, illa generali voluntate, quæ præviſionem operum antecedit.

Intelligitur etiam ex hoc difcurſu, quomodo voluntas illa antecedens in Deo, erga omnium falutem, fit abſoluta, & efficax & quomodo poffit dici conditionata, & inefficax : Nam in ordine ad media, quæ pendent à ſolo Deo, eſt abſoluta, & efficax, in ordine vero ad illa quæ pendent etiam à ſecundis cauſis, cum non operetur effectum ſalutis, niſi impleta hac conditione ; ſi ſecundæ cauſæ cooperentur ; eſt conditionata, & inefficax.

Ex dictis patet ſolutio ad argumentum à me retortum, contra P. G. H. Neganda eſt enim ſequela maioris, quia ex voluntate antecedente, quam habet Deus de ſalute omnium hominum, inter quos Abortivi comprehenduntur, ſi vivant, inferitur, & extenditur conſequentia, ad illa media, quæ cooperationem involvunt ſecundarum cauſarum, ut eſt Divina illuminatio communicanda per ſcientiam phyſicam naturalem, per Theologiam, vel per Sacras literas, cum cognitione temporis, & aliorum accidentium, ex quibus iam eſſet proviſum homunculis illis, non ſolum de mediis, quæ ſe tenent ex parte Dei, ſed etiam de illis quæ ſe tenent ex parte hominum, qui illa applicarent, & cooperarentur ; Negata igitur maiore, & conceſſa minore, quæ procedit de notitia, & revelatione diſtincta, iuxta ea, quæ ſupra n. 11. adnotav, inegatur conſequentia.

Hac eadem reſponſione vtor ego, & reſpondeo ad argumentum ipſius Patris G. H. contra me factum, negando ſequalem

quelam maioris, & consequentiam Quare quia argumentum retortum ostendit difficultatem illi, & mihi esse communem, iuvat ideo mihi persuadere, quod P. G. H. qui in prima parte sui doctissimi scripti, ex iis, quæ iam pridem scripseram in illo folio, cuius supra memini n. 1. omnia admittit, & comprobat, contra secundam partem arguerit, non ex animo, & ex voluntate, seu ex intellectu contrario: sed ut ad respondendum me excitaret, & ut veritas impugnatæ propositionis magis appareret: quare maximas habeo gratias & me totum illi ad obsequia submitto.

Hæc sunt quæ disputationibus quatuor comprehensa, circa abortivorum baptisma tam ad probationem piæ prothesis, quam ad eiusdem defensionem in lucem dare necessarium duxi, non quidem ut aliquid certum statuam neque ut definiri à S. sede tanquam catholicam meam propositionem voluerim; sed solum, ut eiusdem probabilitatem cum pietate coniunctam ostenderem; & ut sapientissimis viris, nec non fidelium zelo, & religioni, plurimarum animarum salutem commendarem. Quare si vel vnicam abortivorum animulam in caelestem thesaurum transmittere datum fuerit, hæc pauca non omnino inutiliter scripsisse putabo.

Cæterum hæc omnia sanctæ Romanæ Ecclesiæ infallibili iudicio, & prudentissimæ censuræ non solum ex debito, sed ex libera, spontanea, & plenissima voluntate imo ex tota animi propensione; iterum semperque volo esse subiecta.

F I N I S.

INDEX



INDEX RERVVM.

*In quo primus Numerus paginam , Secundus
Numerum marginalem indicat.*

A



ABORTIVI
fœtus quod
morianitur
pœna est
originalis
peccati. p.
3. marg. 6.

Abortus , ut sit punibilis,
debet fœtus esse vitalis 41. 8.
& plures alias circumstantias
habere ibid. 10. 11. 12. 13. 14.
& 15.

Abortus delictum non semper
facit irregularem. 43. 19.
& 20.

Abortus fœtus animati
non semper punitur, tam iure
Canonico , quam Civili
44. 26.

Abortivos parvulos non

considerat Ecclesia, quia sunt
in parvo numero, & ideo de
illis non determinat. 94. 8.

Absolvi pœnitentem sacramentaliter
posse per epistolam , est error damnatus.
139. 7.

Accidentalis organizatio
quid sit. 6. 7. constituit corpus
organicum. 225. 6. non est
Authoris inventio. 227. 4.

Acetabula, quid sint. 187. 5.

Actio generetiva non est
uniformis, & quare 232. 5.

Adæ prima creatio. 13. 7.
8. eiusdem lutea statua accidentaliter tantum organiza-
ta. 15. 9.

Alex. PP. VII. innovavit
damnando plures proposi-
tiones.

tionones quæ prius credebantur probabiles. 263. 4.

B. Amadeus Conceptione Deiparæ spatio sex horarum dicit miraculosè factam, 218. 1.

Anatomici fatentur tempus animationis esse ignotum 76. 3. 4. 5.

Anima rationalis est in homine vera forma informans. 22. 8. & 224. 2. an sit actus corporis organizati accidentaliter tantum. 225. 5. si præcedit tempore vegetativam & sensitivam, illud est brevissimum. 240. 3. non est in subiecto simul cum forma seminis. 150. 3. quid sit ipsam fieri ex traduce 226. 1. efficit sibi membra. 55. 6. & 278. 21. in primo conceptionis momento est in corpore. 58. 1. eandem non esse in fœtu, non probatur argumento vermiculorum in lacte. 291. 5. in teneriori materia magis resistit contrariis, & diutius conservatur. 272. 12.

Animas tres esse in corpore distinctas, rejicitur 11. 2. neque duas 270. 4. sibi ipsis in embrione succedere. 11. 3.

Anima matris non est in fœtu. 276. 18.

Animæ viales insententia

S. Thomæ corrumpuntur quâ citissime. 135. 1. & etiam insententia Aristotelis. 136. 3.

Anima rationalis non educitur de potentia materiæ, sed ex nihilo creatur. 21. 5. in ipso corpore. ibi. 6. & ante ipsum non existit. ibi.

Animæ Sanctorum, si non indigent purgatione, statim Deum vident. 138. 4.

Anima B. Virginis creata die octava Decembris. 158. 5.

Animalcula quædam brevissimum intra tempus nascuntur. 244. 4.

Animationis tempus iuxta aliquas sententias rejicitur ex Bulla Alexandrina. 196. 5.

Animationis tempus & modus. 227. 4. per regulam trium non probatur. 229. 2. & 3. masculi & foeminae quoad tempus non differunt. 231. 4. tempus animationis non est à iure determinatum 118. 3.

Animatum esse fœtum primis diebus sentit Aristoteles. 276. 18.

Aqua quam solum per revelationem scio esse naturalem esset materia sufficiens baptismi. 265. 1.

Aristoteles nunquam dixit masculum ante diem 40. foeminam

R E R V M.

foeminam ante diem 80. non esse animatos 201.1. explicatur lib. 2. de generat. anim. c. 3. 22. 10. & 11.

Argumentum theologicū, 140.1. in eo sufficit quod una præmissarum sit evidens evidētia probabili. 153. 12. & ita probatur nova prothesis. 151.5. & 141.2.

Argumento validissimo probatur immaculata Deiparæ Virginis Conceptio. 156.1. Auctor *Quæstion. veter. & nou. testam.* non est B. August. sed quidam Hæreticus. 35. 12.

S. Augustinus putabat animam fieri ex traduce, & rogabat D. Hieronymum, ut eius doceret originem. 72. 8. fatetur ignotum esse tempus, quo primum est in corpore. 70. 2. non est eius, liber *de spir. & ani.* 74. 11. dubitat, an in foetu informi sit anima. 93. 5.

B

Baptismus non est differe. dus ad mēsem, ut aliqui sentiunt, S. Thom. male interpretantes 11.3. & 241.1.

Baptismus potest conferri in aqua stillatitia, iure, ceruisia, herbarum succo, & lixi-

vio. 165. 3.5. conferri potest etiam à non baptizatis. 256. 3.

Baptismus conditionalis datur. 125. 2. collatus à quibusdam hæreticis, iterandus. 138.2.

Baptizandi sunt abortivi, 80. 1. ad hoc tenemur etiam cum periculo vitæ. ibid. 2. 3. & 4. etiam si existant in utero matris. 253. 2. quando in membris apparet motus, absolute sunt baptizandi. 5.1.

Baptizandos esse parvulos recentes ab utero matris, est de fide 151.5 & necessarium. 2. 1.

Baptizare abortivum, mox ab utero eiectum, non est indecens. 144.5. imo est obligatio charitas. ibid.

S. Basilius cum Balsamone asserit foetum informem vere. 69. 1.

Bersabeæ historia fuse declaratur. 279.23.

C

Caietani sentētia de baptismo filiorum in utero morientium expungitur. 86. 4.

Calor naturalis uteri citissime operatur. 277. 12.

Qq

non

INDEX

non est elementaris, sed cælestis ibid. eius actio dicitur fortis. ibid.

Consuetudo non est in Ecclesia ad differendum baptismi usque ad quadragesimam vel octuagesimam diem. 117. 1. neque talis consuetudo est possibilis. 122. 4.

Cardinali doctissimo contradicenti, sacrisfit. 291. 22.

Causam efficientem corpus nostrum, esse solum Deum. 12. 3.

Christus quomodo pro abortivis mortuus sit, & pro illis baptismum instituerit. 300. 13.

Communio sub utraque specie laicis interdicta. 138. 6.

Conceptio hominis quomodo fiat 8 14. ad instar purificationis. ibid. medica quid sit, & quomodo incipiat 227. 4.

Conceptionem Deiparæ sex horarum spatio factam miraculose. 218. 1. rejicitur. ibid. 4. eius festum antiquius festo Nativitatis. 213. 2. immaculatam esse probatur argumento validissimo. 156. 1. naturalem esse, & supernaturalem, 166. 6. 7.

Conclusio est Theologica,

quod foetus abortivi baptizentur sub conditione. 151. 4.

Concilia, SS. Pontifices statuunt parvulos periclitantes statim baptizari 87. 1. 2. & quare de abortivis nihil dixerint. 94. 8.

Conditionale Baptisma usitatur in Ecclesia. 125. 2.

Confessio, & absolutio per epistolam inrerdicta. 139. 7.

Corpus Christi in instanti organizatum, animatum, & unicum Verbo. 26. 14. & 163. 2. non propterea debuit Christus nasci octavo mense 26. 14. & 15. eiusdem corporis parvitas. 18. 16.

Conditionalis propositio si foetus vivat [continetur sub illa evangelij propositione baptizandæ sunt omnes gentes] 15 2. 7. 9.

Conditionalis baptismi collatio ordinatur ab Ecclesia in Rituali. 150. 7. 8.

Consistentiæ humanæ æ. cas. 229. 2.

Consuetudo non baptizandi Abortivos nullas, & 17. 4. abusus, & corruptela. 16. 7.

Corculum. V. punctum saliens.

Corporis humani causa efficiens

R E R V M.

efficiens, V. causam.

Corpusculum abortivi foetus dierum 80. est apud Authorem 229.2.

Corpus organicum salvatur ex sola accidentali organizatione. 2. 1. 5. 5.

D. Crespius admittit humanum foetum non esse animatum ante diem 40.

D

Deus vult omnes homines salvos fieri voluntate antecedente. 93. 6. quæ non mutat cursum naturalem rerum. ibid. noluit a nimationis humanæ tempus definire. 92.4. & 300.13.

Diæcesis Lucanæ vsus alicubi baptizandi abortivos. 261.16.

Dubium, & opinio plusquam probabilis est, quod tempus animationis sit incertum. 78.7.

Dubio posito, pars tutior est eligenda. 236.6.7. matrimonium valet ibid. 8. filius Patris infidelis est baptizandus. ibid. 10. ægrotus ungen-
dus oleo sancto. ibid. 11. an infans monstrosus sit homo, est baptizandus. ibid. 12.

Dubitans speculative an hostia sit consecrata, illum tenetur adorare. 295.1. & an sit baptizatus non tenetur rebaptizari.

E

Ecclēsia non fuit negligens in præscribendo Baptismo Abortivorum. 92. 2. in festis colendis exactissima. 206.13. innovavit in casibus necessitatis. 262. 1. non est sententia sed fingitur, quod non baptizet masculum ante diem quadagesimam, & foeminam ante octogesimam: 117. 1. innovat in casibus, vel magnæ utilitatis, vel necessitatis. 137.1.

Embryonem vivere ante animam rationalem. 16. 12. sed reiicitur. 283.28. & vivere anima matris. 11. 1. & pariter rejicitur. ibid.

Episcopus Crespius, aiebat foetum foeminæ non animari ante diem 80. 156. 2. sed postea mutavit sententiam. 199.5.

Evidentia probabilis. 153. 12,

INDEX

F

Festum Conceptionis B. Virginis semper celebratum die octava Decembris. 159. 7. transferre aliqui voluerunt in finem Februarij. 198. 1. in tali festo Ecclesia colit instans immaculatæ Conceptionis 202. 3.

Festum resurrectionis Domini tanquam mysterium; Nativitatis vero tanquam nudum factum celebrat Ecclesia. 203. 6. nomina significantia hodiernam diem aliquando representative aliquando simpliciter accipiuntur. *ibid.* 8. 9. 10.

Fætus animari, & inanimari distinctio legalis est: non autem tempus. 117. 2. in dubio præsumitur masculus. ibid. 4.

Fætus septem dierum iuxta stylum S. Romanæ Ecclesiæ est baptizandus. 128. 8.

Fætum humanum animari statim ac in utero receptum est semen putant aliqui. 58. 1. & 61. 4. alij tertia die 58. 2. & 53. 5. alij spatio septem horarum 61. 2. & 48. 6. alij sexta die 51. 2. alij decima. 47. 4. alij decima septima. ibid. 2. alij vigesima quinta *ibid.* 1. solus

Deus novit. 65. 4.

Fætus humanus initio æqualis est grano hordeaceo, vel phaseolo minori. 5. 2. & quomodo intelligi debeat. 274. 15. est primo mense imperceptibilis. 32. 4. quam parvus in principio. 9. 17. ante septimum vivit vitam dubiam 184. vivit prima die. 193. 1. & de vita primorū dierum est communis fidelium sensus. 216. 9. in dubio non obstante regula, est baptizandus 234. 1. quod vivat à principio anima tantum sensitiva & deinde rationali, ab ea distincta est *error.* 270. 4. si ad ipsum dum existit in vtero matris posset pervenire actio ministri posset baptizari. 253. 2. 3.

G

Gallina sine gallo parit Goya sicut mulier sine viro contra Galenum. 131. 4. 5.

Generativa actio non est uniformis. 232 5. 7.

Gigantes essent omnes homines, si valeret argumentum ex regula trium deductum. 229. 2.

Gestatio Verbi incarnati in utero B. Virginis fuit naturalis, quoad tempus. 163. 2. &

R E R V M.

& ratione probatur.165.5.

Gratia sanctificans inhæret animæ 138.5.

S.Gregorius M.abortivum recens conceptum , etiam ipsa die prima mandat baptizari. 113.3.

Guarinionij observationes circa punctum saliens conveniunt cum observationibus Harvæi.285 1.13.

H

Homo est animal oviparum. 7.11.

Hippocrates docet novem menses,& decem dies esse tēpus naturale gestandi uterum. 170.3. quando requirit menses decem , non potest intelligi de completis. 172.8. supponit ante diem septimam vivere foetum vitam dubiam.184.

P. Honoratus Fabri una cum Authore , sed primus, Gulielmum Harvæum reprehendit.249.3.

I

Incarnatio Divini Verbi quomodo fuerit superna. naturalis.163.1. & quomodo naturalis. ibid.

Infirmus ad mortem , si antea Confessionem postulavit , absolute debet absolvi. 164.3.

Innovandum nihil esse in Ecclesia. 256.1.

Instinctus Divinus certus, non est extra Ecclesiam.221.9.

Instant morale Conceptionis Deiparæ comprehendit duo instantia physica. 156.2. sed iam per Constitutionem Alexandrinam hoc reprobatur. 159.6.

Intentio dupliciter conditionata in baptizandis abortivis. 5.3.

S. Ioan. Baptista conceptione probat humanum foetum primis diebus esse animatum. 59.6.

Joannes Gallego negat animam rationalem primis diebus esse in foetu. 20.2. sed rejicitur. ibid.3. asserit foetum esse vivum ante trigessimam diem. 3.112.

Irregularitatis poena quando incurratur à causante abortum. 34.10.

Jura civilia nunquam puniunt poena mortis delictum abortus. 41.7.

INDEX.

I.

LAc recens emunctum, esse
vermicillorum conge-
riem, quomodo possit veri-
ficari. 292.1.2.3.

*Liber de Eccles. dogmati.
non est D. Augustini sed Gen-
nadij Episcopi Masilien. 72.
7. neque alius liber de Spirit.
anim. 74.1.1.*

Lussardi Hæretici dicunt
in unione animæ cum cor-
pore infundi gratiam spiri-
tus sancti. 2.4.

M

MAgi Pharaonis verasra-
nas fecerunt. 244.5.

B. Marie Uirginis Conce-
prio, tum naturalis, tum super
naturalis fuit. 166. 6. 7. ex ea
probatum humanum fœtum
animari primis diebus. 58. 3.
& 19. 3. 1.

Martianus erravit in calcu-
lo dierum quibus Christus
fuit in utero B. Uirginis. 171.
2.

Matrimonium in dubio, va-
let. 236. 8.

Mensem decimum quan-
do exigit Hippocrates, non
potest intelligi de mense cõ-
pleto. 172. 8. & seqq. nisi ex-
plicetur de mensibus Luna-
ribus.

Matris prægnantis & ad
mortem damnatæ, licet acce-
lerare mortem. 9. 5. 10.

Medici docent statim ani-
mam rationalem esse in fœtu
71. 5.

Membra in humano cor-
pore efficiuntur ab anima.
278. 21.

Membrana circa fœtum
statim producitur, sicut cru-
sta in pane, qui coquitur in
clibano. 186. 4. 5. 6. 7.

Miraculo facta habent om-
nem naturalem perfectio-
nem. 164. 4.

Mola quid sit. 9. 16. 29. 2. 3.
est figura irregularis. 130. 3.
6. distinguitur ab. Ovo 133. 10.

Monstrum sub conditione
est baptizandum. 127. & 139. 8.

Mola non est figura ovalis.
132. 6. est coloris varii. ibid.
7. discernitur à fœtu, & quo-
modo ibid. 8. 10. & 11.

Mors filij Dei tanquam
medium ad finem nostræ sa-
lutis fuit ordinatum. 144. 1.

Moribundus aliquando si-
ne conditione; & aliquan-
do cum conditione est absol-
uendus. 81. 5. 6.

Mors causatur à retentione
nimia respirationis. 288. 12.

Motus nullus in animali fit
à pulmone. 28. 5. 1. 2. 3. 4. & c.

Mulieres

R E R V M.

Mulieres aliquæ in Lucana diœcesi convenerunt baptizare [aborrivos.261.16.](#)

Mulier, non secus ac Galilina, parit ova subventanea. [131.5.](#)

Musca ephemera spatio unius horæ [nascitur.245.9.](#)

N

Naturalis fuit quoad tēpus, gestatio incarnati Verbi in utero B. Virginis [163.2.](#)

Nativitatis Marianæ festum non fuit in Ecclesia antiquius, festo eiusdem Conceptionis. [13.2.](#) quando cæperit. [241.5.](#)

Negativum dubium quodnam sit [83.8.](#) & quando cum tali dubio ministranda sint sacramenta. [ibid.](#)

Novitatem Ecclesia non semper & in omnibus abhorruit. [258.8.](#)

O

Obstetrices regulariter non solent baptizare ante trigessimam [diem.34.9.](#)

Opinio probabilis quid sit [78.7.illi adhærens](#) quæ dicit primis diebus fœtum non

esse animatum adhuc tenetur baptizare [83.8.& 246.](#) quod vero etiam tūc anima sit in fœtu tanquam tutior in praxi sequenda [278.22.](#)

Organizatio duplex. 6. 7. non gratis excogitata. [227.4.](#) ad constituendum corpus [organicum.225.6.](#)

Ovum humanæ conceptionis quomodo formetur. [8.12.in](#) quo differat à mola [132.8.10.11.ovum](#) humanæ Conceptionis [quale.129.1.](#)

Ovorum incubatorū experientia ad probandam existentiam animæ in fœtu. [276.18.](#)

Ovo columbino, si in magnitudine adæquetur fœtus primis diebus baptizandum esse asserunt Theologi Pragenses, & explicantur. [274.15.](#)

Ova genitiva per calorem extrinsecum pullos gignunt, & [excludunt.276.18.](#)

P

Parentum lacrymæ non satis sunt, ut salventur filij moriētes in [utero.86.4.](#)

Parochus ex iustitia tenetur baptizare fœtum dubium, quod uivat. [235.5.](#) docere debet modum baptizandi, & discernendi mola

INDEX.

las à fœtibus. 133. 11.

Parvulos recentes ab utero matris esse baptizandos, est de fide. 151. 5. si sint in necessitate, etiam cum vitæ periculo illius qui ministrat baptismum. 80. 2. 3. eos salvare ex diligentia maiorum Deus voluit. 96. 1. 12 & 13. circumcidebantur olim etiã ante octavum diem. ibid. 13. 14. imo, & ante legem Circumcisionis aderat pro illis remedium contra peccatum. 98. 15. etiam pro fœminis. ibid.

Philosophus non debet esse aut Medicus minister necessarius baptismi. 6. 5.

Placenta quid sit. 8. 12.

Pius V. non minuit, sed auxit festum Conceptionis, dũ præcepit recitari idem officium, quod in festo Nativitatis. 207. 15.

SS. Pontifices in celebratione festorum mobilium cavent, ut nō dicatur hodie nadies, nisi quæ vere talis est. 206. 13.

Plastica virtus operatur uniformiter difformiter. 232. 2.

Pragēses Theologi negant baptismũ fœtui primus diebus edito. 269. 1. concedunt

si ovi columbini magnitudinem attingat. ibid. 2. & tunc sub secundinis baptizari posse concedunt. 271. 6. sed refutantur. 272. 9. & 10.

Praxis non baptizandi abortivos, non est universalis. 261. 18.

Probabilis opinio quænam sit. 78. 7.

Procurantis abortum fœtus animati pœna. 39. 2.

Prohibitæ sunt aliquæ sententiæ quæ prius putabantur probabiles. 193. 2. 3.

Prophetæ, & sancti non semper Dei spiritu loquuntur. 218. 2.

Propositio est evidenter probabilis quod fœtus humanus primis diebus vivat. 154. 14.

Propositio, quæ est probabilis potest esse prohibita. 193. 2.

Propositio quod abortivi sunt baptizandi, neque est contra fidem, neque contra Ecclesiæ consuetudinem. 257. 4. quæ est probabilis, nisi evidenter reprobetur semper est probabilis. 273. 13.

Propositio de Baptizandis abortivis, est probabilior, aliis probabilibus. 141. 2. & probatur argumēto Theologico.

R E R V M

gico. ibid. 3.

Pulli formatio ex ovo, similis humanæ conceptioni. 8. 14. pullus in ovo totus apparet secunda fere die 288. 13. gallinaceus die decima octava in æstate, die vero vigesima in hyeme excludi-
23 2. 5.

Pulmo non movet, sed movetur 285. 3. in fœtu est rubri coloris. 286. 8. in utero existentis non movetur. 287. 11.

Pulsus, & respiratio in animali sunt operationes distinctæ. ibid.

Punctum saliens, seu corculum apparet in ovo initio quartæ diei. 8. 14. movetur motu systoles, & diastoles. ibid. aliquando apparet vivum secunda die incubationis. 288. 13. est animatum, & pusillum animal. 272. 8. in eo quiescunt aliquando operationes, impeditæ à contrariis; sed beneficio caloris extrinseci reviviscunt. ib. 90. 10 exiguum est adeo, ut fugiat aspectum. ibid. avulsus, & venis spoliatus vivit ad horam & amplius. ibid. 11. asseritur ab Aristot. 285. 3. 6. exhausto sanguine à venis, adhuc vivit. 289. 16. etiam à corpore pulli avulsus. ibid. 17. eo diutius vivit, quo animal recentius est. ibid. 18. ita

avulsus vivit ad horam. ibid. 19. quo animal est adultius, minus vivit. 290. 20. huius rei ratio. ibid. & vivere ipsum constat ibid. 22. in eo pulsatio non potest esse ab anima matris, sed ab eius propria. 289. 16.

Ranas, quæ æstate videtur gigni ex pulvere perpluto, non in solo sed in aëre generari putant aliqui. 243. 1. 2. ex putri generantur in terra. ibid. 5. 6. aliquando etiam in aëre. 246. 10.

Rationes, quæ efficacius probant, animam primis diebus non esse in fœtu, expenduntur, & minus relinquunt re dubiam. 275. 17. 18. Regula trium, non valet ad probandam fœtus humani primam animationem. 229. 2. & seqq. fundatur in habitudine invariabili numeri ad numerum. 232. 6.

Regula possedendi explicatur. 234. 2. illam habere locum solum in materia iustitiæ dicunt aliqui; alij in omni materia. 23 5. 3. 4. pendet à iure positiuo in ratione tamen fundata, 236. 6. cessat, quando agitur de animarum salute. ibid. 7.

Regula discernendi fœtum à mola, 132. 8. 10. 11.

Remedia contra originale
R r peccatum

INDEX

peccatum olim non erant in præcepto sed pietati Parētum à Deo cōmittebantur. 68.15.

Resolutio vsque ad materiam primam in generatione hominis videtur superflua.16.

12.

Respiratio distinguitur à pulsu. 287.11. potest retineri ad tempus 288.1 2. diu retenta necat per suffocationem ibid. vt patet exemplo cucurbitularum. 29 1.22.

Reuelationes B. Amaei in multis Bibliothecis extant manuscriptæ. 22 2.10.

Riolanus de omni foetu est intelligendus, cum dixit grani hordeacei magnitudinem foetum humanum, à principio non excedere 274.15.

S.

Sacra scriptura, quare de Abortiuorum salute distinctè non loquatur.300.13.

Sacramenta solent in Ecclesiâ administrari, ex quacumque honesta causa, 126.4. etiam ex sententia probabili & minus tuta.84.11.

Sacri viri non semper Dei spiritum in se loquentem agnouerunt. 218.2.

Secundinæ, foetum humanū inuoluentes, probabile est, quod non impediunt validitatem baptismi. 5.4.

Seminis forma non est in sub-

iecto simul cum anima rationali. 150.3.

Sententia probabilis quarum lit.78.7. aliquæ sententiæ olim probabiles, nunc prohibita. 193.2.3. & 263.4.

Septem dierum esse hominis vitæ, explicatur, 174.12. & 178 Septimestris partus est, qui sex menses exactos habet. 18. Signa tēporis quo mulier cōcepit. 191.12. Sputo suo quidam ranam gignebat. 245.9.

Stylus baptizandi. 124.1. Sanctæ Romanæ Ecclesiæ, quinam sit. 127.7.

Subiectum dubium posse baptizari videtur satis inferri, ex eo quod possit in materia dubia baptizari. 266.5.

Substantialis organizatio, quæ lit.7.9.

T

Tempus, quo Christus fuit in vtero Matris, fuit 276. dierum.164.3. quo verò eius sanctissima Mater fuit in vtero S. Annæ dierum 275. ad minus.167.10.

Tempus, quo humanus factus animatur, esse incertum sacræ litteræ ostendunt.63.1 & seqq. & omnia tempora à die concubitus, vsque ad diem quadragesimam, vel trigessimam sunt incerta. 75.1.

Tempus gestationis vteri iuxta Hippocratem, est no- uem mensium, & dierū.170.3.

noq

R E R V M.

non autem decem mensium complerè. ibid. 4. & seqq. à conceptione medica est in-
choandum. 190. 11. & 13. quod
vero sit tempus conceptionis
demonstrant signa quedam.
191. 13.

Tempus formationis foetus
120. 1.

Tempus puniendi causan-
tem abortum, & tempus bap-
tizandi illum, debet esse di-
uersum. 117. 5.

Tempus quadraginta vel
octoginta dierum, non est
tempus animationis, sed per-
fecti motus, vel formationis.
201. 1. sed ex communi fide-
lium sensu, est vel prima vel
secunda vel ad summum ter-
tia dies. 2 15. 8. 9. animationis
maris, & foeminae tempora
non differunt. 23 1. 4.

Theologica est conclusio,
quod foetus abortiui baptizetur
sub conditione. 151. 4.

S. Thomas male intellectus
à quibusdam 12. 4. 5. & 6. non
determinat tempus animatio-
nis. 83. 8. sentire esse breuissi-
mum. 2 39. 2. & animas viales
statim corrumpi. 136. 2.

Traduci animam, siue fieri
ex traduce quid sit. 2 26. 5. er-
ror damnatus. 72. 8. tempore
S. Augustini non erat error

damnatus, & ideo ipse dubita-
bat de veritate. ibid.

Tutior pars est sequenda,
quando adest animae pericu-
lum. 295. 2.

VEnae uteri, foetum matri
coniungunt. 286. 6.

Vermiculi quidam citissime
generantur. 243. 4. non sunt
in lacte, nisi forte ab animali
febricitante emuncto. 293. 3.
ut sunt in sanguine. ibid.

Vita in actu secundo ma-
gis proprie vita 22. 11. homi-
nis in utero matris septem
dierum explicatur 174. 12. &
178. abstinentis ab omni ali-
mento non durat regulariter
ultra septem dies. 180.

Voluntas Dei de salute
omnium est antecessor iux-
ta communem SS. Patrum.
298. 4. non est sola simplex
complacentia de obiecto
possibili. 299. sed intentio,
de salute omnium futura,
ibid. 6. & de mediis ut se te-
nent ex parte Dei. ibid. 9. finis
& mediorum in Deo est eadè
ibid. 7. non est composibilis
cum revelatione de tempo-
re quo foetus animatur. 300.
11. quomodo sit efficax &
absoluta. ibi. 15.

Voluntates duae in Chri-
sto. 138. 3.



HUMANISSIME LECTOR, QVE TYPO,
graphum latuerunt, condona; quæ ille deprehendit
notiora, tu ipse.

Errata in censuris ita corrige.

* Pag. 4. lin. 4. tota hac, lege tota prima. ** p. 6. l. 28. caullaudarunt, l. cõ-
laudarunt. *** p. 5. l. 33. analongiam, l. analogiam. *** p. 6. l. 17. Philo-
marum, l. Philomatum. *** p. 2. l. 16. Presbitero, l. Padre. †† p. 3. l. 34.
quantitate obseruetur, l. quantitate non obseruetur. †† p. 4. l. 2. perectam-
que, l. perfectamque. ††† p. 2. l. vlt. martialis, l. martiali.

Errata in disputationibus ita corrige.

Pag. 12. lin. 17. Immegatur, l. immergatur. p. 23. l. 32. c. vers. 2. vers. sed. licet,
l. c. 2. vers. sed. licet. p. 23. l. 11. P. Bambianus, l. P. Barbianus. p. 24. l. 20. im-
potentia operationem, l. impotentia ad operationem. p. 30. l. 29. esse hu-
manum, l. esse vt humanum. p. 32. l. 26. leuius lenius, l. Leuius Lemnius.
p. 36. l. 33. licet adhuc, l. licet non sit adhuc. p. 40. l. 12. habeatur tali, l. ha-
beatur pro tali. p. 41. l. 21. versellus, l. vercellis. p. 42. l. 21. fetus significat,
fetus vivificatus significat. p. 52. l. 9. perferetam, l. pericetam. p. 54. l. 1. vi-
tim. l. vltim. p. 54. l. 13. nucia, l. nunciavit. p. 55. l. 32. conformetur, l. con-
formatur. p. 57. l. vlt. farfinac, l. farinac. p. 59. l. 25. videre, l. vt videre. p. 60.
l. 6. non ex, l. nõ est ex. p. 64. l. 5. iumentorum, l. iumentorum. p. 68. l. 14. Eilios, l.
filios. p. 70. l. 3. Augustini, l. Augustinus. p. 79. l. 33. iure, sed ex facto, l. ex
iure, sed ex facto. p. 93. l. 22. disp. 3. sect. 19. l. disp. 4. sect. 18. p. 95. l. 33. sub
cõditionet, l. sub cõditione. p. 95. l. 34. sun, l. sunt. p. 100. l. 2. patuo, l. paruo
p. 108. l. 13. vide d. 4. l. 7. dele. p. 110. l. 1. tit. l. tom. p. 113. l. 13. 23. l. 13.
p. 117. l. 21. quadrasimum, l. quadragesimum. p. 119. l. vlt. Theologis, l.
Theologis. p. 145. l. 2. pestringam, l. perstringam. p. 150. l. 28. prænnotavi, l.
prænnotavi. p. 158. l. 26. illam, l. illud. p. 162. l. 13. incarnali, l. incarnati.
p. 163. l. 11. art. 40. l. art. 4. p. 165. l. 21. pœnalites, l. pœnalitates. p. 66. l. 26.
inter, l. iter. p. 167. l. 10. oppera, l. opera. p. 170. l. 4. hor. 1. 11. m. 10. l. hor.
5. 11. 10. p. 176. in margine 61. l. 16. p. 177. l. 13. in 6. num. l. in 6. Nu-
meror. p. 178. l. 31. qnod, l. quid. p. 187. l. 28. tunc, l. si tunc. p. 198. acci-
piebat, l. incipiebat. p. 201. l. 17. martialis, l. mercurialis. p. 230. l. 30. ex-
citata, l. exsiccata. p. 242. l. vlt. gerentur, l. generentur. p. 254. l. 13. spiculli
l. specilli. p. 259. l. 1. emendant, l. emendantur. p. 259. l. 2. sufficeret, dele.
pag. 271. l. 29. membrani, l. membranis. pag. 273. lin. 16 innitur, l. in-
nititur.



